

以彗星見求言。張浚上疏言：今事勢如養大疽於頤目心腹之間，不決不止，願謀為豫備，不然異時以國與敵者，反歸罪正義。檜久憾浚，至是大怒，即落浚節鉞，貶連州。尋移永州。十七年，改封檢益國公。五月，移貶洪皓于英州。八月，趙鼎死于吉陽軍。是夏先有趙鼎遺赦，不檢舉之旨。又令月申存亡，鼎知之，不食而卒。自鼎之謫，門人故吏皆被羅織，雖聞其死而數息者，亦加以罪。又竄呂頤浩于撫州，十二月，進士施鏗上中興頌，行都賦，及紹興雅十篇，永免文解。自此頌詠諛諛愈多，賜百官喜雪御筵于檜第。十八年，煇除知樞密院事。檜問胡寅曰：外議如何？寅曰：以為公相必觀蔡京之迹。五月，李顯忠上恢復策，落軍職與祠。六月，迪功郎王廷珪編管辰州，以作詩送胡銓也。閏八月，福州言：民采竹實萬斛以濟饑。十一月，胡銓自新州移貶吉陽軍，以作頌諛也。十九年，帝命繪檜像自為贊，是歲湖廣江西建康府，皆言甘露降，諸郡奏獄空，帝嘗語檜曰：自今有奏獄者，當令監司驗實，果妄誕即按治，仍命御史臺察之，苟不懲戒，則奏甘露瑞芝類，崇虛飾誕，無所不至。帝雖眷檜而不可蔽欺也如此。十二月，禁私作野史，許人告。二十年正月，檜趨朝殿，司小校施全刺檜不中，磔于市。自是每出，列五十兵持長槩以自衛。是月，曹泳告李光，子孟堅省記光所作私史，獄成，光竄已久，詔永不檢舉。孟堅編置峽州，朝士連坐者八人，皆落職貶秩。胡寅竄新州，泳由是驟用。五月，秘書少監湯思退奏以檜存趙氏本末付史館。六月，煇加少保，鄧璋告其鄉人福建安撫司機宜吳元美作夏二子傳，指蚊蠅也。家有潛光亭，商隱堂，以亭號潛光，有心於黨李，堂名商隱，無意於事，奏故檜尤惡之。編管右迪功郎安誠，布衣汪大圭，斬有陸人患，後進義副尉劉允中，黥徑山僧清言，皆以訕謗也。時檜疾愈，朝參許肩輿，二孫扶掖仍免拜。二十一年，朝散郎王揚英上書薦煇為相，檜奏揚英知秦州。二十二年，又與王庶二子之奇，之荀，葉三省，揚煇，索敏求四大獄，皆坐謗訕。煇又以嘗登李光蕭振之門，言時事也。於是光永不檢舉，振貶池州。二十三年，檜請下台州，於謝偃家取葦密禮所，受御筆鐵進檜初罷相，上有責檜語，欲泯其迹，是歲進士黃友龍坐謗訕，配嶺南。內侍裴詠坐指斥編管瓊州。二十四年二月，王炬以弟煇舊累死賓州。

炬編管邕州，何兌訟其師馬伸發端上金人書乞存趙氏，為分檜功。兌編管英州三月，檜孫敷文閣待制填試進士，舉省殿試，皆為第一。檜從子煇，煇姻黨周夤，沈與傑，皆登上第。士論為之不平。考官則魏師遜湯思退，鄭仲熊，沈虛中，董德元也。師遜等初知貢舉，即語人曰：吾曹可以富貴矣。及廷試，檜又奏思退為編排，師遜為詳定，填與第二人曹冠策皆攻專門之學。張孝祥策則主一德元老，且及存趙事。帝讀填策，皆檜嬉語。於是權孝祥為第一，降填第三。未幾，填修撰實錄院，宰相子孫同領史職，前所無也。六月，以王循友前知建康，嘗罪檜族黨，循友安置藤州。八月，王趨為李光求內徙，趨編管辰州。鄭杞買子展以會中有嘲謔諱和之語，杞竄容州。子展竄德慶府，方疇以與胡銓通書，編置永州。十二月，魏安行洪興祖，以廣傳程瑀論語解，安行編置欽州。與祖編置昭州。又竄程緯，以其慢上無禮也。帝嘗諭檜曰：近輪對者多謁告避免，百官輪對，正欲聞所未聞，可令檢舉約束。檜擅政以來，屏塞人言，蔽上耳目，凡一時獻言者，非誦檜功德，則訐人語言，以中傷善類。欲有言者，恐觸忌諱，畏言國事，僅論銷金鋪翠，乞禁鹿胎冠子之類，以塞責而已。故帝及之，蓋亦防檜之獲蔽也。衢州嘗有盜起，檜遣殿前司將官辛立將千人捕之，不以聞。晉安郡王因入侍言之，帝大驚，問檜曰：不足上煩聖慮，故不敢聞盜乎？即奏矣。退而求其故，知晉安言之，遂奏晉安居秀王喪，不當給俸，月損二百緡。帝為出內帑給之。二十五年二月，以沈長卿舊與李光啓讎和議，又與茵輝共賦牡丹詩，有寧令漢社稷變作莽乾坤之句，為隣人所告，長卿編置化州。燁武岡軍，靜江有驛名秦城，知府呂愿中率賓僚共賦秦城，王氣詩以媚檜。不賦者劉芮，李燁，羅博文三人而已。愿中由此得召，又張扶讀檜乘金根車，又有乞置益國官屬及議九錫者。檜聞之，安然。十月，申禁專門之學，以太廟靈芝繪為華旗。凡郡國所奏瑞木嘉禾瑞瓜雙蓮悉繪之。趙令衿觀檜家廟記，口誦君子之澤五世而斬，為汪召錫所告。徐史，徐嘉又論趙鼎子汾與令衿飲別厚，必有姦謀，詔送大理。拘令衿南外宗正司，檜於一德格天閣書趙鼎李光胡銓姓名，必欲殺之而後已。鼎已死而憾之不置，遂欲擊戮汾。檜忌張浚尤甚，故令衿之獄，張宗元之罷，皆波及浚。浚在丞

州檜又使其死黨張柄知潭州。與郡丞汪召錫共伺察之。至是使汾自誣與俊及李光胡寅謀大逆。凡一時賢士五十三人皆與焉。獄成而檜病不能書。是月乙未。帝幸檜第。問疾。檜無一語。惟流涕而已。煇奏請代居相位者。帝曰。此事卿不當與。帝遂命直學士院沈虛中草檜父子致仕制。煇猶遣其子塤與林一飛。鄭栻。夜見臺諫徐嘉張扶。謀奏請己爲相。丙申。詔檜加封建康郡王。煇進少師。皆致仕。塤堪並提舉江州太平興國宮。是夜檜卒。年六十六。後贈申王。謚忠獻。檜兩據相位。凡十九年。劫制君父。包藏禍心。倡和誤國。忘讎教倫。一時忠臣良將。誅鋤略盡。其頑鈍無恥者。率爲檜用。爭以誣陷善類爲功。其矯誣也無罪可狀。不過曰謗訕。曰指斥。曰怨望。曰立黨沽名。甚則曰有無君心。凡論人章疏。皆檜自操。以授言者。識之者曰。此老秦筆也。察事之卒。布滿京城。小涉譏議。卽捕治。中以深文。又陰結內侍及醫師王繼先。伺上動靜。郡國事惟申省。無一至上前者。檜死。帝方與人言之。檜立久任之說。士淹滯失職。有十年不解者。附己者立與擢用。自其獨相至死之日。易執政二十八人。皆世無一譽。柔佞易制者。如孫近。韓侂胄。樓炤。王次翁。范同。方俟高。程克俊。李文會。楊愿。李若谷。何若。段拂。汪勃。詹大方。余堯弼。巫伋。章夏。宋樸。史才。魏師遜。施鉅。鄭仲熊之徒。率拔之冗散。遽躋政地。既共政。則拱默而已。又多自言官聽檜彈擊。輒以政府報之。由中丞諫議而陞者。凡十有二人。然甫入卽出。或一閱月。或半年。卽罷去。惟王次翁。閱四年。以金人敗盟之初。持不易相之論。檜德之深也。閉門受賂。富敵於國。外國珍寶。死猶及門。人謂煇自檜秉政。無日不鍛酒具治。書畫特其細爾。檜陰險如崖。深阻竟叵測。同列論事上前。未嘗力辨。但以一二語傾擠之。李光嘗與檜爭論。言頗侵檜。檜不答。及光言畢。檜徐曰。李光無人臣禮。帝始怒之。凡陷忠良。率用此術。晚年殘忍尤甚。數興大獄。而又喜諛佞。不避形迹。然檜死。煇廢其黨。祖述餘說。力持和議。以竊據相位者尙數人。至孝宗始蕩滌無餘。開禧二年四月。追奪王爵。改謚諛醜。嘉定元年。史彌遠奏復王爵。贈謚。

宋史卷四百七十三

元中書右丞相總裁脫脫等修

列傳第二百三十三

森臣四

萬俟卨

韓侂胄

丁大全

賈似道

萬俟卨字元忠開封陽武縣人登政和二年上舍第調相州潁昌府教授歷太學錄樞密院編修官尚書比部員外郎紹興初盜曹成掠荆湖間萬時避亂沅湘帥臣程昌萬以便宜檄萬權沅州事成奄至城下萬召土豪集丁壯以守成食盡乃退除湖北轉運判官改提點湖北刑獄岳飛宣撫荆湖遇萬不以禮萬憾之萬入朝調湖南轉運判官陛辭希泰檜意譖飛于朝留為監察御史擢右正言時檜謀收諸將兵權萬力助之言諸大將起行伍知利不知義畏死不畏法高官大職子女玉帛已極其欲蓋示以逗遛之罰敗亡之誅不用命之戮使知所懼張俊歸自楚州與檜合謀擠飛令萬劾飛對將佐言山陽不可守命中丞何鑄治飛獄鑄明其無辜檜怒以萬代治遂誣飛與其子雲致書張憲令虛申警報以動朝廷及令憲措置使還飛軍獄不成又誣以淮西逗遛之事飛父子與憲俱死天下冤之大理卿薛仁輔寺丞李若樸何彥猷言飛無罪萬劾之知宗正寺士儂請以百口保飛萬又劾之士儂竄死建州劉洪道與飛有舊萬劾其足恭媚飛聞飛罷宣撫抵掌流涕於是洪道抵罪終身不復參政范同為檜所引或自奏事檜忌之萬劾罷再論同罪謫居筠州又為檜劾李光鼓倡孫近朋比二人皆被竄謫和議成萬請詔戶部會計用兵之時與通和之後所費各幾何若減於前日乞以羨財別貯御前激賞庫不許他用蓄積稍實可備緩急梓宮還以萬為攢宮按行使內侍省副都知宋唐副劄之萬請與唐卿同班上殿奏事其無恥如此張浚寓居長沙萬妄劾浚卜宅躡制至擬五鳳樓會吳秉信自長沙還朝奏浚宅不過眾人常產可辨浚乃得免除參知政事充金國報謝使使還檜假金人譽已數千言囑萬以聞萬難之他日奏事退檜坐殿廡中批上旨輒除所厚者官吏鈐紙尾進萬曰不聞聖語却不視檜大怒自是不

交一語言官李文會詹大方文章劾萬萬遂求去帝命出守檜愈怒給事中楊愿封還詞頭遂罷去尋謫居歸州遇赦量移沅州二十五年召還除參知政事尋拜尚書右僕射同中書門下平章事纂次太后回鑾事實上之張浚以萬與沈該居相位不厭天下望上書言其專欲受命於金萬見書大怒以為金人未有覺而浚所奏乃若禍在年歲間浚坐竄謫萬提舉刊修貢舉勅令格式五十卷看詳法意四百八十七卷書進授金紫光祿大夫致仕卒年七十五諡忠靖萬始附檜為言官所言多出檜意及登政府不能受鉗制遂忤檜去檜死帝親政將反檜所為首召萬還萬主和固位無異於檜士論益薄之

韓侂胄字節夫魏忠獻王琦曾孫也父誠娶高宗憲聖慈烈皇后女弟仕至寶寧軍承宣使侂胄以父任入官歷閣門祇候宣贊舍人帶御器械淳熙末以汝州防禦使知閣門事孝宗崩光宗以疾不能執喪中外洶洶趙汝愚議定策立皇子嘉王時憲聖太后居慈福宮而侂胄雅善慈福內侍張宗尹汝愚乃使侂胄介宗尹以其議密啓太后侂胄兩至宮門不獲命彷徨欲退遇重華宮提舉關禮問故入白憲聖言甚懇切憲聖可其議禮以告侂胄侂胄馳白汝愚曰已向夕汝愚亟命殿帥郭杲以所部兵夜分衛南北內翌日憲聖太后即喪次垂簾宰臣傳旨命嘉王即皇帝位寧宗既立侂胄欲推定策恩汝愚曰吾宗臣也汝外戚也何以言功惟爪牙之臣則當推賞乃加郭杲節鉞而侂胄但遷宜州觀察使兼樞密都承旨侂胄始缺望然以傳道詔旨浸見親幸時時乘間竊弄威福朱熹白汝愚當用厚賞酬其勞而疎遠之汝愚不以為意右正言黃度欲劾侂胄謀泄斥去朱熹奏其姦侂胄怒使優人峨冠闊袖象大儒戲於上前熹遂去彭龜年請留熹而逐侂胄未幾龜年與郡侂胄進保寧軍承宣使提舉佑神觀自是侂胄益用事而以抑賞故怒汝愚日深雪川劉攽者曩與侂胄同知閣門事頗以知書自負方議內禪時汝愚獨與侂胄計議攽弗得與聞內懷不平至是謂侂胄曰趙相欲專大功君豈惟不得節度將恐不免嶺海之行矣侂胄愕然因問計攽曰惟有用臺諫爾侂胄問若何而可攽曰御筆批出是也侂胄悟即以內批除所知劉德秀為監察御史楊大法為殿中侍御史罷吳玠

監察御史。而用劉三傑代之。於是言路皆侂冑之黨。汝愚之迹始危。侂冑欲逐汝愚而難其名。謀於京鏜。鏜曰。彼宗姓。誣以謀危社稷可也。慶元元年。侂冑引李沐為右正言。沐嘗有求於汝愚不獲。即奏汝愚以同姓居相位。將不利於社稷。汝愚罷相。始侂冑之見汝愚。徐誼實薦之。汝愚既斥。遂併逐誼。朱熹彭龜年黃度李祥楊簡呂祖儉等。以攻侂冑得罪。太學生楊宏中張徹徐範蔣傅林仲麟周端朝等。又以上書論侂冑編置朝士。以言侂冑遺責者數十人。已而侂冑拜保寧軍節度使。提舉佑神觀。又設偽學之目。以網括汝愚朱熹門下知名之士。用何澹胡紘為言官。澹言偽學宜加風厲。或指汝愚為偽學罪首。紘條奏汝愚有十不遜。且及徐誼。汝愚謫永州。誼謫南安軍。慮他日汝愚復用。密諭衛守錢整圖之。汝愚抵衡暴薨。留正舊在都堂。衆辱侂冑。至是劉德秀論正引用偽黨。正坐罷斥。吏部尚書葉翥要侍郎倪思列疏論偽學。思不從。侂冑乃擢翥執政。而免思官。侂冑加開府儀同三司。時臺諫迎合侂冑意。以攻偽學為言。然憚清議。不欲顯斥真偽。侂冑意未快。以陳賈嘗攻熹。召除賈兵部侍郎。未至。亟除沈繼祖臺察。繼祖誣熹十罪。落職罷祠。三年。劉三傑入對。言前日偽黨。今變而為逆黨。侂冑大喜。即日除三傑為右正言。而坐偽學逆黨得罪者五十有九人。王沈獻言。令省部籍記偽學姓名。姚愈請降詔嚴偽學之禁。二人皆得遷官。施康年陳謙鄧友龍林采。皆以攻偽學久居言路。而張釜張巖程松。率由此秉政。四年。侂冑拜少保。封豫國公。有蔡璉者嘗得罪。汝愚執而黜之。五年。侂冑使璉告汝愚定策時有異謀。具其賓客所言七十紙。侂冑欲逮彭龜年。曾三聘徐誼。沈有開。下大理鞠之。張仲藝力爭乃止。其年遷太保。封平原郡王。六年。進太傅。婺州布衣呂祖泰上書。言道學不可禁。請誅侂冑。以周必大為相。侂冑大怒。決杖流欽州。言者希侂冑意。劾必大首植偽黨。降為少保。一時等類。悉罹黨禍。雖本侂冑意。而謀實始京鏜。逮鏜死。侂冑亦稍厭前事。張孝伯以為不弛黨禁。後恐不免報復之禍。侂冑以為然。迨復汝愚。朱熹職名。留正周必大亦復秩。還政徐誼等。皆先後復官。偽黨之禁。浸解。三年。拜太師。監惠民局。夏。尤中上書。請侂冑平章國政。侂冑繆為辭謝。乞致其仕。詔不許。尤中放罷。時侂冑以勢利壘士大

夫之心。薛叔似辛棄疾。陳謙皆起廢。顯用。當時固有困於久斥。損晚節以規榮進者矣。若陳自強。則以侂冑童子師。自選人不數年。致位宰相。而蘇師旦周筠。又侂冑廝役也。亦皆預聞國政。超取顯仕。羣小阿附。勢焰熏灼。侂冑凡所欲為。宰執惕息。不敢為異。自強至印空名勅。劄授之。惟所欲用。三省不預知也。言路阨塞。每月舉論二三常事而已。謂之月課。或勸侂冑立蓋世功名。以自固者。於是恢復之議興。以殿前都指揮使吳曦為興州都統。識者多言曦不可。主西師。必叛。侂冑不省。安豐守厲仲方。言淮北流民願歸附會。辛棄疾入見。言敵國必亂。必亡。願屬元。老。大臣預為應變計。鄭挺鄧友龍等。又附和其言。開禧改元。進士毛自知廷對。言當乘機以定中原。侂冑大悅。詔中外諸將密為行軍之計。先是楊輔傳伯成言。兵不可動。抵罪。至是武學生華岳叩關。乞斬侂冑。蘇師旦周筠以謝天下。諫議大夫李大異亦論止開邊。岳下大理劾罪編置。大異斥去。陳自強援故事。乞命侂冑兼領平章。臺諫鄧友龍等繼以為請。侂冑除平章軍國事。蕭達李璧。時在太常。論定典禮。三日一朝。因至都堂。序班丞相之上。三省印並納其第。侂冑昵蘇師旦為腹心。除師旦安遠軍節度使。自置機速房於私第。甚者假作御筆。升黜將帥。事關機要。未嘗奏稟。人莫敢言。四年。以薛叔似為京湖宣諭使。鄧友龍為兩淮宣諭使。程松為四川宣撫使。吳曦副之。徐邦憲自處州召見。以弭兵為言。忤侂冑意。削二秩。於是左司諫易被。大理少卿陳景俊。太學博士錢廷玉。皆起而言恢復之計矣。詔侂冑曰。一朝友龍叔似並升宣撫使。吳曦兼陝西河東招撫使。皇甫斌副之。時鎮江武鋒軍統制陳孝廣復泗州。及虹縣。江州統制許進復新息縣。光州孫成復襄信縣。捷書聞。侂冑乃議降詔。趣諸將進兵。未幾。皇甫斌兵敗於唐州。秦世輔至城固軍潰。郭倅李汝翼敗於宿州。敵追圍倅。倅執制田俊邁以遺敵。乃獲免。事聞。鄧友龍罷。以丘密代為宣撫使。侂冑既喪師。始覺為師旦所誤。侂冑招李璧飲酒。酒酣語及師旦。璧微摘其過。侂冑以為然。璧乃悉數其罪。贊侂冑斥去之。翌日。師旦謫韶州。斬郭倅於京口。流李汝翼王大節李爽于嶺南。已而金人渡淮。攻廬和真揚。取安豐濠。又攻襄陽至棗陽。乃以丘密僉書樞密院事。督視江淮軍馬。侂冑輸家財二十萬。

以助軍。而論丘密募人持書幣赴敵營。謂用兵乃蘇師旦鄧友龍皇甫斌所爲。非朝廷意。金人答書辭甚倨。且多所要索。謂侂胄無意用兵。師旦等安得專。密又遣書許還河北流民。及今年歲幣。金人乃有許意。會招撫使郭倪與金人戰。敗於六合。金人攻蜀。吳曦叛。受金命稱蜀王。密乞移書敵營。伸前議。且謂金人指太師平章爲首謀。宜免擊銜。侂胄忿。密坐罷。曦反。狀聞。舉朝震駭。侂胄亟遣曦書。許以茅土之封。書未達。而安丙楊巨源已率義士誅曦矣。侂胄連遣方信孺使北。請和。以林拱辰爲通謝使。金人欲責正隆。以前禮賂。以侵疆爲界。且索犒軍銀凡數千萬。而縛送首議用兵之臣。信孺歸。白事朝堂。不敢斥言。侂胄窮其說。乃微及之。侂胄大怒。和議遂輟。起辛棄疾爲樞密都承旨。會棄疾死。乃以殿前都指揮使趙淳爲江淮制置使。復銳意用兵。自兵興以來。蜀口漢淮之民死於兵戈者。不可勝計。公私之力大屈。而侂胄意猶未已。中外憂懼。禮部侍郎史彌遠時兼資善堂。善謀。誅侂胄。議甚秘。皇子榮王入奏。楊皇后亦從中力請。乃得密旨。彌遠以告參知政事錢象祖。李璧。御筆云。韓侂胄久任國柄。輕啓兵端。使南北生靈。枉罹凶害。可罷平章軍國事。與在外宮觀。陳自強阿附充位。不恤國事。可罷右丞相。日下出國門。仍令權主管殿前司公事。夏震以兵三百防護。象祖欲奏審。璧謂事留恐泄。不可。翌日。侂胄入朝。震呵止於途。擁至玉津園側。極殺之。先一日。周筠謂侂胄事將不善。侂胄與自強謀。用林行可爲諫議大夫。盡擊謀侂胄者。是日行可方請對。自強坐待漏院。語同列曰。今日大成上殿。俄侂胄先驅至。象祖色變。尋報侂胄已押出。象祖乃入奏。有詔斬蘇師旦於廣東。嘉定元年。金人求函侂胄首。乃命臨安府斲侂胄棺。取其首遺之。侂胄用事十四年。威行宮省。權震寓內。嘗鑿山爲園。下瞰宗廟。出入宮闈無度。孝宗嚙昔思政之所。偃然居之。老宮人見之。往往垂涕。顏植草制。言其得聖之清。易被撰答詔。以元聖褻之。四方投書獻頌者。謂伊霍且夷。不足以擬其勳。有稱爲我王者。余嘉請加九錫。趙師彝乞置平原郡王府官屬。侂胄皆當之不辭。所嬖妾張譚王陳。皆封郡國夫人。號四夫人。每內宴與妃嬪雜坐。恃勢驕倨。掖庭皆惡之。其下受封者尤衆。至是論四夫人罪。或杖或徙。餘數十人。縱遣之。有司籍其

家。多乘輿服御之飾。其僭紊極矣。始侂胄以導達中外之言。遂見寵任。朱熹彭龜年既以論侂胄去。貴戚吳瑀語人曰。帝初無固留侂胄意。使有一人繼言之。去之易爾。而一時臺諫及執政大臣多其黨。與故稔其惡。以底大僇。開禧用兵。帝意弗善也。侂胄死。寧宗論大臣曰。恢復豈非美事。但不量力爾。侂胄娶憲聖吳皇后姪女。無子。娶魯誼子爲後。名玠。既誅侂胄。則籍流沙門島云。

丁大全字子萬。鎮江人。面藍色。嘉熙二年。舉進士。調蕭山尉。上謁帥閻安撫。使史巖之。俟衆賓退。獨留大全。款曲甚至。期以他日必大用。大全爲戚里婢婿。賈緣以取寵。位事內侍盧允昇。董宋臣。累官爲大理司直。添差通判饒州。入爲太府寺簿。調尚書茶鹽所檢閱。江川分司。復兼樞密院編修官。拜右正言。兼侍講。辭。改右司諫。拜殿中侍御史。升侍御史。兼侍讀。劾奏丞相董槐。章未下。大全夜半調陽兵百餘人。露刃圍槐第。以臺牒驅迫之。出。給令輿槐至大理寺。欲以此恐之。須臾出北闕。棄槐。呼而散。槐徐步入接待寺。罷相之命下矣。自是志氣驕傲。道路以目。尋爲右諫議大夫。進端明殿學士。僉書樞密院事。封丹陽郡侯。進同知樞密院事。兼權參知政事。寶祐六年。拜參知政事。四月。拜右丞相。兼樞密使。進封公。初。大全以袁玠爲九江制置副使。玠貪且刻。逮繫漁湖。土豪督促輸錢甚急。土豪怒。盡以漁舟濟北來之兵。太學生陳宗。劉黻。黃唯。陳宜中。林則祖等六人。伏闕上書。訟大全。臺臣翁應鵬。吳玠。爲大全鷹犬。鈐制學校。貶遂宗等。開慶元年九月。罷相。以觀文殿大學士判鎮江府。中書舍人洪芹。繳言。大全鬼域之實。穿窬之行。引用凶惡。陷害忠良。竭塞言路。濁亂朝綱。乞追官遠竄。以伸國法。以謝天下。侍御史沈炎。右正言曹永年。相繼論罷。監察御史朱魏孫復。論大全姦回險狡。很毒貪殘。假陛下之刑威。以箝天下之口。挾陛下之爵祿。以籠天下之財。監察御史饒虎臣。又論大全四罪。絕言路。壞人才。竭民力。誤邊防。再削其官。嘉定元年。詔守中奉大夫。致仕。臣僚言。乞遠竄。使不失刑。詔送南康軍居住。臺臣復以爲言。追三官。移送南安軍居住。明年。監察御史劉應龍。請加竄。追削兩官。移置貴州。團練使與州守游翕。明失色。杯酒間。翕明慙。大全陰造弓矢。將通蠻。爲不軌。朱禔孫以聞于朝。又明年。移置新州。太常少卿兼權直舍

人院劉震孫繳奏乞移徙海島四年正月將官畢遷讓送舟過滕州擗之於水而死大全知淮西總領鄭羽富甲吳門始欲結媼羽不從遂令臺臣卓夢卿彈之籍其家為子壽翁聘婦見其豔自取為世所醜

賈似道字師憲台州人制置使涉之子也少落魄為游博不事操行以父蔭補嘉興司倉會其姊入宮有寵於理宗為貴妃遂詔赴廷對妃於丙中奉湯藥以給之擢太常丞軍器監益恃寵不檢日縱游諸妓家至夜即燕游湖上不反理宗書夜憑高望西湖中燈火異常時語左右曰此必似道也明日詢之果然使京尹史巖之戒敕之巖之曰似道雖有少年氣習然其材可大用也尋出知澧州淳祐元年改湖廣總領三年加戶部侍郎五年以寶章閣直學士為沿江制置副使知江州兼江西路安撫使一歲中再遷京湖制置使兼知江陵府調度賞罰得以便宜施行九年加寶文閣學士京湖安撫制置大使十年以端明殿學士移鎮兩淮年始三十餘寶祐二年加同知樞密院事臨海郡開國公威權日盛臺諫嘗論其二部將即毅然求去孫子秀新除淮東總領外人忽傳似道已密奏不可矣丞相董槐懼留身請之帝以為無有槐終不敢遣子秀以似道所善陸壑代之其見懼已如此四年加參知政事五年加知樞密院事六年改兩淮宣撫大使自端平初孟珙帥師會大元兵共滅金約以陳蔡為界師未還而用趙范謀發兵據殺函絕河津取中原地大元兵擊敗之范僅以數千人遁歸追兵至問曰何為而取盟也遂縱攻淮漢自是兵端大啟開慶初憲宗皇帝自將征蜀世祖皇帝時以皇弟攻鄂州元帥兀良哈解由雲南入交趾自營州蹂廣西破湖南傳檄數宋背盟之罪理宗大懼乃以趙葵軍信州禦廣兵以似道軍漢陽援鄂即軍中拜右丞相十月鄂東南陔破宋人再築再破之賴高遠率諸將力戰似道時自漢陽入督師十一月攻城急城中死傷者至萬三千人似道乃密遣宋京詣軍中請稱臣輸歲幣不從會憲宗皇帝晏駕于釣魚山合州守王堅使阮思聰蹕急流走報鄂似道再遣京議歲幣遂許之大元兵拔砦而北留張傑閻旺以偏師候湖南兵明年正月兵至傑作浮梁新生機濟師北歸似道用劉整計攻斷浮梁殺兵百七十遂上表以肅清聞帝以其有再造功

以少傅右丞相召入朝百官郊勞如文彥博故事初似道在漢陽時丞相吳潛用監察御史饒應子言移之黃州而分曹世雄等兵以屬江閩黃雖下流實兵衝似道以為潛欲殺己銜之且聞潛事急時每事先發後奏帝欲立榮王子孟啓為太子潛又不可帝已積怒潛似道遂陳建儲之策令沈炎劾潛措置無方致全銜承桂皆破大稱旨乃議立孟啓貶潛循州盡逐其黨人高遠在圍中恃其武勇殊易似道每見其督戰即戲之曰魏中者何能為哉每戰必須勞始出否即使兵士譁於其門呂文德詔似道即使人呵曰宣撫在何敢爾邪曹世雄向士璧在軍中事皆不關白似道故似道皆恨之以嚴諸兵費世雄士璧皆坐侵盜官錢貶遠州每言於帝欲誅遠帝知其有功不從尋論功以文德為第一而達居其次明年大元世祖皇帝登極遣翰林侍讀學士國信使郝經等持書申好息兵且徵歲幣似道方使慶登中輩撰福華編稱頌鄂功通國皆不知所謂和也似道乃密令淮東制置司拘經等於真州忠勇軍營時理宗在位久內侍董宋臣盧允昇為之聚斂以媚之引薦奔競之士交通賄賂實諸通顯又用外戚子弟為監司郡守作芙蓉閣香蘭亭宮中進倡優傀儡以奉帝為遊蕩竊弄權柄臺臣有言之者帝宣諭去之謂之節貼似道入逐盧董所薦林光世等悉罷之勒外戚不得為監司郡守子弟門客斂跡不敢干朝政由是權傾中外進用羣小取先朝舊法率意紛更增吏部七司法買公田以罷和羅浙西田畝有值千緡者似道均以四十緡買之數稍多予銀絹又多予度牒告身吏又恣為操切浙中大擾有奉行不至者提領劉良貴劾之有司爭相迎合務以買田多為功皆繆以七八斗為石其後田少與磽瘠虧租與佃人負租而逃者率取償田主六郡之民破家者多包恢知平江督買田至以肉刑從事復以楮錢作銀關以一準十八界會之三自製其印文如買字狀行之十七界廢不用銀關行物價益踊楮益賤秋七月禁出柳光燭天長數十丈自四更見東方日高始滅臺諫布章皆上書言此公田不便民間愁怨所致似道上書力辨之且乞罷政帝勉留之曰公田不可行卿建議之始朕已沮之矣今公私兼裕一歲軍餉皆仰於此使人言而罷之雖足以快一時之議如國計何有太學生蕭規葉

李等上書言似道專政命京尹劉賈貴據撫以罪悉黥配之後又行推排法江南之地尺寸皆有稅而民力弊矣理宗崩度宗又其所立每朝必答拜稱之曰師臣而不名朝臣皆稱爲周公甫葬理宗即棄官去使呂文德報北兵攻下沈急朝中大駭帝與太后手爲詔起之似道至欲以經筵拜太師以典故須建節授鎮東軍節度使似道怒曰節度使粗人之極致爾遂命出節都人聚觀節已出復曰時日不利亟命返之宋制節出有撤關壞屋無倒節理以示不屈至是人皆駭歎然下沈之報實無兵也三年又乞歸養大臣侍從傳旨留之者日四五至中使加賜資者日十數至夜即交臥第外以守之除太師平章軍國重事一月三赴經筵三日一朝赴中書堂治事賜第葛嶺使迎養其中吏抱文書就第署大小朝政一切決於館客廖瑩中堂吏翁應龍幸執充位署紙尾而已似道雖深居凡臺諫彈劾諸司薦辟及京尹畿漕一切事不關白不敢行李芾文天祥陳文龍陸達杜淵張仲微謝章輩小忤意輒斥重則屏棄之終身不錄一時正人端士爲似道破壞殆盡吏爭納賂求美職其求爲帥閩監司郡守者賈獻不可勝計趙潛輩爭獻寶玉陳奕至以兄事似道之玉工陳振民以求進一時貪風大肆五年復稱疾去帝泣涕留之不從令六日一朝一月兩赴經筵六年命入朝不拜朝退帝必起避席目送之出殿廷始坐繼又令十日一入朝時襄陽圍已急似道日坐葛嶺起樓閣亭榭取宮人媚尼有美色者爲妾日淫樂其中惟故博徒日至縱博人無敢窺其第者其妾有兄來立府門若將入者似道見之縛投火中嘗與羣妾踞地鬪蟋蟀所狎客入戲之曰此軍國重事邪酷嗜寶玩建多寶閣日一登玩閣余玠有玉帶求之已徇葬矣發其塚取之入有物求不予輒得罪自是或累月不朝帝如景靈宮亦不從駕八年明堂禮成祀景靈宮天大雨似道期帝雨止升輅胡貴嬪之父顯祖爲帶御器械請如開禧故事却輅乘道遙輦還宮帝曰平章云云顯祖給曰平章已允乘道遙輦矣帝遂歸似道大怒曰臣爲大禮使陛下舉動不得預聞乞罷政即日日出嘉會門帝留之不得乃罷顯祖涕泣出貴嬪爲尼始還似道既專恣日甚畏人議己務以權術駕馭不愛官爵牢籠一時名士又加太學餐錢寬科場恩例以小利啗

之由是言路斷絕咸福肆行自圍襄陽以來每上書請行邊而陰使臺諫上章留己呂文煥以急告似道復申請之事下公卿雜議監察御史陳堅等以爲師臣出願襄未必能及淮願淮未必能及襄不若居中以運天下爲得乃就中書置機速房以調邊事時物議多言高遠可援襄陽者監察御史李旺率朝士入言於似道似道曰吾用達如呂氏何旺等出數曰呂氏安則趙氏危矣文煥在襄聞達且入援亦不樂以語其客客曰易耳今朝廷以襄陽急故遣達援之吾以捷聞則達必不成遣矣文煥大以爲然時襄兵出獲哨騎數人即繆以大捷奏然不知朝中實無援襄事也襄陽降似道曰臣始屢請行邊先帝皆不之許向使早聽臣出當不至此爾十月其母胡氏薨詔以天子鹵簿葬之起墳擬山陵百官奉襄事立大雨中終日無敢易位尋起復入朝度宗崩大兵破鄂太學諸生亦羣言非師臣親出不可似道不得已始開都督府臨安然憚劉整不行明年正月整死似道欣然曰吾得天助也乃上表出師抽諸路精兵以行金帛輜重之舟舳艫相銜百餘里至安吉似道所乘舟膠堰中劉師勇以千人入水曳之不能動乃易他舟而去至蕪湖遣還軍中所俘曾安撫以荔子黃甘遺丞相伯顏俾宋京如軍中請輸歲幣稱臣如開慶約不從夏貴自合肥以師來會袖中出編書示似道曰宋曆三百二十年似道俛首而已時一軍七萬餘人盡屬孫虎臣軍丁家洲似道與夏貴以少軍軍魯港二月庚申夜虎臣以失利報似道倉皇出呼曰虎臣敗矣命召貴與計事頃之虎臣至撫膺而泣曰吾兵無一人用命也貴微笑曰吾嘗血戰當之矣似道曰計將安出貴曰諸軍已膽落吾何以戰公惟入揚州招潰兵迎駕海上吾特以死守淮西爾遂解舟去似道亦與虎臣以單騎奔揚州明日敗兵蔽江而下似道使人登岸揚旗招之皆不至有爲惡語慢罵之者乃檄列郡如海上迎駕上書請還都列郡守於是皆遁遂入揚州陳宜中請誅似道謝太后曰似道勤勞三朝安忍以一朝之罪失待大臣之禮止罷平章都督予祠官三月除似道諸不恤民之政放還諸竄謫人復吳潛向士璧等官誅其幕官翁應龍廖瑩中王庭皆自殺潘文卿季可陳堅徐卿孫皆似道鷹犬至是交章劾之四月高斯得乞誅似道不從而似道亦自

上表乞保全。乃命削三官。然尚居揚不歸。五月。王燦論似道既不死忠。又不死孝。太皇太后乃詔似道歸終喪。七月。黃鏞。王應麟。請移似道鄰州。不從。王燦入見。太后曰。本朝權臣稔禍。未有如似道之烈者。縉紳草茅。不知幾疏。陛下皆抑而不行。非惟付人言於不恤。何以謝天下。始徙似道婺州。婺人聞似道將至。率衆爲露布逐之。監察御史孫嶸。叟等。皆以爲罰輕。言之不已。又徙建寧府。翁合奏言。建寧乃名儒朱熹故里。雖三尺童子。粗知向方。聞似道來。嘔惡。況見其人。時國子司業方應發。權直舍人院。封還錄黃。乞竄似道廣南。中書舍人王應麟。給事中黃鏞。亦言之。皆不從。侍御史陳文龍。乞俯從衆言。陳景行。徐直方。孫嶸。叟。及監察御史俞淞。併上疏。於是始謫似道爲高州團練使。循州安置。籍其家。似道行時。侍妾尙數十人。虎臣悉屏去。奪其寶玉。撤輜蓋。暴行秋日中。令舁輜。夫唱杭州歌謔之。每名斥似道。辱之備至。似道至古寺中。壁有吳潛南行所題字。虎臣呼似道曰。賈團練。吳丞相何以至此。似道慙不能對。嶸。叟。應麟。奏似道家畜乘輿服御物。有反狀。乞斬之。詔遣鞫問。未至。八月。似道至漳州。木綿菴。虎臣屢諷之自殺。不聽。曰。太皇許我不死。有詔卽死。虎臣曰。吾爲天下殺似道。雖死何憾。拉殺之。

宋史卷四百七十四

宋史卷四百七十五

元中書右丞相總裁脫脫等修

列傳第二百三十四

叛臣上

張邦昌

杜充

吳曦

苗傅劉正彥附

宋失其政，金人乘之，俘其人民，遷其寶器，效遠故事，立其臣為君，冠履易位，莫甚斯時。高宗南渡，國勢弗振，悍僕狂奴，欺主衰敗，易動於惡，兵雖凶器，尤忌殘忍。將用忍人，先無仁心，視背君親，猶反掌耳。世將之子，使握重兵，居之阨塞之地，豈非召亂之道乎？大義昭明，旋踵殄滅，蓋天道也。扶綱常，遏亂略，作叛臣傳。張邦昌，字子能，永靜軍東光人也。舉進士，累官大司成，以訓導失職，貶提舉崇福宮。知光汝二州，政和末，由知洪州改禮部侍郎，首請取崇寧大觀以來瑞應尤殊者，增製旗物，從之。宣和元年，除尚書右丞，轉左丞，遷中書侍郎。欽宗即位，拜少宰，金人犯京師，朝廷議割三鎮，俾康王及邦昌為質于金，以求成。會姚平仲夜斫金人營，鞫難不怒，責邦昌。邦昌對以非出朝廷意，俄進太宰，兼門下侍郎。既而康王還，金人復質肅王以行，仍命邦昌為河北路割地使。初，邦昌力主和議，不意身自為質及行，乃要欽宗署御批，無變割地議，不許。又請以璽書付河北，亦不許。時粘罕兵又來侵，上書者攻邦昌私敵，社稷之賊也，遂黜邦昌為觀文殿大學士。中太一宮使，罷割地議。其冬，金人陷京師，帝再出郊，留青城明年春。吳玠莫儁自金營持文書來，令推異姓堪為人主者。從軍前備禮冊，命留守孫傅等不奉命，表請立趙氏。金人怒，復遣開儁促之。劫傅等召百官雜議，衆莫敢出聲，相視久之，計無所出。乃曰：今日當勉強應命，舉在軍前者一人，適尚書員外郎宋齊愈，至自外，衆問金人意所主，齊愈書張邦昌三字示之，遂定議以邦昌治國事。孫傅張叔夜不署狀，金人執之置軍中。王時雍時為留守，再集百官詣秘書省，至即閉省門，以兵環之。俾范瓊諭衆以立邦昌，衆意唯唯。有太學生難之，瓊恐沮衆，厲聲折之，遣歸學舍。時雍先署狀以率百官，御史中丞秦

檜不書，抗言請立趙氏宗室。且言邦昌當上皇時，專事譟游，黨附權姦，蠹國亂

政，社稷傾危。實由邦昌，金人怒，執檜，并儻持狀赴軍前。邦昌入居尚書省，金人趣勸進邦昌，始欲引決，或曰：相公不前死，城外今欲塗炭一城，耶適金人奉冊寶至，邦昌北向拜舞受冊，即僞位，僭號大楚，擬都金陵，遂升文德殿，設位御牀，西受賀，遣閣門傳令勿拜。時雍率百官遽拜邦昌，但東面拱立，外統制官宣贊舍人吳革，恥屈節異姓，首率內親事官數百人，皆先殺其妻孥，焚所居，謀舉義。金水門外范瓊詐與合謀，令悉棄兵仗，乃從後襲殺百餘人，捕革併其子皆殺之。又擒斬十餘人，是日風霾，日暈無光，百官慘沮。邦昌亦變色，唯時雍并儻瓊等欣然鼓舞，若以為有佐命功云。即以時雍權知樞密院事，領尚書省，開權同知樞密院事，儻權知樞密院事。呂好問權領門下省，徐秉哲權領中書省。下令曰：比緣朝廷多故，百官有司皆失其職，自今各遵法度，御史臺覺察以聞。見百官稱予，手詔曰：手書，獨時雍每言事，邦昌前輒稱臣，啟陛下。邦昌斥之，勸邦昌坐紫宸垂拱殿，呂好問爭之，乃止。邦昌以嗣位之初，宜推恩四方，以道阻先赦京城，選郎官為四方密諭使，金人將退師，邦昌詰金營租別，服柘袍，張紅蓋，所過設香案，起居悉如常儀。時雍秉哲并儻皆從行，士庶觀者無不感愴。二帝北遷，邦昌率百官遙辭於南薰門，衆慟哭有仆絕者。金師既還，邦昌降手書赦天下，呂好問謂邦昌曰：人情歸公者，劫於金人之威耳，金人既去，能復有今日乎？康王居外久，衆所歸心，曷不推戴之？又謂曰：為今計者，當迎元祐皇后，請康王早正大位，庶獲保全。監察御史馬伸亦請奉迎康王，邦昌從之。王時雍曰：夫騎虎者勢不得下，所宜熟慮，他日噬臍，悔無及已。徐秉哲從旁贊之，邦昌弗聽。乃冊元祐皇后曰宋太后，入御延福宮，遣蔣師愈齋書於康王，自陳所以勉循。金人推戴者，欲權宜一時，以紓國難也，敢有他乎？王詢師愈等，具知所由，乃報書邦昌。邦昌尋遣謝克家獻大宋受命寶，復降手書請元祐皇后垂簾聽政，以俟復辟。書既下，中外大說。太后始御內東門小殿，垂簾聽政。邦昌以太宰退處內東門資善堂，尋遣使奉乘輿服御物至東京。既而邦昌亦不至，伏地慟哭，請死。王撫慰之，王即皇帝位，相李綱，徙邦昌太保，奉國軍節度使，封同安郡王。綱上

書極論邦昌久典機政擢冠宰司國破而資之以為利君辱而攘之以為榮異姓建邦四十餘日逮金人之既退方降赦以收恩是宜肆諸市朝以為亂臣賊子之戒時黃潛魯猶左右之綱又力言邦昌已僭逆豈可留之朝廷使道路目為故天子哉高宗乃降御批曰邦昌僭逆理合誅夷原其初心出於迫脅可特與免貸責授昭化軍節度使潭州安置初邦昌僭居內庭華國靖公夫人李氏數以果實奉邦昌邦昌亦厚答之一夕邦昌被酒李氏擁之曰大家事已至此尚何言因以赭色半臂加邦昌身掖入福寧殿夜飾養女陳氏以進及邦昌還東府李氏私送之語斥乘輿帝聞下李氏獄詔數邦昌罪賜死潭州李氏杖脊配軍營務時雍秉哲升儔等先已遠竄至是併誅時雍

劉豫字彥游景州阜城人也世業農至豫始舉進士元符中登第豫少時無行常盜同舍生白金五紗衣政和二年召拜殿中侍御史為言者所擊帝不欲發其宿醜詔勿問未幾豫累章言禮制局事帝曰劉豫河北種田叟安識禮制黜豫兩浙察訪宣和六年判國子監除河北提刑金人南侵豫棄官避亂儀真豫善中書侍郎張建炎二年正月用蔡薦除知濟南府時盜起山東豫不願行請易東南一郡執政惡之不許豫忿而去是冬金人攻濟南豫遣子麟出戰敵縱兵圍之數重郡倖張東益兵來援金人乃解去因遣人啗豫以利豫懲前忿遂奮反謀殺其將關勝率百姓降金百姓不從豫縋城納款三年三月兀朮聞高宗渡江乃徙豫知東平府充京東西淮南等路安撫使節制大名開德濮博棣德滄等州以麟知濟南府界舊河以南俾豫統之四年七月丁卯金人遣大同尹高慶裔知制誥韓昉冊豫為皇帝國號大齊都大名府先是北京順豫門生瑞禾濟南漁者得鱣豫以為己受命之符遣麟持重寶賂金左監軍撻辣求僭號撻辣許之遣使即豫所部咨軍民所宜立眾未及對豫鄉人張浹越次請立豫議遂決乃命慶裔昉備璽綬寶冊以立之九月戊申豫即偽位赦境內奉金正朔稱天會八年以張孝純為丞相李孝揚為左丞張東為右丞李儔為監察御史鄭億年為工部侍郎王瓊為汴京留守子麟為大中大大夫提領諸路兵馬兼知濟南府孝純始堅守太原頗懷忠義高宗以王衣雅厚孝純俾衣招

之會粘罕遣人自雲中送歸豫遂失節於賊豫還東平升為東京改東京為汴京降南京為歸德府以弟益為北京留守尋改汴京留守復降淮寧永昌順昌興仁府悉為州自以生景州守濟南節制東平僭位大名乃起四郡丁壯數千人號雲從子弟下偽詔求直言十月冊其母翟氏為皇太后妾錢氏為皇后錢氏宣和內人也習宮掖事豫欲有所取則故立之十一月改明年元阜昌方豫未僭號時數遣人說東京副留守上官悟及賂悟左右喬思恭與共說悟令降金悟並斬之又招知楚州趙立立不發書斬其使復遣立友人劉德以榜旗誘之且曰吾君之故人也立曰我知有君父不知有故人燒殺德博州判官劉長孺以書勸豫反正豫囚之旬旬不屈欲官之不受豫大索宋宗室承務郎閻琦匿之豫杖死琦召迪功郎王龍不至文林郎李詰尉氏令姚邦基皆棄官去朝奉郎趙俊書甲子不書僭年豫亦無如之何洪皓久陷于金粘罕勸皓仕豫不從竄皓冷山處士尹惇聞豫召逃山谷間走蜀中國信副使宋汝為以呂頤浩書勉豫忠義豫曰獨不見張邦昌乎業已然尚何言哉滄州進士邢希載上豫書乞通宋朝豫殺希載是月豫立陳東歐陽澈廟於歸德如唐張巡許遠雙廟制紹興元年五月張俊討李成敗之成逃歸豫徐州大僧王友直書抵豫書招李成謂劉光世呂頤浩非中與將相才後為人所訴詔鞠而刑之六月豫以麟為兵馬大總管尚書左丞相置招受司于宿州誘宋逋逃金人既立豫以舊河為界恐兩河民之陷沒者逃歸下令大索或轉響諸國或繫送雲中實防豫也十月豫入寇遣其將王世冲以蕃漢兵攻廬州守臣王亨誘斬世冲大敗其眾十一月帥臣葉夢得招降豫將王才偽秦鳳帥郭振入寇王彥關師古敗之偽知海州薛安靖及通判李彙以州來歸二年二月知商州董先以商號二州叛附于豫襄陽撫使桑仲上疏請正豫罪朝廷尋命仲兼節制應援京城軍馬量度事勢復豫所陷郡仍命河南翟興荆南解潛金房王彥德安陳規斬黃孔彥舟盧壽王亨相為應援毋失事機三月仲為其將霍明所殺高宗聞之授仲二子將仕郎河南鎮撫使翟興與屯伊陽山豫患之使人招興許以王爵興焚偽詔并戮其使豫乃陰結與麾下楊偉圖之偉殺興持興首降豫四月丙寅豫遷

都汴，因奉祖考于宋太廟，尊其祖曰徽祖毅文皇帝，父爲衍祖睿仁皇帝，親巡郊社，是日暴風捲旗，屋瓦皆震，士民大恐，豫曲赦汴人，與民約曰：自今不肆赦，不用宦官，不度僧道，文武雜用，不限資格，時河淮陝西山東皆駐北軍，麟籍鄉兵十餘萬，爲皇子府十三軍，分置河南汴京洶沙官，兩京冢墓，發掘殆盡，賦斂煩苛，民不聊生。五月，豫聞桑仲死，遣人招隨州李道鄧州李橫，皆不受，執其使以聞。六月，勳黃鎮撫使孔彥舟叛降豫，其將陳彥時率衆千餘來歸，直微猷閣，凌唐佐，尙書郎李亘，國信副使宋汝爲，留僞庭久，謀疏豫虛實，蠟書以聞，事泄，豫殺唐佐，亘亦遇害。豫以知東平府李鄴爲尙書右丞，河南鎮撫司都統制董先爲大總府先鋒將。十二月，襄陽鎮撫使李橫敗豫兵於揚石，乘勝趣汝州，僞守彭玘以城降。豫遣劉夔與金帥撒離曷侵蜀，執進士薛筇送豫，筇劾豫早圖反正，庶或全宗，孰與他日併妻子磔東市。豫怒，欲兵之，賴張孝純獲免。三年正月庚申，李橫破頰順軍，僞守蘭和降。壬戌，敗豫兵于長葛，甲子，橫引兵至頰昌府，僞安撫趙弼固守，急攻下之。弼遁，復頰昌。二月，河南鎮撫司統制官李吉敗豫將梁進於伊陽臺，殪之。三月，豫聞橫入頰昌，求援於金人，粘罕遣兀朮赴之。豫亦遣將李成率師二萬逆戰於京城西北之牟鞬岡，橫敗績，復頰昌。橫軍本羣盜，恃勇無律，勝則爭取子女金帛，故及於敗。四月，陷虢州，鎮撫司統制官謝臯指腹示賊曰：此吾赤心也，自剖心以死。臯開封人，是月，明州守將徐文以所部海舟六十艘，官軍四千餘人浮海抵鹽城，輸款于豫，文言沿海無備，二浙可襲，取豫大喜，以文知萊州，益海艦二十，俾寇通秦間。五月，朝廷遣韓肖胄，胡松年使僞齊，豫欲以臣禮見，肖胄無以應，松年曰：均爲宋臣，遂長揖不拜。豫不能屈，因問主上如何，松年曰：聖主萬壽，復問帝意向，松年曰：必欲復故疆耳。豫有慚色。時豫悉有梁衛之地，翟琮屯伊陽之鳳牛山，不能孤立，突圍奔襄陽。九月，楊政遣川陝將官吳勝破豫兵於蓮花城。十月己亥，賊將李成陷鄧州，以齊安守之。癸卯，陷襄陽，李橫奔荆南，知隨州李道棄城走，成據襄陽，以王嵩知隨州，甲辰，陷鄧州，守臣李簡遁。豫以荆超知州事，賊將王彥先自亳引兵至壽春，將窺江南，劉光世駐軍建康，扼馬家渡，鄺瓊領所部駐無爲軍，爲濠壽聲

援賊乃還。十一月，金人遣李永壽王翊來報聘，永壽等驕倨，請還豫俘及西北士民之流寓者，復要畫江以益豫，監廣州鹽稅，吳仲上書請討豫，謂金人雖疆實不足慮，賊雖微實爲可憂，今敵使在廷，宜陽許而陰圖之，乘其不疑，可一戰擒也。四年正月，翰林學士慕崇禮言：豫父子倚重金人，且永壽等從豫所來，畫江之請必出於豫，觀其姦謀，在窺吾境土，恐既通使，人情必解弛，宜戒將帥，愈益置守，縱和議成，亦未可弛備，既而朝廷遣章誼使金，至雲中，粘罕答書約，毋駐軍淮南，誼不屈，還過汴，豫欲留之，以計獲免，熙河路馬步軍總管關師古與豫兵戰于左要嶺，敗績，遂降賊，洮岷之地盡歸豫矣。二月，豫策進士，五月，知壽春府羅興叛降豫，舒蕪等州制置使岳飛復襄陽，李成遁，尋復唐州。六月，復隨州，磔僞守王嵩于襄陽市。七月，復鄧州，語在飛傳。豫聞岳飛取襄鄧，遂乞師於金人，僞奉議郎羅誘上南征策，豫大喜，奪民舟五百載戰具，以徐文爲前軍，聲言攻定海。九月，豫下僞詔，有混一六合之言，遣子麟入寇，及誘金人宗輔，撻辣兀朮分道南侵，步兵自楚承進，騎兵由泗趨徐，復遣僞知樞密院盧楄請師於金主，金主集諸將議，粘罕希尹難之，獨宗輔以爲可，乃以宗輔權左副元帥，撻辣權右副元帥，調渤海漢軍五萬應豫，以兀朮嘗渡江，習知險易，俾將前軍。豫以麟領東南道行臺尙書令，朝廷震恐，或勸帝他幸，趙鼎曰：戰而不捷，去未晚也。張俊曰：避將安之，遂決意親征。壬申，豫兵與金人分道渡淮，楚州守臣樊序棄城走，淮東官撫使韓世忠自承州退保鎮江。十月，丙子朔，詔張俊援世忠，劉光世移軍建康，世忠復還揚州，起張浚爲侍讀。戊子，韓世忠戰於大儀，己丑，解元戰於承州，皆捷。丙申，豫露榜有窺江之言，戊戌，帝發臨安。十一月壬子，下詔討豫，始暴豫罪惡，士氣大振，欲濟江決戰。趙鼎曰：退固不可，渡江亦非策，豫猶不親來，至尊豈可與逆難決勝負哉。淮西將王師晟張琦合兵復南壽春府，執僞知州王靖。十二月壬辰，岳飛遣將牛皋徐慶敗金人於廬州。庚子，金人退師，遣使告麟，麟棄輜重宵遁，語在世忠傳。五年正月，淮西將鄺瓊復光州，僞守許約降，閏二月，豫將商元攻信陽軍，知軍事舒繼明死之。七月，豫廢明堂爲講武殿，暴風連日，八月，陷光州。十月，豫令民鬻子，依商稅法，許賈陌而收其算，豫

獻海道圖及戰船木樣於金主亶。六年正月，豫聚兵淮陽，韓世忠引兵急圍之。賊守將連舉六烽，兀朮與劉猷合兵來援，皆為世忠所敗。六月，築劉龍城以窺淮西。王師嚴破之，執華知剛，俘其衆而還。九月，豫罷沿海五市，張孝純謂豫曰：「聞南人久治舟，一旦乘風北濟，將不利於我。」豫懼，故罷之。豫聞帝親征，告急於金主亶，領三省事宗磐曰：「先帝立豫者，欲豫關疆保境，我得按兵息民也。今豫進不能取，退不能守，兵連禍結，休息無期，從之則豫收其利，而我實受弊。奈何？」許之。金主報豫自行，姑遣兀朮提兵黎陽以觀釁。豫於是以前領東南道行臺尚書令李鄴行臺右丞馮長寧行臺戶部許清臣兵馬大總管李成孔彥舟關師古為將，籍民兵三十萬，分三道入寇。麟總十路兵，由壽春犯廬州，猷率東路兵取紫荊山，出渦口以犯定遠。西兵趨光州，寇六安。彥舟統之。十月，猷兵阻韓世忠不得前，還順昌。麟兵從淮西繫三浮橋以濟，賊衆十萬次濠壽間。江東安撫使張俊拒戰，詔併以淮西屬俊，命殿帥楊沂中至泗州與俊合。比至濠，而劉光世已棄合肥矣。張俊遣人星馳采石，諭光世曰：「敢濟者斬。」光世不得已，還廬州與沂中相應，統制王德鄴、統制安豐、遇賊三將軍皆敗之。猷衆數萬，過定遠，欲趨宣化，犯建康。沂中遇猷兵於越家坊，破之。又遇於藕塘，大破之。猷遁，麟聞亦拔砦走。麟兵有自書鄉貫姓名而益者，豫由此失人心。金人聞麟等敗，詰豫罪狀，始有廢豫意矣。豫覺，請立麟為太子以規其意。金人乃答豫曰：「徐當遣人咨訪河南百姓。七年春，豫策進士，遣諜縱火淮甸，燔劉光世帑藏。二月，又焚鎮江。豫自麟敗，意沮氣奪，中原遺民日望王師。三月，帝進駐建康。八月，統制鄴瓊執呂社以兵三萬叛降豫，尋殺社。豫聞瓊降大喜，御文德殿見之，授瓊靜難軍節度使，知拱州。瓊勸豫入寇，豫復乞師金人，且言瓊欲自交，金人恐豫兵衆難制，欲以計除之。乃伴言瓊降恐詐，命散其兵。金人業已廢豫，而豫日益請兵，遂以女真萬戶東拔為元帥，府左都監屯太原，渤海萬戶大撻不也為右都監，屯河間。於是尚書省奏豫治國無狀，當廢。十一月丙午，廢豫為蜀王。初，金王先令撻辣兀朮僞稱南侵，至汴，給麟出至武成，鷹騎翼而擒之，因馳至城中。豫方射講武殿，兀朮從三騎突入東華門下馬，執其手，偕至宣德門，強乘以羸馬，露刃

夾之，囚于金明池。翼日，集百官宣詔責豫，以鐵騎數千圍宮門。遣小校巡閭巷，聞揚言曰：「自今不食汝為軍，不取汝免行錢為汝敲殺，親事人請汝舊主少帝來此。」由是人心稍安。置行臺尚書省於汴，以張孝純權行臺左丞相，僞丞相張昂知滑州，李鄴知代州，李成孔、彥舟、鄴、關師古各予一郡，以女真胡沙虎為汴京留守，李儁副之。諸軍悉令歸農，聽宮人出嫁，得金一百二十餘萬兩，銀一千六百餘萬兩，米九十餘萬斛，絹二百七十萬匹，錢九千八百七十餘萬緡。豫求哀，撻辣曰：「昔趙氏少帝出京，百姓然頂煉臂，號泣之聲聞於遠邇。今汝廢無一人憐汝者，何不自責也？」豫語塞，迫之行。願居相州韓琦宅，許之後併其子麟。從於臨潢，去豫為曹王，賜田以居之。紹興十三年六月卒，是年金皇統三年也。豫僭號凡八年，廢時年六十五。先是齊地數見怪異，有梟鳴于後苑，龍撼宣德門，滅宣德二字，有星隕于平原鎮，識者謂禍不出百日。豫怒，殺之，未幾果廢。初，僞麟府路經略使折可求以事抵雲中，左監軍撒離密諭可求代豫後撻辣有歸疆之議，恐可求缺望，耽殺之。豫之僭逆也，馬定國進君臣名分論，祝簡獻遷都國馬賦語多指斥，又如許清臣毀景靈宮，孟邦雄發永安陵，蹶犬吠堯，盡無責焉。

苗傅，上黨人。大父授父履，授在元豐中，為殿前都指揮使。康王、建元帥府，信德守臣梁揚祖以兵萬人至，傅與張俊、楊沂中、田師中皆隸麾下。隆祐太后南渡，傅為統制官，以所部八千人扈衛，駐于杭州。有劉正彥者，不知何許人，父法政和間為熙和路經略使，死王事。正彥由閣門祇候，易文資，至朝奉大夫。後以事責降，會法部曲王淵為御營都統制，正彥歸之。淵以法故，薦正彥于朝，復為武德大夫，知濠州，擢御營右軍副都統制，淵分精兵三千與之，以平丁進功。進武功大夫，威州刺史。初，正彥討進，請劉晏偕行。晏本嚴州人，陷遼登第，宣和中率衆來歸。正彥用晏計，易旗幟為疑兵，遂降進。晏自通直郎，即遷朝請郎。正彥恥己賞薄，而晏獲峻遷，由是缺望。乃散所賜金帛，與將士，尋被命從六宮皇子至杭州。建炎三年二月壬戌，高宗從王淵議，由鎮江幸杭州。時諸大將如劉光世、張俊、楊沂中、韓世忠、分守要害，扈衛者獨苗傅。先是王淵裝大船十數，自維揚來

杭人相謂曰。船所載皆淵平陳通時。殺奪富家財也。內侍省押班康履頗用事。威福由己出。其徒散民居。肆為暴橫。傳等恨之曰。天子顛沛至此。猶敢爾耶。其黨張遠復激怒諸軍曰。能殺淵及內侍。則人人可審。朝廷豈能徧罪哉。三月辛巳。拜王淵同僉書樞密院事。初。淵建幸杭州議。內侍實左右之。及淵躡躡樞策。謂薦由內侍。傳自負宿將。疾淵驟貴。正彥雖由淵進。淵檄取所子。兵亦怨之。於是傳積不能平。與王世修張遠。王鈞甫馬柔吉等謀作亂。鈞甫等皆燕人。所將號赤心軍。傳部分既定。乃給淵以臨安縣有盜意。欲使淵出其兵於外。康履得黃卷小文書。有兩統制作田金字署卷末。田乃苗。金乃劉也。於是頗泄賊謀。以告淵。淵伏兵天竺。明日。賊黨齊伏兵城北橋下。俟淵退朝。誣以結宦官謀反。正彥手殺淵。以兵圍履第。分捕內官。凡無須者盡殺之。揭淵首引兵犯闕。中軍統制吳湛守宮門。潛與傳通。導其黨入。奏曰。苗傳不負國。止為天下除害。知杭州康允之聞變。率從官扣闕。請帝御樓。百官皆從。殿帥王元大呼聖駕來。傳見黃屋猶山呼而拜。帝憑闌呼二賊問故。傳厲聲曰。陛下信任中官。軍士有功者不賞。私內侍者即得美官。黃潛善汪伯彥誤國。猶未遠竄。王淵遇敵不戰。因友康履得除樞密。臣立功多。止作遙郡團練。已斬淵首。更乞斬康履藍珪。會擇以謝三軍。帝諭以當流海島。可與軍士歸營。且曰。已除傳承宣使。御營都統制。正彥觀察使。御營副都統制。賊不退。帝問百官計安出。浙西安撫司主管機宜文字時希孟曰。禍由中官。不悉除之。禍未已也。帝曰。朕左右可無給使耶。軍器監葉宗諤曰。陛下何惜康履。遂命吳湛捕履。得於清漏閣承塵中。傳即樓下腰斬履。傳猶肆惡言。謂帝不當即大位。淵聖來歸。何以處也。帝使朱勝非繼樓下曲諭之。傳請隆祐太后同聽政。及遣使與金議和。帝許諾。即下詔請太后垂簾。賊聞詔不拜曰。自有皇太子可立。張遠曰。今日之事。當為百姓社稷計。時希孟曰。宜率百官死社稷。否則從三軍之請。通判杭州事章誼叱之曰。何可從三軍邪。帝徐謂勝非曰。朕當退避。須太后命。勝非謂不可。頰章曰。得太后親諭之。則無詞矣。時寒甚。門無簾幃。帝坐一竹椅。既請太后。即起立楹側。太后御肩輿出立樓前。二賊拜曰。今日百姓無辜。肝腦塗地。望太后主張。太后曰。道君皇帝

任蔡京王黼。更祖宗法。重貫起邊釁。所以致金人之禍。今皇帝聖孝無失德。止為黃潛善汪伯彥所誤。已加竄逐。統制獨不知邪。傳曰。臣等定議。必欲立皇子。后曰。今強敵在外。使吾一婦人簾前抱三歲兒。何以令天下。正彥等號泣固請。因呼其眾曰。太后既不允。吾當受戮。遂作解衣狀。后諭止之。傳曰。事久不決。恐三軍生變。顧謂勝非曰。相公何無一言。勝非不能答。適顏岐至。自帝前奏曰。皇帝令臣奏知太后。已決意從傳請矣。乞太后宣諭。后猶不許。傳等語益不遜。太后還入門。帝遣人奏禪位勝非。泣曰。臣義當死。乞下詔。二凶帝屏左右。語曰。當為後圖。事不成。死未晚。勝非曰。王鈞甫賊腹心也。適語臣曰。二將忠有餘。學不足。此可為後圖耳。是日。帝幸顯忠寺。甲申。太后垂簾降赦。赦帝為睿聖仁孝皇帝。以顯忠寺為睿聖宮。留內侍十五人。餘悉編置。丙戌。赦至平江府。張浚知有變。不拜。丁亥。至江寧。制置呂頤浩遺浚書。痛述事變。浚乃舉兵。戊子。御營前軍統制張俊至平江。浚諭以起兵。俊泣奉命。初。勝非奏垂簾當二臣同對。今屬時艱。乞許獨對。恐賊疑。乃日引其徒一人與俱。傳入對。后勞勉之。賊喜無所疑。故臣僚入對。得謀復辟。勝非深結王世修。將處以從官。俾通二凶。傳欲改元。正彥欲遷都建康。太后謂勝非曰。二事如俱不允。恐賊有他變。己丑。改元明受。張浚遺書二凶。獎其忠義。以慰安之。庚寅。百官朝睿聖宮。以傳為武當軍節度使。辛卯。張浚遣進士馮轡赴行在。請帝親總要務。復抵書馬柔吉王鈞甫。宜早反正。以解天下之惑。浚遣轡。即檄諸路約呂頤浩劉光世會平江。傳以堂帖趣張浚赴秦州。命趙哲領浚軍。哲不從。改命陳思恭。思恭亦不從。壬辰。以諫議大夫鄭慤為御史中丞。賊以武功大夫王彥為御營司統制。慤面折二凶。彥祥狂。即日致仕。癸巳。韓世忠引兵至常熟。辛道宗謂張浚曰。賊萬一邀駕入海。何以為計。浚乃聲言防遏海寇。奏道宗為節制司參議官。措置海船。以避賊。甲午。駁會擇監珪于嶺南。傳追斬擇。賊欲以所部代禁衛守睿聖宮。又欲邀帝幸徽。越張激勝非曲諭止之。馮轡說二凶反正。傳按劍瞋目視轡。正彥解之曰。須張侍郎來。乃可。即遣歸朝官趙休與轡共招浚。乙未。呂頤浩勸王兵至丹陽。劉光世引所部來會。丙申。韓世忠兵至平江。即欲進兵。浚曰。已遣馮轡甘言誘賊矣。投鼠

忌器不可太亟，賊遣張彥王德聲言防淮，德伺彥醉，奔其軍，自采石濟江歸劉光世，彥尋為人所殺。戊戌，浚以世忠兵少，分張俊兵二千益之。發平江，馮轡至平江，浚復遣入，責賊以大義，諭以禍福，期雖死無悔。傳等初聞浚集兵，未之信，及得浚書，始悟見討，奏請誅浚，以令天下。詔責浚黃州團練使，郴州安置。鄭懋上疏謂浚不當責，密遣所親謝嚮變姓名告浚，宜持重緩進，賊當自遁。浚然之。是日，賊遣苗瑀馬柔吉將赤心隊及王淵舊部曲駐臨平，以拒勤王之師。馮轡至臨平，見馬柔吉，同縋入城，詰朝與傳等議，傳曰：爾尚敢來邪？欲拘轡浚逆知之，謬為書遺轡言，客自杭來，知二公於朝廷初無異心，殊悔前書失於輕易。賊得浚遺轡書大喜，乃釋轡。壬寅，浚得請命，恐將士解體，給曰：趣召之命也。是日，呂頤浩至平江，與浚對泣曰：事不諧，不過赤族，乃命慕容李承造草檄告四方。討賊賊聞勤王之兵大集，即呼馮轡勝非議復辟癸卯，張俊發平江，劉光世繼之。賊亦遣兵三千屯湖州小林，丙午，頤浩浚以大兵發平江，詔以浚為知樞密院事，丁未，勝非召二凶至都堂議復辟，率百官三上表以請。夏四月戊申，朔帝還宮，都人大說。帝御前殿，詔尊太后曰隆祐皇太后，立嗣君為皇太子。辛酉，徙傳淮西制置使，正彥副之。庚戌，詔復建炎號。是日，頤浩浚軍次臨平，苗瑀馬柔吉以兵阻河，韓世忠率先鋒力戰，俊光世乘之，瑀敗走，勤王兵進北關，二凶詰都堂，趣得所賜鐵券，引精兵二千夜開湧金門遁。辛亥，頤浩俊引勤王兵入城，世忠手執王世修以屬吏，苗傳犯富陽，統制官喬仲福追擊之。癸丑，犯桐廬，甲寅，斬吳淇，時希孟編管吉陽軍丙辰，傳等至白沙渡，所過燔橋以阻官軍，丁巳，犯壽昌縣，縣民充軍，庚申，犯衢州，守臣胡唐老拒卻之。丙寅，犯常山，世忠請任討賊，丁卯，以世忠為江浙制置使，自衢信追擊賊，戊辰，賊犯玉山縣，辛未，賊屯沙溪鎮，統制關師古自江東討賊還，與喬仲福王德會信州，賊聞之，還屯衢信間。五月戊寅朔，世忠發杭州，庚辰，賊黨張翼斬鈞甫及柔吉父子首以降。江浙制置使周望受之以聞，賊寇浦城縣，夾溪而屯，據險設伏，以邀官軍，統制官馬彥博死之。賊乘勝犯中軍，世忠瞋目大呼，揮兵直前，正彥墮馬，生擒之。賊將江池殺孟臯，擒苗瑀，降衆悉解甲，張遠收餘兵入崇安，喬仲福追殺之。傳棄軍變

姓名，夜遁建陽，土豪詹標覺之，執送世忠，檻車赴行在。壬寅，詔班師。秋七月辛巳，世忠軍還，伴傳正彥以獻，磔于建康市。張遠苗瑀及傳二子俱已前死，詔釋餘黨。杜充字公美，相人也，喜功名，性殘忍，好殺而短於謀略。紹聖間，登進士第，累遷考功郎，光祿少卿，出知滄州。靖康初，加集英殿修撰，復知滄州。時金人南侵，郡中僑寓皆燕人來歸者，充慮為敵內應，殺之無噍類。建炎元年，進天章閣待制，北京留守，遷樞密直學士，提刑郭永嘗畫三策以獻充，充不省，永謂之曰：人有志而無才，好名而無實，驕蹇自用而得聲譽，以此當大任，鮮克有終矣。二年，宗澤卒，充代為留守，兼開封尹。三年，以戶部尚書兼侍讀召，未至，改資政殿學士，節制京東西路，依前京城留守，尋知宣武軍節度使。七月，以同知樞密院召，還至，即拜尚書右僕射，同平章事，御營使，初宗澤要結豪傑圖迎二帝，澤卒，充短於撫御，人心疑阻，兩河忠義之士，往往皆引去。留守判官宗穎嘗疏其失，朝廷謂充有威望，可屬大事，呂頤浩張浚亦薦之，故有是命。時諸路各擁重兵，率驕蹇不用命，張俊方白事，謁未入，俊遽前，充怒，戮其使，諸將稍稍懼服。高宗將幸西浙，命韓世忠屯太平，王瓌屯常州，以充為江淮宣撫使，留建康，使盡護諸將。光世世忠，憚充嚴急，不樂屬充，詔移光世江州，世忠常州，時江浙倚充為重，而充日事誅殺，無制敵之方，識者寒心。金人窺江，充遣裨將王民張超分守諸渡，乘高據岸，以神臂弓射卻之。金人復逼礪砂，時以輕舟薄南岸，官軍奮擊，或沉其舟，一日當晝，金人對江列陣，而伴退，眾信之，守益懈，敵謀知無備，夜乃乘數十舟，橫江直濟，眾不能禦，敵遂登岸，充亟命統制官陳淬，盡領岳飛諸裨校合二萬人，邀擊於馬家渡，約王瓌俱進，敵氣銳甚，淬戰沒，瓌引兵遁，充軍潰，金人陷建康，充渡江保真州，充嘗痛繩諸將，諸將銜之，伺其敗，眾將甘心焉。充不敢歸，乃北約泗州劉位徐州趙立，欲合兵邀敵歸路，詔遣內侍任源賜親札激厲，俾為後圖，源至常州，道阻未得進，募健士先達上意，充詭詞自飭以報源，充居真州，長蘆寺守船向子恣勸充由通泰入浙，欲與偕行，充畜異志不聽，始京畿提刑凌唐佐在南京，守臣孟庚歸朝，以府事委之，唐佐遂降于金，為所用，唐佐

雅善充以書招之。完顏宗弼復遣人說充曰：若降當封以中原，如張邦昌故事。充遂叛降金。事聞，高宗謂輔臣曰：朕待充不薄，何乃至是哉！下制削充爵，徙其子嵩、巖、崑、瑁、韓汝惟於廣州。是冬，充至雲中，粘罕薄之。久之，命知相州，充猜阻肆威，同列多不協。紹興二年，其孫自徙所間走歸充，其副胡景山誣充陰通朝廷，粘罕下充吏炮掠備至，不服釋之。因問充曰：汝欲復歸南朝邪？充曰：元帥敢歸，充不敢也。粘罕晒之。七年，命充爲燕京三司使。八年，同僉書燕京行臺尙書省事。九年，遷行臺右丞相。十一年，和議成而充死矣。

吳曦，信王璘之孫，節度挺之中子。以祖任補右承奉郎。淳熙五年，換武德郎，除中郎將。後省言其太驟，改武翼郎。累遷高州刺史。紹興元年，挺卒起復濠州團練使。慶元元年冬，由建康軍馬都統制除知興州，兼利西路安撫使。四年，憲聖園陵成，以勞遷武寧軍承宣使。六年，光宗攢陵成，遷太尉，會韓侂胄謀開邊，曦潛畜異志。因附侂胄求還蜀，樞密何澹覺其意，力沮之。陳自強納曦厚賂，陰贊侂胄，遂命曦與州駐劄御前諸軍都統制兼知興州、利州西路安撫使。從政郎朱不棄上侂胄書，謂曦不可主西師。侂胄不報。曦至鎮，鑿副都統制王大節罷之，更不除副帥，而兵權悉歸於曦。開禧二年，朝廷議出師，詔曦爲四川宣撫副使，仍知興州，聽便宜行事。自紹興末，王人出總蜀賦，移牒宣司，勢均禮敵，而侂胄以總計隸宣司，副使得節制按劾，而財賦之權又歸於曦。未幾，兼陝西河東招撫使。曦與從弟晁及徐景望、趙富、米修之、董鎮共爲反謀。陰遣客姚淮源獻關外階成和鳳四州于金，求封爲蜀王。侂胄日夜望曦進兵，曦陽爲持重，按兵河池，不進。潛爲金人地以困王師。侂胄不之覺，會正使程松至，曦不庭參，松不敢詰。曦復多摘取松衛兵，松亦不悟。金人犯西和，王喜魯異拒之，戰方急，曦傳令浪保黑谷，軍遂潰。乃焚河池，退壁青野原。曦時已布腹心于金將士，未之知。猶力戰，敵人竊笑之。曦退壁魚關，招集忠義，厚賜以收衆心。與元都統制毋思以重兵守大散關。曦因撤幕關之戍，敵由版關谷透出，思遁。金遂陷大散關。曦退屯置口，舉人陳國鈞投匭上書，言曦必叛。侂胄不省。十二月，興州見兩日相摩，金遣吳端持詔書金印至置口，封曦蜀王。曦密受之，李好義敗金人於

七方關，曦不上其捷，還興州。是夜天赤如血，光燭地。如晝。翌日，曦召幕屬諭意，謂東南失守，車駕幸四明，今宜從權濟事，衆失色。王異楊駿之抗言曰：如此則相公八十年忠孝門戶，一朝掃地矣。曦曰：吾意已決，卽詣甲仗庫集兵將官語。故祿禧褚青王喜王大中等，皆稱賀聽命。曦北向受印，遣徐景望爲四川轉運使，褚青爲左右軍統制，趙益昌、致總領所倉庫程松開變，乘與元去。三年正月，曦遣將利吉引金兵入鳳州，以四郡付之。表鐵山爲界，乘黃屋左纛，督王位于興州，卽治所爲行宮，稱是月爲元年。使人告其伯母趙氏，趙怒絕之。叔母劉日夜號泣，罵不絕口。曦扶出之，族子僕爲興元統制，見僞檄，色甚不平。曦既僭位，議行削髮左衽之令。遣董鎮至成都治宮殿，將徙居之。曦所統軍七萬，併程松軍三萬，分隸十統帥。遣祿祁房大勳戍萬州，泛舟下嘉陵江，聲言約金人夾攻襄陽。祁尋至夔，遣兵扼巫山，得勝羅護等砦。以謁王師。侂胄聞曦反，不知所爲，或勸不如因而封之。侂胄納其說。吳玠爲曦謀，宜收用蜀名士以係民心。於是陳咸自髡其髮，史次秦塗其目，楊震仲飲藥卒。王翊家拱辰皆不受僞命。楊修年，嘗久中家大西，李道傳、鄧性善、楊泰之、悉棄官去。薛九齡謀舉義兵與州合江倉官楊巨源倡義討逆，未有以發，遂與隨軍轉運安丙共謀誅曦。會李好義與兄好古、李貴等皆有謀，交相結納。二月甲戌，夜漏盡，巨源好義首率勇敢七十人斧門以入，李貴卽曦室斬其首，裂其尸。丙分遣將士收其二子及叔父柄弟暉從弟曉、黨姚淮源、李珪、郭仲、米修之、郭澄等，皆誅之。時吳端猶臥後閣，亦伏誅。徐景望、趙富、吳曉、董鎮、郭榮、祿禧等皆在外，遣人就誅之。函曦首獻于朝，詔曦妻子處死，親昆弟除名勒停。吳璘子孫並徙出蜀。吳玠子孫免連坐。通主璘祀。曦敗時年四十六。

宋史卷四百七十五

李全者維州北海農家子同產兄弟三人全銳頭蓬目權譎善下人以弓馬趨捷能運鐵槍時號李鐵槍初大元兵破中都全主竄汴賦斂益橫遺民保嚴阻思亂於是劉二祖起泰安掠滑沂二祖死霍儀繼之彭義斌石珪夏全時青裴淵葛平楊德廣王顯忠等附之楊安兒起掠莒密展徽王敏為謀主母舅劉全為帥汲君立王琳閻通董友張正中孫武正等附之餘寇讎起大元兵至山東全母及其兄死焉全與仲兄福聚眾數千劉慶福國安用鄭衍德田四子洋弟潭等咸附之大元兵退金乃遣完顏寔為山東行省黃擱為經歷官將花帽軍三千討之敗安兒于蘭頭滴水斷其南路安兒輕舸走即墨金人募其頭千金舟人斬以獻安兒無子從子友僞稱九大王不閉軍務安兒妹四娘子狡悍善騎射劉全收潰卒奉而統之稱曰姑姑眾尙萬餘掠食至磨旗山全以其眾附楊氏通焉遂嫁之全合軍與寔戰又敗寔驍將張惠望見全躍馬赴之槍及全若有繫其馬足而止者全得收餘眾保東海劉全分軍駐嶗上霍儀攻沂州不下寔自清河出徐州斬儀潰其眾彭義斌歸全全黃擱者即阿魯達寔即李二措賜姓完顏惠號張飛燕俠士也此數人者出沒島嶼寶貨山委而不得食相率食人有沈鐸者鎮江武鋒卒也亡命盜販山陽誘致米商斗米輒售數十倍知楚州應純之償以玉貨北人至者輒舍之又說純之以歸銅錢為名馳度淮之禁來者莫可遏安兒之未敗也有意歸宋招禮宋人定遠民季先者嘗為大俠劉祐家廝養隨佑部綱客山陽安兒見而說之處以軍職安兒死先至山陽寅緣鐸得見純之道豪傑願附之意時江淮制置李珪准東安撫崔與之皆令純之沿江增戍恐不能禦乃命先為機察諭意羣豪敘復鐸為武鋒軍副將辟楚州都監與高忠皎各集忠義民兵分二道攻金先遂以李全五千人附

忠皎合兵攻尅海州糧援不繼退屯東海全分兵襲破莒州禽金守蒲察李家別將于洋克密州兄福克青州始授全武翼大夫京東副總管純之見北軍屢捷密聞于朝謂中原可復時頻歲小稔朝野無事丞相史彌遠鑿開種之事不明招納密勸珪及純之慰接之號忠義軍就聽節制於是有意依武定軍生券例放錢糧萬五千人名忠義糧於是東海馬良高林宋德珍等萬人輻湊漣水鐸納之全與劉全俱起羨心焉嘉定十一年五月己丑全軍至漣水邀先白事楚城取器甲金穀議再攻海州純之厚勞全金玉器用及其下有差六月全圍海城金經略阿不罕納不刺等固守不下七月合鄆單郅徐兵來援全與戰于高橋不勝退守石秋分兵襲密州禽黃擱械至楚城是冬徙屯淮陰之龜山十二年山東來歸者不止權楚州梁丙無以贍先懇丙請預借兩月然後帥所部五千并良等萬人往密州就食不許請速遣全代領其眾又不許丙以石珪權軍務珪乃奪漣糧之舟二月庚辰率軍二萬度淮大掠丙調王顯臣高友趙邦永以兵逆之至南度門顯臣敗友邦永遇珪下馬與作山東語皆不復戰丙窘乃遣全出諭之時金人圍淮西急馬司都統李慶宗成濠出戰喪騎三千珪及張春皆有亡失帥司調全與先珪軍援盱眙全亦欲自試親往東海點軍赴之癸亥遇金人于嘉山戰小捷三月先軍進駐天長全進駐盱眙鼎立以待金人乙酉全至渦口值金將乞石烈牙吾答名盧鼓棹者將濟全與其將鹿仙掩之金兵溺淮者數千俘獲甚眾壬辰與阿海戰于化波湖大捷殺金數將得其金牌迨至曹家莊而還三圍俱解全喪失亦眾阿海者金所謂四駟馬也全進達州刺史妻楊氏封令人六月金元帥張林以青莒密登萊濰淄濱棗寧海濟南十二州來歸始林心存宋及擱敗意決而未能達會全還濰州上家揣知林意乃薄兵青州城下陳說國家威德勸林早附林恐全誘己猶豫未納全約挺身入城惟數人從林乃開門納之相見甚歡謂得所托置酒結為兄弟全既得林要領附表奉十二州版籍以歸表辭有云舉諸七十城之全齊歸我三百年之舊主表馮昉所作也秋授林武翼大夫京東安撫兼總管其餘授官有差進全廣州觀察使京東總管劉慶福彭義斌皆為統制增放二萬人錢糧徙屯楚州

先是制置使賈涉以朝命督戰許殺金太子者賞節度使殺親王承宣使殺駙馬觀察使全致所得金牌于涉云殺四駙馬所獲者涉上于朝乞如約賞之故全有是受而四駙馬實不死也十一月大雨雪淮冰合全請於制府曰每恨泗州阻水今如平地矣請取東西城自效制府遣就盱眙劉瑄議瑄集諸將燕全時青夏全咸願以長槍三千人從夜半度淮潛向泗之東城將踏濠冰傳城下掩金人不備俄城上放炬數百齊舉遙謂曰賊李三汝欲偷城耶天黑故以火燭之全知有備引去十三年趙拱以朝命諭京東過青崖峒嚴實求內附拱與定約奉實款至山陽舉魏博恩德懷衛開相九州來歸涉再遣拱往諭配兵二千全亦請往涉不能止乃帥楚州及盱眙忠義萬餘人以行拱說全曰將軍提兵度河不用而歸非示武也今乘勢取東平可乎於是全合林軍得數萬襲東平之城南金參政蒙古剛帥眾守東平全以三千人金銀甲赤幟透濠躍馬索戰時大暑全見城阻水矢石不能及乃與林來汶水而皆中通浮梁來往一夕汶水溢漂大木斷浮梁全首尾幾絕蓋金人堰汶水而決之也詰旦金騎兵三百奄至全欣然上馬帥帳前所有騎赴之殺數人奪其馬逐北抵山谷上有龍虎上將軍者賞銀甲揮長槊威兵以出旁有繡旗女將馳搶突圍會諸將至拔全以出乃退保長清縣精銳喪失大半統制陳孝忠死焉林兵還青州全所攜鎮江軍五百人多怨憤全乃分隸拱使先歸而以餘眾道滄州假鹽利以慰贖之龍虎上將軍者東平副帥幹不搭女將者劉節使女也全至楚州屬呂先赴行在全自渴口之捷有輕諸將心獨先嘗策戰勳威望不下己患之乃陰結制帥所任吏莫凱使譖先先卒全喜而心益貳涉乘先死欲收其軍輒統制陳選往漣水以總之先黨裴淵宋德瑒孫武正及王義深張山張友拒而不受潛迎石琚于盱眙奉為統帥琚遣楚城涉不知覺及選還涉恥之乃謀分琚軍為六請于朝出修武京東路鈐轄印告各六授淵等使之分統謂可散其縱淵等陽受命涉即聞于朝謂六人已順從琚無能為矣其後有教令皆不納然後知淵等猶主琚涉恐甚全結府吏伺知之乃見涉請討琚涉未有處議者請以全軍布南度門移淮陰戰艦陳于淮岸以示琚有備然後命一將招琚軍來者增錢

糧不至罷支衆心一散琚黨自離涉用其策琚技果窮琚素通好於大元至是殺淵而挾武正德珍與其謀主孟導歸大元漣水軍未有所屬全求併將之客有請以附淮將者曰使南將主北軍則淮楚為一涉然之且曰先在時有二千虛籍今當遣明亮覈實因可省費全聞之即獻計曰全若朝將此軍夕與覈除虛籍因卑辭獻珍具以自結涉不能卻遂以付全翼日復命曰初謂有虛額昨夕細點萬五千人之外尙溢十數名涉始悟全見給他日議更遣募屬點之吏亟報全全忽狀白涉昨夕三鼓漣水告警云金人萬餘在邳州全思漣水去邳咫尺既無險阻城壁復弊一被攻劫則直臨淮面罪在全矣深夜不敢驚制使已調七千人迎敵矣涉知全詐因寢點軍之議全又白制府請于朝以劉全為總管駐揚州分數千兵從之而將其衆十一月丁未全遊金山作佛事以薦國殤知鎮江府喬行簡方舟逆之大合樂以饗之總領程量送為主禮務誇北人以繁盛全請所狎娼軍不與全歸語其徒曰江南佳麗無比須與若等一到始造艫艇舟謀爭舟楫之利焉十四年正月金人將南來全請於涉欲與劉瑄共圖泗州以伐其謀涉許之全兵至盱眙度淮攻冠泗州之西城入城守瑄徙盱眙芻粟以實之防城之具俱撤以往為必守之計未幾盧鼓槌來取西城全感兵出戰大敗統制賴興死全閉城自守明日復戰不勝全遁歸資糧器械悉以委敵金人既陷蘄州扈再與趙范及其弟葵邀擊于天長全隨行襲金人後謁而賀曰二監軍已立大功乞以餘寇付全追之然全追之不甚力亦以是進承宣使十五年二月瑄再取西城盧鼓槌背城力戰戒惠必獲全不獲則斬惠數嘗敗全于山東而不能獲每數曰天假此賊事未可量及聞盧鼓槌言自度進未必獲退復受戮即陳躍馬奔全壁棄所執兵請降全拔而起之相與歡甚不數日惠獻下數千人皆潛至全與惠歸請于制置司官之令自總一軍膠西當登寧海之衝百貨輻輳全使其兄福守之為窟宅計時互市始通北人尤重南貨價增十倍全誘商人至山陽以舟浮其貨而中分之自淮轉海達于膠西福又具車輦之而稅其半然後從聽往諸郡貿易車夫皆督辦於林林不能堪林財計仰六鹽場福恃其弟有大造于林又欲分其半林許福恣取鹽而不

分揚福怒曰若背恩耶待與都統提兵取若頭爾林懼懇于制置司涉密召林戲下問之福伏兵于途以伺林覺不追於是李馬兒說林歸大元福狼狽走楚州冬加全招信軍節度林猶遣步書詆全明己非叛涉以咎全全請爲朝廷取之乃提師駐海州以迫林涉聞道遯胥王翊閻瓊勞林泣涕道其故翊歸全使人殺諸塗全攻林急林走全遂入青州十六年二月涉勸農出郊暮歸入門忠義軍遮道涉使人語楊氏楊氏馳出門伴怒忠義而揮之道開涉乃入城自是以疾求去甚力五月被召卒秋全新置忠義軍籍初涉屯鎮江副司八千人于城中翟朝宗統之分帳前忠義萬人屯五州城西趙邦高友統之屯五千淮陰王暉及于潭統之所以制北軍也全輕鎮江兵且以利啗其統制陳選及趙興使不爲己患唯忘帳前忠義乃數稱高友等勇遇出軍必請以自隨涉不許全每燕戲下并召涉帳前將校帳前亦願隸焉然未能合也及丘壽邁攝帥事全忽請曰忠義高合尺籍齒莽莫若別置新籍一納諸朝一申制閫一留全所庶功過有致請給無弊壽邁善而諾之全乃合帳前忠義悉籍之盡統其軍時人莫悟十一月許國自武階換朝議大夫淮東安撫制置使命下聞者驚異先是國奉祠家食數言全必反欲傾涉而代之會召國奏事國疏全姦謀甚深反狀已著非有豪傑不能消彌蓋自驚也至是喬行簡爲吏部侍郎上疏論國望輕不宜帥淮不報山陽參幕徐晞稷雅意開聞及聞國用晞稷闕望乃騰國奏注釋以寄全全得報不樂是冬大元將李二措及邳州守致書海州欲附宋全戲下周岳得之即以報全全喜遣王喜兒以兵二千應接而已繼之二措納喜兒而囚之全兵欲攻邳四面阻水二措積勁督備之全不得進合兵索戰全敗欲還楚州會漢棟有亂乃引兵趨山東十七年正月國之鎮楊氏郊迂國辭不見楊氏慚以歸國既視事痛抑北軍有與南軍競者無曲直偏坐之犒饗十裁七八全自山東致書于國國誇於衆曰全仰我養育我略示威即奔走不暇矣全固留青州國不能致四月全遣小吏致再書國喜曲加勞接即日真補承信郎冀結其心小吏曰小吏奉書而遽得命諸將校謂何不受歸語其徒以爲笑國見全無來期數致厚鏡邀全議事會劉慶福亦使人規國意向國左右

知之語規者曰制置無害汝等意慶福以報全全集將校曰我不參制閫則曲在我今不計生死必往見八月全上謁賓贊戒全曰節使當庭趨制使必免禮及庭趨國端坐納全拜不爲止全退怒曰庭參亦常禮全歸本朝拜人多矣但恨汝非文臣本與我等汝向以淮西都統謁買制帥亦免汝拜汝有何勳業一旦位我上便不相假借耶全赤心報朝廷不反也國繼設會宴全遣勞加厚全終不樂國之客章夢先主幕議慶福謁見夢先責客將令隔簾貌嗔慶福不能堪國以名馬十餘噉遺全不受國固遣全使其充斥階庭伺候移時而復卻之如是者半月卒不受全欲往青州懼國苛留自計曰彼所爭者拜也拜而得志吾何愛焉更折節爲禮因會席間出劄白事國見其細故判從之全即席再拜謝自是動息必請得請必拜國大喜語家人曰吾折伏此虜矣義斌求趙邦承來山東全爲白之國諾邦承乘間告國曰邦承若去制使誰與處國曰我自能兵爾毋慮邦承泣而辭之全遂往青州十一月國集兩淮馬步軍十三萬大閱楚城之外以挫北人之心楊氏及軍校留者恐其圖己內自爲備慶元年湖州人潘甫與其從弟丙壬起兵密告全黨于山陽全黨欲坐致成敗然其謀而不助之力甫歸陰勒部曲及聚販鹽盜至千餘結束如北軍率衆揚言自山陽來擁立濟王事見茲傳時全圖國之意已決遣慶福還楚城使爲亂或教楊氏畜一妾男子間指謂人曰此宗室也至語郡僚曰會令汝爲朝士潛約貽四軍相應忠義統領王文信有衆八百涉徙刺揚州強勇軍國之聚兵大閱文信在焉慶福與謀令歸襲揚州別遣將劫寶應事濟即揮衆度江貽貽四將不從於是慶福等謀中輟止欲快意於許國焉計議官苟夢玉知之以告國國曰但使反反即殺我豈文儒不知兵耶夢玉懼禍及己求撤往貽復告慶福曰制帥欲圖汝兩爲自結之計乙卯國晨起莅事忽露刃充庭客駭走國厲聲曰不得無禮矢已及頰流血蔽面國走亂兵悉害其家大縱火焚官寺兩司積蓄盡入賊親兵數十人翼國登城樓雉城走伏道堂中宿焉時四明人姚紳通判青州全豫令還山陽及澧水而復止之至是擁紳入城與通判宋恭喝犒南

五十兵初國倚揚州強勇軍統制彭興及淮西親兵將趙社朱虎等為腹心至是首降賊且助為亂惟丁勝張世雄沈與杜靖毗富道不屈或與賊巷戰與手殺賊將馬良賊黨得志更相賀獨張正忠歎曰若曹不識事體朝廷豈置汝耶王文信復獻計慶福曰我偽作重傷提本部軍歸揚州楊守必不疑我生縛守以其城獻慶福喜夜飲而遣之丙辰許國縊于途丁巳文信將至揚州其徒有亡入城告變者時揚之兵皆在楚知州兼提點刑獄汪統會同官議鈐轄趙拱曰若不納則文信必曰我歸營何故見拒將借是以魚肉城外之民拱素善文信請說止其兵而以單騎入俟入城而殺之然後撫其兵領往盱眙分隸張范戲下統喜遣之遇文信于十里頭置酒相勞苦文信偽為裏創狀拱曰忠義反楚州揚州人見忠義暮歸豈不相疑不若暫駐兵城外然後同見提刑提刑急欲知楚州事也文信不疑聯騎入城坐客次拱先入勸統收戮之統躊躇不敢發劉全知其謀帥甲士突入郡堂厲聲曰王統領好人提刑不必疑請出受參統不得已出而犒之劉全以兵翼之出館其家詰旦統未有處拱又請引文信出城與議回屯楚州文信知事泄拱就出劉全亦請從至平山堂文信責拱賣己欲殺之拱曰爾謀如此三城人命何辜我已存三城人身死無憾然我死汝八百家老幼在城豈得生耶文信及其眾動色文信劉全遂還楚州時盱眙總管夏全聞山陽得志亦懷異圖劉瑋厚賂之乃止及文信亂瑋懼夏全復動乃使卞整將兵三千視之使不敢動整以邀文信為辭引兵還揚州因偽言盱眙失守卞整為亂於是揚州復震城門晝閉彌遠懼激他變欲姑事涵忍而後圖之謀帥莫可以徐晞稷嘗倅楚州守海州得全歡心晞稷亦勇往乃授淮東制置使令屈意撫全時慶福以事濟報全全又牒義斌等曰許國謀反已伏誅矣爾軍並聽我節制義斌得牒大罵曰逆賊背國厚恩擅殺制使此事皆因我起我必報此讐呼趙邦永曰趙二汝南人正須爾明此事乃斬齋牒人南向告天普眾見者憤激全自青州至楚城伴責慶福不能彈壓致忠義之闕斬數人請待罪朝廷未之詰趙范時知揚州兼提點刑獄得制置印于潰卒中以授晞稷全遣騎逆晞稷己卯晞稷入楚城劉全躍馬登郡廳晞稷迎之全及門下馬拜

庭下晞稷降等止之賊眾乃悅四月潘壬變姓名至楚州將度淮而北小校明亮獲之械送行在伏誅甲午時青使人偽為金兵道邳州出漣水奪金田租而伏騎八百翼旦全引二百騎度淮與鬪伏發全敗圍之慶福以兵往拔全出全與慶福俱重傷歸楚州丁勝張世雄欲乘全敗舉兵追北軍晞稷止之全後知其謀對晞稷詰之二人不為屈然懼禍及己晞稷乃潛授世雄勝軍統制教使逃而陽索之北軍追世雄世雄且戰且走得達揚州晞稷初至楚緩急相濟如囚趙社逐朱虎賊向畏屢令全還戰馬軍器于制司全唯唯退招姚紳及將校飲酒酣全曰制司追我戰馬軍器若何忽有將校曰當時忠義只百十人其他軍皆南軍乘勢將帶若濟將何以還一人曰制司必欲追之不若有官者棄官無官者歸山東為百姓一人抵掌憤然使全反全陽罵之紳以告晞稷翼日全見晞稷求納官晞稷撫之而去自是不復誰何其後至以恩府稱全恩堂稱楊氏而手足倒置矣軍器庫止餘槍千數千全復取去全欲戰艦晞稷使擇二艘全移出淮河使軍習之初楚城之將亂也有吏竊許國書篋二以獻慶福皆機事慶福賞盜篋者五百千未之聞全始發緘使家僮讀之有廟堂遺國書令圖全者全大怒又有苟夢玉書即以慶福謀告國者全始惡夢玉反覆夢玉知之時已被堂召亟辭全如京己卯全餽錢夢玉如平時潛殮諸十里之郊復出接捕害夢玉者全往青州五月丁卯全取東平不克戊寅劉全以券易制司錢不如欲復謀亂楊氏出二千緡解之乃止全引兵攻恩州明日義斌出兵與全鬪全敗義斌以千五百騎追之獲馬二千匹皆揚州強勇軍馬也慶福往救又敗全退保山崗抽山陽忠義以北楊氏及劉全皆欲親赴之會全遣人求晞稷書與義斌連和乃止義斌納全降兵兵勢大振進攻真定降金將武仙眾至數十萬致書沿江制置使趙善湘曰不誅逆全恢復不成但能遣兵扼淮進據漣海以蹙之斷其南路如此賊者或生禽或斬首惟朝廷所命賊平之後收復一京三府然後義斌戰河北盱眙諸將襄陽騎士戰河南神州可復也時四總管亦各遣計議官致書乞勅討賊范亦以為言不報全貽書制置司誣義斌叛晞稷繳達之時朝廷知義斌之功俾全未欲行賞未幾義斌俟命不至拓地而北

與大元兵戰于內黃之五馬山。大元兵說之降。義斌厲聲曰：「我大宋臣，且河北山東皆宋民，義豈爲他臣屬耶？」遂死之。戲下王義深等復歸全。全使人說時青附己。餽金五百兩。青見義斌死，乃附全。自移屯淮陰。全招青入城，飲折俎。銅券二千。他魏稱是恩。偏麾下人人喜悅。晞稷宴青，全餽折俎如前。全將往山東，以南軍九百從官。犒鐵錢券人五千。全犒銅錢三倍。許攜南貨免稅。於是請行者不已。得千人以俱。晞稷又以千八百人繼之。二年春，趙范奉祠。林珙知揚州。權提點刑獄。全北剽山東。南假宋以疑大元。且仰食。會金與大元爭大名。全得往來經理。三月丙辰朔，大元兵攻青州。全大小百戰，終不利。嬰城自守。大元築長圍。夜布狗砦糧。援路絕。全遣小校周與祖。繼城雜樵采者走楚州。發援兵。終不能支。全與福謀。福曰：「二人俱死無益也。汝身係南北輕重。我當死守孤城。汝間道南歸。提兵赴援。可尋生路。」全曰：「數十萬勦敵，未易支也。全朝出則城夕陷。不如兄歸。於是全止而福行。朝廷初以力未能討，故用晞稷調護。及傳全被圍，稍欲圖賊。晞稷畏懦，幸全未歸，以苟歲月。朝廷方謀易帥，劉璋久在盱眙，雅意建閫。又見賊勢稍孤，意功名可立，使鎮江副都統彭朐延譽京師。自謂素撫鎮江三萬人，足用。且得四總管歡心，討賊有餘力。朝廷信之。朐亦垂涎代璋從史尤力。九月，以璋知楚州，兼淮東制置使。朐代知盱眙。晞稷不知也。己亥，晞稷以戶部侍郎召。未幾出知袁州。十一月壬子朔，璋至楚州。心知不能制馭四總管，惟以鎮江兵自隨。時青在淮陰，璋怨其移屯叛己，不召也。夏全請從。璋素畏全狡，亦俾留盱眙。朐自揣資望視璋更淺，曰：「璋之止夏全，是欲遺患盱眙也。璋猶憚夏全，我何能利用？」乃激夏全曰：「楚城賊黨不滿三千，健將又在山東。劉制使圖之，收功在旦夕。太尉曷不往赴事會，何端坐爲？」夏全欣然領兵徑入楚城。青亦自淮陰復移屯城內。璋且駭且恐，勢不容卻。復就二人謀焉。時傳全已死。福欲分兵赴援。兵少卒不往。甲子，璋令夏全威陳兵楚城。賊黨震恐。楊氏遣人路夏全求緩師，乃止。

宋史卷四百七十六

元中書右丞相總裁脫脫等修

列傳第二百三十六

叛臣下

李全下

寶慶三年二月楊氏使人行成于夏全曰將軍非山東歸附耶狐死兔泣李氏滅夏氏寧獨存願將軍垂盼全諾楊氏感飾出迎與按行營壘曰人傳三哥死吾一婦人安能自立便當事太尉為夫子女玉帛干戈倉廩皆太尉有望即領此賊無多言也夏全心動乃置酒歡甚飲酣就寢如歸轉仇為好更與福謀逐璋矣辛卯夏全令賊黨圍州治焚官民舍殺守藏吏取貨物時璋精兵尚萬餘窘束不能發一令太息而已夜半雄城僅以身免鎮江軍與賊戰死者大半將校多死器甲錢粟悉為賊有璋步至揚州借州兵自衛猶割揚州造旗幟林拱繳奏于朝聞者大笑夏全既逐璋暮歸楊氏拒之意楊氏反目圖己明日大掠趨盱眙欲為亂張惠范成進閉門不得入翔淮上惠成進出兵欲勦之夏全狼狽歸金金人納之是舉也張正忠不從亂經妻女子庭并己自焚報至中外大恐劉璋自劫未幾死初姚翀從買涉辟楚州推官全喜其附己為引重當路得改秩全請以通判青州國之死全借翀撫定以誑眾以功入朝三月以翀為軍器少監知楚州兼制置群帥鄭子恭杜來等為幕客留母及其子于京買二妾以行至城東織舟以治事聞入城見楊氏用晞稷故事而禮過之楊許翀入城乃入寄治僧寺極意娛之時全在圍一年食牛馬及人且盡將自食其軍初軍民數十萬至是餘數千矣四月辛亥全欲歸于大元懼眾異議乃焚香南向再拜欲自經而使鄭衍德田四救之曰譬如為衣有身無相耶今北歸蒙古未必非福全從之乃約降大元大元兵入青州承制授全山東行省慶福在山陽自知已為厲階懷不自安欲圖福以自贖福知之亦謀去慶福二人互相猜貳不相見福僞病旬餘諸將問疾慶福不往張甫者素厚慶福懼福疑己乃勸慶福往後慶福約甫同往及寢遙見福臥不解衣心恐不得已至床前見床頭

鞘刀慶福口問疾而手按鞘懼福先發福疑慶福就刀見害乃躍起拔刀傷慶福慶福徒手不支甫救之左右羣起殺慶福及甫甫本金元帥封高陽公最善馭眾金亡河北甫據雄霸清莫河間信安不下信安出白溝距燕二百里而阻巨礮大元兵不能涉甫每潛師窺伺大元將俚岩奴屢欲滅甫以取雄霸驍將窩羅虎者歸甫甫納之其後窩羅虎遁去且竊甫千里馬以獻俚岩奴俚岩奴喜待遇益厚嘗會飲燕京之大悲閣窩羅虎醉俚岩奴而推使投閣幾驚焉窩羅虎乃伴醉下樓復乘所獻馬以歸甫追者莫及人始服甫之用間焉其後歸全福以慶福頭納種種大喜來曰慶福首禍一世姦雄今頭落措大手耶飛報于朝遣子恭繼奏捷璋之敗儲積掃地綱運不續賊黨籍籍謂福所致福數見種及倉幕促之皆謝以朝廷撥降未下福曰朝廷若不養忠義則不必建閫開幕今建閫開幕如故獨不支忠義錢糧是欲立制閫以困忠義也六月福乘眾怒與楊氏謀召種斂種至而楊氏不出就坐賓次左右散去福與種命召諸幕客以楊氏命召種二妾諸幕客知有變不得已往來朝服至八字橋福兵要戮之來兩望再拜就斃二妾之入種及見之福兵欲害種鄭衍德救之得免去須鬻繩城西夜走徒步歸明州未幾死朝廷以淮亂相仍遣帥必斃莫肯往來始欲輕准而重江楚州不復建閫就以帥楊紹雲兼制置改楚州名淮安軍命通判張國明權守視之若羈廢州然賊徒黨塞南門開北門支邑民田皆以少價抑買之自收賦以贖軍錢糧不繼如故賊將國安用閫通數曰我曹米外日受銅錢二百楚州物餘可以樂生而劉慶福為不善怨仇相尋使我曹無所衣食張林邢德亦謂嘗受宋恩中遭全閫際今歸于此豈可不與朝廷立事王義深亦嘗遭全屈辱且謂我本買帥帳前人與彭安撫舉義不成而歸五人相謂曰朝廷不降錢糧為有反者未除耳乃共議殺福及楊氏以獻於是眾帥兵趨楊氏家福出德手刃之相屠者數百人有郭統制者殺全次子通殺一婦人以為楊氏函其首并福首馳獻于紹雲紹雲驛送京師傾朝甚喜檄彭張惠范成進時齊併兵往楚州便宜盡戮餘黨未幾傳楊氏故無恙婦人頭乃全次妻劉氏也忙輕價每供四總管弄戲得檄不敢自決力遜惠成進二人即提兵入楚

城與林等五人歡宴，議分北軍為五，使五人分掌之。每軍無過千人。一屯南度門，一屯平河橋，一屯北神鎮城中城西各一，在山東人老幼並絕錢糧，出淮陰戰艦陳淮岸，以斷全歸路。請制府及朝廷處之。廟議謂青堊重，惟聽青區畫。省檄之下，不及惠成進，青亦恐禍及，密遣人報全于青州，遷延不決。惠等歸盱眙，賊黨復振。紹雲赴樞密稟議，淮東總領岳珂攝制府事，惠成進既歸，錢糧缺乏，密約降金。盧鼓槌許之時，鎮江軍及滁州虎兒軍在盱眙者尚衆，二人給怙曰：「南北軍易致激變，宜令軍人出入無得帶刃，又勸早發虎兒軍折洗，怙從之。二人每軍怙必徧追卓隸，怙皆不悟，方感其拒夏全之功，轉兩軍官資。二人同戲下合辭曰：『不願得官，欲得錢糧。』八月辛酉，惠成進燕怙，怙左右知有謀，多不往。怙往如平時，酒半縛怙，怙從者無寸鐵，且醉皆就縛。即日渡淮，輸款以盱眙附盧鼓槌于泗州。金兵至，開門接之，諸軍不戰皆降。於是塞南門，開北門，導淮水以通泗之東西，城焉。盧鼓槌與惠釋憾，運燭金官惠有加，俾專制河南以拒大元。自是金人窺淮東益急，朝廷調京湖制置司兵萬人屯青平山以備全。全得青報，慟哭力告大元大將求南歸，不許。斷一指示歸南必咈，許之。承制授山東淮南行省，得專制山東而歲獻金幣。十月丙辰，全與大元張宣差并通事數人至楚州，服大元衣冠，文移紀甲子而無號，義深走金，安用殺林德自贖。丁巳，全邀青及張國明于淮陰，國明辭疾，青父子同至，全推殺其子者郭統制，斬之。又收田成瑤田之昂，李英等八人下獄云。非朝廷殺我妻子，吾惟問汝李英，全腹心，狡而密，與李平皆山東胥吏，全之乍逆乍順，二人所教也。平又數致全書，至廟堂以規朝廷，青繳所授檄於全曰：『我素推尊相公，豈肯為此。』全亦惡青反覆，辛酉，與登城南樓飲，殺青，馳騎往給青妻，言青病見與禱，青妻至，盡殺之。遂併青軍，擢小校胡義為將，徙其半于漣海。紹定元年春，全厚募人為兵，不限南北，宋軍多亡應之。天長民保聚為十六砦，比歲失業，官振之不能繼，壯者皆就募，射陽湖浮屠數萬家，家有兵仗，侵掠不可制。其豪周安民谷汝礪王十五長之，亦盡結水砦以觀成敗。翟朝宗知揚州，權制置，全厚賞捕趙邦永，邦永乃變名必勝，全知東南利舟師，謀習水戰，米商至悉併舟楫之留其柁工，一以教十。

又遣人泛江湖市桐油粘筏，厚募南匠大治艤艦船，自淮及海相望。於是善湘禁桐油粘筏，下江嚴甚。朝宗市粘木往揚州，善湘亦聞于朝，請以松木易留之，全不得已，代以榆板，舟成多重滯。六月，試舟射陽湖，善湘恐其乘便搆通泰，巫牒池州求通泰入湖之路。七月壬辰，全使衍德提兵三萬如海州，乙未全及楊氏大閱戰艦于海洋。八月，全趨青州，為嚴實及石小哥哥邀擊敗走。小哥哥珪子也，遂奪青崖固據之。九月，全歸海州，治舟益急，驅諸崗人習水。十一月，全至楚州，全山東經理未定，而歲貢于大元者不缺，故外恭順于宋，以就錢糧。往往貿易，輸大元，宋得少寬。北顧之憂，遣餉不輟，全縱遊說于朝，不若復建山陽制置司，全又與金合縱，約以盱眙與之，金亦遣斬經歷者，聘全皆不遂。二年四月，全以糧少為詞，遣海舟自蘇州洋入平江，嘉興告羅實欲習海道，規畿甸也。六月，全資淮安牛馬輪趨五噓合亡命，雜北軍分往盱眙略牛馬。九月，全往漣海視戰艦，陽言歸東平葬方士許先生，未幾還，書燕張國明等，忽曰：『我乃不忠不孝之人，衆曰：節使何為有是言也。』全曰：『糜費朝廷錢糧至多，乃殺許制置，不忠不孝之被人殺，不能報復，不孝。』二月二十五日，事吾之罪也。十一月十三日，事誰之罪耶。蓋指璋與夏全也。全密遣軍掠高郵寶應，天長之間，知高郵軍葉秀發遣宗雄武領民兵捍禦，為賊所敗。三年二月壬寅，御前軍器庫火，得縱火者，楚州軍穆椿也。全欲銷宋兵備，故使椿行，且伏姦于外，謀入為亂，以不得入而止。於是先朝兵甲盡喪，椿臨刑笑曰：『事濟矣。』全欲先據揚州以度江，分兵徇通泰，以趨海。諸將皆曰：『通泰鹽場在焉，莫若先取為家計。』且使朝廷失鹽利，全欲朝廷不為備，且雖反而難遠絕錢糧，乃挾大元李宋二宣差恫疑虛喝，而使國明達諸朝，而大元實未嘗資全兵。有識李宣差者曰：『此青州賣藥人也。』七月，召國明稟議，全以寶玉資其行，賓從所過，揚言李相公英略絕倫，其射五百步，朝廷莫若裂地王之，與增錢糧，使當邊境，徧謁要津，求主其說。既見廟堂，以百口保全，不叛。八月，全將閩舟師風不順，焚香禱曰：『使全有天命，當反風語畢，風反。』大閱數日，會全羅麥舟過鹽城縣，朝宗嗾尉兵奪之，全怒，以捕盜為名，庚午，水陸數萬徑搆鹽城，成將陳益樓強皆遁，全入城據之。知縣陳遇踰城走，公私鹽貨皆沒。

於全朝宗倉皇遣幹官王節入鹽城。全退師。又遣史曾玠李易入山陽求揚州裏言之助。皆不答。朝宗乃遣卞整領兵扼境。全留鄭祥董友守鹽城。提兵往楚。整與遇。廐軍道左。擊柝聲諾。全言于朝。稱遣兵捕盜。過鹽城。令自棄城遁去。慮軍民驚擾。未免入城安衆。乃加全兩鎮節。令釋兵命。制置司幹官耶律均往諭之。全曰。朝廷待我如小兒。啼則與果。不受。朝廷爲罷朝宗。謀再用紹雲。紹雲辭以官卑不能制命。鄭損。損通判揚州趙璫。夫暫攝事。全造舟益急。至發家取粘板。鍊鐵錢爲釘。鞠熬人脂。搗油灰。列炬繼晷。招沿海亡命爲水手。又給璫夫以大元爲詞。邀增五千人錢糧。求善書鐵券。朝廷猶遣餉不絕。全得米卽自轉輸。淮海入鹽城。以贍其衆。他軍士見者曰。朝廷惟恐賊不飽。我曹何力殺賊。射陽湖人至有養北賊。戕淮民之語。聞者太息。王十五附全。全又遣人以金牌誘脅周安民等。造浮梁于諭口。以便鹽城來往。又開馬擺港。毒河。引淮船入湖。爲攻撓水砦計。復言於制置司云。全復歸三年。准甸寧息。雖荷大丞相力。主安靖之說。深有覆護之恩。奈何趙制置岳總管二趙兄弟。人自爲政。使全難處。全欲決定去就。親往鹽城存劄。若有疾全者。疑全者。如趙知府之輩。便可提兵決戰。如能滅全。高官重祿。任彼取之。倘不能滅。方表全心。善相見之。甚憤。范亦請調兵。時彌遠多在告。執政無可否。舉朝率謂大丞相老於經綸。豈不善處。獨參知政事鄭清之深憂之。密與樞密袁詔尚書范楷議。二人所見合。清之乃約詔見帝。詔歷言全狀。帝有憂色。清之卽力贊討全。帝意決。清之退。以帝意告彌遠。彌遠意亦決。乙巳。金字牌進善。湘煥章閣學士。江淮制置大使。范直徽猷閣。知揚州。淮東安撫副使。蔡直寶章閣。淮東提點刑獄兼知滁州。俱節制軍馬。全子才軍器監簿。制置司參議官。下詔曰。君臣天地之常經。刑賞軍國之大枋。順斯柔撫。逆則誅夷。惟我朝廷兼愛南北。念山東之歸附。卽淮甸以綏來。視爾遺黎。本吾赤子。故給資糧。而脫之餓殍。賜爵秩。而示以寵榮。坐而食者。踰十年。惠而養之。如一日。此更生之恩也。何負汝而反耶。蠢茲李全。儕於異類。蜂屯蟻聚。初無橫草之功。人面獸心。曷勝擢髮之罪。繆爲恭順。公肆陸梁。因餽餉之富。以嘯集儻徒。拔品位之崇。以脅制官吏。凌蔑帥閫。殺逐邊臣。虔劉我民。輸掠其衆。狐

假威以爲畏己。犬吠主旁。若無人。姑務包含。愈滋猖獗。遽敢據於鹽邑。繼掩襲於海陵。用怨酬恩。稔惡恣暴。爲封豕以泔食。貪婪無厭。怒螳螂而當車。滅亡可待。故神人之共憤。豈覆載之所容。舍是弗圖。孰不可忍。李全可削奪官爵。停給錢糧。勅江淮制置使諸軍討伐。因朝野僉議。堅一意以勦除。蔽自朕心。誕行天罰。肆予衆士。久銜激憤之懷。暨爾邊氓。期洗沈寃之痛。益勉思於奮厲。以共羣聽。應擒斬到全者。賞節度使錢二十萬。銀絹二萬匹。同謀人次第擢賞。能取奪見占城壁者。州除防禦使。縣除團練使。將佐官兵。以次推賞。逆全頭目。兵卒。皆我遺孽。豈甘從叛。諒由劫制。必非本心。所宜去逆來降。並與原罪。若能立功效者。更加異賞。鄭衍德。國安用。雖與逆全管兵。然屢效忠款。乃心本朝。馮培千世。環雖爲逆。全信用。然俱通古今。宜曉逆順。如率衆來降。當加擢用。四方士人。流落淮甸。一時陷賊。實非本心。如能相率來歸。當與赦罪。海州漣水軍東海縣等處。有爲逆全守城壁者。舉城來降。當各推恩。時青以忠守境。屢立戰功。彭義斌以忠拓境。大展皇略。亦爲逆全謀害。俱加贈典。追封立廟。噫。以威報虐。既有辭於苗民。惟斷乃成。斯克平於淮蔡。布告中外。咸使聞知。詔。清之所代也。促荆襄淮西諸軍赴援。壬子。全兵突至灣頭。璫夫恐欲走。副都統丁勝劫關者止之。全攻城南門。都統趙勝自堡砦提勁弩赴大城注射。全稍退。全遣劉全奄至堡砦西城下。欲奪之以瞰大城。先是趙勝屯西城見濠。每曰。設有寇至。未圍大城。先襲堡砦。何可不備。威署中督軍浚濠。人皆苦之。翟朝宗亦以爲笑。旣浚。勝決新塘水注焉。及是。劉全不能進。勝又浚市河。人尤謂不急。全至。勝開水門。納買舟千餘艘。活者數千人。糧貨不與焉。時朝廷雖下詔討全。而猶有內圖戰守外用調停之說。是日。璫夫得彌遠書。許增萬五千人糧。勸全歸楚州。璫夫亟遣劉易卽全壘授全。全笑曰。丞相勸我歸。丁都統與我戰。非相給耶。擲書不受。惟留省劄。璫夫始知全給己。亟發牌印。迂范。癸丑。全塞泰州城濠。于邦傑宗雄武通全。戒守者無得發矢。俟灌城而蹙之。全得距堙。宋濟恐。令縣尉某如全壘。全以增糧省檄示之。尉復出獻錢二百萬以降。乙卯。邦傑雄武開門。導全濟

師僚吏出迎，全入坐郡治，濟發格出所獻錢，全曰：「獻者獻汝私藏耶？若泰州府庫，則我固有，何假汝獻為？」乃舍濟，命判廳入郡堂，盡收子女貨幣，庚申，全聞范葵既入，鞭衍德曰：「我計先取揚州，度江爾曹勸我先取通泰，今二趙入揚州矣，江其可度耶？莫敢對。」既而曰：「今惟有徑擣揚州耳。」甲子，全配兵守泰州，悉出眾宜陵，丙寅，至灣頭立砦，據連河之衝，使胡義將先鋒騎駐平山堂，伺三城機便，丁卯，全攻城東門不利，賊將張友呼城東請見葵，全隔濠立馬相勞苦，葵切責之，全彎弓抽矢向葵而去，戊辰，張璠、戴友龍、王銓、張青以天長制勇三軍至，阻全不得前進，人請援范葵親出堡塞西門，列陳待之，全不敢動，璠等乃入城，庚午，全晨率步騎五千餘攻堡塞西門，趙勝出兵戰不利，范葵以兵益之，全兵亦增，葵擊却之，辛未，賊引兵三萬沿州城東向西門，李虎、趙必勝、張璠、崔福力戰，自已至申，全乃沿東門以歸，丁勝、王鑑于俊擊走之，襄兵萬人至真州，上琪統制張達、監軍張大連不設備，魚貫而行，全哨馬帥田四擊之，為數截，殲者五千，達大連死之，淮西援兵至，亦遇全統領桑青力戰，城中俱不知也，襄兵敗，全兇焰益振，每曰：「我不要淮上州縣，度江浮海，徑至蘇杭，執能當我。」甲戌，復引輕騎犯州城南門，且欲破堰泄濠水，統制陳達率勁弩射之，范葵出軍迎擊，乃去，是日，金玠等距淮安十里焚全砦柵，全將劉全出戰，玠軍不利，退屯寶應，全志吞三城，而兵每不得傳城下，宗雄武獻全計曰：「城中素無薪，且儲蓄為總所支借，殆盡，若築長圍，三城自困。」乙亥，全悉眾及驅鄉農合數十萬，列砦圍三城，制司總所糧援俱絕，范葵命二城諸門各出兵劫砦，舉火為期，夜半縱兵衝擊，殲賊甚眾，自是賊一意長圍，以持久困官軍，不復薄城，戊寅，全張蓋樂平山堂，布置築圍，指揮閑暇，范葵令諸門以輕兵牽制，親帥將士出堡砦，全分路鑿戰，自辰至未，殺傷相當，庚辰，范出師大戰，玠等破全將張友于都倉，獲糧船數十艘，甲申，葵出戰，賊大敗，四年正月辛卯，全兵浚圍城，范葵遣諸將出城東門掩擊，全走土城，官軍躡之，蹂躪甚眾，是日，玠破全將鄭祥，獲糧百艘，甲午，全兵千餘犯州城東門，城中出兵應之，全即引去，乙未，李虎出南門，楊義出東門，王鑑出西門，崔福出北門，各徑扼賊圍，開土城數處，范葵提兵策應，全步騎數千

出戰，諸軍奮擊，俘賊甚眾，夜賊復合所開城，丁酉，趙勝遣統制陸昌孫舉立橋堡砦于北門，賊步騎分道來戰，勝擊退之，范陳于西門，賊閉壘不出，葵曰：「賊俟我收兵而出爾，乃伏騎破垣門，收步卒誘之，賊兵數千果趨濠測，虎力戰，城上矢石雨注，賊退，有頃，賊別隊自東北馳至，范葵揮步騎交浮橋吊橋並出，為三迭陳以待之，自己至未，賊與大戰，剋遣虎顯廣必勝義以馬步五百出賊背，而葵帥輕兵橫衝之，三道夾擊，用范所制長槍果大利，賊敗走，翼日，全遣步卒三百餘向城西門，午進，午退，以誘揚州兵，復驅壯丁增濠面，培鹿角，范葵遣騎將出夾城東西牽制之，親出州城西門，分三道以進，賊望風潰，乃募勇力贖薪砲焚其樓櫓十餘，賊自平山堂磨騎下救，道遇于俊軍而歸，始全反計雖成，然多顧忌，且懼其黨不皆從逆，邊陲好進喜事者，欲挾賊為重，或陰贊之，謂激作愈甚，朝廷愈畏，則錢糧愈增，又許身任調停之責，故全兵將舉而張國明先召，全之託詞陳遇棄城及歸過三趙圖己，蓋成謀也，及三趙用宋師集諸閩，易國明沮削全官爵，罷支錢糧，攻城不得，欲戰不利，全始自悔，忽忽不樂，或令左右抱其臂曰：「是我手否？」人皆怪之，時正月望，城中放燈樂張，姑示整暇，全見之，亦往海陵載妓女張燈平山堂，矯情自肆，是晚燕大元宣差宣差激全曰：「相公服飾器用，多南方物，乃心終在南耳，全乃取諸勅朝服，南向歷述平生梗概，再拜禱服焚之，數日，國明誤我，淚下如雨，拭淚就坐，彊歡，有胸山于道士者老矣，全迎致之，初見，全即數曰：「我業債合在此償耶？」占事多驗，尊為軍師，及見全焚誥命，謂人曰：「相公死明日，我死今日矣。」人問之曰：「朝廷以安撫提刑討逆，然為逆者節度使也，豈有安撫提刑能擒節度使哉？」諸勅既焚，則一賊爾，盜固安撫提刑所得捕，不死何為？」入見全曰：「相公明日出帳門必死，全怒，以為厭己，斬之，范葵夜議詰朝所向，葵曰：「東向利，不如出東門。」范曰：「西出嘗不利，賊必見易，因其所易而圖之，必勝，不如出堡塞西門。」壬寅，全置酒高會平山堂，有堡塞候卒識其槍垂雙拂為號，以報范，喜謂葵曰：「此賊勇而輕，若果出，必成擒矣。」乃悉精銳數千而西，取官軍素為賊所易者，張其旗幟以易之，全望見，喜謂宣差曰：「看我掃南軍。」官軍見賊，突鬪而前，亦不知其為全也，范歷軍並進，葵親搏戰，諸軍爭奮，

賊始疑非前日軍，欲走入土城。李虎軍已塞其墻門，全寤從數十騎北走。蔡率諸將以制勇寧淮軍，覺之，賊趨新塘。新塘自決水後，潭深數尺，會久晴，浮戰塵如燥壤，全騎陷淖，不能拔，制勇軍奮長槍三十餘亂刺之，全曰：「無殺我，我乃頭目。」先是令諸陣上眾獲頭目，無得爭，以為獻，故羣卒碎其尸，而分其鞍馬器甲，并殺三十餘人，類非卒伍，俱不暇問。甲辰，賊軍全撤，人周海請降，報全已殺餘黨，議潰去。未幾，聞安用數恨飲泣，初議推一人為首，以竟其逆，莫肯相下。欲還淮安，奉楊氏主之。范夜上捷書，制置司議翼日追賊。乙巳早，安用引五百騎徑南門趨灣頭，范伏弩射之，賊呼曰：「爾襄陽援兵已敗走，汝知之乎？」城中應曰：「汝李全已為戮，汝何不降，賊不應，諸將欲追賊，范懼有伏兵，先分兵燒圍城樓櫓，夜半火光燭天，命東南諸門皆出兵，范葵繼提精兵進，四鼓，賊大潰。丙午黎明，葵追及賊于灣頭，一戰又破之，俘斬及奪回糧畜蔽野，別將追至大儀，不及，葵使人瘞新塘骸骨，得左掌無一指，蓋全支解也。先是全乞靈茅司，徒廟無應，全怒，斷神像左臂，或夢神告曰：「全傷我，全死亦當如我。」至是果然。揚州平，善湘以露布上，帝驚喜，太后舉手加額，國明輩懼禍及己，唱論云：「全未死，至有資遊士吳大理等助煽之，及泰州凱奏，繼上浮言始定，朝中皆擬隨表入賀，彌遠以小寇就平，謝止之。」甲寅，善湘來犒師。二月，命胡穎部所獲賊酋二十人獻俘于朝，且定奇功二十有九人及其餘，促行賞，又遣趙楷往稟廟算。三月庚寅，禱祭有臬鳴于牙，占之吉，別遣余子才率王旻等將萬五千人，與于玠犄角取鹽城，癸巳，步騎十萬發揚州，留勝權守，庚子，鹽城賊董友王海以兵圍下整砦，玠擊却之。癸卯，遣總轄韓亮戚永昇率多槳船及民船四百入射陽湖擊賊于諭口，丁未，亮破賊于崔涓，己酉，范葵分兵進至平河橋，勦賊甚多，壬子，玠整敗賊將王國興于岡門，斬首千級。四月丁巳，敗賊于十里亭，賊兵爭門墜濠如蟻，庚申，別將范勝趙興破賊砦于壽河，拔農民脅從者萬家，壬戌，范葵遣諸軍薄淮安城，下，賊大敗，死者萬餘，焚二千家，城中哭聲振天。甲子，子才自他道進攻，賊將董友拒之，大戰于港口，敗之。庚辰，舟師過漣水戰勝，達淮安。五月丙戌朔，天大霧，官兵攻上城，賊守者尙臥，倉皇起鬪，官軍互踏肩為梯，前者或墜，後者繼至，自

丑至未，五城俱破，斬首數千級，生擒數百人，兵士有故隸楚州左右軍者，家屬數為賊虜，至是洩憤，無老幼皆殺之，燒砦柵萬餘家，腥焰蔽天，餘寇爭橋入大城，重濠皆滿，淮北賊歸赴援，舟師又勦擊，焚其水柵，東五城餘址，賊始懼，己亥，子才率趙必勝王旻軍移砦西門，道遇賊大戰，至夜不解，子才為銳陣左右，救乃勝，楊氏諭鄭衍德等曰：「二十年梨花槍，天下無敵手，今事勢已去，撐拄不行，汝等未降者，以我在故，爾殺我而降，汝必不忍，若不圖我，人誰納降，今我欲歸老漣水，汝等宜告朝廷，本欲圖我來降，為我所覺，已驅之過淮矣，以此請降可乎？」眾曰：「諾。」異日，楊氏絕淮而去，賊黨即遣偽計議馮均潘于款于軍門，范等密聞于朝，朝論不可，范曰：「若明諭朝旨，是堅賊志，不如陽許以誤之。」我自為必討之計，乃遣范用吉入城諭賊曰：「朝廷已許納降，但令安撫交過北軍，衍德等遣潘子隨用吉報謝，許獻玉帶犒軍黃金四千兩，范曰：「我欲款賊，賊更來款我，子歸鄭衍德等自知降亦不免，始送款于金，至是金遣其副統軍許奕萬戶兀林答，以其京東元帥牒來言曰：「此賊不降，能為兩國患，請與大國夾攻之，各勿受降，范怪其來無故而難於陰絕，遣王貴報之，不從其請，六月己未，大戰于河西，三砦賊大敗，楊氏歸漣水，壬戌，賊先遣妻孥過淮，軍爭欲往，斬之不能禁，反有起殺頭目者。甲子，復大戰淮安，遂平，議乘勝復淮陰，兵未行，淮陰降金，繼得探報云：「宋師遲一宿攻城，淮安亦為金有矣。」於是全所據州悉平，楊氏竄歸山東，又數年而後斃，全之寇泰州，官屬十有九人皆迎降，獨教授高夢月不汗，詔贈三官，全子璲。

宋史卷四百七十七

世家一

南唐李景

唐自安史之亂，藩鎮專制，百有餘年，浸成割據，及巢賊蹂躪郡邑，丘墟降臻，五季豪傑繼午，各挾智力，擅為封疆，自制位號，以爭長雄，天厭禍亂，授宋大柄，太祖命將出師，十餘年間，南平荆楚，西取巴蜀，劉鋹既俘，李氏納款，至于太宗，吳越請吏，漳泉來歸，薄伐太原，遂償北漢，而海內一矣，王偁東都事略，用東漢隗囂公孫述例，置孟昶劉鋹等於列傳，舊史因之，今做歐陽脩五代史記，列之世家，凡諸國治亂之原，天下離合之勢，有足鑒者，悉著于篇，其子孫諸臣，事業有可考者，各疏本國之下，作列國世家。

南唐李景，本名景通，後改為璟，避周廟諱，後改為景，父昇，吳楊行密將，徐溫養子，冒姓徐氏，名知詰，五代史有傳，景十餘歲，以父任駕部郎中，諸衛將軍，後唐天成二年，溫卒，昇遂專吳政，昇將出鎮，欲以國事付景，拜兵部尚書，參知政事，昇出鎮金陵，遷景司徒平章事，知內外左右諸軍事，頃之，亦赴金陵，為中外諸軍副都統，昇受吳禪，國號大齊，改元昇元，僭帝號，居金陵，自云唐宗室，建王恪之後，下令復姓李氏，國號唐，封景吳王，諸道元帥，錄尚書事，改封齊王，昇立七年卒，景襲位，改元保大，尊母宋氏為皇太后，立妻鍾氏為皇后，用宋齊丘周宗為宰相，郊祀天地，天福末，遣其將祖思全何洙侵福建漳泉之地，漢乾祐初，李守貞以河中叛，潛遣舒元楊訥間道求援於景，景命其將李金全郭全義出師，應之，金全以聲勢不接，初不願行，景固遣之，至汴陽，聞守貞敗，乃還，周廣順初，景又遣其將邊鐫平湖湘，尋復失之，顯德二年，周世宗征淮南，破景眾於正陽，遂進圍壽州，太祖時，總禁兵，破景將何延錫於渦口，又擒皇甫暉於滁州，景大懼，遣其臣鍾謨李德明奉表，願為附庸，未幾，又遣其臣孫晟王崇質奉表，獻濠壽泗楚光海六州之地，願罷兵，世宗未之許，四年春，世宗大破景軍於紫金山，

降其將朱元克壽州冬，又克濠泗二州，五年春，改元中興，未幾，又改元交泰，是

春，周師克楚州，又進克揚州，將議濟江，景大懼，請盡割江北之地，畫江為界，稱臣於中朝，歲貢土物數十萬，世宗許之，始稟周之正朔，上表稱唐國主，世宗答書，用唐報回鶻可汗之制，云皇帝恭問江南國主，臨汴水，置懷信驛，以待其使，景又上言，世宗，請傳位於世子冀，世宗賜書勉諭之，乃止，景既失淮南之地，頗躁憤，惡其大臣宋齊丘陳覺李徵吉皆殺之，六年十月，冀卒，命御廚使張延範充使弔祭，建隆元年，太祖受命，即遣使以書諭景，初顯德中，江南將校相繼來降，周成等二十四人皆在京師，至是遣歸，二月，景遣使貢絹二萬匹，銀萬兩，賀登極，及澤路平，景又貢銀五千兩為賀，七月，還京，又貢金器五百兩，銀器三千兩，羅統千匹，絹五千匹，又遣其禮部郎中龔慎儀貢乘輿服御物，每歲冬正端午，長春節，皆以土產珍異金銀器用繒帛片茶為貢，每景及錢俶遣親屬入貢，皆御前殿曲宴以寵之，景生日，遣使賜以金幣及賜羊萬口，馬三百疋，囊駝三十，以為常制，是年，親征李重進，駐蹕廣陵，遣其左僕射嚴續來犒師，俄遣其子蔣國公從鑑朝行在所，又遣其戶部尚書馮延魯貢金買宴并伶官五十人，作樂上壽，又貢金銀器金玉鞍勒銀裝兵器及錢銀綾絹，皆有加常數，太祖亦厚賜之，初，景之襲父位也，屬中原多故，盧文進李金全皇甫暉之徒，皆奔於景，跨據江淮三十餘州，擅魚鹽之利，即山鑄錢，物力富盛，嘗試貢士高祖入關詩，頗有窺覷中土之意，自世宗平淮甸，浸以衰弱，及太祖平揚州，日習馬舫戰艦於京城之南池，景懼甚，其小臣杜著頗有辭辨，僞為商人，由建安渡來歸，又彭澤令薛良坐事責授池州文學，亦挺身來奔，獻平南策，景聞之益懼，太祖命斬著於下蜀市，良配隸廬州衙校，景乃安，終以國境蹙弱，不遑寧居，遂遷於豫章，上遣通事舍人王守正持詔撫之，俄而景卒，其臣桂陽郡公徐龜壽遺表來上，太祖廢朝五日，遣較庫車使梁義弔祭，贈緡絹三千匹，煜又遣其臣馮謚奉表願追尊帝號，許之，煜乃謚景為明道崇德文孝皇帝，廟號元宗，陵號順陵，煜字重光，景第六子也，本名從嘉，少聰悟，喜讀書屬文，工書畫，知音律，初封安定郡公，累遷諸衛大將軍，副元帥，封鄭王，景始嗣位，以弟齊王景遂為元帥，居

東宮燕王景達為副元帥，就昇極前盟約，兄弟相繼，中外庶政，並委景達參決。景長子冀為東都留守，後又立景達為大弟，景達為齊王，元帥冀為燕王，副元帥冀鎮京口，周師征淮，吳越圍常州，冀部將敗之，景達屯濠州，兵餉通還，及割地後，出景達為洪州元帥，封晉王，景達撫州元帥，立冀為太子，景達尋卒，數月冀亦卒，乃立從嘉為吳王，建隆二年，景達洪州，立為太子監國，是秋襲位居建康，改名煜，立母鍾氏為聖尊后，以鍾氏父名泰，章故也，妻周氏為國后，遣戶部尚書馮諤來貢金器二千兩，銀器二萬兩，紗羅繒絲三萬匹，且奉表陳紹襲之意，曰：臣本於諸子，實愧非才，自出膠庠，心疎利祿，被父兄之蔭育，樂日月以優游，思追巢許之餘慶，遠慕夷齊之高義，繼傾懇悃，上告先君，固匪虛詞，人多知者，徒以伯仲繼沒，次第推遷，先世謂臣克習義方，既長且嫡，俾司國事，遠易年華，及乎暫赴豫章，留居建業，正儲副之位，分監撫之權，懼弗克堪，常深自勵，不謂掩丁艱，遂玷續承，因顧肯堂，不敢滅性，然念先世君臨江表，垂二十年，中間務在倦勤，將思釋負，臣亡兄文獻太子從冀，將從內禪，已決宿心，而世宗敦勸既深，謙言因息，及陛下顯膺帝鏡，彌篤睿情，方誓子孫，仰酬臨照，則臣向於脫屣，亦匪邀名，既嗣宗祧，敢忘負荷，唯堅臣節，上奉天朝，若曰稍易初心，輒萌異志，豈獨不遵於祖禰，實當受譴於神明，方主一國之生靈，遐賴九天之覆焘，況陛下懷柔義廣，煦軀仁深，必假清光，更逾曩日，遠憑帝力，下撫舊邦，克獲晏安，得從康泰，然所慮者，吳越國降於弊土，近似深響，猶恐輒向封疆，或生紛擾，臣即自嚴部曲，終不先有侵漁，免結疊嫌，撓干旒辰，仍慮巧肆如簧之舌，仰成投杼之疑，曲構異端，潛行詭道，願迴鑒燭，顯論是非，庶使遠臣得安危懇，太祖詔答焉。自景畫江內附，周世宗貽書於景，至是因煜之立，始下詔而不名，會昭憲太后葬，煜遣戶部侍郎韓熙載、太府卿田琛來賈，三年，詔煜應朝廷橫海飛江水關，懷順諸軍親屬有在江表者，悉遣令渡江，煜每聞朝廷出師，克捷及嘉慶之事，必遣使犒師，脩貢，其大慶即更以買宴為名，別奉珍玩為獻，吉凶大禮，皆別修貢助，煜有母妻之喪，亦遣使往弔，乾德元年，煜上表乞呼名，詔不許，二年，又詔江北許諸州民及諸監鹽亭戶，緣江採捕，及過江貿易，先是江北置權

場，禁商人渡江，及百姓緣江樵採，是歲以江南荐饑，特弛其禁，三年，獻銀二萬兩，金銀龍鳳茶酒器數百事，開寶四年，又以占城闍婆大食國所送禮物來上，又遣弟從謙奉珍寶器用金帛為貢，且買宴，其數皆倍於前，是冬以將郊祀，又遣弟從善來貢，會嶺南平，煜懼上表，遂改唐國主為江南國主，唐國印為江南國主印，又上表請所賜詔呼名，許之，煜又貶損制度，下書稱教改中書門下省為左右內使府，尚書省為司會府，御史臺為司憲府，翰林為文館，樞密院為光政院，降封諸王為國公，官號多所改易，五年長春節，別貢錢三十萬，遂以為常，太祖以從善為泰寧軍節度，賜第留京師，是歲，煜又貢米麥二十萬石，雖外示畏服，脩藩臣之禮，而內實繕甲募兵，潛為戰備，太祖慮其難制，令從善諭旨於煜，使來朝，煜但奉方物為貢，六年，賜米麥十萬斛，振其飢民，七年秋，遂詔煜赴闕，煜稱疾不奉詔，冬，乃與師致討，以宣徽南院使義成軍節度曹彬為西南面行營都部署，山南東道節度潘美為都監，煜初聞大兵將舉，甚惶懼，遣其弟從益及潘慎修來買宴，貢絹二十萬匹，茶二十萬斤，及金銀器用乘輿服物等，及至，遂留於別館，王師克池州，又破其衆二萬於采石磯，擒其龍驤都虞候楊收等，獲馬三百匹，江表無戰馬，朝廷歲賜之，及是所獲，觀其印文，皆歲賜之馬也，初將有事江表，江南進士樊若水詣闕獻策，請造浮梁以濟師，太祖遣高品石全振往荆湖，造黃黑龍船數千艘，又以大艦載巨竹，絙自荆渚而下，及命曹彬等出師，乃遣八人作使，郝守濬等率丁匠營之，議者以為古未有作浮梁渡大江者，恐不能就，乃先試於石牌口，移置采石，三日而成，渡江若履平地，煜初聞朝廷作浮梁，語其臣張洎，洎對曰：載籍已來，長江無為梁之事，煜曰：吾亦以為兒戲耳，王師渡江，煜委兵柄於皇甫繼勳，委機事於陳喬張洎，又以徐溫諸孫元楨等為傳詔，每軍書告急，多不時通，八年春，王師傅城下，煜猶不知，一日登城，見列柵於外，旌旗遍野，始大懼，知為近習所蔽，遂殺繼勳，召朱令贇於上江，令連巨筏，載甲士數萬人順流而下，將斷浮梁，未至為劉遇所破，又募勇十五千，餘人謀襲官軍，皆素不習戰，以暮夜人乘一炬來攻，襲北砦，宋師縱其至擊之，殲焉，獲其將帥悉佩印符，初彬之南征也，太祖親諭之曰：卿至彼慎勿暴掠，可

示以兵威，俾自歸順，不必急攻。及彬軍圍城，又命左拾遺知制誥李穆送從鎗還本國，諭以手詔，促其降。會潤州平，煜危迫甚，遣其臣徐鉉周惟簡奉方物來，貢手書，奏自以來哀懇，求罷兵。太祖不許，俄復遣鉉等入貢，仍乞緩師，又不答。但厚賜遺之。初，從鎗之還，詔諸將罷攻城，而煜終惑左右之言，猶豫不決。遂詔進兵。八年冬，城陷，曹彬等駐兵于宮門，煜率其近臣迎拜於門。彬等上露布，以煜并其宰相湯悅等四十五人上獻。太祖御明德樓，以煜書奉正朔，詔有司勿宣露布，止令煜等白衣紗帽至樓下待罪。詔並釋之，賜冠帶器幣鞍馬，有差，下詔曰：上天之德，本於好生，為君之心，貴乎舍垢自亂離之云，瘼致跨據之相承，諭文告而弗賓，申弔伐而斯在，慶茲混一，加以龍綬，江南僞主李煜承奕世之遺基，據據方而竊號，惟乃先父，早荷朝恩，當爾襲位之初，未嘗稟命，朕方示以寬大，每為含容。雖陳內附之言，罔效駿奔之禮，聚兵峻壘，包蓄日彰，朕欲全彼始終，去其疑間，雖頒召節，亦冀來朝，庶成玉帛之儀，豈顧干戈之役，蹇然弗顧，潛蓄陰謀，勞銳旅以徂征，傳孤城而問罪，洎聞危迫，累示招攜，何迷復之不悛，果覆亡之自授，昔者唐堯光宅，非無丹浦之師，夏禹泣辜，不赦防風之罪，稽諸古典，諒有明刑，朕以道在包荒，恩推惡殺，在昔驟車出蜀，青蓋辭吳，彼皆閭閻之降君，不預中朝之正朔，及頒爵命，方列公侯，爾實為外臣，朕我恩德，比禪與皓，又非其倫，特升拱極之班，賜以列侯之號，式優待遇，盡捨尤違，可光祿大夫檢校太傅，右千牛衛上將軍，仍封違命侯，召升殿撫問，妻周氏，封鄭國夫人，又以其子神武右廂都指揮使仲寓為左千牛衛大將軍，弟宣州節度使從鎗為左領軍衛大將軍，江州節度使從謙為右領軍衛大將軍，神武統軍從度為左監門衛大將軍，神武左廂都指揮使從信為右監門衛大將軍，姪戶部尚書仲遠為右驍衛將軍，刑部尚書仲興為右武衛將軍，禮部尚書仲偉為右屯衛將軍，軍宗正卿季操為左武衛將軍，殿中監仲康為右領軍衛將軍，殿中少監仲宣為監門衛將軍，仍賜其弟姪宅各一區。太宗即位，始去違命侯，加特進，封隴西郡公。太平興國二年，煜自言其貧，詔增給月奉，仍賜錢三百萬。太宗嘗幸崇文院觀書，召煜及劉鋹令縱觀，謂煜曰：聞卿在江南好讀書，此簡策多，卿之舊物，歸

朝來，頗讀書否？煜頓首謝。三年七月卒。年四十二。廢朝三日，贈太師，追封吳王。先是江南自後漢以來，民間有服玩侈靡者，人詢之，必對曰：此物屬趙寶子。又煜之妓嘗染碧，經夕未收，會露下，其色愈鮮，明煜愛之，自是宮中競收露水，染碧以衣之，謂之天水碧。及江南滅，方悟趙國姓也。寶年號也。天水趙之望也。從善字子師，僞封鄭王，累遷太尉，中書令。後降封南楚國公，開寶四年春，奉方物來貢，授奉寧軍節度，充海沂等州觀察等使，留京師。時太祖平劉鋹，將召煜入朝，故授從善節制，仍賜汴陽坊第一區。煜手疏求遣從善歸國，優詔不許。七年，推恩將佐，以掌書記江直木為司門員外郎，同判兗州衙內都指揮使，兼左都押衙，崔光習為右千牛衛將軍，衙內都虞候，兼右都押衙，子再興為右千牛衛中郎將，並同正。又封從善母凌氏吳國太夫人，江南平，改右神武大將軍雍熙初，再遷右千牛衛上將軍，出為通許監軍，四年卒。年四十八。子仲翊，大中祥符初，賜同進士出身。二年，復召試，除楚州推官，累遷殿中丞，坐事免。次子仲猷，景德中，特錄為三班借職。

從誦本名從謙，僞封吉王，後降封諤國公，隨煜歸朝，為右領軍衛大將軍，遷右龍武大將軍，歷知陝復成三州，上表改名淳化五年，上言貧不能自給，求外任，以本官充武勝軍行軍司馬，月給奉錢三萬，子仲偃大中祥符八年舉士。季操昇從父弟，僞江王過之子也，從煜入朝，後為右神武將軍，累遷左衛大將軍，領康州刺史，出為單州都監，歷知淮陽漣水二軍，蔡舒二州，大中祥符四年卒。

仲寓字叔章，少聰慧，能屬文，多才藝，僞封清源郡公，歸朝為千牛衛大將軍，煜卒，太宗賜仲寓積珍坊第一區，白金五千兩，仲寓宗族百餘口，猶貧不能給，上書自陳，太宗憐之，授郢州刺史，在郡逾十年，為政寬簡，部內甚治，淳化五年卒。年二十七。子正言，景德三年，特補供奉官，早卒無嗣，唯一女孤幼，真宗愍之，賜絹百匹，錢二百萬，以備聘財，仍遣內臣主其事，煜有土田在常州，官為檢校，上聞其宗屬貧甚，命贖其半，置資產以贍之。

舒元，潁州沈丘人，少儻好學，與道士楊訥講習於嵩陽，通左氏及公穀二傳。

與訥同詣河中謁李守貞與語奇之俱館於門下守貞謀叛遣元與訥問道乞師江南江南遣大將軍皇甫暉等率眾數萬次沐陽為之聲援會守貞敗元與訥留江南元易姓朱楊訥更姓名為李平元事李景歷江寧令駕部員外郎文院院待詔嘗坐事左遷世宗征淮南諸郡多下元求見言兵事景大悅遣率兵攻舒州復之即以爲團練使又平歷陽景以元爲淮南北面招討使周師圍壽春景以其弟齊王景達爲元帥率兵來救以陳覺爲監軍總軍政元素與覺有隙覺密表譖元於景信之立遣大將楊守忠代元元憤怒自以戰功高又不忍負景欲自殺門下客宋洎諫曰大丈夫何往不取富貴豈必爲妻子死哉元聽之將其眾歸世宗景盡誅其妻子世宗素知元驍果得之甚喜以爲檢校太保蔡州防禦使淮南平改濠州防禦使宋初從平李重進改沂州防禦使爲滑州巡檢使與節帥不協誣奏元爲同產妹婿宋琪請求事得釋元復姓舒氏開寶五年爲白波兵馬都監太平興國二年卒年五十五特贈武泰軍節度元辯捷強記治郡日或奏其不親獄訟事多寬滯太祖面詰問之凡所詰元必具誦款占指述曲直太祖甚嘉歎之子知白知雄知崇知白至作坊使知雄初補殿直雷有終薦授供奉官廊延路駐泊都監後辭疾居嵩山知白嘗奏事太宗語及之即召出授西京作坊副使泉福都巡檢使真宗初懇請入道歸嵩陽舊隱復爲王嗣宗李元則所薦授供奉庫使歷知棣州麟府廊延鈐轄又知處州復求入道面賜紫冠服號崇玄大師嘗獻字母圖有詔褒獎乾興元年卒年八十一知崇累歷內職至供奉庫使嘗爲廣州鈐轄河北安撫副使卒知白子昭遠大中祥符五年任大理評事因對自陳改大理寺丞賜進士第至太常博士

者以昇繼唐昭宗之後廟號合稱宗熙載建議以爲古者帝王已失之已得之謂之反正非我失之自我復之謂之中與中與之君廟號稱祖以爲昇與既墜之業請號烈祖景由是益加恩禮權知制誥熙載性懶慢朝直多闕未幾罷去晉天福末中原多事江南方威其臣陳覺馮延魯建討福州師敗而還景釋不問罪熙載與徐鉉同上疏請寬于法覺延魯宋齊丘之黨也熙載爲齊丘所排貶和州司馬語在徐鉉傳久之召爲虞部郎中史館脩撰拜中書舍人世宗平淮甸景患國用不足熙載請鑄鐵錢及煜襲位卒行其議以熙載爲兵部尚書充鑄錢使錢貨益輕不勝其弊熙載頗亦自悔熙載善爲文江東士人道釋載金帛以求銘誌碑記者不絕又累獲賞賜由是畜妓妾四十餘人多善音樂不加防閑恣其出入外齋與賓客生徒雜處煜以其盡忠言事垂欲相之終以帷薄不修責授右庶子分司洪州熙載盡斥諸妓單車即路煜留之改秘書監俄而復位向所斥之妓稍稍而集頃之如故煜歎曰吾亦無如之何遷中書侍郎光政殿學士承旨開寶三年卒年六十煜痛惜之贈左僕射平章事諡文靖葬於梅頂岡謝安墓側命徐鉉集其遺文熙載才氣俊逸機用周敏性高簡無所卑屈未嘗拜人雖被遣逐終不改節江左號爲韓夫子顯德中熙載來朝廷歸景問中國大臣時太祖方典禁兵熙載對曰趙點檢顧視不常不可測也及太祖登極景益重之頗以文章自負好大言初乾德丁卯年五星連珠於奎奎主文章又在魯分時太宗鎮兗海中國太平之符也是歲熙載著格言五卷自序其事云魯無其應韓子格言成之人多笑之

馮諡本名延魯字叔文其先彭城人唐末南渡家于新安李昇僭號立子景爲太子諡與兄延己俱以文學得幸及景嗣位累遷至中書舍人晉開運末閩越大亂景遣諡與諫議大夫陳覺乘傳安撫諡遂矯詔發數郡兵攻福州及敗引佩刀自刺親吏制之不死長流舒州會赦敘用復爲中書舍人改工部侍郎江南以揚州爲東都命諡副留守周世宗下揚州諡覓髮爲僧匿于佛寺爲官軍所獲世宗釋之授太常卿賜與甚厚數年拜刑部侍郎放還爲戶部尚書建隆三年煜遣來貢因表求舒州田宅詔賜之後改常州觀察使而卒子伉歸中朝

韓熙載字叔言雒州北海人後唐同光中舉進士名聞京洛父光嗣爲平盧軍節度副使同光末青州軍亂逐其帥符習推光嗣嗣爲留後明宗即位諒光嗣熙載奔江南歷僞吳滁和常三州從事李昇僭號爲祕書郎令事其子景於東宮景嗣位遷虞部員外郎史館脩撰熙載自言受昇知遇不得顯位是以我屬嗣君也遂上章言事切直景嘉納之又改吉凶儀禮不如式者十數事大爲宋齊丘馮延己所忌昇將葬以熙載知禮令兼太常博士時江左草創典禮多闕議

與兄儼价並登進士第。伉文辭清麗。嘗著平晉頌。時人稱之。累遷殿中侍御史。歷典藩郡。皆有治跡。咸平三年。知福州。卒。特賜錢十萬緡。其子玄應。同學究出身。

潘佑。南唐散騎常侍。處常之子。少介僻。杜門讀書。不交人事。及長。善屬文。尤長於論議。陳喬韓熙載徐鉉等共薦於景。為秘書省正字。直崇文館。煜襲位。遷虞部員外郎。史館脩撰。未幾。知制誥。為內史舍人。有李平者。本嵩山道士。楊訥。依河中帥李守貞。漢乾祐中。守貞反。遣訥與舒元乞師江南。守貞敗。訥逃。易姓名。江南以為員外郎。遷衛尉少卿。歙州刺史。戶部侍郎。平好神仙。修養之事。動作妖妄。自言常與神接。佑亦好神仙。遂相善。二家皆置淨室。圖神像。常被髮裸袒。處室中。家人亦不得至。佑嘗建議復井田。及依周禮置牛籍。薦平判司農寺。以督之。事行。百姓大擾。未幾而罷。佑自以為衆所排。因憤怒。歷詆大臣。與握兵者兩為朋比。將謀反叛。又言國將亡。非己為相不可救。江南政事多在尚書省。因薦平知省事。又薦星官楊熙澄為樞密使。小校侯英典禁兵。煜不納。佑益忿。抗疏請誅宰相湯悅等數十人。煜手書教戒之。佑不復朝謁。乃於家上書曰。臣聞三軍可奪帥也。匹夫不可奪志也。近者連上表章。指陳姦惡。何面目以見士人乎。遂自縊死。

皇甫繼勳。江州節度使暉之子。幼以父蔭為軍校。父死。難於滁州。累遷將軍。池饒二州刺史。勤於吏事。入為諸軍都虞候。遷神衛統軍。都指揮使。諸老將相次皆死。而繼勳尚少。遂為大將。賞產優贍。營舍車服。畜妓樂。潔飲食。極遊宴之好。及宋師至。諸軍多敗。坳繼勳欲煜之速降。每衆中流言。頗道國中感弱。姪紹傑亦以繼勳故為巡檢。常令紹傑入見煜。陳歸命之計。會有風電。繼勳又密陳滅亡之兆。偏裨或有募勇士欲夜出營邀宋師者。輒鞭而拘之。又因請出煜親兵千餘守闕城。為宋師所掩。一日。煜躬自巡城。見宋師列柵城外。旌旗遍野。始驚懼。知為左右所蔽。及巡城還。繼勳從至宮。煜乃責其流言惑衆。及不用命之狀。收付大理。始出軍士悉集。割其肉。頃刻都盡。紹傑亦被誅。煜皆赦其妻子。周惟簡。饒州鄱陽人。隱居好學問。明易義。煜召為國子博士。集賢侍講。頃之以

虞部郎中致仕。宋師圍金陵。煜求能使交兵者。張洎薦惟簡有遠略。可以談笑和解之。召為給事中。與徐鉉奉使至京師。太祖召見詰責。惟簡惶恐。反言曰。臣本居山野。無仕進之意。李煜強遣來耳。臣素聞終南山多靈藥。事寧後願得栖隱。太祖許之。江南平。以惟簡為國子周易博士。判監事。開寶九年。上書述前志。求解官。蓋不得已。非其心也。改虞部郎中致仕。以其子縉為京兆府鄠縣主簿。俾就養。太平興國初。惟簡自終南至闕下。求入見。有司以致仕官非有詔召無求對之制。乃還歲餘。復上表自求用。除太常博士。遷水部員外郎。卒。縉後舉進士。至都官員外郎。

宋史卷四百七十八

元中書右丞相總裁脫脫等修

列傳第二百三十八

世家二

西蜀孟氏

西蜀孟昶初名仁贊及僭位改焉其先邢州龍岡人父知祥事後唐武皇武皇以弟之子妻之是為瓊華長公主同光初知祥為太原尹知留守事三年平蜀四年以知祥為劍南西川節度副大使知節度事明宗即位命知祥討平東川知祥自領兩川節度明宗即以授之長興四年封蜀王許行墨制五年閔帝立乃稱帝於蜀改元明德時清泰元年也事具五代史昶母李氏本莊宗嬪御以賜知祥天祐十六年己卯十一月生昶於太原初知祥鎮西川不及以族行天成元年奏遣衙校迎家太原明宗因令部送長公主及昶與所生母至蜀公主以長興三年卒知祥初署昶西川節度行軍司馬僭號以昶為檢校太保同平章事崇聖宮使東川節度知祥疾立為皇太子權監軍國明德元年七月知祥卒昶襲位年始十六止稱明德年號委政於趙季良張知業李仁罕等二年尊其母李氏為皇太后四年改元廣政後以事誅仁罕知業乃親政事十三年加號睿文英武仁聖明孝皇帝晉末秦州節度使何建鳳州防禦使石泰顏俱以城降昶時契丹亂華漢祖起并門中土蝗旱連歲昶益自大開貢部行郊祀禮自此君臣奢縱及周世宗克秦鳳昶始懼放還先所獲濮州刺史胡立致書世宗稱大蜀皇帝且言家世邢臺願敦鄉里之分世宗怒其無禮不答昶愈不自安乃於劍門夔峽多積芻粟增置師旅用度不足遂鑄鐵錢禁境內鐵凡器用須鐵為之者置場鬻之以專其利立其子玄喆為太子用王昭遠伊審徵韓保正趙崇幹等分掌機要總內外兵柄母李氏謂昶曰吾嘗見莊宗跨河與樂軍戰又見爾父在并州捍契丹及入蜀定兩川當時主兵者非有功不授故士卒畏服如昭遠者出於微賤但自爾就學之年給事左右又保正等皆世祿之子素不知兵一旦邊疆警急此輩有何智略以禦敵高彥儔是爾父故人秉心忠

實多所經練此可委任昶不能遵用其言及太祖下荆楚昶欲遣使朝貢昭遠等固止之太祖詔蜀之郎吏將卒先在江陵者並放還仍給賜錢帛以遣乾德二年昶遣孫遇楊燭趙彥韜為謀至京師彥韜潛取昶與并州劉鈞蠟丸帛書以告其書云早歲曾奉尺書遠達睿聽丹素備陳於翰墨歡盟已保於金蘭洎傳帛伐之嘉音實動輔車之喜色尋於襄漢添駐師徒只待靈旗之濟河便遣前鋒而出境先是太祖已有西伐意而未發及覽書喜曰吾用師有名矣即命忠武軍節度王全斌充鳳州路行營前軍兵馬都部署武信軍節度侍衛步軍都指揮使崔彥進充副部署樞密副使王仁贍充都監龍捷右廂都指揮使史延德充馬軍都指揮使虎捷右廂都指揮使張方充步軍都指揮使隴州防禦使張凝充先鋒都指揮使左神武大將軍王繼濬充濠州使內染院使康延澤充馬軍都監翰林副使張煦充步軍都監供奉官田仁朗充濠州都監殿直鄭彥充先鋒都監步軍都軍頭向韜充先鋒都軍頭寧江軍節度侍衛馬步軍都指揮使劉延讓充歸州路行營前軍兵馬副都部署內客省使樞密承旨曹彬充都監客省使武懷充戰權都部署龍捷左廂都指揮使李進卿充步軍都指揮使前階州刺史高彥暉充先鋒都指揮使右衛將軍白廷諤充濠州使御廚副使米光緒充馬軍都監儀鸞副使折彥質充步軍都監入作副使王令岳充先鋒都監供奉官郝守濬充濠州都監馬步軍都軍頭楊光美充戰權左右廂都指揮使供奉官葉守節充戰權左廂都監殿直劉漢卿充戰權右廂都監率禁兵三萬人諸州兵二萬人分路討之詔令孫遇等指畫江山曲折之狀及兵砦戍守之處道里遠近俾畫工圖之以授全斌等因謂曰西川可取否全斌等對曰臣等仗天威運廟算刻日可定龍捷右廂都校史延德前奏曰西川一方儻在天上人不能到固無可奈何若在地上以今之兵力到即平矣上壯其言謂之曰汝等果敢如此我何憂乎又謂全斌等曰凡克城砦止藉其器甲芻糧悉以錢帛分給戰士及兵至昶遣王昭遠趙崇幹韓保正李進等來拒戰昭遠等相繼執昶大懼出金帛募兵令其子玄喆統之李廷珪張惠安為其副以守劍門玄喆素不習武廷珪惠安皆庸懦無識玄喆離成都但攜姬妾樂器

及伶人數十輩晨夜嬉戲不恤軍政至縣州聞宋師已破劍門遂還歸東川所過焚廬舍倉廩而去昶益惶駭問計於左右有老將石斌對以宋師遠來勢不能久請聚兵固守以老之昶曰吾父子以豐衣美食養士四十年及遇敵不能為我東鄉發一矢今若固壘何人為我效命三年正月昶遣其通奏伊審徵齋表詣全斌請降且言中外骨肉二百餘人有親年幾七十願終甘旨之養免賜睽離之責則祖宗血食庶獲少延未援劉禪陳叔寶故事以請封號全斌等既受其降遣馬軍都監康延澤先以百騎入城見昶諭以恩信留三日盡封府庫而還昶又遣其弟贊詣關上表言先臣受命唐室建牙蜀川因時事之變更為人心之擁迫先臣即世臣方壯年猥以童昏繆承餘緒垂以小事大之禮關稱藩奉國之誠築習偷安因循積歲所以上煩宸算遠發王師勢甚疾雷功如破竹顧惟懦卒焉敢當鋒尋束手以云歸止傾心而俟命今月七日已令私署通奏使宣徽南院使伊審徵奉表歸降以緣路寇攘前進不得臣尋更令兵士接送至十一日尙恐前表未達續遣供奉官王茂隆再齎前表至十二日以後相次方到軍前必料血誠上達睿聽臣今月十九日已領親男諸弟納降禮於軍門至於老母諸孫延餘喘於私第陛下至仁廣覆大德好生顧臣假息於數年所望全軀於此日今蒙元戎慰恤監護撫安若非天地之垂慈豈見軍民之受賜臣亦自量過咎尙切憂疑謹遣親弟詣關奉表待罪以聞太祖詔曰朕以受命上穹臨制中土姑務保民而崇德豈思右武以佳兵至於臨戎蓋非獲已矧惟益部僻處一隅靡思僭竊之愆輒肆窺覷之志潛結并寇自啟豐端爰命偏師往申吊伐靈旗所指逆壘自平朕嘗中宵撫然北兆何罪屢馳駟騎嚴戒兵鋒務宜拯溺之懷以盡招攜之禮而卿果能率官屬而請命拜表疏以祈恩託以慈親保其宗祀悉封庫府以待王師追咎改圖將自求於多福匿瑕舍垢當盡滌於前朕不食言爾無他慮昶乃舉族與官屬由峽江而下至江陵上遣皇城使寶思儼迎勞之四月初昶與母至襄漢復遣使齎詔賜茶藥所賜詔不名仍呼昶母為國母昶將至命太宗勞於近郊昶率子弟素服待罪闕下太祖御崇元殿備禮見之賜昶襲衣玉帶黃金鞍勒馬金器千兩銀器萬兩錦綺千

段絹萬匹又賜昶母金器三百兩銀器三千兩錦綺千匹絹千匹子弟及其官屬等襲衣金玉帶鞍勒馬車乘器幣有差又遣使分詣江陵鳳翔賜其家屬錢帛疾病者給以醫藥即日宴於大明殿先是詔有司於右掖門外臨汴水起大第五百間以待昶供帳悉備至是賜之又為其官屬各營居第翌日詔曰伯禹導川黑水本梁州之域河圖括象岷山直井絡之墟是曰坤維素為王土屬中原多故四海羣飛遂割裂於山河競僭竊於位號朕削平寓縣載整皇綱復周漢之舊疆龍綏羣后采唐虞之大訓協和萬邦六年于茲百揆時敘禮樂征伐之柄盡出朝廷蠻夷山海之君咸修職貢一昨順長庚而授律法時兩以興師先申誕告之文以慰徂來之衆咨爾僞蜀主孟昶克承餘緒保據一隅擅正朔以自尊歷歲時而滋久屬王師之致討察天道之惡盈體此綏懷思於效順盡率羣吏降于軍門抗手疏以陳誠伏天關而請命是用昭示大信盡滌疵瑕度越彝章升於崇秩冠紫微之近署以奉內朝剪鶉首之奧區為之封邑率從異數式洽殊私爾宜欽承往踐厥位可開府儀同三司檢校太師兼中書令秦國公給上鎮節度使奉祿餘官除拜有差昶數日卒年四十七太祖廢朝五日素服發哀於大明殿賜尚書令追封楚王諡恭孝贈布帛千匹葬事官給後數日其母李氏亦卒初李氏隨昶至京師太祖數命肩輿入宮謂之曰母善自愛無戚戚懷鄉土異日當送母歸李氏曰使妾安往太祖曰歸蜀爾李氏曰妾家本太原倘得歸老并土妾之願也時晉陽未平太祖聞其言大喜曰俟平劉鈞即如母所願因厚加賜資及昶卒不哭以酒酹地曰汝不能死社稷食生以至今日吾所以忍死者以汝在爾今汝既死吾何生焉因不食數日卒太祖聞而傷之贈加等令鴻臚卿范禹偁護喪事與昶俱葬洛陽詔發奉義甲士千人護送七月正衙備禮冊命昶其文曰維乾德二年歲次乙丑七月己巳朔二十四日戊子皇帝若曰咨爾故檢校太師兼中書令秦國公孟昶冊贈之典所以彰世祚而紀勳伐繼絕之義所以旌異域而表來庭苟匪全功寧兼二者國家乘乾撫運括地開圖稽至德於勛華體深仁於湯禹既定壺關之亂復奠淮夷之凶暨荆及衡洗滌遺穢以為君人之道先德而後刑王者之師有征而無戰兵

威震疊，貫宇來同，以至薄伐兩川，徂征三峽，惟爾視襲乃堂構，據有巴庸，而能
祇畏皇靈，保全宗緒，知機識變，委順圖全，馳子牟魏闕之心，奉伯禹塗山之會，
朕自聞獻款，良切虛懷，舟車欣至，止之初，邸第錫非常之制，封崇異數，祈保永
年，景命不融，奄然殂謝，於戲，爾有及親之孝，特異常倫，爾有達上之情，所期終
養，何高穹之不祐，與幽壤之同歸，斯朕所以當守與悲，徹縣永歎，詢于史氏，申
命禮官，今遣使起復雲麾將軍檢校太傅右神武統軍兼御史大夫上柱國平
昌縣開國伯食邑七百戶孟仁贊持節冊贈爾為尚書令，仍追封楚王，於戲，式
備哀榮，載光簡牒，南宮峻秩，全楚大邦，併示追崇，寬超彝制，始終之分，朕無愧
焉，仍贈爾墳莊一區，給守墳人米千石，錢五萬，初，昶在蜀，事務奢靡，為七寶溺
器，他物稱是，每歲除命學士為詞，題桃符置寢門左右，末年學士辛寅遜撰詞，
昶以其非工，自命筆題云，新年納餘慶，嘉節號長春，以其年正月十一日降太
祖命，呂餘慶知成都府，而長春乃聖節名也，又昶襲位後，民質錢取息者，將徙
居，必署其門曰，召主收贖，周世宗平淮南，克關南，即議討蜀而未果，至太祖乃
平之，昶三子，玄蒞，玄珪，玄寶，玄寶先卒，僭贈遂王，昶弟仁贊，仁裕，仁操，昶既降，
寧江軍節度同平章事伊審徵，檢校太尉兼侍中韓保正，山南西道節度同平
章事王昭遠，工部侍郎辛寅遜，武信軍節度保寧軍都巡檢使李廷珪，來闕下，
審徵授靜難軍節度，昭遠授左領軍衛大將軍，寅遜授右庶子，廷珪授右千牛
衛上將軍，韓保正未授官卒，保正昭遠廷珪，川中各有田宅，詔各賜錢三百萬，
又成都人王處瓊少孤，有司籍其金寶，昶降，輦送闕下，太祖聞之，令計其直還
焉，玄詰字遵聖，幼聰悟，善隸書，年十四，僭封秦王，檢校太尉，同平章事，判六軍
諸衛事，嘗自書姚崇口箴刻諸石，昶賜以銀器錦綵，廣政二十一年，領武德軍
節度，二十四年，加兼侍中，二十五年，立為皇太子，宋師將至，以玄詰為元帥，精
卒萬餘，旌旗用文繡，以錦綉其杠，是日微雨，玄詰慮霖濕，令解去，俄雨止，復旆
之，旌幟數千，皆倒繫杠上，識者異之，及聞劍門陷，遂奔東川，數日，棄軍還歸，入
朝，與昶同日宣制，檢校太尉，泰寧軍節度，昶卒，賜玄詰羊五百口，酒五百壺，玄
詰獻馬二百匹，白玉水晶鞍勒副之，移鎮貝州，在鎮十餘年，亦有治迹，太平與

國初，移鎮定州，三年，加開府儀同三司，四年，從平太原，就命為鎮州駐泊兵馬
鈐轄，又從征幽州，率所部攻城之西面，會班師，遣與軍器庫使藥可瓊，深州刺
史念金鏐，左龍武將軍趙廷進，殿前都虞候崔翰，四方館使梁迴，翰林使杜彥
圭，帥兵歸，屯定州，俄契丹入寇，玄詰與諸將枝破之，徐河，以功封滕國公，入為
左龍武軍統軍，判右金吾衛，仗未幾，知滑州，淳化初，病，求換，瀕淮一小郡，養疾，
移知滁州，卒，年五十五，贈侍中，初，玄詰在貝州，凡民輸稅者，皆令出商算，規其
餘羨，以備留使之用，人頗苦之，景德中，都官員外郎孔揆使河北，表論其事，詔
除之，有子十五人，隆記，隆誥，隆說，隆詮，並進士及第，玄珪初封王，與玄詰並日
封拜，仍檢校太保，少端敏，常侍昶射，雙箭連中的，昶奇之，賜錢三十萬，時玄珪
方就學，為選起居舍人陳鄂為教授，至是自陳，願以錢賜鄂，昶嘉而許焉，鄂嘗
傲唐李瀚蒙承高測韻對為四庫韻對四十卷，以獻，玄珪益賞之，廣政二十三
年，玄珪領閬州保寧軍節度，久之，加檢校太傅，歸朝，為千牛衛上將軍，乾德五
年，遷右神武統軍，代玄詰判金吾衛，仗，太平興國九年，出為宋曹克鄆都巡檢，
又改右屯衛上將軍，淳化元年四月，復為右神武統軍，六月，出知滑州，三年卒，
仁贊字忠美，初為左威衛將軍，同正，廣政十三年，封雅王，檢校太尉，二十年，領
閬州保寧軍節度，二十四年，加檢校太尉，及昶降，遣仁贊表詣闕，太祖召見，
廣德殿，賜襲衣，玉帶鞍勒馬，俄授右神武統軍，丁母憂，起復，領大同軍節度，西
京都巡檢使，開寶四年卒，年四十四，贈太子太師，
仁裕字鳴謙，初為左威衛將軍，同正，與仁贊同日封彭王，檢校太傅，廣政二十
年，領黔州武泰軍節度，二十四年，加檢校太尉，歸朝，授檢校太傅，右監門衛上
將軍，遷右羽林軍，開寶三年卒，年四十四，贈太子太傅，
仁操初為右領軍衛將軍，同正，與仁贊同日封嘉王，檢校太傅，廣政二十一年，
領果州永寧軍節度，嘗侍昶射於梔子園，仁操連中的者三，二十四年，加檢校
太尉，尤奉釋氏，深究其理，歸朝，授右監門衛上將軍，累遷右龍武統軍，雍熙三
年卒，

伊審徵，字申圖，并州人，父延瓌，隨知祥入蜀，知祥僭位，以女妻延瓌，僭封崇華

公主延瓌歷陵嘉眉三州刺史。審徵幼以孝聞。母病。割股肉啖之。以父任歷蜀州刺史。雲安權鹽使。廣政十四年。高延昭求解機務。急召為通奏使。知樞密院事。久之。領蜀州刺史。奉鳳與師。命檢校城砦。俄領武泰軍節度。選其子崇度尚公主。又改寧江軍節度。同平章事。與王昭遠俱掌機務。視事無大小。一以咨之。常自以康濟略為己任。屬宋師入境。審徵首率降表詣軍前。昭遠時統軍敗走。時人笑之。審徵歸朝。授靜難軍節度。乾德六年。移鎮延安。開寶末。入朝。改右屯衛上將軍。太平興國二年。判右金吾衛仗。雍熙五年卒。年七十五。

韓保正。字永吉。路州長子。父昭運。從知祥入蜀。及知祥僭號。署珍州刺史。保正初事知祥為押衙。及僭位。以為豐德庫使。兼廣義庫使。眉州刺史。樞密副使。復刺漢州。拜宣徽北院使。會鳳翔侯益歸款。以保正為北路行營都監。以圖岐陽。時晉昌趙贊亦謀歸蜀。為王景崇所逼。棄城東奔。偽將李廷珪先退師。保正次陳倉。與大將張虔劍龐福誠謀議不叶。益亦中變。遂還成都。俄為雄武節度。領兵出新關至隴州。漢兵固守。保正無功而還。復屯雄武。廣政十四年。赴成都。其親吏楊度範訟保正不法。視令斬度範。釋保正不問。俄改夔州寧江軍節度。

李昊讓度支。以保正代之。未幾。加宣徽南院使。山南節度。左衛聖步軍節度。指揮使。還奉肅衛馬步軍都指揮使。又選其子崇遂尚主。宋初。荆南高繼沖納土。視聞之。以保正為峽路都指揮制置使。屯夔州。以經畫邊事。選檢校太尉。兼侍中。聞太祖將加兵。以保正為山南節度。與元武定緣邊諸砦屯駐。都指揮使。及王全斌至。保正棄與元保西縣。王師進圍之。保正懼不敢出。遣人依山背城結陣。以自固。為史延德所破。保正以麾下遊。延德追擒之。送全斌。全斌釋置闕下。太祖召升殿勞問。賜袍笏金帶茵褥鞍勒馬。仍賜甲第。未及命官而卒。贈右千牛衛上將軍。

王昭遠。益州成都人。幼孤貧。年十三。依東郭僧智誦為童子。知祥鎮蜀。一日。飯僧於府署。昭遠持巾履從。智誦得入。時視方就學。知祥見昭遠聰慧。留給事。視左右。視嗣位。以昭遠為捲簾使。茶酒庫使。會樞密使王處回出知梓州。視以樞密事權太重。乃以昭遠及普豐庫使高延昭為通奏使。知樞密院事。機務一以

委之。府庫財帛。恣其取不問。加領眉州刺史。出為永平軍節度。不數月。會昭武李繼勳以目疾不能視。事議以閑地處之。昭遠遽以永平讓繼勳。歲餘。為夔州寧江軍節度。視母常言。昭遠不可用。視不從。未幾。兼領山南西道節度。同平章事。及入謝。求解通奏職。遂以左街使張仁貴為副使。知樞密以代之。昭遠好讀兵書。頗以方略自許。宋師入境。視遣昭遠與趙崇幹率兵拒戰。始發成都。視遣其宰相李昊等餞郊外。昭遠酒酣。攘臂曰。是行也。非止克敵當領此二三萬。雕面惡少兒。取中原如反掌耳。及行。執鐵如意指麾軍事。自方諸葛亮將至漢源。聞劍門已破。昭遠股慄。發言失次。崇幹布陣將戰。昭遠據胡床。皇恐不能起。俄崇幹敗。乃免胄棄甲。走投東川。匿倉舍下。悲嗟流涕。目盡腫。惟誦羅隱詩云。運去英雄不自由。俄為追騎所執。送闕下。太祖釋之。授左領軍衛大將軍。廣南平。奉使交趾。開寶八年卒。

趙崇幹。并州太原人。父廷隱。隨知祥入蜀。廷隱拳勇有智略。知祥麾下無及者。東川董璋襲成都。廷隱大破之。璋奔歸。為部下所殺。知祥遂有其地。及僭號。以廷隱總親軍。為衛聖諸軍馬步軍指揮使。累遷至太師。中書令。宋王卒。諡忠武。崇幹驍果有父風。視自置殿直四番。取將家及死事孤子為之。始命李仁罕子繼宏。趙季良子元振。張知業子繼昭。侯洪實子令欽。及崇幹。分為都知領之。後累遷至客省使。周世宗克秦鳳。將入蜀境。為崇幹拒退。歷左右衛聖步軍都指揮使。選其子文亮尚公主。加領洋州武定軍節度。山南武定緣邊諸砦都指揮副使。漢源之戰。獨策馬先登。及蜀軍敗。猶手擊殺十數人。為宋師所擒。

高彥儔。并州太原人。父暉。宣威軍使。彥儔從知祥入蜀。累歷軍校。為昭武軍監押。視嗣位。遷邛州刺史。改馬步軍使。會漢兵入大散關。克安都砦。彥儔以所部先進。漢人燒砦毀閣遁去。彥儔盡銳追之。復其砦而還。未幾。彥儔領趙州刺史。俄為奉肅肅衛都指揮副使。改右驍銳馬軍都指揮使。加光聖馬軍都指揮使。真拜源州武定軍節度。周顯德初。向訓攻鳳州。視令彥儔出兵解圍。未至。聞敗軍於唐倉。因潰歸。判官趙悅閉關不納。以城歸朝廷。彥儔遁歸成都。視不之罪。以為右奉肅肅衛都指揮使。改功德使。廣政二十二年。出授夔州寧江軍都巡

檢制置招討使。加宣徽北院事。利州昭武軍節度。及宋師至。彥儁謂副使趙崇濟。監軍武守謙曰。北軍涉遠而來。利在速戰。不如堅壁以待之。守謙不從。獨領麾下以出。時大將劉廷讓領兵白帝廟西。遣騎將張廷翰等引兵與守謙戰。猪頭鋪。守謙敗走。廷翰等乘勝登其城。廷讓率大軍繼至。彥儁以所部將出拒戰。宋師已乘城而入。彥儁惶駭失次。不知計所出。判官羅濟勸令單騎歸成都。彥儁曰。我昔已失天水。今復不能守夔州。縱不忍殺我。亦何面目見蜀人哉。濟又勸其降。彥儁曰。老幼百口在成都。若一身偷生。舉族何負。吾今日止有死耳。即解符印授濟。具衣冠望西北再拜。登樓縱火自焚。後數日。廷讓得其骨煨燼中。以禮收葬。初。昶母語昶。惟彥儁可任。及是果能死難。

趙彥韜與州順政人。為本州義軍裨校。乾興中。昶遣與國軍討擊使孫遇及楊錫為謀。至都下。彥韜潛取昶與并州蠟丸帛書以告。因言伐蜀之狀。太祖并赦遇。錫出師西討。並以為鄉導。克與州。以為本州馬步軍都指揮使。蜀平。還本州刺史。移澧州。性兇率。所為不法。部民有訴被盜劫財物。韜之不實。彥韜手殺之。探取其心肝。民家詣闕訴冤。太祖怒。令杖配蔡州。

龍景昭。夔州奉節人。少有武勇。事蜀為義軍裨校。以功遷戰權都將。久之。擢為施州刺史。乾德中。諸將伐蜀。分兵由峽路入。將壓其境。景昭率官吏以牛酒犒宋師。迎入城。太祖聞之甚悅。蜀平。即授永州刺史。秩滿入朝。改右千牛衛將軍。開寶三年卒。昶之入朝也。為左羽林將軍。景昭弟處瑋等四人隨行。卒於道。太祖憫之。以其男補供奉官殿直。

幸寅遜。蜀人。初仕昶為茂州錄事參軍。昶好擊毬。雖感暑不已。寅遜上章極諫。深被賞納。遷新都令。拜司門郎中。知制誥中書舍人。出知武信軍府。加史館修撰。改給事中。預修前蜀書。拜翰林學士。加工部侍郎。判吏部三銓事。領簡州刺史。隨昶歸朝。授右庶子。嘗上疏諫。太祖嘉之。召見賜帛。開寶五年。為鎮國軍行軍司馬。罷職。年九十餘。尚有仕進意。治裝赴闕。未登路而卒。

李廷珪。并州太原人。七歲隸知祥帳下。後從入蜀。知祥僭號。補軍職。累遷奉鑾。肅衛都虞候。賞拔階州之功。領眉州刺史。會圖取鳳翔。令廷珪領兵二萬出子。

午谷赴援。始出谷。聞趙贊為王景崇所逼。遂退軍。以廷珪權知與元。俄召歸授樞聖控鶴都指揮使。領眉州刺史。拜雅州永平軍節度。改右光聖都指揮使。領山南節度。改閬州保寧節度。護聖控鶴都指揮使。周師攻秦州。以廷珪為北路行營都統。秦成階三州竟為周所取。廷珪奉章待罪。釋之。以為左右衛聖諸軍馬步軍都指揮使。分衛聖光聖步騎為左右十軍。以武定節度呂彥珂為之使。並隸廷珪總領之。時論以廷珪不能救援階州。不當復總兵柄。廷珪亦自陳求解。許之。俄加兼侍中。蜀成都巡檢使。改遂州武信軍節度。領本鎮及保寧軍都巡檢使。王全斌之下劍關也。昶遣廷珪與其太子玄詰將兵來拒宋師。至綿漢與全斌遇。狼狽而還。玄詰與廷珪謀。所經州縣。盡焚其儲蓄。及全斌等入成都。行營都監王仁贍案籍。詰所在軍須。廷珪懼以告馬軍都監康延澤。延澤曰。王公志在聲色。苟得其所欲。則置而不問矣。廷珪素儉約。不蓄妓樂。遂求於姻戚家。得女妓四人。復假貸金帛直數百萬。以遺仁贍。繇是獲免歸闕。為右千牛衛上將軍。乾德五年卒。先是廷珪及王昭遠。韓保正。川中各自有田宅。昶降後。奉表上獻。詔各賜錢三百萬。以償其直。

李昊。字穹佐。自言唐相紳之後。祖乾祐。建州刺史。父羔。容管從事。昊生於關中。幼遇唐末之亂。隨父避地。至奉天。值昭宗遷洛。岐軍攻破奉天。父及弟妹皆為亂兵所殺。是時年十二。獨得免。遂流寓新平。十數年。會劉知俊領岐軍圍州城。昊踰城出。為候騎所得。知俊與語甚器之。真于門下。以其女妻之。知俊歸蜀。僞署遂州武信軍節度。以昊為從事。王建使知俊出師。令昊主留務。會建殺知俊。昊亦罷職。王衍襲僞位。授彭州導江令。歷中書舍人。翰林學士。岐軍之難。昊母獨無恙。至是十九年。昊仕蜀顯達。乃遣心膂張金王彥間道迎其母。昊請告境上。奉迎。衍賜以金勒名馬。昊至青泥嶺。見母。母撫昊首。號慟。哀感行路。蜀亡。入洛。明宗授昊檢校兵部郎中。詔西川孟知祥。三川制置使趙季良。同於權鹽度支戶部院間授昊一職。昊至蜀。久無所授。會知祥奏季良為西川節度副使。昊辭歸洛。知祥始辟為觀風推官。遷掌書記。知祥稱帝。擢為禮部侍郎。翰林學士。昶立。領漢州刺史。遷兵部侍郎。出知武德軍府。加承旨。昶嘗欲命昊二子官。昊

固讓。且言遂州判官石欽若、蘇涯、前蜀時同在劉知俊幕下，願回授欽若等子。昶嘉欽許之，仍授吳二子官。俄加尙書左丞，拜門下侍郎，兼戶部尙書，同平章事。監修國史，因請置史官，乃以給事中郭廷鈞、職方員外郎趙元拱爲修撰，雙流令崔崇構、成都主簿王中孚爲直館，俄加吳左僕射，昶令就知祥真容院圖文武三品以上於東西廊，以吳有參佐功，特畫於殿內。自知祥領蜀，凡章奏書檄皆出吳手。至是集爲百卷，曰經緯略，以獻。昶賚以珍器錦綵，命判度支戶部。廣政十四年，修成實錄四十卷，昶欲取觀，吳曰：「帝王不閱史，不敢奉詔。」母憂載百日，起復。俄修前蜀書，命吳與趙元拱、王中孚及諫議大夫喬諷、左給事中馮侃、知制誥賈玄珪、幸寅遜、太府少卿郭微、右司郎中黃彬同撰，成四十卷上之，以判使辦集。封趙國公。俄加司空，領遂州武信軍節度，出判鹽鐵，加弘文館大學士。修奉太廟禮儀使，昶嘗召四孫，悉授太子司儀郎舍人，並賜緋。吳又改判度支使，其子孝連尙昶女鳳儀公主，累遷太常少卿、資州刺史。長子孝逢給事中，蜀平，隨昶入朝。太祖優待之，拜吳工部尙書，賜第以孝逢爲膳部郎中。孝連爲將作少監，親屬乘舟自峽下，至夷陵妻死，吳聞悲愴成疾而卒。年七十三。贈右僕射。吳前後仕蜀五十年，昶之世位兼將相，秉利權，資貨歲入鉅萬，奢侈尤甚。後堂妓妾，曳羅綺數百人。昶與江南李景通好，遣其臣趙季札至江南，購得李紳、武宗廟入相制書，還以遺吳。吳結綵樓置其中，盡召成都聲妓，吳朝服前迎歸私第，大會賓客宴飲，所費無算。以帛二千匹謝季札。初，王衍降莊宗，吳草其表，昶之降也，其表亦吳所爲。蜀人潛署其門曰：「世修降表李家。」見者哂之。有集二十卷，目爲樞機應用集。孝連後至司農少卿。吳孫德鑑，至國子博士。德鈔，進士及第。

毋守素字表淳，河中龍門人。父昭裔，僞蜀宰相，太子太師致仕。守素弱冠起家，僞授祕書郎，累遷戶部員外郎，知制誥。真拜中書舍人，工部侍郎，出爲雲安權鹽使。召見其二子克溫、克恭，並賜緋。以次子克恭尙昶女，授檢校水部員外郎。廣政二十年，拜工部尙書。時昭裔判鹽鐵，衰老不能親職，委其務於判官李光遠。事多留滯，昶患之，命守素代判使務。父子相代，時頗榮之。俄改判度支，領彭

州刺史。又判鹽鐵，守素奉親頗勤，至雖隆暑暮歸，必朝服執簡，以申昏定之禮。蜀亡入朝，授工部侍郎，籍其蜀中莊產茶園以獻，詔賜錢三百萬以充其直。仍賜第於京城。歲餘，爲兄之子岳州司法正己訟其居父喪娶妾免，正己亦坐奪一官。開寶初，起爲國子祭酒。太祖征河東，命權知趙州，及平積表，移知容州。兼本管諸州水陸轉運使。先是部民有逋賦者，或縣吏代輸，或於兼并之家假貸，則皆納其妻女以爲質。守素表其事，即日降詔禁止。六年卒。年五十三。昭裔性好藏書，在成都令門人勾中正孫逢吉書文選初學記白氏六帖鏤板。守素齋至中朝行於世。大中祥符九年，子克勤上其板，補三班奉職。次子克恭，尙昶女。夔國公主，任爲光祿少卿，歸宋。至左監門衛將軍。

歐陽迥，益州華陽人。父珪，通泉令。迥少事王衍，爲中書舍人。後唐同光中，蜀平，隨衍至洛陽，補秦州從事。知祥鎮成都，迥復來入蜀，知祥僭號，以爲中書舍人。廣政十二年，拜翰林學士。明年，知貢舉。判太常寺，遷禮部侍郎。領陵州刺史，轉吏部侍郎。加承旨。二十四年，拜門下侍郎，兼戶部尙書。平章事。監修國史。嘗擬白居易諷諫詩五十篇以獻。昶手詔嘉美，賚以銀器錦綵。從昶歸朝，爲右散騎常侍。俄充翰林學士，就轉左散騎常侍。嶺南平，議遣迥祭南海。迥聞之，稱病不出。太祖怒，罷其職。以本官分司西京。開寶四年卒。年七十六。贈工部尙書。迥性坦率無檢操，雅善長笛。太祖常召於偏殿，令奏數曲。御史中丞劉溫叟聞之，叩殿門求見，諫曰：「禁署之職，典司誥命，不可作伶人之事。」上曰：「朕嘗聞孟昶君臣溺於聲樂，迥至宰司，尙習此技，故爲我所擒，所以召迥欲驗言者之不誣也。」溫叟謝曰：「臣愚不識陛下鑿戒之微旨，自是不復召迥，好爲歌詩，雖多而不工，掌誥命亦非所長。但在蜀日，卿相以奢靡相尙，迥猶能守儉素，此其可稱也。」

宋史卷四百七十九

宋史卷四百七十九考證

孟昶傳年始十六〇錦里耆舊傳後主即位年十四

宋史卷四百七十九考證

宋

史 卷四百七十九考證

三
七
五
五

吳越錢俶字文德杭州臨安人本名弘俶以犯宣祖偏諱去之祖鏐因黃巢之亂據有吳越昭宗授以杭越兩藩節制封彭城郡王歷梁後唐加吳越國王卒于元瓘嗣元瓘卒子佐嗣佐卒弟佖嗣為其大將胡進思所廢遂迎立俶事具五代史俶即元瓘之第九子也母越國恭懿夫人吳氏晉開運中為台州刺史數月有僧德詔語俶曰此地非君為治之所當速歸不然不利俶從其言即求歸國未幾有進思之變漢乾祐初授東南面兵馬都元帥鎮海鎮東軍節度使開府儀同三司檢校太師兼中書令杭越等州大都督吳越國王賜號翊聖廣運同德保定功臣賜以金印玉冊三年江南遣其將查文徽攻福州俶發兵擒文徽獻捷加尚書令周廣順初授諸道兵馬元帥二年授天下兵馬元帥改賜推誠保德安邦致治忠正功臣六月丁母憂起復世宗即位授天下兵馬都元帥顯德三年世宗征淮南令俶以所部分路進討俶遣偏將吳程圍毗陵陷關城擒刺史趙仁澤路彥銖圍宣城俶軍戰敗復失常州會李景上表求割地內附詔俶班師五年夏四月杭州災府舍悉為燬燼將延及倉庾俶命酒祝曰食為民天若盡焚之民命安仰火遂止世宗聞之遣內侍賈詔恤問是歲淮南內屬遣翰林學士陶穀司天監趙脩已使俶賜羊馬橐駝自是以為常七月又遣閣門使曹彬賜俶兵甲旗幟六年恭帝嗣位賜崇仁昭德宣忠保慶扶天翊亮功臣建隆元年授天下兵馬大元帥俶勇寧國軍節度吳延福有異圖左右勸俶誅之俶曰先夫人同氣安忍實於法言訖嗚咽流涕但黜延福於外終全母族自太祖受命俶貢奉有加常數二年遣使賜俶戰馬二百羊五千橐駝三十乾德元年以白金萬兩犀牙各十株香藥一十五萬斤金銀真珠瑠璃器數百事來貢改賜承家保國宣德守道忠正恭順功臣是冬郊祀遣其子惟潛入

貢開寶五年改賜開吳鎮越崇文耀武宣德守道功臣封其妻孫氏為賢德順穆夫人未幾遣幕吏黃夷簡入貢上謂之曰汝歸語元帥常訓練兵甲江南疆不朝我將發師討之元帥當助我無惑人言云皮之不存毛將安傅特命有司造大第於薰風門外連互數坊棟宇宏麗備侍什物無不悉具因召進奉使錢文贊謂之曰朕數年前令學士承旨陶穀草詔比來城南建離宮令賜名禮賢宅以待李煜及汝主先來朝者以賜之詔以草示文贊遂遣文贊賜俶戰馬及羊諭旨於俶七年五月賜俶襲衣玉帶玉鞍勒馬金器二百兩銀器三千兩錦綺千段是冬討江南遣內客省使丁德裕齎詔以俶為昇州東面招撫制置使賜戰馬二百匹旌旗劍甲令德裕以禁兵步騎千人為俶前鋒盡護其軍李煜貽書於俶其略曰今日無我明日豈有君一旦明天子易地酬勳王亦大梁一布衣耳俶不答以書來上八年俶率兵拔常州加守太師詔俶歸國俶遣大將沈承禮等率兵水陸隨王師平潤州遂進討金陵上嘗召進奉使任知果令諭旨於俶曰元帥克毗陵有大功俟平江南可暫來與朕相見以慰延想之意即當遣還不久留也朕三執圭幣以見上帝豈食言乎江南平論功以俶大將沈承禮孫承祐並為節度使為防禦使者一人刺史六年九月二年二月俶與其妻孫氏子惟濬平江軍節度使孫承祐來朝上遣皇子與元尹德昭至睢陽迎勞俶將至車駕先幸禮賢宅按視供帳之具及至詔俶居之對於崇德殿貢白金四萬兩絹五萬匹賜襲衣玉帶金器千兩白金器三千兩羅綺三千段玉勒馬即日宴長春殿俶又貢白金二萬兩絹三萬匹乳香二萬斤賀平江左貢白金五萬兩錢十萬貫綿百八十萬兩茶八萬五千斤犀角象牙二百株香藥三百斤車駕幸其第又貢白金十萬兩絹五萬匹乳香五萬斤以助郊祭三月庚午詔曰古者宗工大臣特被隆眷或劍履上殿或書詔不名率由豐功待以殊禮今我兼其命數用擬勳賢輝映古今尤為優異咨爾吳越國王錢俶德隆宏茂器識深遠撫輿區於吳會勅洪伐於宗彝昨以江表不庭王師致討委方面之兵柄克常潤之土宇轉翼帝室震疊皇靈而乃執圭來庭垂紳就列罄事君之誠懇為羣后之表儀爰峻徽章以旌元老可特賜劍履上殿書詔不名以俶妻

賢德順穆夫人孫氏為吳越國王妃。令惟濬齎詔賜之。宰相以為異姓諸侯王妻無封妃之典。太祖曰：行自我朝，表異恩也。俛獻白金六萬兩，絹六萬匹，為謝。太祖數詔俛與其子惟濬宴射苑中。惟濬王預坐，每宣諭俛俛拜謝，多令內侍掖起。俛感泣，又嘗一日召宴，獨太宗秦王侍坐，酒酣，太祖令俛與太宗秦王敘昆仲之禮。俛伏地叩頭，涕泣固讓，乃止。會將以四月幸西京，親幸祀，俛懇請扈從，不許。留惟濬侍祠，令俛歸國。太祖宴錢於講武殿，賜窄衣，玉束帶，玉鞍勒馬，玳瑁鞭，金銀錦綵二十餘萬，銀裝兵八百事。謂俛曰：南北風土異宜，漸及炎暑，卿可早發。俛涕泣言，願三歲一朝。太祖曰：川陸迂遠，當俟詔旨，即來覲也。俛將發，京師特賜導從，儀衛物率皆鮮麗，令自禮賢宅陳列，至迎春苑，自俛之至，逮於歸國。太祖所賜金器萬兩，白金器又數萬兩，白金十餘萬兩，錦綺綾羅絢綉四十餘萬匹，馬數百匹，他物不可勝計。俛既歸國，嘗視事功臣堂，一日命坐于東偏，謂左右曰：西北者神京在焉，天威不遠，顏咫尺，俛豈敢寧居乎？太宗即位，加食邑五千戶。俛貢御衣通天犀帶，絹萬匹，金器瑇瑁器百餘事，金銀鈿器五百事，塗金銀香臺，龍腦檀香床，銀假果水晶花，凡數千計，價直鉅萬，又貢犀角象牙三十株，香藥萬斤，乾薑五萬斤，茶五萬斤。俛又請歲增常貢，詔不許。太平興國二年正月，孫氏卒，遣給事中程羽弔祭。九月，上言乞所賜詔書呼名，不許。三年三月，來朝，遣判四方館事梁迥至泗州迎勞。惟濬先在闕下，上遣至睢陽候俛，俛先遣孫承祐入奏事，上即遣承祐護諸司供帳勞俛於郊，又命齊王廷美宴俛於迎春苑。俛至，對於崇德殿，賜襲衣玉帶，金銀器，玉鞍勒馬，錦綵萬匹，錢千萬，賓佐崔仁冀等賜金銀帶器鞍馬有差。即日宴俛長春殿，令劉銀李煜預坐。俛貢白金五萬兩，錢萬萬，絹十萬匹，綾二萬匹，綿十萬屯，茶十萬斤，建茶萬斤，乾薑萬斤，越器五萬事，錦緣席千，金銀畫舫三，銀飾龍舟四，金飾烏橋木御食案御床各一，金樽壺酸學各一，金飾瑇瑁器三十事，金鈿藤盤二，金鈿雕象俎十，銀假果樹十事，翠毛真珠花三叢，七寶飾食案十，銀樽壺十，酸學副焉。金鈿越器百五十事，雕銀俎五十，密假果薊羅花各二十樹，銀鈿大盤十，銀裝鼓二，七寶飾胡琴五，絃箏各四，銀飾篋篋，方響羯鼓各四，紅牙樂器二十二

事。乳香萬斤，犀角象牙各一百株，香藥萬斤，蘇木萬斤。上又嘗召俛及其子惟濬宴後苑，泛舟池中，上手酌酒以賜俛，俛跪飲之，其恩待如此。四月，會陳洪進納土，俛上言曰：臣伏有懇誠貯於肺腑，幸因入覲，輒敢上聞。蓋虞神道之害盈，必冀天慈之從欲。臣近蒙朝廷賜以劍履，上殿詔書不名，仍以本道領募卒徒，嘗營戈甲，特建國王之號，俾增師律之嚴，皆所以假其寵名，託於隣敵。方今幅員無外，名數洞分，豈可冒居，自僭公議，合從省罷，以正等威。除本道軍士器甲，臣已曾奏納外，其所封吳越國王及天下兵馬大元帥職名，望皆許解罷。凡頒詔命，願復名呼，庶聖朝無虛授之恩，微臣免疾顛之禍。優詔不許。五月乙酉，俛再上表，臣慶遇承平之運，遠修肆覲之儀，宸眷彌隆，龍章皆極，斗筭之量，實覺滿盈。丹赤之誠，輒茲披露。臣伏念祖宗以來，親提義旅，尊戴中京，略有兩浙之土田，討平一方之僭逆，此際蓋隔朝天之路，莫諧請吏之心，然而稟號令於闕庭，保封疆於邊徼，家世承襲，已及百年。今者幸遇皇帝陛下嗣守丕基，削平諸夏，凡在率濱之內，悉歸輿地之圖，獨臣一邦，僻介江表，職貢雖陳於外府，版籍未歸於有司，尚令山越之民，猶隔陶唐之化，太陽委照，不及蒨家，春雷發聲，兀為蠻俗，則臣實使之然也。罪莫大焉，不勝大願，願以所管十三州獻于闕下，特事其間地里名數，別具條析以聞，伏望陛下念奕世之忠勤，察乃心之傾向，特降明詔，允茲至誠。詔答曰：卿世濟忠純，志遵憲度，承百年之堂構，有千里之江山，自朕纂臨，率脩朝禮，觀文物之全盛，喜書軌之混同，願親日月之光，遠忘江海之志。甲兵樓櫓，既悉上於有司，山川土田，又盡獻於天府，舉宗效順，前代所無。書之簡編，永彰忠烈，所請宜依。丁亥，詔曰：漢龍功臣，率著帶河之誓，周尊元老，遂分表海之邦，其有奄宅勾吳，早綿星紀，包茅入貢，不絕於累朝，羽檄起兵，備嘗千百戰，適當輯瑞而來，勤爰以提封，而上獻宜遷內地，別錫爰田，彌昭啓土之榮，俾增書社之數。吳越國王錢俛，天資純懿，世濟忠貞，光積德於靈源，書大勳於策府。近者慶沖人之踐祚，奉國珍而來朝，齒革羽毛，既修其常貢，土田版籍，又獻於有司，願宿衛於京師，表乃心於王室，眷茲誠節，宜茂龍光，是用列西楚之名區，析長淮之奧壤，建茲大國，不遠舊封，載疏千里之疆，更重四征之

寄。其爵邑。施及子孫。永夾輔於皇家。用對揚於休命。垂厥百世。不其偉歟。其以淮南節度管內封侯爲淮海國王。仍改賜寧淮鎮海崇文耀武宣德守道功臣。卽以禮賢宅賜之。惟濬爲節度使兼侍中。惟治爲節度使。惟演爲團練使。惟願暨姪郁並爲刺史。弟儀信並爲觀察使。將校孫承祐。沈承禮。並爲節度使。體貌隆盛。冠絕一時。是歲七月。中元。京城張燈。令有司於侯宅前。設燈山。陳樂以寵之。八月。令兩浙發俵總麻。以上親及管內官吏。悉歸朝。凡舟一千四十艘。所過以兵護送。杭州貢俵樂人。凡八十有一人。詔以三十六人還杭州。四十五人賜俵。俵上表謝。上親畫付中書送史館。四年二月。宴苑中。俵被病。拜不能起。上命以銀裝肩輿送歸。因以賜之。四月。從征太原。賜羊三百。酒十斛。俵小心謹恪。每晨趨行闕。人未有至者。俵必先至。假寐以待旦。上知之。謂俵曰。卿已中年。宜避風冷。自今入謁。不須太早也。特較御前二大燭。以賜之。令先赴前頭。上嘗賜從臣食於中路頓。并賜衛士羊臂臠。卮酒。觀其飲啖。上見其雄壯。因顧俵。俵進曰。所謂如虎如龍如熊如羆如羆者也。會劉繼元降。上御連城臺。誅軍中先亡命太原者。顧謂俵曰。卿能保全一方。以歸於我。不致血刃。深可嘉也。俵頓首謝。俵中途被足疾。車駕親臨問。令太醫然艾以灸。疾尋愈。還京策勳。宰相進擬加食邑萬戶。實封千戶。上卽改白麻。倍加食邑二萬戶。實封二千戶。五年八月。俵被病。上臨問。賜白金萬兩。錢千萬。絹萬匹。金器千兩。賜其子惟濬。惟治。白金各萬兩。是冬。車駕幸大名府。詔俵乘肩輿卽路。六年。又被病。賜告久之。上遣中使賜俵文楸棋局。水精棋子。乃諭旨曰。朕機務之餘。頗曾留意。以卿在假。可用此遣。日八年十二月。上言曰。臣以叢爾之軀。蒙被恩寵。賦祿百萬。兼職數四。元帥之任。實本於兵權。國王之號。蓋屏於帝室。尙書總百揆之重。中書掌八柄之繁。維師冠於上台。開府當於極品。臣之孱瑣。罔克負荷。邦國之制。式著等威。各器之間。固有涯分。徒速罪戾。以取顛隳。伏望聖旨。特從省罷。不許表三。上詔曰。分茅胙土。所以彰世及之榮。大略繁縷。所以表名器之重。至若褻寵勳德。度越典常。咨于舊章。爰推異數。乃有體好謙之德。形固讓之辭。敦諭再三。確乎不拔。用曲至公之論。式光知止之風。淮海國王錢俵。方岳炳靈。風雲通感。奄有勾

吳之地。不忘象魏之心。掃境來朝。舉宗宿衛。藉其土宇。入干朝廷。式昭職員。昨之淮海。居天子二老之任。啓真王萬戶之封。併加寵異。用答忠順。而乃屢形表疏。願避官榮。發於深衷。誠不可奪。若以靈臺偃伯。武庫彙兵。天下一家。書軌之無外。五侯九伯。征伐之不行。願縶元帥之名。勉徇由衷之請。其乃世祚明德。存於帶礪之盟。帝賚良弼。龍以台輔之任。極駁貴之爵。增衍食之封。非足請庸。適以昭德。勉膺渥澤。克副眷懷。可罷天下兵馬大元帥。餘如故。熙熙元年。改封漢南國王。四年春。出爲武勝軍節度。改封南陽國王。俵久被病。詔免入辭。將發。賜玉束帶。金唾壺。梳篦等。俵四上表讓國王。改封許王。端拱元年春。徙封鄧王。會朝廷遣使賜生辰器幣。與使者宴飲至暮。有大流星墮正寢前。光燭一庭。是夕暴卒。年六十。俵以天成四年八月二十四日生。至是八月二十四日卒。復與父元瑾卒日同。人皆異之。上爲廢朝七日。追封秦國王。謚忠懿。仍正衙備禮發冊。曰。皇帝若曰。吳穹眷祐。賢哲挺生。稟象緯之純精。負經綸之盛業。作民父母。爲國輸垣。其存也。冠中臺而長諸侯。其沒也。峻徽章而崇禮命。咨爾故安時鎮國崇文耀武宣德守道功臣武勝軍節度鄧州管內觀察處置等使開府儀同三司守太師尙書令兼中書令使持節鄧州諸軍事行鄧州刺史上柱國鄧王食邑九萬七千戶食實封一萬六千九百戶賜劍履上殿詔書不名錢俵。嗣祖考之令德。奠東南之奧區。開國承家。本仁祖義。以忠孝而保社稷。以廉讓而化人民。勤翊戴於累朝。克惠綏於一境。世傳威略。志慕聲明。當武庫戢兵。洞閱詩書之府。泊秣陵問罪。雄張犄角之師。致區宇之同文。賴忠良之協力。逮于纂紹。益享崇高。蘊明哲而保身。務傾輸而竭節。盡獻土壤。來歸闕庭。子嘉乃功。荐錫殊寵。而道隆簡退。志尙謙沖。屢辭卻數之權。難奪范宣之讓。朕深惟勳舊。俾就養頤。爰出殿於大邦。庶聿臻於眉壽。式繫元老。永輔眇躬。何天道之難誑。而梁木之斯壞。長沙旣往。空存甲令之勳。征虜云亡。但見雲臺之像。贈賻從於異等。嗟悼廢於臨朝。寧酬柱石之勳。未極君臣之分。庸加典則。以厚始終。今遣使大中大夫尙書工部侍郎上柱國汾陽郡開國侯食邑一千戶賜紫金魚袋郭贄。持節冊贈爾爲秦國王。嗚呼。德無不報。子敢忘於格言。魂而有知。爾尙欽於天命。

嗚呼哀哉。命中使護其喪歸葬洛陽。自鏐至倣。世有吳越之地。僅百年。管內諸州皆子弟將校授任。而後請命於朝。有至使相者。倣任太師。尚書令兼中書令。四十年。為元帥。三十五年。及歸朝卒。子惟演。惟濟。皆童年。召見慰勞。並起家諸衛將軍。善始令終。窮極富貴。福履之感。近代無比。然甚儉素。自奉尤薄。常服大帛之衣。幃帳茵褥。皆用紫紵。食不重味。頗知書。雅好吟詠。在吳越日。自編其詩數百首。為正本集。因陶穀奉使至杭州。求為之序。性謙和。未嘗忤物。在藩日。每朝廷使至。接遇勤厚。所上乘輿服物器玩。制作精妙。每遣使使修貢。必羅列於庭。焚香再拜。其恭謹如此。崇信釋氏。前後造寺數百。歸朝。又以愛子為僧。善草書。上一日遣使謂曰。聞卿善草聖。可寫一二紙進來。倣即以舊所書絹圖上之。詔書褒美。因賜玉硯金匣一。紅綠象牙管筆。龍鳳墨。蜀牋盈丈。紙皆百數。屬久病家居。有黃門趙海被酒。造其第求見。因出藥數丸。謂倣曰。此頗療目疾。願王即餌之。倣即餌焉。既去。家人皆惶駭不測。倣曰。此但醉耳。又何疑哉。後數日。上聞大驚。捕海繫獄。決杖流海島。初倣為胡進思所立。廢其兄侬。徙越州。資給豐厚。進思屢請除之。恐為後患。倣泣曰。若殺吾兄。吾終不忍。汝欲行其志。吾當退避賢路。進思慚而退。倣慮進思害侬。遣親將薛溫為侬守衛。戒之曰。委汝以保全。廢王苟有非常。汝當以死扞之。溫至越旬餘。有二卒夜持刀踰垣入。侬闔戶拒之。呼聲達於外。溫領徒而入。斃二卒於庭中。乃進思之所遣也。進思因憂懼疽發背卒。後左右屢有以侬為言。倣終拒之。侬居越州二十餘年卒。倣自建隆已來。貢奉不絕。及用兵江左。所貢數十倍。先是鏐與戰士多賜己姓。後倣歸朝。皆稱同宗。淳化三年。詔令復本姓。又浙中劉氏。避鏐諱改為金氏。亦令還故。景德中。有司請以禮賢宅為司天監。真宗以先朝所賜。不許。大中祥符八年。子惟演等復表上之。詔賜錢五萬貫。仍各賜第一區。子惟濬。惟洽。惟演。惟灑。惟濟。惟澹。至詔州團練使。惟灑。賀州團練使。惟濬。至左龍武將軍。婺州刺史。惟演。自

有傳。惟濬字禹川。倣嫡子也。歲數歲。倣表授鎮海鎮東兩軍節度副大使。檢校太保。鈐轄兩浙管内土客諸軍事。建隆元年。加檢校太傅。三年。領建武軍節度。乾德

初。加檢校太尉。是年冬。來朝。因侍祠南郊。六年。復來朝。侍郊祀。命兵部員外郎。知制誥盧多遜迎勞之。開寶二年。授鎮東等軍節度。浙江東西道觀察。處置兩浙制置。管田發運等使。未幾。來朝。太祖召宴苑中。令黃門奏蕭韶樂。與諸王同席而坐。賜白玉帶。珠綴衣。水精鞍勒御馬。賜寶鉅萬計。月餘。遣歸。辭曰。又賜襲衣。玉帶。金鞍勒馬。四年。又來朝。因侍祠南郊。寵待殊等。及大兵征金陵。惟濬從父下毗陵。以功加平章事。九年。隨倣入朝。倣先歸。留惟濬扈從。郊祀西洛。太宗即位。加兼侍中。太平興國二年。丁母妃孫氏憂。起復。加鎮東大將軍。右金吾衛大將軍。員外置同正。倣將入朝。惟濬先奉方物來貢。詔戶部郎中侯涉至泗州迎勞之。賜賚無算。并增其食邑。三年。隨倣來朝。倣盡獻浙右之地。改封淮海國王。徙惟濬淮南節度。是冬。郊祀。恩加檢校太師。從平太原。及從征幽薊。又從幸大名。雍熙元年。郊祀。改山南東道節度。四年。徙鎮安州。惟濬雖再移鎮。常留京師。端拱初。籍田。封蕭國公。倣薨。起復。加兼中書令。惟濬與倣諸子共進錢金。綾羅犀玉帶。笏。犀角象牙。丁香。金玉馬腦鞍勒。金玉珠翠首飾。樂器。博具。器皿。什物。馬。囊。駝。牛。驢。車。凡數十萬計。倣妻俞氏。又進金銀十餘萬。犀二十株。捕犀。頰犀。玉帶。二十二條。水晶佛像十二事。惟濬又進女樂十人。上不納。各賜錦綵三十段。遣還之。淳化初。杭州以錢氏家廟所藏唐梁以來累朝所賜玉冊竹冊各三副。鐵券一。來上。上悉以賜惟濬。明年春。得疾暴卒。年三十七。廢朝二日。追封邵王。諡安僖。中使典喪事。子守吉。守讓。守吉至西京。作坊使。守讓字希仲。以陸累遷。供備庫使。天禧四年。錄諸國之後。加領榮州刺史。改東梁院使。卒。守讓頗勤學。為文章。退居多閑。讀書。屢獻歌頌。真宗優詔褒獎。有集二十卷。子恕。娶曹王元偁女。長安縣主。

惟治字和世。廢王侬之長子。侬初遷於越。而惟治生。倣愛之。養為己子。幼好讀書。八歲。授兩浙牙內。諸軍指揮使。判軍糧營田事。又改德化軍使。遷檢校太保。旄同日而至。國人榮之。王師討江南。惟治從。倣率兵下常州。策勳。改奉國軍節度。倣入朝。命惟治權發遣軍國事。倣還。令奉幣入貢。撫諭。命賜甚厚。惟治又獻

塗金銀香師子。香鹿鳳鶴孔雀寶裝。髹合。鈿金螿器萬事。吳綾綾千匹。辭日。賜襲衣玉帶。塗金鞍勒馬。金銀器。繡線繡萬計。太宗嗣位。進檢校太尉。太平興國三年。倣再入覲。又權國事。一夕殿中火。惟治率兵臨高下視。令親信十數輩仗劍。申令敢後顧者斬。頃之火息。妻族有隸帳下者。恃親犯法。惟治命杖背於府門。倣既納土。朝廷命考功郎中范旻知杭州。惟治奉兵民。圖籍帑廩。管審授旻。與其弟惟渲。惟灝。歸朝。次近郊。遣內侍護詣司。供帳迎勞。至京師。即日召對。長春殿。賜衣服金帶鞍勒馬器幣。改領鎮國軍節度。五年八月。車駕幸倣第。召見惟治。賜白金萬兩。惟治善草隸。尤好二王書。嘗曰。心能御手。手能御筆。則法在其中矣。家藏書帖圖畫甚衆。太宗知之。嘗謂近臣曰。錢俶兒姪多工草書。因命翰林書學贊不顯詰其第。徧取視之。曰。諸錢皆效浙僧亞栖之迹。故筆力軟弱。獨惟治爲工耳。惟治嘗以鍾繇王羲之唐玄宗墨跡凡七軸爲獻。優詔褒答。雍熙三年。大出師征幽州。命惟治知真定軍府。兼兵馬都部署。前一日。曲宴內殿。惟治獻詩。帝覽之。悅。酒半。遣小黃門密諭北面之寄。至則訓兵享士。頗勤政務。設廚饌於城門。以待使傳。初。惟濬。惟灝。倣。嗣。然倣以其放蕩無檢。故器惟治。再俾權國務。嘗一夕倣暴疾。孫妃悉斂符籙付惟治。後惟濬知之。甚恚恨。洎入朝。惟濬止奉朝請。而委惟治藩任焉。倣薨。召還。起復檢校太師。移疾就第。百日。有司請罷奉。特詔續給。累上表請罷節鎮。優詔不許。惟治既病。心恍惚。家事不肅。咸平初。僮奴以姦私殺人於庭。事連閭閻。真宗爲停按鞠。止授右監門衛上將軍。其子駕部員外郎不責。授鄆州團練副使。晚年頗貧。景德中。其弟惟演獻文。上對宰相稱其公王之後。能苦心翰墨。令記其名。因曰。錢氏繼世忠順。子孫可念。如聞惟治頗貧乏。尤可軫惻。特轉右武衛上將軍。月給奉十萬。累加左驍衛上將軍。左神武統軍。大中祥符七年七月卒。年六十六。贈太師。初。有司援統軍陳承昭孟珙例。當贈東宮保傅。上以倣奉土歸國。優其贈典。又聞羣臣家貧乏者。不欲官給喪事。爲罷詔葬。錄其四子官。及外弟子壻親校。並甄擢之。惟治好學。聚圖書萬餘卷。多異本。慕皮陸爲詩。有集十卷。書迹多爲人藏。秘晚。年難病廢。猶或揮翰。真宗嘗語惟演曰。朕知惟治工書。然以疾不欲遣使往取。卿爲

求數幅進來。翌日寫聖製詩十章以獻。賜白金千兩。初。鎮四明。嘗夢神人披甲自稱西嶽神。謂惟治曰。公面有缺文。即捧土培之。後領華州節鉞三十年。子丕。字簡之。幼好學。雍熙中。倣上言欲求舉進士。太宗以其世家子。特召試內署。授秘書丞。賜金紫。累遷駕部郎中。嘗知新淦縣。又知衡州。惟治卒。以將作少監起復。俄爲三司戶部判官。卒於光祿少卿。

惟濟字羲夫。生七歲。倣封漢南王。奏補本府元從指揮使。歷諸衛將軍。領恩州刺史。改東染院使。真拜封州刺史。真宗祀汾陰。還。燕近臣苑中。命惟濟射。一發中的。故事。刺史射不解箭。帝賜解之。且賜襲衣金帶。其後請試郡。命知絳州。民有條桑者。盜奪桑不能得。乃自創其臂。誣桑主欲殺人。久繫不能辨。惟濟取盜與之食。視之。盜以左手舉七筋。惟濟曰。以右手創人者。上重下輕。今汝創特下重。正用左手傷右臂。非爾自爲之邪。辭遂服。帝聞之。謂宰相向敏中曰。惟濟試守郡。輒明辨。後必爲能吏矣。徙潞州。民相驚。有外寇奔城。而仆者相枕藉。惟濟從容行視。從騎甚省。民乃安。遷永州。團練使。改知成德軍。仁宗即位。加檢校司空。民有鑄作白金質取緡錢者。其家來告。惟濟曰。第聲言被盜。示以重購。質者當來責餘直。即得之矣。已而果然。乃杖配之。以吉州防禦使留再任。遷虔州。觀察使。知定州。有婦人待前妻子不仁。至燒銅錢灼臂。惟濟取婦人所生兒置雪中。械婦人往視兒死。其慘毒多此類。遷武昌軍節度觀察留後。改保靜軍留後。惟濟喜賓客。豐軍儲家無餘貲。帝賜白金二千兩。所負公使錢七百餘萬。卒。贈平江節度使。謚宣惠。遣使護葬。事賜賻錢二百萬。絹千匹。有玉季集二十卷。惟濟有更幹。能戢下而性苛忍。所至牽蔓滿獄。重囚棄市。或斷手足探肝膽。用以威衆。觀者色動而惟濟自若也。

儼字誠允。倣之異母弟也。本名信。淳化初。改焉。幼爲沙門。及長。頗謹慎。好學。倣襲國封。命爲鎮東軍安撫副使。周顯德四年。奏署衢州刺史。太祖平揚州。倣遣儼入賀。命閩門副使武懷節齎詔迎勞。賜賚甚厚。及歸。又賜玉帶名馬。錦綵器四。開寶三年。代兄倣知湖州。充宣德軍安撫使。倣奉詔攻毗陵。命儼督漕運。太平興國二年。從倣之請。授新媯儒等州觀察使。仍知湖州。儼兄儀爲慎瑄師等

州觀察使。入朝。以儼為隨州觀察使。儼為金州觀察使。侍祠郊宮。特詔升儼班於節度使之次。儼卒。儼換金州。常從幸天駟監。會賜從官馬。太宗敕有司曰。錢儼儒者。宜擇馴馬給之。未幾。出判和州。在職十七年。咸平六年卒。年六十七。贈昭化軍節度儼。嗜學。博涉經史。少夢人遺以大硯。自是樂為文辭。頗敏速。富瞻。當時國中詞翰多出其手。歸京師。與朝廷文士遊。歌詠不絕。淳化初。書獻皇猷錄。咸平又獻光聖錄。並有詔嘉答。所著有前集五十卷。後集二十四卷。吳越備史十五卷。備史遺事五卷。忠懿王勳業志三卷。又作貴溪叟自敘傳一卷。善飲酒。百卮不醉。居外郡。嘗患無敵。或言一軍校差可倫擬。儼問其狀。曰。飲益多。手益恭。儼曰。此亦變常。非善飲也。

昱字就之。忠獻王佐之長子。佐壽。昱尚幼。國人立僭。遂以昱為咸寧大安二宮使。儼嗣國。承制授秀州刺史。太祖受禪。儼遣昱入貢。與江南使同侍宴射于後苑。江南使先中的。令昱解之。昱應弦而中。賜以玉帶。及平蜀。復來賀歸國。為台州刺史。儼得福州。命昱守之。王師討江南。為東面水陸行營。應援使。從儼入朝。授白州刺史。昱好學。多聚書。喜吟詠。多與中朝卿大夫唱酬。嘗與沙門贊寧談竹事。送錄所記。昱得百餘條。因集為竹譜二卷。俄獻太平興國錄。求換臺省官。令學士院召試制誥三篇。改秘書監判尚書都省。時新葺省署。昱撰記奏御。又嘗以鍾王墨跡八卷為獻。有詔褒美。出知宋州。改工部侍郎。歷典壽泗宿三州。率無善政。至道中。郊祀當進秩。太宗曰。昱貴家子。無檢操。不宜任丞郎。以為鄆州團練使。咸平二年。表入朝。以病不及。陛見。卒。年五十七。昱善筆札。工尺牘。太祖嘗取觀賞之。賜以御書金花扇。及急就章。昱聰敏。能覆棋。工琴書。飲酒至斗餘。不亂。善諧謔。生平交舊。終日設宴。未曾犯一人家諱。有集二十卷。然貪猥。縱肆。無名節。可稱。生子百數。涉雍熙中。進士及第。絳至內殿承制閣門祇候。累典郡。頗以幹力稱。儼之羣從。又有台州刺史。仰之子。昭序。字著明。好學。喜聚書。書多親寫。知通利軍。以勳幹聞。至如京副使。衢州刺史。僱之子。昭度。字九齡。至供

孫承祐。杭州錢塘人。儼納其姊為妃。因擢處要職。累遷浙江東道鹽鐵副使。鎮

海鎮東兩軍節度副使。知靜海軍節度事。開寶初。隨儼子惟濬入貢。詔授光祿大夫。檢校太保。鎮東鎮海等軍行營司馬。儼又私署中吳軍節度。七年。儼復遣承祐入貢。賜襲衣玉帶。鞍勒馬。黃金器五百兩。銀器三千兩。雜綵五千匹。且令諭旨於儼。將有事於江表。及王師渡江。命內客省使丁德裕率步騎一千。詔儼以所部與德裕會常潤。承祐從儼克毗陵。功居多。詔改中吳軍為平江軍。真授承祐節。太平興國中。儼來朝。盡獻其地。從承祐奉寧軍節度使。五年。從幸大名。留知府事。雍熙二年。改知滑州。數月卒。贈太子太師。中使護葬。承祐在浙右。日憑藉親寵。恣為奢侈。每一飲宴。凡殺物命千數。常膳亦數十品。方下筯。所居室中。燕龍腦。日不下數兩。從車駕北征。以囊駝負大斛貯水。養魚。自隨至幽州。南村落間。日已昏。西京留守石守信與其子駙馬都尉保吉。及近臣十數人。尚末朝食。適遇承祐。即延所止幕舍中。膾魚具食。窮極水陸。人皆異之。承祐少時嘗夢人以著草一本。增其一而授之。既寤。以語所親。曰。大衍之數五十。其用四十。有九。今增其一。我壽止於此乎。果五十而卒。子誘。至駕部郎中。出為淮南節度行軍司馬。

沈承禮。湖州烏程人。錢鏐辟置幕府。署處州刺史。鏐子元瓘以女妻之。署為府中右職。出為台州刺史。元瓘卒。子佐嗣。以承禮掌親兵。儼襲位。命知威武軍節度事。充兩浙都鈐轄使。王師征江南。儼遣承禮率水陸數萬人助平毗陵。因攻潤州。城中兵夜出焚外柵。諸將皆欲馳救。承禮曰。古人有言。擊東南而備西北者。此之謂也。命士皆擐甲。摩食。堅壁不動。他壘不設備者。悉驚擾。獨承禮所部敵人不取窺。丹陽平。遂率兵抵建業。李煜歸朝。錄其功。真授福州節制。太平興國初。儼盡獻浙右地。徙承禮鎮密州。八年。卒。年六十七。廢朝二日。贈太子太師。中使護葬。初。秦王廷美之敗也。有司按驗。儼惟濬。承祐及陳洪進。皆嘗有贈遺。獨承禮無焉。

元中書右丞相總裁脫脫等修

列傳第二百四十

世家四

南漢劉氏

南漢劉鋹其先蔡州上蔡人高祖仁安仕唐為潮州刺史因家嶺表仁安生謙為廣州牙校累遷封州刺史實水鎮遏使謙生隱謙卒隱代領其任唐昭宗以薛王知柔鎮南海辟為行軍司馬委以兵柄及宰相徐彥若代知柔以為節度副使時唐室已季彥若威令不振事皆決于隱彥若卒遺表薦隱自代昭宗不從以崔遠代之遠至江陵遷延不進乃以隱為留後未幾授以節旄梁開平初兼靜海軍節度使封南海王隱卒弟陟襲位貞明三年僭帝號國稱大漢改元乾亨行郊祀禮改名巖又改巖終改巖讀為儼字書不載蓋其妄作也晉天福七年卒子玘嗣為弟晟所殺晟遂自立性尤酷暴周顯德五年卒事具五代史玘即晟長子也初名繼與封衛王襲父位改今名改元大寶性昏懦委政宦官龔澄樞及才人盧瓊仙每詳覽可否皆瓊仙指之錢日與宮人波斯女等遊戲內官陳延受引女巫樊胡入宮言玉皇遣樊胡命錢為太子皇帝乃于宮中施帷幄羅列珍玩設玉皇坐樊胡遠遊冠紫衣紫霞裙坐宣福福令錢再拜聽命嘗云瓊仙澄樞延受皆玉皇遣輔太子皇帝有過不得治又有梁山師馬媪何擬之徒出入宮掖宮中婦人皆具冠帶領外事初龔離龍任中官其數裁三百餘位不過掖庭諸局令丞至晟時千餘人稍增內常侍諸謁者之稱至錢漸至七千餘有為三師三公但其上加內字諸使名不類二百女官亦有師傳令僕之號目百官為門外人羣臣小過及士人釋道有才略可備問者皆下蠶室令得出入宮闈作燒煮刺剝刀山劍樹之刑或令罪人鬪虎抵象又賦餼煩重鬻民入城者人輸一錢瓊州米斗稅四五錢置媚川都定其謀令入海五百尺探珠所居宮殿以珠玕瑇瑁飾之陳延受作諸淫巧日費數萬金宮城左右離宮數十銀游幸常至月餘或旬日以豪民為課戶供宴榻之費乾德中太祖命師

克郴州獲其內品十餘人有余延業者人質么麼太祖問曰爾在嶺南為何官對曰為扈駕弓箭手官命授之弓矢延業極力控弦不開太祖因笑問錢為拾之迹延業備言其奢酷太祖驚駭曰吾當救此一方之民先是晟因湖南馬氏之亂襲取桂柳賀等州開寶初銀又舉兵侵道州刺史王繼勳上言錢為政昏暴民被其毒請討之太祖難其事令江南李煜遣使以書諭錢使稱臣歸湖南舊地銀不從煜又遣其給事中龔慎儀遺書曰煜與足下叨累世之睦繼祖考之盟情若弟兄義敦交契憂戚之患曷嘗不同每思會面而論此懷抵掌而談此事交議其所短各陳其所長使中心釋然利害不惑而相去萬里斯願莫伸凡於事機不得款會屢達誠素冀明此心而足下視之謂書檄一時之儀近國梗概之事外貌而待之汎濫而觀之使忠告確論如水投石若此則又何必事虛詞而勞往復哉殊非宿心之所望也今則復遣人使聲申鄙懷又慮行人失辭不盡深素是以再寄翰墨重布腹心以代會面之談與抵掌之議也足下誠聽其言如交友諫爭之言視其心如親戚急難之心然後三復其言三思其心則忠乎不忠斯可見矣從乎不從斯可決矣昨以大朝南伐圖復楚疆交兵已來遂成豐隆詳觀事勢深切憂懷冀息大朝之兵求契親仁之願引領南望于今累年昨命使臣入貢大朝大朝皇帝果以此事宣示曰彼若以事大之禮而事我則何苦而伐之若欲與戎而爭我則以必取為度矣見今點閱大眾仍以春秋為期令敵邑以書復敘前意是用奔走人使遽貢直言深料大朝之心非有唯利之貪蓋怒人之不賓而已足下非有不得已之事與不可易之謀殆一時之忿而已觀夫古之用武者不顧大小強弱之殊而必戰者有四父母宗廟之讎此必戰也彼此為合民無定心存亡之機以戰為命此必戰也敵人有進必不捨我求和不得退守無路戰亦亡不戰亦亡奮不顧命此必戰也彼有天亡之兆我懷進取之機此必戰也今足下與大朝非有父母宗廟之讎也非同鳥合存亡之際也既殊進退不捨奮不顧命也又異乘機進取之時也無故而坐受天下之兵將決一旦之命既大朝許以通好又拒而不從有國家利社稷者當若是乎夫稱帝稱王角立傑出今古之常事也割地以通好玉帛以事人

亦古今之常事也。盈虛消息，取與翕張，屈伸萬端，在我而已。何必膠柱而用壯輕福而爭雄哉？且足下以英明之資，撫百越之衆，北距五嶺，南負重溟，藉累世之基，有及民之澤，衆數十萬，表裏山川，此足下所以慨然而自負也。然違天不祥，好戰危事，天方相楚，尙未可爭。恭以大朝師武臣力，實謂天贊也。登太行而伐上黨，士無難色，絕劍閣而舉庸蜀，役不淹時，是知大朝之力難測也。萬里之境難保也，十戰而九勝，亦一敗可憂。六奇而五中，則一失何補？況人自以我國險，家自以我兵強，蓋揣于此而不揣于彼，經其成而未經其敗也。何則？國莫險于劍閣，而庸蜀已亡矣；兵莫強于上黨，而太行不守矣。人之情端坐而思之，意滄海可涉也，及風濤驟興，奔舟失馭，與夫坐思之時，蓋有殊矣。是以智者慮於未萌，機者重其先見，圖難於其易，居存不忘亡，故曰計禍不及慮，福過之良以福者人之所樂，心樂之，故其望也過，禍者人之所惡，心惡之，故其思也忽。是以福或修於謙望，禍多出於不期，又或慮有矜功好名之臣，獻尊主強國之議者，必曰慎無和也，五嶺之險，山高水深，輜重不並行，士卒不成列，高壘清野而絕其運糧，依山阻水而射以強弩，使進無所得，退無所歸，此其一也。又或曰彼所長者利在平地，今捨其所長，就其所短，雖有百萬之衆，無若我何，此其二也。其次或曰戰而勝則霸業可成，戰而不勝則沉巨舟而浮滄海，終不爲人下，此大約皆說士孟浪之談，謀臣掉闔之策，坐而論之也，則易行之如意也，則難何則？今荆湘以南，庸蜀之地，皆是便山水習險阻之民，不動中國之兵，精卒已逾於十萬矣。況足下與大朝封疆接眇，水陸同途，殆雞犬之相聞，豈馬牛之不及，一旦緣邊悉舉，諸道進攻，豈可俱絕其運糧，盡保其城壁？若諸險悉固，誠善莫加焉。苟尺水橫流，則長堤虛設矣。其次曰或大朝用吳越之衆，自泉州泛海以趣國都，則不數日至城下矣。當其人心疑惑，兵勢動搖，岸上舟中，皆爲敵國忠臣義士，能復幾人懷進退者？步步生心，顧妻子者，滔滔皆是。變故難測，須臾萬端，非惟暫乖始圖，實恐有誤壯志。又非巨舟之可及，滄海之可避也。然此等皆戰伐之常事，兵家之預謀，雖勝負未知，成敗相半，苟不得已而爲也，固斷在不疑。若無大故而思之，又深可痛惜，且小之事大，理固然也。遠古之例，不能備談，本

朝當楊氏之建吳也，亦入賈莊宗，恭自烈祖開基，中原多故，事大之禮，因循未遑，以至交兵，幾成危殆，非不欲憑大江之險，恃衆多之力，尋悟知難則退，遂修出境之盟，一介之使，纒行萬里之兵，頓息惠民和衆，于今賴之，自足下祖德之開基，亦通好中國，以闡霸圖，願修祖宗之謀，以尋中國之好，蕩無益之忿，棄不急之爭，知存知亡，能強能弱，屈己以濟億兆，談笑而定國家，至德大業，無虧也。宗廟社稷，無損也，玉帛朝聘之禮，纒出於境，而天下之兵已息矣，豈不易如反掌，固如泰山哉？何必扼腕，肝衝，履腸，喋血，然後爲勇也？故曰德輶如毛，民鮮克舉之，我儀圖之，又曰知止不殆，可以長久。又曰沉潛剛克，高明柔克，此聖賢之事業，何恥而不爲哉？況大朝皇帝，以命世之英，光宅中夏，承五運而乃當正統，度四方則威偃，下風，檢枕太原，固不勞於薄伐，南轅返旆，更屬在於何人，又方且遏天下之兵鋒，俟貴國之嘉問，則大國之義，斯亦以善矣。足下之忿，亦可以息矣。若介然不移，有利於宗廟社稷，可也，有利於黎元，可也，有利於天下，可也，有利於身，可也，凡是四者，無一利焉，何用棄德修怨，自生讎敵，使赫赫南國，將成禍機，炎炎奈何，其可擲選，幸而小勝也，莫保其後焉，不幸而違心，則大事去矣。復念頃者，淮泗交兵，疆陲多壘，吳越以累世之好，遂首爲厲階，惟有貴國情分逾親，雖盟愈篤，在先朝感義，情實慨然，下走承基，理難負德，不能自己，又馳此誠，近奉大朝諭旨，以爲足下無通好之心，必舉上秋之役，即命敵邑，速絕連盟，雖善隣之心，期於永保，而事大之節，焉敢固違，恐煜之不得事足下也。是以惻惻之意，所不能云，區區之誠，於是乎在。又念臣子之情，尙不逾於三諫，煜之極言，於此三矣。是爲臣者可以逃，爲子者可以泣，爲交友者亦惆悵而遂絕矣。鏡得書，遂因憤懣，驛書答煜，言甚不遜，煜上其書，開寶三年，太祖命潭州防禦使潘美朗州團練使尹崇珂討之。八月，師至白賈，鏡賀州刺史陳守忠告急於鏡，時舊將多以譏構誅死，宗室翦滅殆盡，掌兵者唯宦人數輩，自晟以來，耽於遊宴，城壁壞墜，多飾爲宮館，池沼樓榭，皆毀，兵器又腐，內外震恐，乃遣龔澄樞往賀州，郭崇岳往桂州，李托往韶州，畫守禦之策。九月，美與崇珂圍賀州，澄樞遁，鏡遣大將伍彥柔領兵赴賀，美等以奇兵伏南岸，彥柔夜至，賊舟岸側，遲

明拔彈登岸，睨胡牀指麾，伏兵卒發，彥柔衆大亂，死者千人，擒彥柔斬之，梟首以示城中。翌日城陷，美等督戰，艦聲言順流趨廣州。銀令都統潘崇徽將兵五萬屯賀江，十月美等次昭州，破開建砦，殺卒數百，擒砦將斬暉。昭州刺史田行稠遁去，城遂陷。桂州刺史李承渥以兵數萬，陣連葉山下，初，錢教象退保清遠，十二月美等攻昭州，都統李承渥以兵數萬，陣連葉山下，初，錢教象爲陣，每象載十數人，皆執兵仗，凡戰必置陣前以壯軍威，至是與美遇，美盡索軍中勁弩布前以射之，象奔蹙，乘象者皆墜，反踐承渥軍，遂大敗，承渥僅以身免。韶州陷，擒刺史辛延渥，諫議大夫卿文遠，錢始令斬廣州東壕，遣郭崇岳統兵六萬屯馬逕，列柵以拒之，四年正月，美等破英雄二州，都統潘崇徽來降，翌日，次瀧頭，錢遣使請和，且求緩師，瀧頭山水險惡，美等疑有伏兵，乃拔錢使速度諸險，二月過馬逕，去廣城十里，若于雙女山下，錢聞之，取船舶十餘艘，載金寶妃嬪欲入海，未及發，宦官樂範與衛兵千餘盜船舶走，美等將至城，錢懼，遣其右僕射蕭濯奉表詣軍門乞降，美諭太祖意，語在美傳，使者乞部送赴闕，師遂頓城外，錢又遣其弟保與率百官奉迎，爲郭崇岳所遏，崇岳無謀勇，但祈禱鬼神，復爲拒扞之備，美等乃進攻，保與迎戰，大爲所敗，美乘風縱火，煙埃全起，崇岳死於亂兵，城既破，錢盡焚其府庫，美擒錢及龔澄，樞李托薛崇譽，與宗室文武九十七人同縶於龍德宮，保與逃於民家，亦獲之，悉部送闕下，斬關工五百餘人，凡得州六十，縣二百四十，戶十七萬，錢至江陵，郎吏龐師進迎謁，學士黃德昭侍錢，錢問師進何人，德昭曰：「本國人也。」錢曰：「何爲在此？」曰：「先主歲貢大朝輜重，比至荊州，乃令師進至邸，于此造車以給饋運，爾錢嘆曰：「我在位十四年，未嘗聞此言，今日始知祖宗山河及大朝境土也。」因泣瀝久之，至京，舍于玉津園，太祖遣參知政事呂餘慶問錢翻覆及焚府庫之罪，錢歸罪，澄樞托崇譽翌日，有司以帛係錢及其官屬獻太廟，太社，太祖御明德門，遣攝刑部尚書盧多遜宣詔責錢，錢對曰：「臣年十六，僭位澄樞等皆先臣舊人，每事臣不得專，在國時臣是臣下，澄樞是國主，遂伏地待罪，太祖命攝大理卿高繼申引澄樞托崇譽斬于千秋門外，釋銀罪，賜襲衣冠帶，器幣鞍勒馬，授金紫光祿大夫，檢

校太保，右千牛衛大將軍，員外置同正員，封恩赦侯，朝會班上將軍之下，以其弟保與爲右監門率，府率，左僕射蕭濯爲太子中允，中書舍人，卓惟休爲太僕寺丞，餘並署諸州上佐，縣令主簿，初，龔時嘗召司天監周傑筮之，遇復之，費龔問曰：「享年幾何？」傑曰：「凡二卦皆土，爲應土之數，五二十五也，上下各五，將五百五十五乎？」及錢之敗，果五十五年，蓋傑舉成數以避一時之害爾，又廣州童謠曰：「羊頭二四，白天兩至，識者以羊是未之神，是歲歲在辛未，以二月四日擒錢，天兩者，王師如時雨之義，又前一年九月八日夕，衆星皆北流，有知星者言劉氏歸朝之兆也，四年，詔錢月給增錢五萬，米麥五十斛，八年，李煜平，遷左監門衛上將軍，進封彭城郡公，太平興國初，又進衛國公，五年，卒，年三十九，廢朝三日，贈大師，追封南越王，錢體質豐碩，眉目俱疎，有口辯，性絕巧，嘗以珠結鞍勒爲戲龍之狀，極其精妙，以獻太祖，太祖詔示諸宮官，皆駭伏，遂以錢百五十萬給其直，謂左右臣曰：「錢好工巧，習以成性，儻能以習巧之勤，移於治國，豈至滅亡哉？」太祖嘗乘肩輿從十數騎幸講武池，從官未集，錢先至，賜銀卮酒，錢疑爲醜，泣曰：「臣承祖父基業，遠拒朝廷，勞王師致討，罪固當死，陛下不殺臣，今見太平，爲大梁布衣足矣，願延旦夕之命，以全陛下生之恩，臣未敢飲此酒。」太祖笑曰：「朕推心於人，腹安有此事，命取銀酒自飲之，別酌以賜錢，大慚，頓首謝，太宗將討晉陽，召近臣宴，錢預之，自言朝廷威靈及遠，四方僭竊之主，今日盡在坐中，旦夕太原劉繼元又至，臣率先來朝，願得執挺爲諸國降王長，太宗大笑，賞賜甚厚，其談諧此類也，錢子守節，守正，皆至崇儀副使，守正卒，帝聞其家貧，詔月給萬錢，守素咸平中爲待禁，亦貧，真宗賜白金百兩，語宰相曰：「諸僞主子孫率多窘迫，蓋僭侈之後，不知稼穡艱難所致也，後至內殿崇班，天禧中，又錄爲閤門祗候，守通供奉官，守正子克昌，爲三班奉職，國昌爲借職。」龔澄樞，廣州南海人，性廉謹，不妄交遊，幼事龔爲內供奉官，累遷內給事，屢襲位，任闈人林延遇爲甘泉宮使，頗預政事，延遇病將死，言於晟曰：「臣死惟龔澄樞可用，即日權知承宣院，兼內侍省，改德陵使，兼龍德宮使，錢嗣位，加特進，開府儀同三司，萬華宮使，驃騎大將軍，改上將軍，左龍虎軍觀軍容使，內太師，軍

國之務皆決於澄樞澄樞與李托薛崇譽置酷法之具民甚苦之初嚴改名龔有術者言不利名龔當敗國事遂改名龔後鑲用澄樞以其姓卒亡其國澄樞亦被誅

李托封州封川人少習騎射以謹愿事龔為內府局令嚴龔位遷內侍省內侍充宮闈諸衛押番兼秀華宮使鑲立改玩華宮使內侍監兼列聖景陽二宮使托納二女於鑲鑲以其長為貴妃次為美人政事皆訪托而後行加特進開府儀同三司甘泉宮使兼六軍觀軍容使行內中尉選驃騎上將軍內太師太祖命師伐鑲既克韶州統軍使李承渥戰死節度副使辛延渥間道遣人勸鑲降托堅沮其議及就擒至許田太祖遣使問托等昨已約降復率眾來拒戰及軍敗又縱火焚府庫誰為之謀也托俛首不能對鑲諫議大夫王珪謂托曰昔在廣州機務並爾輩所專火又自內起今天子遣使案問爾復欲推過何人遂唾而批其頰托乃引伏後至京斬之

薛崇譽韶州曲江人善孫子五曹算嚴署為內門使兼太倉使鑲嗣位遷內中尉特進開府儀同三司簽書點檢司事太祖命師克廣州崇譽縱火焚倉廩擒至京與李托同戮

潘崇徹廣州南海人事龔為內侍省局丞頗讀兵書立戰功嚴嘗遣大將吳懷恩伐桂州平之懷恩為部下所殺命崇徹代之鑲龔位加西北面都統歲餘鑲頗疑崇徹遣薛崇譽使其軍以察之崇譽還遂白崇徹日以伶人百餘衣錦繡吹玉笛為長夜之飲不恤軍政鑲怒召歸奪其兵柄自是居常怏怏太祖命師度嶺鑲復命崇徹領兵五萬戍賀江崇徹不為効命鑲敗至京太祖知其事特赦之授汝州別駕卒

宋史卷四百八十一

宋史卷四百八十一 考證

劉鑲傳上蔡人○冊府元龜作彭城人
有余延業者○宋通鑑作韓延業

宋史卷四百八十一 考證

北漢劉氏

北漢劉繼元并州太原人。祖崇。漢祖之弟。漢初為太原尹。北京留守。隱帝嗣位。周祖為樞密使。崇謂判官鄭珙曰。吾與郭樞密素不協。朝廷幼弱。郭得志。吾無類矣。因泣下。珙遂勸繼元甲兵。招集亡命。為自全計。及聞隱帝遇害。崇率兵南向。會漢太后下令。遣馮道詣徐州。迎崇子贊。為漢嗣。崇信之。謂賓佐曰。吾兒為帝矣。復何慮哉。少尹李驥曰。知幾其神。時不可失。揣郭公之心。必不以天下與人。不如領精騎疾度太行。控孟津。以觀其變。徐州位定。然後歸晉陽。即郭公不敢動矣。崇大怒。罵曰。腐儒敢離間我父子。遽令左右曳出斬之。驥曰。僕貧王佐才。今日為愚人畫計。死固甘心。但家有病妻。願同戮於市。崇並殺之。表其事於太后。明無他志。俄周祖為眾所推。降封贊湘陰公。崇遣使奉書周祖。乞贊歸藩。使還。知贊已死。崇慟哭。為驥立祠。遂即皇帝位。國仍號漢。仍稱乾祐年。改名晏。以子鈞為太原尹。判官趙華。鄭珙為宰相。陳光裕為宣徽使。贊重幣結契丹。自言與周有隙。願如晉祖故事。約為父子。契丹主許之。遣政事令燕王耶律述乳。上樞使高勳。策崇為大漢神武皇帝。自是數侵晉。高平之敗。崇單騎遁歸。由此喪氣。不敢復出師。顯德元年。崇卒。鈞襲位。鈞舊名承鈞。後止名鈞。鈞元天會。以衛融為相。段常為樞密使。蔚進掌親軍。子繼恩為太原尹。始建七廟於漢。祖舊第。號顯聖宮。潛結江南西川為外援。六年冬。鈞結契丹侵周。明年正月。周恭帝命太祖北征。至陳橋驛。眾推戴太祖即位。鈞與契丹兵皆遁去。是夏。李筠以上黨叛。令判官囚監軍周光遜等送於鈞。稱臣求援。鈞自至太平驛。與筠會。遣其宣徽使盧贊將騎數千隨筠入寇。又遣其河陽節度范守圖援之。及太祖親討。前軍石守信高懷德破筠眾於澤州。獲守圖。殺鈞兵數千。鈞之沙谷砦。又為折德辰所破。斬首五百級。九月。昭義李繼勳率師入鈞平遙。虜獲甚眾。建隆

二年冬。繼勳又敗鈞兵。斬首百餘級。獲其遂州刺史傅廷彥。弟勳以獻。三年二月。鈞侵晉。路二州守將擊走之。三月。太祖詔河東降人徙家於邢洛。計口給粟。四月。太原民四百七十人降。七月。鈞捉生指揮使路貴等十一人降。並補內殿直。四年八月。邢州王全寶率師攻樂平。鈞拱衛指揮使王超。散指揮使元威。侯霸榮。率所部千八百人降。全寶未幾。鈞侍衛都指揮使蔚進。馬軍都指揮使郝貴超。與契丹悉兵來救樂平。三戰皆敗之。遂下其城。詔建為平晉軍。以降兵為做順軍。賜以錢幣。靜陽十八砦。遂相率來降。九月。鈞復引契丹攻平晉軍。太祖遣洛州防禦使郭進。濮州防禦使張彥進。客省使曹彬。趙州刺史陳萬通。將步騎萬餘救之。未至而鈞遁去。乾德二年二月。李繼勳與兵馬鈐轄康延紹。馬步軍都軍頭尹訓。率兵攻遂州。鈞遣郝貴超來援。戰于城下。大敗。刺史杜延韜危蹙。與拱衛都指揮使冀進。兵馬都監侯美。籍部兵三千降。繼勳賜延韜等囊衣銀帶。器幣鞍勒馬。其降兵以效順懷恩為名。是月。府州擒鈞衛州刺史楊璘。以獻。又鈞耀州團練使周審玉等四人降。賜審玉襲衣金帶。絹千匹。銀五百兩。鞍勒馬。仍賜名承璘。以為左千牛衛大將軍。領汾州團練使。四月。太祖遣馬軍都校劉光將兵戍潞。備鈞入侵。五年三月。鈞招收指揮使閻章。以石益砦降鎮州。四月。招收指揮使樊暉。殺監軍成昭。以瀋唐砦降鎮州。六年正月。偏成砦招烏玉砦主胡遇等百三十九人降鎮州。初。鈞自李筠敗。狼狽而歸。旦夕懼宋師之至。以趙文度為相。召抱腹山人郭無為參議中書事。以五臺山僧繼顯為鴻臚卿。參議國事。因事誅段常。契丹主遣使責鈞曰。爾不稟我命。其罪三。擅改年號一也。助李筠有所覬覦二也。殺段常三也。鈞皇恐曰。父為子隱。願赦罪。契丹不報。自是使契丹者被留不遣。終以勢力窘弱。憂憤成疾。是月卒。年四十三。繼恩嗣位。初。太祖嘗因界上。譟者謂鈞曰。君家與周氏為世讎。宜其不屈。今我與爾無所間。何為因此一方人也。若有志中國。宜下太行。以決勝負。鈞遣譟者復命曰。河東土地甲兵不足。以當中國。然鈞家世非叛者。區區守此。盡懼漢氏之不血食也。太祖哀其言。笑謂譟者曰。為我語鈞。開爾二生路。故終其世不加兵。

焉。繼恩本姓薛，父釗娶崇女，晉初為護聖營卒。漢祖典禁兵，以釗崇婿，釋其籍館門下。漢祖後領方鎮，爵位通顯，釗罕得見其妻，居常怏怏。一日乘醉求見，即引佩刀刺妻，妻奮衣得脫，釗乃自刎。繼恩時尚幼，漢祖令鈞養為子，遂冒姓劉。八月，太祖詔伐繼恩，以內客省使盧懷忠等二十二人將禁兵赴潞州，昭義節度李繼勳為行營前軍都部署，侍衛步軍都指揮使党進副之，宣徽南院使曹彬為都監，棟州防禦使何繼筠為前鋒都部署，懷州防禦使康延沼為都監，建雄軍節度趙贊為汾州路都部署，絳州防禦使司超副之，隰州刺史李謙溥為都監。九月，繼勳敗繼恩軍於洞渦河，其左勝軍使李瓊來降，賜襲衣金帶鞍勒馬。初，鈞謂郭無為曰：「繼恩庸懦，何堪付後事，無為亦以為然。至是繼恩獨處一室，行喪，左右親信皆在太原，無得從者，或勸召之，繼恩猶豫不決，有侯霸榮者，邢州龍岡人，多力善射，走及奔馬，嘗為盜并汾間，鈞用為散指揮使，戍樂平，建隆中，率所部來歸，補內殿直，未幾復奔太原，鈞署供奉官，至是謀持繼恩首獻太祖，遂乘繼恩無備，白晝挺刃而入，反扃其門，繼恩繞屏環走，霸榮以刀搥督弑之，年二十四，時立六十日矣，無為遣卒登梯入殺霸榮，立其弟繼元，繼元本姓何，初薛釗死，崇以女再妻何氏，生繼元，何死，鈞亦養繼元為子，繼元既襲位，改元廣運，復結契丹為援，開寶二年春，太祖詔李繼勳趙贊郭進司超等將兵先赴太原，太祖遂親征，以繼元大谷令梁文陟為太子洗馬，郊令張續為右贊善大夫，太祖將至，繼勳敗繼元兵於城下，其憲州推官史昭文以州來降，升本州刺史，乃獲汾水權其城，又遣海州刺史孫方進圍滄州，繼元方恃契丹為援，守陣者揚言旦夕契丹至，四月，何繼筠敗契丹於陽曲北，太祖命以所獲首級鎧甲示於城下，城中由是喪氣，知嵐州趙文度遂來降，閏五月，南城為汾水陷，水注城中，太祖幸長隄觀焉，登望樓者見繼元殺其相郭無為，城中紛擾，俄而城兵自西長連城出，將焚攻戰具，反為攻兵擊走之，斬首萬餘級，夜半呼壁外繼元降，太祖令衛士擐甲將開壁門，入作使趙燧曰：「受降如受敵，詎可中夜輕出，太祖使伺之，果謀者也。」太常博士李光贊上言曰：「陛下應天順人，體元御極，戰無不勝，謀無不滅，四方恃險之邦，僭竊帝王之號者，昔日與中國為隣，今日與

陛下為臣，襄爾晉陽，豈須親討，重勞飛輓，久駐師徒，且太原得之未必為多，失之未足為辱，今時屬炎蒸，候當暑雨，儻河津泛溢，道路阻艱，輦運稽留，恐勞宸慮，太祖覽奏甚喜，命宰相趙普撫諭諸將，欲班師，禁軍校趙翰等叩頭願乘城急擊，以盡死力，太祖曰：「汝曹我所訓練，無不一當百，以備肘腋，同休戚也，我寧不取太原，豈忍驅汝曹冒鋒鏑，而蹈必死之地乎？」士皆感泣，遂班師。九年八月，太祖又遣党進潘美楊光美牛思進米文義討之，時繼元謀者趙訓為晉州所捕，械送于朝，太祖命釋之，給服裝放歸，又遣郭進入忻代路，郝崇信王政忠入汾州路，閻彥進齊超人沁州路，孫晏宣安守忠入遼州路，齊延琛穆彥璋入石州路，九月，党進敗繼元兵數千，獲馬千餘，郭進得山北民三萬七千餘，十月，遼州監押馬繼恩入并州境，燔四十餘砦，獲牛羊數千，郭進又破壽陽，得民九千，穆彥璋入并州境，得民二千，党進又敗繼元兵千餘於城下，是月，太宗即位，召諸將還，太平興國二年，繼元胡桃砦指揮使史溫等以其民內附，太宗謂齊王廷美曰：「太原我必取之，四年始議討伐，曹彬以為可，太宗意遂決，語在彬傳，宰相薛居正曰：「昔周世宗舉兵，太原倚契丹之援，堅壁不戰，以至師老而歸，及太祖破契丹於鴈門，關南盡驅其民分布河洛之間，雖巢穴尚存，而危困已甚，得之不足以關土舍之不足以為患，願陛下熟慮之。」太宗曰：「今者事同而勢異，彼弱而我強，昔先王破契丹，徙其人而空其地者，正為今日事也。」朕計決矣，卿勿復言。」遂遣宣徽南院使潘美等率諸將分兵圍汾沁嵐諸州，車駕遂親征，以驍將郭進扼石橫關，斷契丹援路，契丹果至，進擊敗之，初，繼元遣子續質於契丹，契丹為進所敗，繼元又遣健步間道資蠟丸帛書求救，進又得之，徇於城下，繼元外援不至，饑道又絕，潘美等兵數十萬圍四合，自春徂夏，矢石如雨，晝夜不息，城中大懼，會太宗奄至，親督衛士急攻，人百其勇，城無完堞，太宗慮城陷則殺傷者衆，以手詔諭繼元降，詔至城下，守陣者不納，繼元不能知，太宗躬擐甲胄，夜至長連城，督諸將攻之，控弦之士數萬，列陣于前，躡甲交射，矢集城上如蝟毛，每給矢必數百萬，頃之咸盡，捕得城中人云：「繼元以十錢購一矢，凡聚百餘萬，太宗笑曰：「此為我畜也。」五月庚辰，繼元宣徽使范超來降，攻城者以超

爲出戰，禽而戮之。繼元遂斬妻，投其首城外。壬午，馬軍都指揮使郭萬超、贖城降。繼元帳下親信，因之漸亡去。城中危急，太宗又自草詔諭之曰：越王吳主，獻地歸朝，或授以大藩，或列於上將。臣僚子弟，皆享官封。繼元但速降，必保終始富貴。安危兩途，爾宜自擇。至是，詔入諸將，銳攻不可遏。太宗臨之，恐城陷害民，麾衆少退。是夕，繼元遣其客省使李勳奉表請降。太宗賜勳衣金帶，銀器錦綵，銀鞍勒馬，復遣通事舍人薛文寶齎詔答之。夜漏未盡，太宗幸城北張樂宴。從臣於城臺，繼元降，遲明，繼元率官屬，縞衣紗帽，待罪臺下。詔釋之，賜襲衣玉帶，金銀鞍勒馬，三匹，金器五百兩，銀器五千兩，錦綵二千段。文武官各賜衣金銀帶，器幣鞍勒馬，有差，召升臺，繼元叩頭言：臣聞車駕親征，即願束身歸罪。蓋亡命者懼死，逼臣不得降。爾太宗籍軍中亡投繼元者數百人，選其巨室者，以從軍法。餘賜服及錢帛，分隸諸將。詔授繼元特進，檢校太師，右衛上將軍，封彭城郡公。館於行在所，給賜甚厚。其相李憚等授官有差，命中使康仁寶監之。繼元獻其宮妓百餘，悉分賜立功將校。又令仁寶護繼元親屬百餘赴京。所過續食，賜京城甲第一區。歲時優加頒賚。六年，加開府儀同三司。雍熙二年，建房州爲保康軍，以繼元爲節度。淳化二年，繼元疾，遣中使護醫診視，及卒，遺奏以其子三猪爲託。太宗惻然哀之，贈中書令，追封彭城郡王，賻賻加等，葬事官給。時三猪六歲，賜名守節，授西京作坊副使，家居賜祿。初，太宗征繼元，行次澶淵，有太僕寺丞宋捷者，掌出納行在軍儲。太宗見其姓名喜，以爲師必有捷之兆。及將至太原，太宗遣詔攻城諸將曰：我以端午日當置酒高會於太原城中。至癸未，繼元降。乃五月五日也。劉崇自周廣順元年稱帝，歷四主，二十九年而亡。繼元性殘忍，在太原，凡臣下有忤意，必族其家。自太祖親征及遣將攻伐，因之殺傷，不可勝紀。及窮蹙始降，太宗待遇終保全之。嘗謂近臣曰：晉司馬昭以劉禪思蜀之對，戲之云：何乃似卻正之言。此不仁之甚也。亡國之君，皆暗懦所致。苟有遠識，豈至滅亡。此可感傷。何反戲侮乎。劉繼元朕所虜者，待之若賓客。猶恐不慰其意，爾守節後爲崇儀使，改右屯衛將軍。天禧四年，特遷右武衛將軍，改右驍衛將軍。

衛融字明遠，青州博興人。晉天福初，舉進士，調南樂主簿。歷齊澶二州從事。忠武軍掌書記。漢初，爲太原觀察支使。劉崇稱帝，授中書侍郎。平章事。太祖立，李筠據上黨，遣使降劉鈞。鈞自將兵至太平驛，與筠會。遣宣徽使盧贊入潞州，監筠軍。贊與筠不協，鈞遣融和解之。會筠敗，融被擒。太祖責之曰：汝何故勸劉鈞舉兵助李筠反耶。融曰：犬吠非其主。臣四十口受劉氏豐衣美食，不忍負之。陛下縱不殺臣，臣亦不爲陛下用。終當間道走河東。爾太祖怒，令左右以鐵搗擊其首。曳出將戮之。融大呼曰：大丈夫死，或重於泰山，或輕於鴻毛。今之死，正得其所。爾太祖聞之曰：此忠臣也。遽命釋之。召坐御前，以良藥傳其創，賜襲衣金帶鞍勒馬。既而欲放融歸，融先爲書諭鈞，言侯周光遠等歸朝，即遣融去。鈞得書，久無報。乃授融太府卿，賜第京城。乾德初，郊祀，融獻郊種大禮賦，改司農卿。出知陳舒黃三州。開寶六年卒。年六十九。子稱儻，孫齊，並進士及第。趙文度，瀋州漁陽人。父玉，嘗客滄州。依節度判官呂克，劉守光破滄州，收克親屬盡戮之。克子琦，年十四，玉負之以逃。至太原，變姓名，丐衣食，以給琦。琦後唐同光初，爲藩郡從事。當是時，燕趙之士，以玉能存呂氏之孤，翕然稱之。明宗朝，琦至職方員外郎。知雜。清泰中，琦爲給事中，端明殿學士。玉已卒矣。文度入洛，舉進士。琦薦於主司馬裔孫，擢甲科。歷徐兗陳許四鎮從事。漢初，爲河東掌書記。文度捷給善戲謔，劉崇雅愛之。及稱帝，累官至翰林承旨。兵部尚書。天會四年，授中書侍郎。平章事。轉門下侍郎，兼樞密使。加司徒。久之，與郭無爲不協。出知汾州。徙嵐州。太祖開寶二年，親征晉陽，遣偏師圍嵐。文度危憂請降，待罪行宮。太祖命釋之，賜襲衣玉帶，金鞍勒馬，器幣甚厚。其官屬賜物有差。文度本名弘，以犯宜祖廟諱，賜今名。師還，授檢校太傅。安國軍節度。歲餘徙華州。不宜制而告敕同宣制之例。又徙耀州。凡歷三鎮。七年卒。年六十一。文度善爲詩，人多諷誦。有觀光集。文度之降也，其母在太原。世以不能死節罪之。子昌圖，至內殿崇班，閣門祇候。李憚，字孟深，開封陽武人。漢乾祐中，舉進士。客游嵐州。會劉崇自立，署州從事。擢知制誥。翰林學士。累至司空。平章事。時母在鄉里，憚不知存亡，居常戚戚。但

以弈棋沈飲為務政事多廢劉繼元頗以為言憚不介意後方與僧弈棋繼元命近侍直抵憚前取局焚之憚怡然徐詰繼元謝繼元因切責之明日別造新局弈棋如故太宗克太原為殿中監始知母亡表求追服母喪不許出知廣州遷司農卿連知許孟二州以足疾求解授忠武軍行軍司馬端拱元年卒年七十三憚性疎達善談名理年少時好滑稽及為相頗事持重初與王溥李昉同年登第太原平相見敘舊情好益固論者美之子存誠駕部員外郎存信左侍禁閣門祇候

馬峯并州太原人仕劉繼元至樞密使左僕射致仕太原平太宗以為將作監遷太府卿分司西京峯善服餌養生體強無疾性鄙吝頗好持論雍熙元年卒年八十餘

郭無為青州千乘人少博學有辭辯為道士隱武當山漢乾祐中周祖征河中無為杖策謁於軍門周祖一見大奇之將留館門下左右曰無為縱橫家流今公握重兵不宜親之無為遂拂衣去隱太原抱腹山會劉鈞將兵援李筠將發太原其大臣趙華諫曰筠舉動輕易今起兵應之未見其可鈞怒不顧遂行及筠敗鈞狼狽而歸由是重文學之士且日夕懼宋師至頗求有智謀者與之計事段常薦無為於鈞鈞以諫議大夫召之及至與語大悅尋遷吏部侍郎參議中書事與趙文度同秉政意好不協鈞乃出文度知汾州俄誅段常遂以無為為左僕射平章事兼樞密使機務一以委之鈞嘗病與無為語及後事謂其子繼恩不才無為亦言其然繼恩既立知其事欲誅無為畏懦不能決月餘侯霸榮弒繼恩無為使人殺霸榮并人疑無為初授意於霸榮後殺之以滅口也繼元立太祖遣李繼勳等討之仍詔許繼元以青州節度無為邢州節度無為得詔色動一日繼元宴羣臣契丹使亦在焉無為慟哭於庭曰今日以空城抗大

軍計將安出引佩刀欲自刺繼元遽降階持其手引無為升坐蓋無為欲以動眾心也及太祖親征長圍既合無為請自將兵夜出擊圍欲自拔來歸值天陰晦而止聞人衛德貴告其事會太祖墮汾水浸城城中人情大懼繼元乃殺無為以徇

宋史卷四百八十二

宋史卷四百八十二考證

郭無爲傳青州千乘人○十國春秋云棣州人

宋史卷四百八十二考證

元中書右丞相總裁脫脫等修

列傳第二百四十二

世家六

湖南周氏

荆南高氏

漳泉留氏

陳氏

湖南周行逢朗州武陵人少無賴不事產業嘗犯法配隸鎮兵以驍勇累遷裨校自唐乾寧二年馬氏專有湖南二十州之地雖稟朝廷正朔其郡守官屬皆自署至周廣順初兄弟爭國求援於江南李景景遣大將邊鎬率兵赴之因下長沙還馬氏之族於建康封希尊為楚王居洪州希崇鎮舒居揚州宋與希崇率兄弟十七人歸朝皆為美官景以鎬為潭帥會朗州衆亂推衙將劉言為留後言以行逢為都指揮使行逢以衆情表於景請授言節鉞景不從召言入金陵言懼遣副使王進逵行軍何景真與行逢帥舟師襲破潭州鎬遁去行逢等據其城言遣使上言長沙兵亂焚燒公府請移治朗州周祖即以言為朗帥王進逵為潭帥行逢為潭州行軍司馬領集州刺史未幾進逵寇朗州害劉言周祖即以進逵為朗州節度以行逢領鄂州節度知潭州軍府事初朗州人謂劉言為劉鼓牙馬氏將亂湘中童謠云馬去不用鞭鼓牙過今年及邊鎬俘馬氏鎬為劉言所逐而言亦被害顯德中世宗將用師淮南詔朗州王進逵出師入鄂州界進逵遣裨將潘叔嗣領兵五千為先鋒行及鄂州界叔嗣乃回戈襲進逵進逵聞之倍道先入武陵叔嗣攻其城進逵敗走為叔嗣所殺迎行逢為節度行逢至即斬叔嗣以徇世宗乃授行逢朗州大都督武平軍節度制置武安靜江等州軍事兼侍中盡有湖南之地宋初加兼中書令行逢在鎮盡心為治辟署官屬必取廉介之士有女壻求補吏不許返給以未報語之曰吏所以治民也汝才不能任職豈敢私汝以祿邪姑歸墾田以自活其公正多此類條教簡約民皆悅之然性多猜忌左右少有忤意者必寘於法麾下之人重足累息有何景山者為王進逵記室常狎侮行逢及行逢為帥署景山益陽令數月縛

投於江又館驛巡官鄧洵美與翰林學士李昉同年進士會昉使行逢召至傳舍與話終日行逢疑其泄己陰事黜為易俗場官潛遣殺之由是士流不附馬氏舊僚有天策府學士徐仲雅性滑稽頗恃才倨傲行逢以為節度判官行逢多署溪洞蠻酋為司空太保一日謂仲雅曰吾奄有湖湘兵彊俗阜四鄰其懼我乎仲雅曰公部內司空滿川太保偏地孰敢不懼行逢不悅擯斥仲雅行逢妻潘氏貌醜性剛狠行逢為帥妻不為屈不入府署躬率奴僕耕織以自給賦調必先期輸送行逢止之不從曰稅官物也若主帥自免其家何以率下建隆三年十月行逢卒追封汝南郡王子子保權年十一初為武平軍節度副使太祖授以起復檢校太尉朗州大都督武平軍節度初行逢疾且亟召將校託保權曰吾部內兇很者誅之略盡唯張文表在焉吾死文表必亂諸公善佐吾兒無失土宇必不得已當舉族歸朝無令陷於虎口行逢卒明年春文表果自衡州舉兵據潭州將取朗陵盡滅周氏保權乞師於朝廷江陵高繼沖亦以其事聞上遣中使趙瓚齎詔諭文表而保權之奏繼至乃遣山南東道節度慕容延釗為湖南道行營都部署宣徽南院使李處耘為都監率滑州刺史尹崇珂申州刺史聶章鄧州刺史趙重進判四方館事武懷節許旻使張繼勳染院副使康延澤內酒坊副使盧懷忠等將步騎往平之又發安復等十州兵會于襄陽師及江陵趙重進至潭州文表已為保權之衆所殺保權牙校張從富輩以為文表已平而王師繼進不已懼為襲取相與拒守延釗令閤門使丁德裕先路安撫及至城下從富輩拒而不納盡撤部內橋梁沉舫伐樹塞路德裕以不奉詔不敢與戰退軍以須朝旨延釗以聞太祖遣中使論保權及將校曰爾本請師救援故發大軍以拯爾難今妖孽既殄是有大造於爾輩反拒王師何也無自取塗炭重擾生聚保權出軍於澧州南未及交鋒望風而潰復還朗州焚廬舍庫皆盡驅略居人奔竄山谷城郭為之一空王師長驅而南獲從富於西山下梟首朝市其大將汪端劫保權并家屬棄城亡匿山洞王師至數月獲保權武懷節分兵克岳州端擁保權衆寇略未幾亦就擒磔於市湖湘悉平保權至上章待罪優詔釋之賜襲衣金帶鞍勒馬茵褥銀器千兩帛二千匹錢千貫授右

千牛衛上將軍。葺京城舊邸院為第。令居焉。仍下詔。州增築行達之墓。保權乾德五年。累遷右羽林統軍。太平興國元年。知并州。賜錢三百萬。雍熙二年卒。年三十四。

李觀象。桂州臨桂人。行達署為掌書記。行達性殘忍。多誅殺。觀象懼及禍。清苦自勵。以求知遇。帳幃褻衣。悉以紙為之。行達頗加信任。軍府之政。皆取決。觀象涉經史。有文辭。忌才。怙寵。湖南士人多為所排擯。行達臨終。託以後事。令其子保權。善侍之。及張文表難作。王師壓境。觀象謂保權曰。我所恃者。北有荆渚。以為唇齒。高氏拱手聽命。朗州勢不獨全。莫若幅巾歸朝。則不失富貴。保權幼懦。不能用其言。及湖湘平。太祖聞觀象嘗為保權畫謀。以為左補闕。

張文表。朗州武陵人。從王進達。周行達。舉兵逐邊錡。行達署文表。衡州刺史。頗心忌之。常欲誅文表。未有以發。及行達卒。保權遣兵代。永州戍卒。路出衡陽。文表遂驅之以襲潭州。時行軍司馬廖簡知留後。素輕文表。不為之備。方宴飲。外報文表兵至。簡殊不以介意。謂四坐曰。此黃口小兒。至則成擒。何足慮也。飲啜如故。俄文表率眾徑入府中。簡醉不能發弓弩。但按膝叱之。文表遂害簡。及坐客十餘人。保權遣其將楊師璠。悉眾以禦文表。保權泣謂眾曰。先君可謂知人矣。今墳土未乾。文表構逆。軍府安危。在此一舉。諸公勉之。眾皆感憤。遂破其眾於平津亭。擒文表。縛而食之。初。文表將攻長沙。猶豫未決。有小校夢文表龍出領下。明日以告。文表喜曰。天命也。及敗。梟首于朗陵市。

荆南高保融。字德長。其先陝州峽石人。祖季興。唐末為荆南節度。歷梁後唐。封南平王。卒。子從誨嗣。至太傅。中書令。五代史有傳。從誨生保融。以長與初。蔭補太子舍人。賜緋。晉天福中。制授檢校司空。判內外諸軍。俄遷節度副使。開運末。領峽州刺史。累加至檢校太傅。漢初。從誨卒。權知軍府事。制授起復檢校太尉。同平章事。江陵尹。荆南節度。荆歸峽觀察使。遣翰林使郭允明。賜衣幣。乾祐二年。加檢校太師。兼侍中。周廣順初。加兼中書令。封渤海郡王。正衙命使禮部尚書王易。副使刑部郎中景範。發冊命。仍賜禮服冠劍。顯德初。進封南平王。世宗即位。加守中書令。世宗征淮南。詔保融出水軍數千人。抵夏口。為犄角。淮南平。

重書褒美。以絹數萬匹。賞其軍。世宗將議伐蜀。保融上言。請率舟師趣三峽。六年。恭帝即位。加守太保。宋初。守太傅。連遣使貢獻。恩顧甚厚。是歲八月卒。年四十一。廢朝三日。遣儀鸞使李繼超。賜賻物。兵部尚書李濤。兵部郎中率汀。持節冊贈太尉。諡正懿。保融性迂闊。淹緩。御兵治民。一時術略政事。悉委於母弟保助焉。子繼沖。繼充。繼至。歸州刺史。

保助字省躬。從誨第十子。保融同母弟也。晉天福初。起家領漢州刺史。保融嗣政。令判內外諸軍事。周廣順元年。加檢校太傅。充荆南節度副使。顯德初。從保融之請。加檢校太尉。充行軍司馬。領寧江軍節度。融卒。保助權知軍府。奉章以聞。太祖即授以節度使。建隆二年。遣其弟保寅入貢。初。保融於紀南城。北決江水。澚之七里餘。謂之北海。以閔行者。至是。太祖因保寅歸。諭旨令決去。使道路無阻。保助幼多病。體貌臃瘠。淫泆無度。日召娼妓。集府署。擇士卒壯健者。令恣調謔。保助與姬妾垂簾共觀。以為娛樂。又好營造臺榭。窮極土木之工。軍民咸怨。政事不治。從事孫光憲。切諫不聽。三年十一月卒。年三十九。廢朝二日。贈侍中。遣御廚使李光睿。賻祭。初。保助在保抱。從誨獨鍾愛。故或感怒。見之必釋然而笑。荆人目為萬事休。及保助之立。藩政離弱。卒裁數月。遂失國。亦預兆也。繼沖。字贊平。保融長子也。周顯德六年。以蔭檢校司空。為荆南節度副使。建隆三年。保助寢疾。以繼沖為節度副使。權知軍府。保助卒。四年正月。制授繼沖為檢校太保。江陵尹。荆南節度。時湖南張文表叛。周保權求救於朝廷。詔江陵發水軍三千人。赴潭州。繼沖即遣親校李景威。將之而往。二月。慕容延鈞。李處耘等率眾至。繼沖以牛酒犒師。開門納延鈞等。即遣客將王昭濟。蕭仁楷。奉表納土。太祖令御廚使部岳。持詔安撫。樞密承旨王仁贍。為荆南都巡檢使。仍令齋衣服玉帶。器幣鞍勒馬。以賜繼沖。授繼沖馬步都指揮使。梁延嗣。為復州防禦使。節度判官孫光憲。為黃州刺史。右都押衙孫仲文。為武勝軍節度副使。知進奏。鄭景致。為右驍衛將軍。王昭濟。左領軍衛將軍。蕭仁楷。供奉官。繼沖籍管內。芻糧錢帛之數。來上。又獻錢五萬貫。絹五千匹。布五萬匹。復遣支使王崇範。詣闕。貢金器五百兩。銀器五千兩。錦綺二百段。龍腦香十斤。錦繡帷幕二百事。三

月，詔轉庫使程光裔齋官告旌節賜繼沖，并存問參佐官吏等。又以保融兄弟諸父江陵少尹保紳為衛尉卿，節院使保寅為將作監，充內作坊使。左衛都將保緒為鴻臚少卿，右衛都將保節為司農少卿，合州刺史從翊為右衛將軍，衛將保遜為左監門衛將軍，巴州刺史保衡為歸州刺史，知峽州事保廣為本州刺史，衛將從既為右衛率府率，從讓為左清道率府率，從謙為左司禦率府率。又以王崇範為節度判官，高若拙觀察判官，梁守彬江陵少尹，韋仲宣掌書記，胡允修節度推官，州縣官悉仍舊。別賜管內符印，五月，保紳等來朝，各賜京城第一區。六月，命王仁贍兼知軍府事，會是歲將郊祀，表求入覲，可之。十月，至闕下，獻金銀器錦帛，寶裝弓劍繡旗幟象牙玉鞍勒等，賜資甚厚。郊禮畢，授繼沖徐州大都督府長史，武寧軍節度使徐宿觀察使繼沖鎮彭門，幾十年。委政僚佐，部內亦治。開寶六年卒，年三十一。廢朝二日，贈侍中，遣中使護喪葬，事官給。自高季興據有荆南歸峽之地，傳襲三世五帥，凡四十餘年。

保寅字齊巽，晉天福七年，以蔭授太子舍人，賜緋，累加檢校司空。兄保融襲封，奏署節院使，賜金紫，宋興，保勳既襲封，遣保寅入覲，太祖召對便殿，授掌書記，遣還，保寅語保勳曰：「真主出世，天將混一區宇，兄宜首率諸國，奉土歸朝，無為他人取富貴資，保勳不聽。」王師討武陵，道出荆渚，保寅奉牛酒迎犒軍鋒，太祖嘉之，驛召赴闕，授將作監，充內作坊使，賜第一區。俄知宿州，乾德四年，丁外艱，起復，轉少府監，開寶五年，知懷州，歷司農衛尉二卿，是州本隸河陽，時趙普為帥，與保寅素有隙，事多抑制，保寅心不能平，手疏請罷支郡之制，詔從之。又為西川諸州都巡檢使，改光祿卿，歷知同汝二州，改光化軍，卒年六十八。廢朝，賜錢十萬。初，保寅在懷州，蘇易簡王欽若並妙年始趨學，在同州，錢若水為從事，在光化軍，張士遜其邑人也，保寅一見，皆獎拔，許以遠大，議者多其知人。子輔政，輔之，輔克，輔國，並進士及第，輔政至秘書丞，輔之至太常丞。

孫光憲，字孟文，陵州貴平人，世業農畝，惟光憲少好學，游荆渚，高從誨見而重之，署為從事，歷保融及繼沖三世，皆在幕府，累官至檢校秘書監，兼御史大夫，賜金紫，慕容延釗等救朗州之亂，假道荆南，繼沖開門納延釗，光憲乃勸繼沖

獻三州之地，太祖聞之甚悅，授光憲黃州刺史，賜資加等，在郡亦有治聲，乾德六年卒，時宰相有薦光憲為學士者，未及召，會卒。光憲博通經史，尤勤學，聚書數千卷，或自抄寫，孜孜讎校，老而不廢，好著書，自號葆光子，所著荆臺集三十卷，葦湖編玩三卷，筆備集三卷，橘齋集二卷，北夢瑣言三十卷，蠶書二卷，又撰續通歷紀事，頗失實。太平興國初，詔毀之。子謂謙，並進士及第。

梁延嗣，京北長安人，少事高季興，頗見委任，表授檢校司空，領綿州刺史，充衙內馬步軍都指揮使，歷事四帥，人稱其忠盡。繼沖之納土也，延嗣亦嘗勸之，復率荆之水軍，從慕容延釗越戰，太祖嘉之，授復州防禦使，充湖南前軍步軍都指揮使，兼排陣使，後因郊禮，自復州入朝，太祖慰撫之曰：「使高氏不失富貴，爾之力也。」改濠州防禦使，有善政，詔書褒美，延嗣頗知書，好接士，嘗暴疾，禳於城隍神，是夕夢神人告以九九之數，俄疾愈，開寶九年卒，年八十一。

漳泉留從效，泉州永春人，幼孤，事母兄以孝悌聞，頗知書，好兵法，唐末，王審知據有福建之地，子延鈞後，唐長興中，僭稱帝，國號閩，都福州，為其下所殺，立蕃知次子延義，晉天福末，部將朱文進殺延義，據其位，署其黨黃紹頗為泉州刺史，程寶為漳州刺史，許文禎為汀州刺史，時審知子延政為建州刺史，亦僭稱帝，眾人念王氏失國，羣逆分據，時從效為泉州散指揮使，與其黨王忠順、董思安及所親蘇光誨相與圖議，與復王氏從效倡言：「吾等皆受王氏恩遇，今王氏子孫未復位而不思報，可謂忠義乎？」聞建州士卒謀盡力擊福州，以復王氏，苟一旦功先成，王氏復位，我輩何面見之邪？」於是忠順思安置，置從效家，募敢死士得陳洪進等五十二人，夜持白梃踰城而入，劫庫兵，擒紹頗斬之，立延政從子繼勳為刺史，從效等三人自署為統帥，洪進等皆為指揮使，繼勳令送紹頗首於建州，奉延政為主，延政遂送款於江南李景，文進率眾攻泉州，為從效所敗，會景遣將討王氏之亂，圍福州，兩浙錢氏發兵來援，景將但克汀建而歸，福州入於錢氏，從效以兵劫繼勳送江南，自領漳泉二州，留後李景即建泉州為清源軍，授從效節度，泉漳等州觀察使，閩中五州自此分矣。景累授從效同平章事，兼侍中，中書令，封鄂國公，晉江王，從效出自寒微，知人疾苦，在郡專以勤

儉養民為務。常衣布素。置公服於中門之側。出則衣之。每言我素貧賤。不可忘本。民其愛之。部內安治。王氏有二女。嫁為郡人妻。從效奉之甚謹。資給豐厚。每歲取進士明經。謂之秋堂。世宗征淮南。李景以兵十萬保紫金山。從效累表於景。言其頓兵老師。形勢非便。既而果敗。江北之地。盡入於中朝。從效遣衙將蔡仲贊等為商人。以帛書表置草帶中。自鄂路送款內附。又遣別駕黃禹錫間道奉表。以獬豸通犀帶龍腦香數十斤為貢。世宗錫詔書嘉納之。從效又乞置邸京師。世宗以其素附江南。慮其非便。不許。宋初。從效遂上表稱藩。貢奉不絕。會李景遷洪州。從效疑景討已。頗懼。遣其從子紹鏐齋厚幣獻景。又遣使假道吳越入貢。太祖特命使厚賜以撫之。使未至。從效疽發背。卒。年五十七。僞贈太尉。靈州大都督。從效無嗣。以兄從願之子紹鏐紹鏐為子。從效癯疾。時從願守漳州。紹鏐在金陵。紹鏐尚幼。衙校張漢思陳洪進等。率兵劫從效遷東亭。漢思自稱留後。洪進為副使。時建隆三年也。明年。洪進又廢漢思而自立。從效再從弟仁聰。淳化中為泗州長史。有清節。官散奉薄。藜藿不充。未嘗妄干人。太宗聞之。詔赴闕。特遷揚州觀察。支使大。中祥符七年。從效孫丕式詣闕。上從效所受太祖朝制書。授三班借職。

陳洪進泉州仙遊人。幼有壯節。頗讀書習兵法。及長。以材勇聞。隸兵籍。從攻汀州。先登。補副兵馬使。從留從效殺黃紹頗。將以紹頗首送建州。請出兵為援。羣下以道阻賊威。憚其行。洪進慮事久生變。獨請往。至尤溪。賊數千人遮道。不得前。洪進給賊曰。福州泉州已為義師所襲。爾輩復為何人。戍守。即持紹頗首示之曰。我送此於建州。迎嗣君以歸國。爾輩將安歸乎。賊遂潰。渠帥數人皆聽命。洪進至建州。延政大悅。以為本州馬步行軍都校。是歲。晉開運元年也。自是漳州殺程贊。迎延政。從子繼成。為刺史。許文稹以汀州降。連軍遇殺。朱文進傳首建州。福人又殺重遇。延政遂遣洪進歸泉州。三年。李景陷建州。延政入江南。明年。泉州留從效劫王繼勳降江南。景以從效為清源軍節度。洪進為統軍使。與副使張漢思同領兵柄。累立戰功。從效卒。少子紹鏐典留務。月餘。洪進誣紹鏐將召越人以叛。執送江南。推副使張漢思為留後。自為副使。漢思年老醇謹。不

能治軍務。事皆決於洪進。漢思諸子並為衙將。頗不平。洪進圖欲害之。漢思亦患其專。明年夏四月。漢思大享將吏。伏甲於內。將害洪進。酒數行。地忽大震。棟宇將傾。坐立者不自持。同謀者以告洪進。洪進亟去。眾驚悸而散。漢思事不成。慮洪進先發。常嚴兵為備。洪進子文顯。文顯皆為指揮使。勒所部欲擊漢思。洪進不許。一日。洪進袖置大鎖。從二子常服安步入府中。直兵數百人皆叱去之。漢思方處內齋。洪進即鎖其門。使人叩門。謂漢思曰。郡中軍吏請洪進知留務。眾情不可違。當以印見授。漢思惶懼不知所為。即自門間出。印與之。洪進遽召將校吏士告之曰。漢思昏耄。不能為政。授吾印。請吾蒞郡事。將吏皆賀。即日遷漢思別墅。以兵衛送。遣使請命於李煜。煜以洪進為清源軍節度。泉南等州觀察使。時太祖平澤潞。下揚州。取荆湖。威振四海。洪進大懼。遣衙將魏仁濟間道奉表。自補清源軍節度副使。權知泉南等州軍府事。且言張漢思老耄。不能御眾。請臣領州事。恭聽朝旨。太祖遣通事舍人王班。齎詔撫諭。又與李煜詔曰。泉州陳洪進遣使奉表。言為眾所推。因而總領州事。以誠控告。聽命於朝。觀其傾輸。尤足嘉尚。但聞泉州昔嘗附麗。尤荷撫綏。然變詐多端。屢移主帥。恐其地里遼遠。制御有所未遑。朕以書軌大同。恩威遠被。嘉其款附。已降詔書。蓋矜其遠俗便安。不必以彼此為意。想惟明哲當體朕懷。煜上言。洪進多詐。首鼠兩端。誠不足聽。太祖又詔諭之。煜乃聽命。建隆四年。遣使朝貢。是冬。又貢白金萬兩。乳香茶藥萬斤。煜復上言。請發洪進恩命。太祖又以論煜。乾德二年。制改清源軍為平海軍。授洪進節度。泉漳等州觀察使。檢校太傅。賜號推誠順化功臣。鑄印賜之。以文顯為節度副使。文類為漳州刺史。是年夏。丁家艱。起復。洪進每歲以修貢朝廷。多厚斂於民。第民貲百萬以上者。令差入錢。以為試協律奉禮郎。蠲其丁役。及江南平吳越。王來朝。洪進不自安。遣其子文顯入貢乳香萬斤。象牙三千斤。龍腦香五斤。太祖因下詔召之。遂入覲。至南劍州。聞太祖崩。歸鎮發哀。太宗即位。加檢校太師。明年四月。來朝。朝廷遣翰林使程德玄。至宿州迎勞。既至。賜錢千萬。白金萬兩。絹萬匹。禮遇優渥。又增其食邑。以其子文顯為團練使。文顯文瑛並為刺史。洪進遂上言曰。臣聞峻極者山也。在汙壤而不辭。無私者

日也。雖獲益而必照。顧惟退僻。尙隔聲明。願歸益地之圖。輒露由衷之請。臣所領兩郡僻在一隅。自浙右未歸。金陵偏霸。臣以崎嶇千里之地。疲散萬餘之兵。望雲就日。以維勤畏。首畏尾之不暇。遂從間道。遠貢赤誠。願傾事大之心。庶齒附庸之末。太祖皇帝賜之軍額。授以節旌。俾專達於一方。復延賞於三世。祖父荷瀟泉之澤。子弟享列土之榮。榮戟在門。龜綬盈室。雖冠列藩之寵。未修肆覲之儀。暨江表底平。先皇厭世。會嬰犬馬之病。尙阻雲龍之庭。皇帝陛下。欽嗣丕基。誣數景命。臣遠辭海嶠。入覲天墀。獲親咫尺之顏。疊被便蕃之澤。六飛遊幸。每奉屬車之塵。三殿宴嬉。屢挹大樽之味。旬浹之內。雨露驂騑。至於童男。亦荷殊獎。恩榮若此。報效何階。志益戀於君軒。心遂忘於坎井。臣不勝大願。願以所管漳泉兩郡。獻于有司。使區區負海之邦。遂爲內地。蚩蚩生齒之類。得見太平。伏望聖慈。授臣近地別鎮。臣男文顯等。早膺朝獎。皆忝郡符。牙校賓僚。久經驅策。各希玄造。稍濡鴻私。太宗優詔嘉納之。以洪進爲武寧軍節度。同平章事。留京師。奉朝請。諸子皆授以近郡。賜白金萬兩。各令市宅。明年。從平太原。六年。封杞國公。雍熙元年。進封岐國公。洪進年老。富貴且極。上言求致仕。優詔免其朝請。二年。以疾卒。年七十二。廢朝二日。贈中書令。諡曰忠順。中使護喪。葬。事官給。洪進在泉州。日方晝。有蒼鶴翔集內齋前。引吭向洪進。洪進視之。有魚鯁其喉。卽以手探取之。魚猶活。鶴馴擾齋中。數日而後去。人皆異之。洪進弟銛。初爲泉州都指揮使。開寶四年。授漳州刺史。入貢。至宿州卒。銛子文璉。供奉官。閤門祇候。

文顯字仲達。洪進領章泉節制。署左神機指揮使。遷泉州馬步軍使。都督右軍押衙。乾德初。朝命平海軍節度副使。累加檢校太保。洪進歸朝。授文顯通州團練使。知泉州。未幾。代還。時太宗征太原。朝於行在。久之。出爲青齊廬壽西京水南北陝州四州都巡檢使。文顯與諸弟不睦。咸平初。御史中丞李惟清抗疏曰。文顯等並分符竹。委以方面。一門榮感。當世罕儔。先人之墳土未乾。私室之風規大壞。弟兄列訟。骨肉爲仇。官奉私藏。同居異爨。屢經赦宥。而久積人言。文顯首起訟端。當律文尊長之坐。乞寬散秩。以警浮俗。詔曰。文顯等頗傷名教。合真

邦刑。以其父有忠勳。未忍捐棄。宜賜誠諭。許其改過。儻無悛革。當正簡書。令御史臺告諭之。以疾改通許鎮都監。六年卒。年六十五。子宗憲。歷虞部員外郎。爲西京作坊使。宗元。殿中丞。

文顯初爲泉州右軍散兵馬使。衙內都指揮使。俄權知漳州。朝命漳州刺史。凡七年。求還泉州。署行軍司馬。開寶末。江南平。洪進之第三子文顯入貢。文顯不欲行。乃遣文顯至京師。自陳願留。以俟父入覲。太祖嘉之。及洪進歸朝。授文顯房州刺史。會升房州爲節鎮。換康州刺史。端拱初。出知同州。錢若水爲從事。文顯深禮之。委以郡政。咸平初。知耀州。又徙徐州。坐用刑失入。責授左武衛大將軍。知漣水軍。上念其父納土效順。復以爲康州刺史。留京師。大中祥符初。議東封。以濮州馳道所出。命知州事。須置供擬。頗勤。至詔襲之。駕至。召見。勞問禮畢。改衛州刺史。特給內地。刺史奉料。未幾代還。以老疾累表求致仕。詔免朝謁。歲給公費及月廩。並如故。六年卒。年七十二。

文顯始爲泉州衙內都指揮使。知漳州。洪進歸朝。授滁州刺史。仍舊知州。俄召歸奉朝請。景德中。換光州。以久次領和州團練使。歷知海濮濰沂黃五州信陽軍。所至無能稱。卒。年七十一。錄其子宗綬爲大理評事。孫永弼。永昇。爲三班借職。次子宗繼。太子中舍。

文顯。本文顯子。初洪進在泉州。有相者言一門受祿。當至萬石。時洪進與三子皆領州郡。而文顯始生。乃以文顯爲子。欲應其言。初補泉州衙內都校。又爲衙內都監使。朝命領順州刺史。歸朝爲登州刺史。滄棣有寇盜。命爲巡檢使。會以禁軍大校趙延薄。爲登州團練使。文顯改舒州刺史。淳化三年卒。年三十五。文顯頗知書。亦工畫。子宗絳。爲殿中丞。

宋史卷四百八十三

宋史卷四百八十三考證

周行逢傳行逢妻潘氏○臣人龍按九國志行逢妻嚴氏父廣遠仕馬氏為評

事因以女妻行逢通鑑作鄧氏三楚新錄及宋史作潘氏皆非

高保融傳○馬令南唐書作保庸

保融弟保勳○清異錄作保勉

保融長子繼沖字贊平○五代史繼沖字咸和

留從效傳泉州永春人○臣琦按五代史王國故事唐紀傳南唐書皆作從効

泉州桃林人

宋史卷四百八十三考證

元 中 書 右 丞 相 總 裁 脫 脫 等 修

列傳第二百四十二

周三臣

韓 通

李 筠

李 重 進

五代史記有唐六臣傳示讖也宋史傳周三臣其名似之其義異焉求所以同則歸於正名義扶綱常而已韓通與宋太祖比肩事周而死於宋未受禪之頃然不傳於宋則忠義之志何所託而存乎李筠李重進舊史書叛叛與否未易言也洛邑所謂頑民非殷之忠臣乎孔子定書不改其舊稱焉或曰三人者書臣唐晉漢矣曰智氏之豫讓非歟作周三臣傳

韓通并州太原人弱冠應募以勇力聞補騎軍隊長晉開運末漢祖建義於太原真通帳下尋從漢祖至東京累遷為軍校漢祖典衛兵以通為衛隊副指揮使從討杜重威得銀青階檢校國子祭酒漢祖開國加檢校左僕射隱帝即位遷奉國指揮使乾祐初周祖為樞密使統兵伐河中知通謹厚命之自隨先登身被六創以功遷本軍都虞候周祖鎮大名奏通為天雄軍馬步軍都校委以心腹及入汴通甚有力焉授奉國左第六軍都校領雷州刺史廣順初為虎捷右廂都校遷左廂充孟州巡檢繼領永睦二州防禦使周祖親征兗州以通為在京右廂都巡檢時河溢灌河陰城命通率廣銳卒千二百浚汴口又部築河陰城柳營壁未幾拜保義軍節度觀察留後周祖親郊正授節度并州劉崇南侵命通副河中王彥超出晉州道擊之敗于高平以通為太原北面行營部署為地道攻其城俄班師移鎮曹州檢校太保世宗即位以深冀之間有胡蘆河東西橫互數百里堤埒非峻不能扼契丹奔突顯德二年命通與王彥超浚治之功未就契丹至通出兵迎擊退之遂城李晏口為靜安軍四旬而完又城東鹿及鼓城并葺祈州時大兵之後遺骸布野通悉收瘞為萬人冢又城博野安平往來深定間夜宿古寺晝披荊棘在安平領百餘騎督役會契丹騎數百奄至通率麾下與戰日暮大風雨契丹解去擒十餘騎又城百八橋鎮及武強縣

皆旬日畢歸朝會攻秦鳳以通為西南面行營馬步軍都虞候入大散關圍鳳州分兵城固鎮以斷蜀餉道未幾拔鳳州以功授侍衛馬步軍都虞候世宗征淮南命通為京城都巡檢世宗以都城狹小役畿甸民築新城又廣舊城街道命左龍武統軍薛可封右衛上將軍史侖右監門衛上將軍蓋萬右羽林將軍康彥瓌分督四面通總領其役功未就世宗幸淮上留通為在京內外都巡檢權點檢侍衛司是役也期以三年纔半歲而就三年追敘秦鳳功改領忠武軍節度檢校太傅又改侍衛馬步軍都虞候世宗幸壽春為京城內外都巡檢淮南平為歸德軍節度六年春詔通河北按行河堤因發徐宿宋單等州民浚汴渠數百里世宗將北征命通與高懷德張鐸先赴滄州賜襲衣金帶鞍馬器帛即領兵入契丹境乾寧軍之南俄為陸路都部署殿前都虞候石守信副焉又命通巡北邊自浮陽至淤口浦壞坊三十六遂通瀛莫初克益津關以為霸州役濱棣民數千城之命通董其役師還以為檢校太尉同平章事充侍衛親軍馬步軍副都指揮使恭帝即位移領鄆州太祖奉詔北征至陳橋為諸軍推戴通在殿閣聞有變惶遽而歸軍校王彥昇遇通於路策馬逐之通馳入其第未及闔門為彥昇所害妻子皆死太祖聞通死怒彥昇專殺以開國初隱忍不及罪即下詔曰易姓受命王者所以應期臨難不苟人臣所以全節故周天平軍節度檢校太尉同中書門下平章事侍衛親軍馬步軍副都指揮使韓通振迹戎伍委質前朝彰灼茂功踐更勇爵夙定交於霸府遂接武於和門艱險共嘗情好尤篤朕以三靈眷佑百姓樂推言念元勳將加殊寵黃馘遇害良用撫然可贈中書令以禮收葬遣高品梁令珍護喪事通性剛而寡謀言多忤物肆威虛衆謂之韓瞎眼其子頗有智略幼病偃人目為彥駝兒見太祖有人望常勸通早為之所通不聽後太祖幸開寶寺見通及其子畫像于壁遽命去之李筠并州太原人善騎射後唐秦王從榮判六軍諸衛募勇士為爪牙筠操弓矢求見弓力及百斤府中無能挽者從榮令筠射引滿有餘力再發皆中因以隸麾下從榮難作筠騎從至天津橋射殺十數人知事不濟棄馬遁去清泰初應募為內殿直遷控鶴指揮使晉開運末契丹犯汴京其將趙延壽聞筠驍勇

召寅帳下及契丹主北歸死樂城延壽至常山為永康王所繫契丹眾數萬據常山後北去留耶律解里眾纔二千騎又分別部首領楊衰以千騎掠那洛來還中朝士大夫多在城中契丹與漢相雜解里性貪恣自奉削漢軍日食眾皆菜色筠乘其怨密與王堯石公霸何福進等謀以閏七月二十九日伺契丹守關者且食撞寺鍾為期相率入據兵庫次焚牙門大呼市人併力擊焉契丹眾大驚由北門而出解里趣族乘列之於野明日集眾入郭力戰屬晉士卒分掠唯控鶴一軍與市民禦之死傷相繼午後郭外民千餘知契丹奔敗者持兵器其族乘將劫之守者入郭馳告解里聞之遂挈族而去筠建謀約諸將同力控鶴左廂都校白再榮首匿於室不敢應筠拔佩刀破幕引臂迫之再榮不得已而行諸將次第赴之及契丹去百姓死者二千餘人諸將互伐其功筠諳故相馮道請權領節度事道曰予主奏事而已留後事當議功臣為之道恐諸將爭功復亂乃以再榮前職貴加諸將權推為留後人心遂定是戰筠功居多即送款漢祖以其子赴朝漢祖深賞之以控鶴一軍力戰優加賜與授再榮留後筠博州刺史筠以賞薄不悅周祖鎮大名表為先鋒指揮使又為北面緣邊巡檢周祖起兵入汴筠同郭崇從與慕容彥超戰於留子陂彥超東奔廣順初權知滑州俄真拜義成軍節度數月改彰德軍節度會并人侵晉州王峻率師往拒筠亦請西征詔褒之又乞免黃澤關商稅奏可周祖征兗還次濮筠因朝獻馬賜襲衣金帶從至澶宴訖遣還及召潞州常思入朝命筠權知軍府思改宋毫以筠為昭義軍節度三年加檢校太傅時王峻兼節制以筠及王殷何福進皆創業功臣故並加恩焉顯德初周祖親郊如同平章事世宗即位并人入侵其將張暉率先鋒自圍柏谷入營梁侯驛劫劫堡柵所至焚略盡筠遣護軍穆令均率步騎二千拒之令均營於太平驛驛東南距潞八十里失於偵邏暉凌晨奄至潞兵被甲介馬暉見之伴退潞兵追之并伏遂發令均且鬪且却步卒降并者數百人騎不復者百人餘眾還保潞世宗親征於州降之命筠率心之行營兵赴太原符彥卿戍州口拒契丹援兵彥卿請益師詔筠與張永德以三千騎益之既至以偏師透契丹後奮擊走之師還加兼侍中二年筠破并軍

於輸社獲其將安潘康超等七十餘人三年筠遣行軍司馬范守圖率兵入遼州界殺并卒三百餘獲小校數人以獻四年又遣守圖入河東界降二堡五年筠自將入石會關破并人六堡是冬又破遼州長清砦擒其磁州刺史李戴與以獻俄又敗并人於境斬三百餘級六年平遼州獲刺史張丕旦等二百四十五人以獻筠在鎮擅用征賦頗集亡命嘗以私忿囚監軍使世宗心不能堪但詔責而已恭帝即位加檢校太尉是秋令裨將劉繼忠將兵與吐渾入并境平買家砦斬百餘級獲牛羊而還太祖建隆初加兼中書令遣使諭以受周禪筠即欲拒命左右為陳曆數方俯俛下拜貌猶不恭及延使者升階置酒張樂遽索周祖畫像懸壁涕泣不已賓佐惶駭告使臣曰令公被酒失其常性幸勿為訝及太原劉鈞以蠟書結筠共舉兵筠雖緘書上太祖心已畜異謀太祖手詔慰撫之是時筠子守節為皇城使嘗泣諫筠不聽太祖又遣守節諭旨曰吾聞汝諫汝父汝父不聽吾今殺汝何如汝歸語汝父我未為天子時任自為之既為天子獨不能臣我耶守節曰公以孤軍舉事其勢甚危雖倚河東之援亦恐不得其力大梁兵甲精銳難與爭鋒不如西下太行直抵懷孟塞虎牢據洛邑東向而爭天下計之上也筠曰吾周朝宿將與世宗義同昆弟禁衛皆舊人聞吾之來必倒戈歸我況有儻珪捨撥汗馬何憂天下哉儻珪珪愛將有勇力善用槍撥汗筠駿馬日馳七百里故筠誇焉執監軍亮州防禦使周光遜閑廐使李廷玉遣判官孫平衙校劉繼忠送於劉鈞求濟師又遣人殺澤州刺史張福往據其城劉鈞遂率兵與契丹數千眾來援至太平驛筠以臣禮迎謁見鈞兵衛寡弱甚悔之而業已然矣鈞封筠西平王賜馬三百匹召與之語筠自言受周祖大恩敢愛死不寤鈞與周祖有世讎鈞默然遂疑之命其宣徽使盧贊監筠軍筠心不能平頗與贊不協鈞復命平章事衛融和解之筠有馬三千匹關鞠場閱習日夜謀畫為寇留其子守節守上黨引眾南向太祖遣石守信高懷德將兵討之敕曰勿縱筠下太行急進師扼其隘破之必矣又遣慕容延釗王全斌由東路會守信與監軍李崇矩破筠眾於長平斬首三千級又攻大會砦下

之太祖遂親征山路險峻多石不可行太祖先於馬上負數石羣臣六軍皆負之即日平爲大道與守信懷德會破筠衆數萬於澤南降者三千餘殺筠監軍使盧贊擒筠河陽節度范守圖筠走還保澤太祖至列柵圍之筠龍捷使王廷魯吐渾留後分州團練使王全德率所部自昭義來降筠益失援太祖親督戰拔其城筠赴火死獲筠相衛融鈞懼而遁歸太祖進伐上黨守節以城降釋其罪賜襲衣金帶銀鞍勒馬是日宴從官守節預焉以爲單州團練使以昭義軍節度副使趙處愿爲鄆州刺史節度判官孫孚爲屯田郎中觀察判官史文通爲水部郎中前遼州衙內指揮使馬廷禹爲右監門衛將軍領壁州刺史筠性雖暴事母甚孝每怒將殺人毋屏風後呼筠筠趨至母曰聞將殺人可免乎爲吾曹增福爾筠遽釋之筠稍知書頗好調諶初名榮避周世宗諱將改之或令名筠筠曰李筠李筠玉帛云乎哉聞者皆笑筠有愛幸劉氏隨筠至澤時被攻城危劉謂筠曰城中健馬幾何筠曰爾安問此劉曰孤城危蹙破在俄頃今誠得馬數百與腹心潰圍出保昭義求援河東猶愈於坐待死也筠然之召左右計馬尚不減千匹以是夕將出或謂筠曰今帳前計議皆云一心駭門既發不可保矣儻劫公而降悔其可及筠猶豫不決明日城陷筠將赴火劉欲俱死筠以其有娠麾令去守節既購得之果生子焉守節字得臣初補東頭供奉官廣順中嘗以心疾乘醉擊殺供御白鶻筠上章待罪詔釋之四遷至皇城使歷單濟二州團練使乾德六年出知遼州開寶三年改和州團練使四年卒年三十三無後以劉氏所生之弟爲嗣

李重進其先滄州人周太祖之甥福慶長公主之子也生於太原晉天福中仕爲殿直漢初從周祖征河中廣順初遷內殿直都知領泗州刺史改小底都指揮使二年改大內都點檢權侍衛馬步軍都軍頭領恩州團練使遷殿前都指揮使三年加領泗州防禦使顯德初領武信軍節度重進年長於世宗及周祖寢疾召重進受顧命令拜世宗以定君臣之分世宗嗣位爲侍衛親軍馬步軍都虞候從世宗征劉崇戰于高平不利大將樊愛能何徽以其衆遁唯重進與白重贊勒兵不動既而太祖先以麾下犯敵重贊繼領所部力戰世宗躬率衛

兵合勢周師復振崇遂大敗以功領忠武軍節度及進討太原又爲行營馬步軍都虞候師還加同中書門下平章事改歸德軍節度兼侍衛馬步軍都指揮使世宗親征淮南命重進將兵先赴正陽俄聞李穀攻壽春不克還保正陽促重進兵助之吳人以穀退爲懼乃發兵三萬餘旌旗輜重互數百里又發戰艦二百艘以張斷橋之勢列陣鼓譟而北橫布拒馬以萬數皆貫以利刃維以鐵索又刻木爲戰形立陣前號捷馬牌皮囊貯鐵蒺藜以布戰地時周師未朝食吳師奄至周師望其陣皆笑之宣祖領前軍與重進韓令坤合勢擊之一鼓而敗斬首萬餘級追奔二十餘里殺大將劉彥貞擒裨將威師朗數十人降二千人獲戈甲三十萬世宗大悅詔書褒諭即以重進代穀爲行營招討使賜襲衣金帶玉鞍名馬三年以重進爲廬壽等州招討使時李繼勳主壽春重進駐軍城北聞城南洞屋爲淮人所焚將議退軍會太祖自六合歸道出壽州因駐師旬餘重進倚以爲援兵威復振吳人大懼以重進色黧號黑大王張承德屯下蔡與重進不協承德每宴將吏多暴重進短後乘醉謂重進有奸謀將吏無不驚駭承德密遣親信乘驛上言世宗不之信亦不介意二將俱握重兵人情益憂恐重進遂自壽陽單騎直詣承德帳中命飲酒親酌謂承德曰吾與公皆國家肺腑相與戮力同擬王室公何疑我之深也承德意解三軍皆安李景知之密令人齎蠟書誘重進皆以厚利重進表其事時行濠州刺史齊藏珍亦說重進世宗知之假他事誅藏珍詔重進來淮城正陽下蔡既成上其圖俄又取淮兵二千餘於場山北時圍壽經年未下吳遣將許文績邊錦州帥數萬沂淮來援文績維舟淮南據紫金山山距壽數里設十餘砦連互相望與城中烽火相應又南築夾道將抵壽爲饋路重進伺其城北展砦出兵擊之敗五千餘衆奪二砦獲器甲甚衆世宗幸壽宴從官召重進賜戎服玉帶金銀器繒綵鞍勒馬及克壽錄功加檢校太傅兼侍中又改天平軍節度仍爲招討使四年攻取濠州南關城其團練使郭廷謂以兵萬餘降獲糧數萬斛從平楚州命先還揚州五年世宗在迎遣重進將兵赴廬州會李景請畫江爲界世宗遂還留重進戍守景遣人以牛酒來犒俄乃還鎮六年世宗北征次博州重進來朝賜宴行

宮。即命將兵先趣北面。及世宗駐瓦橋關。重進與諸將率師而至。時關南已平。議進取幽州。會世宗不豫而止。即命率所部趣河東。次百井路。敗奔人五千餘。斬二千餘級。恭帝嗣位。加檢校太尉。改淮南道節度。太祖即位。以韓令坤代為侍衛都指揮使。加重進中書令。既而移鎮青州。加開府階。重進與太祖俱事周室。分掌兵柄。常心憚太祖。立愈不自安。及聞移鎮陰懷異志。太祖知之。遣大宅使陳思誨齎賜鐵券。以安其心。重進欲治裝隨思誨入朝。為左右所惑。猶豫不決。又自以周室近親。恐不得全。遂拘思誨。治城隍。繕兵甲。遣人求援李景。景懼而不納。聞之。太祖監軍安友規常為重進所忌。至是友規謀與親信數人斬關出。為眾所拒。踰城得脫。重進捕軍校不附者數十人。盡殺之。太祖遣石守信王審琦李處耘宋偃四將率禁兵討重進。會友規至。賜襲衣金帶。器幣鞍馬。以為滁州刺史。監前軍。太祖謂左右曰。朕於周室舊臣。無所猜間。重進不體朕心。自懷反側。令六師在野。當暫往慰撫之。爾遂親征。次大儀鎮。石守信遣使馳奏。揚州破在旦夕。願車駕臨視。太祖徑至城下。即日拔之初。城將陷。重進左右勸殺思誨。重進曰。吾今舉族將赴火死。殺此何益。即縱火自焚。思誨亦為其黨所害。太祖入駐城西南。聞逆黨數百人。盡戮之。重進兄深州刺史重興聞其叛。自殺。弟解州刺史重贊。子尚食使延福。並戮於市。初。重進謀舉兵。遣親吏翟守珣往潞。陰結李筠。守珣素識太祖。往還京師。潛詣樞密承旨李處耘。求見太祖。問曰。我欲賜重進鐵券。彼信我乎。守珣曰。重進終無歸順之志。太祖厚賜守珣。許以爵位。且令說重進緩其謀。無令二兇並作。以分兵勢。守珣歸。勸重進養威持重。未可輕發。重進甚信之。及李筠誅。重進反書聞。並如太祖之策。其不信鐵券。亦如守珣所云。揚州既平。購得守珣。補殿直。俄為供奉官。又有張崇詰者。周廣順初。為樞密承旨。二年。出為解州刺史。兩池權鹽使。多規畫鹽池利害。顯德三年。改德州。又改泗州澤州。崇詰本名崇訓。恭帝嗣位。避諱改焉。重進赴淮南時。道出泗上。崇詰說以畜兵完城之計。重進敗。事露。詔捕之。棄市。籍其家。

宋史卷四百八十四

宋史卷四百八十四考證

李重進傳吳遣將許文績邊歸州帥數萬沂淮來援○臣宗楷按五代舊史吳遣將三人許文績邊歸朱元此傳止載二人州字疑亦衍文。

宋史卷四百八十四考證

元中書右丞相總裁脫脫等修
列傳第二百四十四

外國一
夏國上

昔唐承隋後，隋承周齊，上溯元魏，故西北之疆，有漢晉正朔所不逮者，然亦不過使介之相通，貢聘之時至而已。唐德既衰，荒服不至，五季迭興，綱紀自紊，遠人慕義，無所適從。宋祖受命，諸國削平，海內清謐，於是東若高麗，勃海，雖阻隔遼壤，而航海遠來，不憚跋涉。西若天竺，干闥回鶻，大食，高昌，龜茲，拂林等國，雖介遼夏之間，筐篚亦至，屢勤館人，究項吐蕃，喚厮囉，董氈，賄征諸部，夏國兵力之所必爭者也。宋之威德，亦暨其地，又聞獲其助焉。交趾占城，真臘，蒲耳，大理，濱海諸蕃，自劉鋹陳洪進來，歸接踵修貢，宋之待遇，亦得其道，厚其委積，而不計其貢輸，假之榮名，而不責以煩縟，來則不拒，去則不追，邊圉相接，時有侵軼，命將致討，服則舍之，不贖以武，先王柔遠之制，豈復有加於是哉。南渡以後，朔漠不通，東南之險，以及西鄙，冠蓋猶有至者，交人遠假爵命，訖宋亡而後絕焉。女直在宋初，屢貢名馬，他日彊大，倘怨於遼，其索叛臣阿疎，責還所掠，宋詔猶知以通宋為重，及滄海上之盟，尋構大難，宋遂為所絀辱，豈非自取之過乎。前宋舊史有女直傳，今既作金史，義當削之。夏國雖傾軛不常，而視金有間，故仍舊史所錄存焉。

李彝興，夏州人也。本姓拓跋氏，唐貞觀初，有拓跋赤辭者，歸唐，太宗賜姓李，置靜邊等州以處之。其後析居夏州者，號平夏部。唐末，拓跋思恭鎮夏州，統銀夏綏宥靜五州地，討黃巢有功，復賜李姓。思恭卒，弟思諫代為定難軍節度使。思諫卒，思恭孫彝昌嗣。梁開平中，彝昌遇害，將士立其族子蕃部指揮仁福、仁福卒。子彝興嗣。事具五代史。彝興，彝超之弟也。本名彝殷，避宋宣祖諱，改殷為興。初為行軍司馬。清泰二年，彝超卒，遂加定難軍節度使。晉初，加同平章事，開運初，契丹授西南招討使。漢初，加兼侍中。周初，加中書令。顯德初，封西平王。世宗

宋

史 卷四百八十五

列傳

即位，加太保，恭帝初，加太傅。宋初，加太尉。北漢劉鈞結代北諸部來寇麟州，彝興遣部將李彝玉會諸鎮兵禦之，鈞眾遂引去。建隆初，獻馬三百匹。太祖大喜，親視攻玉為帶，且召使問曰：汝帥腹圍幾何？使言彝興腰腹甚大。太祖曰：汝帥真福人也。遂遣使以帶賜之。乾德五年卒。太祖廢朝三日，贈太師，追封夏王，子克睿立。克睿初名光睿，避太宗諱，改光為克。彝興之卒，自權知州事，授檢校太保，定難軍節度使。開寶九年，率兵破北漢吳堡砦，斬首七百級，獲牛羊千計，俘砦主侯遇以獻。累加檢校太尉。太平興國三年卒。太宗廢朝二日，贈侍中，子繼筠立。繼筠初為衙內都指揮使，檢校工部尚書，克睿卒，自權知州事，授檢校司徒，定難軍節度使。觀察留後。太宗征北漢，繼筠遣銀州刺史李光遠、綏州刺史李光憲，率蕃漢兵列陣渡河，略太原境，以張軍勢。太平興國五年卒。弟繼捧立。繼捧立，以太平興國七年率族人入朝。自前世以來，未嘗親觀者，繼捧至，太宗甚嘉之，賜白金千兩，帛千匹，錢百萬，祖母獨孤氏亦獻玉盤一金，盤三，皆厚寶之。繼捧陳其諸父昆弟多相怨，願留京師，乃遣使夏州，護總麻已上親赴闕，授繼捧彰德軍節度使，并官其昆弟。夏州蕃落指揮使克信等十二人有差，遂曲赦銀夏管內。太宗嘗宴羣臣苑中，謂繼捧曰：汝在夏州，用何道以制諸部？對曰：羌人驚悍，但羈縻而已，非能制也。弟權知夏州，克文來朝，以唐僖宗所賜其祖思恭鐵券及朱書御札來上，改博州防禦使。初，繼捧之入也，弟繼遷出奔，及是數來為邊患，有言繼遷悉知朝廷事，蓋繼捧泄之，乃出為崇信軍節度使。克憲為道州防禦使，克文遣歸博州，並選常參官為通判，以專郡政。端拱初，改感德軍節度使，屢發兵討繼遷，不克。用宰相趙普計，欲委繼捧以邊事，令圖之。因召赴闕，賜姓趙氏，更名保忠。太宗親書五色金花牋，以賜之，授夏州刺史，充定難軍節度使。夏銀綏宥靜等州觀察處置押蕃落等使，賜金器千兩，銀器萬兩，并賜五州錢帛芻粟田園，保忠辭曰：妄于長春殿賜襲衣玉帶銀鞍馬，錦綵三千匹，銀器三千兩，又賜錦袍銀帶五百副，馬百匹，至鎮數月，上言：繼遷悔過歸款，乃授繼遷官，然實無降心也。二年，加保忠特進，同中書門下平章事。淳化初，與繼遷戰于安慶澤，繼遷中流矢遁去。保忠乞師禦繼遷，遣商州團

練使翟守素率兵援之賜保忠茶百斤上醢十石乃獻白鶴名海東青以久罷
 敗獵詔慰還之五年繼遷攻靈州遣侍衛馬軍都指揮使李繼隆討之保忠先
 挈其母與妻子壁野外乃上言與繼遷解怨獻馬五十匹乞罷兵帝覽奏立遣
 中使督繼隆進軍及兵壓境保忠反為繼遷所圍欲併其眾縛牙校趙光祚襲
 其營帳保忠方寢聞難作單騎走還城為大校趙光嗣閉於別室巨開門迎繼
 隆乃執保忠送闕下待罪崇政殿帝詰責數四釋之賜冠帶器幣并賜其母
 金銀器以撫之尋責授右千牛衛上將軍封宥罪侯賜第京師保忠狀貌雄毅
 居環列奉朝請常快快不自得咸平中丁內艱以本官起復遷金吾衛上將軍
 判岳州移復州景德元年病劇上言有子永哥不肖乞配春州帝以其病語乃
 授永州別駕詔監軍察之尋卒贈威塞軍節度使克文亦死贈岳州防禦使天
 禧四年錄其孫從吉為三班奉職 繼遷繼捧族弟也高祖思忠嘗從兄思
 恭討黃巢拒賊於渭橋表有鐵鶴射之沒羽賊駭之遂先士卒戰沒僖宗贈宥
 州刺史祠于渭陽曾祖仁顏仕唐銀州防禦使祖彝景嗣于晉父光儼嗣于周
 建隆四年繼遷生于銀州無定河生而有齒開寶七年授定難軍管內都知蕃
 落使繼捧之歸宋時年二十留居銀州及使至召親麻親赴闕乃詐言乳母死
 出葬于郊遂與其黨數十人奔入地斤澤澤距夏州東北三百里太平興國八
 年知夏州尹憲與都巡檢曹光實偵知夜襲破之斬首五百級焚四百餘帳繼
 遷與其弟游免獲其母與妻繼遷復連娶豪族轉遷無常漸以彊大而西人以
 李氏世著恩德往往多歸之繼遷因語其豪右曰李氏世有西土今一旦絕之
 爾等不忘李氏能從我與復乎眾曰諾遂與弟繼冲破丑重遇貴張浦李大信
 寺起夏州乃詐降誘殺曹光實于葭蘆川遂襲銀州據之時雍熙二年二月也
 三月破會州焚毀城郭而去三年遂以義成公主嫁繼遷冊為夏國王四年知
 夏州安守中以三萬眾戰于王亭鎮敗績繼遷追至城門而返端拱元年繼捧
 之節制夏臺言能歸款即授洛苑使銀州刺史淳化初復與繼捧戰于安慶澤
 不利轉攻夏州繼捧乞師及翟守素來及奉表歸款授銀州觀察賜名保吉子
 德明管內蕃落使行軍司馬淳化四年轉運副使鄭文寶議禁鹽池用困繼遷

數月邊人四十二族萬餘騎寇環州屠小康堡太祖乃遣錢若水弛其禁因撫
 慰之五年正月繼遷徙綏州民于平夏部將高文煇等因眾不樂反攻敗之繼
 遷復圍堡掠居民焚積聚遂攻靈州詔遣李繼隆等進討繼遷夜襲保忠走
 之獲其輜重以歸七月乃獻馬以謝又遣弟廷信獻馬彘馳太宗撫養甚厚遣
 內侍張崇貴詔諭賜茶藥器幣衣物至道初遣左都押衙張浦以彘馳及良馬
 來獻太宗令衛士翹關超乘引彘奪架於後圍俾浦等觀且令兵士皆拓兩石
 弓帝笑問浦曰羌人敢敵否浦曰羌部弓弱矢短但見此長大人則已遁矣况
 敢敵乎繼遷乞禁邊盜掠詔令謹守疆場還所盜物遣閭門副使馮訥中使賈
 繼隆持詔拜繼遷鄜州節度使不受乃以浦為鄜州團練留京師繼遷表鄭文
 寶誘其部長鬼囉鬼悉遂貶文寶藍山令繼遷以千騎攻清遠軍守臣張延擊
 退之二年春命洛苑使白守榮等護送芻粟四十萬于靈州且令車重先後作
 三隊丁夫持弓矢自衛士卒布方陣以護之遇敵則戰可以無失復令會州觀
 察使田紹斌率兵應援而守榮乃併為一軍繼遷邀擊于浦洛河紹斌不救眾
 潰運鏡盡為繼遷所得太宗聞之怒三年復命李繼隆為環慶等州都部署會
 四方館使曹瑑自河西至言繼遷眾萬餘圍靈武城中上表告急為繼遷所得
 遂頓兵不去時朝議或云率輕騎三道擣平夏或云暑涉旱海無水泉糧運艱
 辛不如靜以待之帝不聽九月親部分諸將繼隆出環州丁罕出慶州范廷召
 出延州王超出夏州張守恩出鄜州五路進討直抵平夏繼隆以環州路迂乃
 自青岡峽遠靈武徑趨平夏兵行數日與丁罕合又行十餘日無所見乃引還
 張守恩遇之不戰而遁王超范廷召遇之于烏白池大小數十戰不利諸將失
 期士卒困乏繼遷復令軍主史不訥駐屯囊駝口以阻歸宋人繼隆遣田敏等
 擊之咸平春繼遷復表歸順真宗乃授夏州刺史定難軍節度夏銀綏宥靜等
 州觀察處置押蕃落等使加邑千戶實封二百戶益功臣號乃放張浦還復遣
 押衙劉仁謙表讓恩命詔不允賜仁謙錦袍銀帶尋遣弟繼瑗來謝恩授繼瑗
 亳州防禦使封繼遷母衛慕氏衛國太夫人子德明為定難軍節度行軍司馬
 未幾復抄四年麟府副都部署曹瑑率熟戶兵邀繼遷輜重于柳撥川殺獲甚

衆九月來攻，破定州懷遠縣及堡靜永州清遠軍監軍段義叛，城遂陷。五年三月，繼遷大集蕃部攻陷靈州，以爲西平府。六年春，遂都于靈州，詔遣張崇貴王涉議和，割河西銀夏等五州與之。六月，復以二萬騎圍麟州，詔金明巡檢李繼周擊之，圍未解。麟州部署請濟師，真宗閱地圖曰：麟州依險，三面孤絕，戮力可守，但城中乏水，可憂耳。乃遣兵走援，繼遷果據水砦，薄城已五日。知州衛居實出奇兵突戰，繼遷勇士城下，城上鼓噪，矢石如注，殺傷萬餘人。繼遷乃拔去，遂率衆攻西蕃，取西涼府，都首領潘羅支僞降，繼遷受之。不疑，羅支遣集六谷蕃部及者龍族合擊之，繼遷大敗，中流矢。八月，復聚兵浦洛河，聲言攻瓊州，詔張凝等分兵以待之。景德元年正月二日卒。年四十二。子德明立，祥符五年，德明追上繼遷尊號曰應運法天神智仁聖至道廣德孝光皇帝，元昊追諡曰神武廟，號太祖，墓號裕陵。

德明小字阿移，母曰順成，懿孝皇后野利氏，卽位于柩前。時年二十三。邊臣以德明初立，乞移撫之，因賜詔令審圖去就。又詔蕃族萬山萬馮羅維斯安萬子都虞候軍主吳守正馬尾等，能率部下歸順者，授團練使，銀萬兩，絹萬匹，錢五萬緡，茶五千斤。其有亡命叛去者，釋罪甄錄，旣而康奴移移等率屬來降，德明遣牙將王晏奉表歸順，賜旻錦袍銀帶，遣侍禁夏居厚持詔答之。因詔河西羌族各守疆場，德明連歲表歸順。三年，復遣牙將仁昂奉誓表請藏盟府，且言父有遺命，帝嘉之，乃授特進，檢校太師，兼侍中，持節都督夏州諸軍事，行夏州刺史，上柱國，充定難軍節度，夏銀綬宥靜等州管內觀察，處置押蕃落等使，西平王，食邑六千戶，食實封一千戶，仍賜推忠保順亮節，戴功臣，遣內侍左右班都知張崇貴、太常博士趙相、等充旌節官，告使賜襲衣金帶，銀鞍勒馬，銀萬兩，絹萬匹，錢三萬貫，茶二萬斤，給奉如內地。因責子弟入質，德明謂非先世故事，不遣，乃獻御馬二十五匹，散馬七百匹，橐駝三百頭，謝恩。四年，又獻馬五百匹，橐駝三百頭，謝給奉廩賜襲衣金帶器幣，及請使至京市所需物，從之。五月，母罔氏薨，除復鎮軍大將軍，右金吾衛上將軍，員外置同正員，餘如故。以殿中丞趙積爲弔，贈兼起復官，告使，德明以樂迎至柩前，明日釋服，涕泣對使者自陳感恩，及葬，請脩供，五臺山十寺，乃遣閣門祇候袁瑀

爲致祭，使護送所供物至山，復獻馬五百匹，助脩章穆皇后園陵，大中祥符元年，以天書降，加賜守正功臣，益食邑一千戶，食實封四百戶。俄境內旱，詔榷場勿禁，西人市糧以振其乏。東封，又遣使來獻禮成，加兼中書令，益食邑千戶。實封四百戶。時遂亦遣使冊德明爲大夏國王，明年，出侵回鶻，恆星晝見，德明懼而還。三年，境內饑，上表求粟百萬，朝議不知所出。時王旦爲相，請救有司具粟百萬于京師，詔其來取。德明旣得詔曰：朝廷有人，遂止。大起宮室于鐵子山，會旱，西攻河州，甘州，宗哥族及秦州緣邊熟戶，遂出大理河，築柵蒼耳平。四年，祀汾陰，進中書令。五年，聖祖降，加守太保。七年二月，謁太清宮，遣使來獻方物，加宣德功臣。八年，築堡于石州濁輪谷，將建榷場，詔緣邊安撫司止之。九年，因表邊臣違約招納逃亡，云自景德中進誓表，朝廷亦降詔書，應兩地逃民緣邊離戶，不令停金，皆俾交還。自茲謹守，翰垣頗有倫理，自向敏中歸闕，張崇貴云亡，後來邊臣罕守舊制，各務邀功，不虞生事，遂致綏延等界，涇原以來，擅舉兵甲，入臣境土，其有叛亡部族，劫掠主財，去者百無十回，臣之邊吏，亦務蔽藏，俱失奏諭，漸棄盟約，詔答已令鄜延涇原環慶麟府等路約束邊部，毋相攻劫，其有隱蔽逃亡，獲時勘送，本國亦宜戒部下，毋有藏匿，各遵紀律，以守封疆。五年，德明追遣繼遷爲太祖，應運法天神智仁聖至道廣德光孝皇帝，廟號武宗。七年，甘露降國中，天禧元年正月，加守太傅，食邑千戶，實封四百戶。三年春，德明丁繼立，母憂，除起復如前制，以屯田員外郎上官偁爲弔，贈兼起復官，告使閣門祇候，常希古爲致祭，冬郊祀，又加崇仁功臣。四年，遼主親將兵五十萬，以狩爲言，來攻涼州，德明帥衆逆拒，敗之。五年，遼復遣金吾衛上將軍蕭孝誠，資玉冊金印，冊爲尙書令，大夏國王，乾興元年，加純誠功臣。德明自歸順以來，每歲旦聖節，冬至，皆遣牙校來獻不絕，而每加恩賜官告，則又以襲衣五金，荔支帶金花銀匣副之，銀沙羅盆合千兩，錦綵千匹，金塗銀鞍勒馬一匹，副以纓，復遣內臣就賜之。又遣閣門祇候，賜冬服，及頒儀天具注曆，明年，攻麟州柔遠砦，巡檢楊承吉與戰不利，命曹瑋爲環慶秦州緣邊巡檢安撫使，禦備之。德明城懷遠鎮，爲興州，以居。仁宗卽位，加尙書令。德明娶三姓，衛慕氏，生元昊，暉迷氏，生

戎遇訛藏，屈懷氏生成鬼。天聖六年，德明遣子元昊攻甘州拔之。八年，瓜州王以千騎降于夏。火星入南斗。九年十月，德明卒。時年五十一。追諡曰光聖皇帝。廟號太宗。墓號嘉陵。宋贈太師尚書令，兼中書令，以尚書度支員外郎朱昌符為祭奠使。六宅副使內侍省內侍押班馮仁俊副之。罽緜七百匹，布三百匹，副以上醞羊米麵，將葷，賜物稱是。皇太后所賜亦如之。帝與皇太后成服于苑中，子曩霄立。曩霄本名元昊，小字鬼理。國語謂借為鬼，富貴為理。母曰惠慈。敦愛皇后衛慕氏性雄毅，多大略，善繪畫，能擬動物。始，圓面高準，身五尺餘。少時好衣長袖緋衣冠，黑冠佩弓矢，從衛步卒張青蓋出乘馬，以二旗引百餘騎。自從曉浮圖學，通蕃漢文字。案上置法律，常攜野戰歌。太乙金鑑訣，弱冠獨引兵襲破回鶻，夜洛隔可汗王奪甘州，遂立為皇太子。數諫其父母臣宋，父輒戒之曰：「吾久用兵疲矣，吾族三十年衣錦綺，此宋恩也，不可負。」元昊曰：「衣皮毛，事畜牧，蕃性所便，英雄之生當王霸耳。」何錦綺為德明卒，即授特進檢校太師兼侍中，定難軍節度夏銀綬有靜等州觀察處置押蕃落使，西平王。以工部郎中楊吉為旌節官告使，禮賓副使朱允中副之。既襲封明號令，以兵法勒諸部，始衣白窄衫，氈冠，紅裏冠，頂後垂紅結綬，自號鬼名吾祖。凡六日九日，則見官屬其官分文武班。曰中書，曰密樞，曰三司，曰御史臺，曰開封府，曰朔衛司，曰官計司，曰受納司，曰農田司，曰羣牧司，曰飛龍院，曰磨勘司，曰文思院，曰蕃學，曰漢學。自中書令宰相樞使大夫侍中太尉已下，皆分命蕃漢人為之。文資則幘頭鞞笏紫衣緋衣，武職則冠金帖起雲鏤冠，銀帖間金鏤冠，黑漆冠，衣紫旋欄，金塗銀束帶，垂蹀躞，佩解結錐短刀，弓矢鞬，馬乘錦皮鞍，垂紅纓，打跨鉞拂，便服。則紫卑地繡盤毬子，花旋欄束帶，民庶青綠，以別貴賤。每舉兵必率部長與獵。有獲則下馬環坐飲，割鮮而食。各問所見，擇取其長。初宋改元明道，元昊避父諱，稱顯道於國中。景祐元年，遂攻環慶路殺掠居人。下詔約束之。是歲改年開運，躡月，或告以石晉敗亡年號也。乃改廣民元年。母衛慕氏死，遣使來告哀。起復鎮軍大將軍，左金吾衛上將軍，員外置同正員。以內殿崇班閻門祇候王中庸為致祭使，起居舍人郭勸為弔贈兼起復官告使。慶州柔遠峽蕃部巡檢鬼

通攻破後橋諸堡。於是元昊稱兵報仇。緣邊都巡檢楊遵，柔遠峽監押盧訓，以兵七百與戰于龍馬嶺，敗績。環慶路都監齊宗矩走馬承受趙德宣，寧州都監王文援之。次節義峯，伏兵發，執宗矩。久之始放歸。二年，加兼中書令。遣其令公蘇奴兒將兵二萬五千攻唃廝囉，敗死。略盡。蘇奴兒被執。元昊自率眾攻猫牛城，一月不下。既而詐約和，城開乃大縱殺戮。又攻青唐安二宗哥帶星嶺諸城。唃廝囉部將安子羅以兵絕歸路。元昊晝夜角戰三百餘日。子羅敗，遂取瓜沙肅三州。元昊既還，欲南侵，恐唃廝囉制其後，復舉兵攻蘭州。諸羌侵至馬銜山，築城凡川。元昊既悉，有夏銀綬有靜靈鹽會勝耳涼瓜沙肅而洪定威龍皆即堡鎮號州，仍居興州。阻河依賀蘭山為固，始大建官，以鬼名守全，張陟，張絳，楊廓，徐敏宗，張文顯輩主謀議，以鍾鼎臣典文書，以成逋克成賞都臥移如定多馬寶惟吉主兵馬，野利仁榮主蕃學，置十二監軍司，委豪右分統其眾。自河北至午臘，蕩山七萬人以備契丹。河南洪州白豹安鹽州羅洛天都惟精山等五萬人以備環慶鎮戎原州左廂宥州路五萬人以備鄜延麟府。右廂甘州路三萬人以備西蕃回紇賀蘭。駐兵五萬。靈州五萬人與州與慶府七萬人為鎮守。總五十餘萬，而苦戰倚山訛。山訛者，橫山羌。平夏兵不及也。選豪族善弓馬五千人送直號六班直。月給米二石，鐵騎三千分十部發兵以銀牌召部長面受約束。設十六司于興州以總庶務。元昊自制蕃書，命野利仁榮演繹之。成十二卷，字形體方整，類八分而書，頗重復。教國人紀事用蕃書，而譯孝經爾雅四言雜字為蕃語。復改元大慶。宋寶慶元年，表遣使詰五臺山供佛寶，欲窺河東道路。與諸豪歃血約先攻鄜延。欲自靖德塞門砦赤城路三道並入。遂築壇受冊。即皇帝位。時年三十。遣潘七布昌里馬乞點兵集隄子山。自詣西涼府祠神。明年遣使上表曰：「臣祖宗本出帝胄，當東晉之末運，創後魏之初基。遠祖思恭，當唐季率兵拯難，受封賜姓，祖繼遷心知兵要，手握乾符，大舉義旗，悉降諸部。臨河五郡，不旋踵而歸。沿邊七州，悉差肩而克。父德明嗣奉世基，勉從朝命，真王之號，威感于頒宣。尺土之封，顯蒙於割裂。臣偶以狂斐，制小蕃文字，改大漢衣冠，衣冠既就，文字既行，禮樂既張，器用既備，吐蕃塔塔，張掖交河，莫不從伏。」

稱土則不喜，朝帝則是從，輻湊屢期，山呼齊舉，伏願一垓之土地，建爲萬乘之邦家，于時再讓靡遑，羣集又迫，事不得已，顯而行之，遂以十月十一日郊壇備禮，爲世祖始，文本武興法，建禮仁孝皇帝，國稱大夏，年號天授，禮法延祚，伏望皇帝陛下睿哲成人，寬慈及物，許以西郊之地，冊爲南面之君，敢竭愚庸，常教歡好，魚來鴈往，任傳鄰國之音，地久天長，永鎮邊方之患，至誠瀝懇，仰俟帝俞，謹遣弩涉俄疾，你斯悶，普令濟崖崖，妳委表以聞，詔削奪官爵，互市，揭榜于邊，募人能擒元昊者，斬首獻者，卽爲定難軍節度使，又遣賀永年齎書納旌節，及所授敕告置神，明臣留歸，懷族而去，康定元年，環慶路鈐轄高繼隆，知慶州，張崇俊，攻後橋，而于遠，皆主武英人，自北門拔之，未幾，夏人攻金明峯，執都監李士彬父子，破安遠寨，門丞平諸，嘗圍延州，設伏三川口，執劉平，石元孫，傅偃，劉發，石遜等，又攻鎮戎軍，敗劉繼宗，李緯兵五千，環慶部署任福入白豹城，焚其積聚，破四十一族，慶曆元年二月，攻渭州，偃懷遠城，韓琦，徽巡邊，至高平，盡發鎮戎兵，及募勇士得萬人，命行營總管任福等併擊之，都監桑慆爲前鋒，鈐轄朱觀，都監武英繼之，福中令持重，其夕宿三川，夏人已過懷遠，東南翌日，諸軍躡其後，西路巡檢常鼎，劉肅，與夏人對壘于張家堡，慆以騎兵趣之，福分兵，夕與慆爲一軍，屯好水川，川與能家川隔在隴山外，觀英爲一軍，屯龍洛川，相離五里，期以明日會兵，不使夏人一騎遁，然已陷其伏中矣，元昊自將精兵十萬營于川口，候者言夏人有砦數不多，兵益進，詰旦，福與慆循好水川西去，未至羊牧隆城，五里，與夏軍遇，慆爲先鋒，見道傍置數銀泥合，封鑿謹密，中有動躍聲，疑莫敢發，福至發之，乃懸唯家，鶴百餘，自合中起，盤飛軍上，於是夏兵四合，慆先犯，中軍繼之，自辰至午酣戰，陣中忽樹鮑老旗，長二丈餘，慆等莫測，既而鮑老揮右則右伏出，揮左則左伏出，翼而襲之，宋師大敗，慆，劉肅及福子懷亮皆戰沒，小校劉進勸，福自拔，福不聽，力戰死，初渭川都監趙津，將瓜亭塞騎兵三千餘爲諸將後繼，是日，朱觀武英兵會能家川，與夏人遇，陳合王珪自羊牧隆城以屯兵四千五百人助觀，略陣，陣堅不可動，英重傷不能出軍戰，自午至申，夏軍益至，東陣步兵大潰，衆遂奔，珪，英，津及參軍耿傳，隊將李簡，都監

李禹享，劉均皆死於陣，觀以千餘人保民垣，發矢四射，會暮夏軍引去，將校士卒死者萬三百人，關右震動，軍須日廣，三司告不足，仁宗爲之旰食，宋庠請修潼關以備衝突，夏人轉攻河東及麟府，不能下，乃引兵攻豐州，城孤無援，遂據之，又破寧遠砦，屯要害，絕麟府餉道，偕始請葉河外，保合河津，帝不許，會張元管勾麟府軍馬事，破之，千柏子，又破之，千兔毛川，元築十餘柵，河外始固，元昊雖數勝，然死亡創痍者相半，人困於點集財力不給，國中爲十不如之謠，以怨之，元昊乃歸塞門，皆主高延德，因乞和，知延州范仲淹爲書陳禍福以喻之，元昊使其親信野利旺榮復書，語猶慢，知延州龐籍言，夏境鼠食稼，且旱，元昊思納款，遂令知保安軍劉拯諭旺榮，言公方持靈夏兵，倘內附，當以西平茅土分冊之，知青澗城种世衡又遣王嵩以策及畫龜爲書，置蠟丸中，遺旺榮，諭以早歸之意，欲元昊得之，疑旺榮，旺榮得之，笑曰，种使君亦長矣，何爲此兒戲耶，囚嵩窖中，歲餘，知渭州王沿總管葛懷敏，使僧法淳持書往，而旺榮乃出嵩，與教練使李文貴至青澗城，自言用兵以來，資用困乏，人情便於和，籍疑其款吾軍，留之數月，三年，復大人戰于定州，宋師大敗，葛懷敏死之，直抵渭川，大焚掠而去，詔籍招納，籍遣文貴還，月餘，元昊使文貴與王嵩以其臣榮旺，其弟旺令，鬼名環臥，譽諍三人書議和，然屈彊不肯削僭號，且云如日方中，止可順天西行，安可逆天，東下，籍以其言未服，乃令自請，而詔籍復書許之，明年，遣六宅使伊州刺史賀從勛，與文貴俱來，猶稱男邦，泥定國，兀卒上書父大宋皇帝，更名囊霄，而不稱臣，兀卒卽吾祖也，如可汗號，議者以爲改吾祖爲兀卒，特以侮玩朝廷，不可許，詔遣邵良佐，張士元，張子頤，王正倫更往議，且許封冊爲夏國主，而元昊亦遣如定，聿捨張延壽，楊守素繼來，四年，始上誓表言，兩失和好，遂歷七年，立誓自今，願藏明府，其前日所掠將校民戶，各不復還，自此有邊人逃亡，亦毋得襲逐，臣近以本國城砦進納朝廷，其柶棧，鐮刀，南安承平，故地，及他邊境，蕃漢所居，乞畫中爲界，於內聽築城堡，凡歲賜銀綺絹茶二十五萬五千，乞如常數，臣不復以他相干，乞頒誓詔，蓋欲世世遵守，承以爲好，倘君親之義不存，或臣子之心渝變，使宗祀不承，子孫罹殃，詔答曰，朕臨制四海，廓地萬里，

西夏之土世以為昨今乃納忠悔咎表於信誓質之日月要之鬼神及諸子孫無有渝變申復懇至朕甚嘉之俯聞來誓一皆如約十二月遣尙書祠部員外郎張子頤充冊禮使東頭供奉官閻門祇候張士元副之仍賜對衣黃金帶銀鞍勒馬銀二萬兩絹二萬匹茶三萬斤冊以漆書竹簡藉以天下樂錦金塗銀印方二寸一分文曰夏國主印錦綵塗金銀牌緣冊法物皆銀裝金塗覆以紫繡約稱臣奉正朔改所賜敕書為詔而不名許自置官屬使至京就驛買賣宴坐朵殿使其國相見用賓客禮置榷場于保安軍及高平砦第不通青鹽然宋每遣使往館于宥州終不復至興靈而元昊帝其國中自若也是歲遼夾山部落呆兒族八百戶歸元昊興宗責還元昊不遣遂親將騎兵十萬出金肅城第天齊王馬步軍大元帥將騎七千出南路韓國王將兵六萬出北路三路齊河長驅興宗入夏境四百里不見敵據得勝寺南壁以待八月五日韓國王自賀蘭北與元昊接戰數勝之遼兵至者日益夏乃請和退十里韓國王不從如是退者三凡百餘里矣每退必藉其地遼馬無所食因許和夏乃遷延以老其師而遼之馬益病因急攻之遂敗復攻南壁興宗大敗入南樞王蕭孝友峇擒其鶻突姑附馬興宗從數騎走元昊縱其去元昊五月五日生國入以其日相慶賀又以四孟朔為節凡五娶一曰大遼與平公主二曰宣穆惠文皇后沒藏氏生諒祚三曰憲成皇后野力氏四曰妃沒噉氏五曰索氏元昊以慶曆八年正月殂年四十六在位十七年改元開運一年廣運二年大慶二年天授禮法延祚十一年諱曰武烈皇帝廟號景宗墓號泰陵宋遣開封府判官尙書祠部員外郎曹叔叔為祭奠使六宅使達州刺史鄧保信為弔慰使賜絹一千匹布五百端羊百口麩米各百石酒百瓶及葬仍賜絹一千五百匹餘如初賻子諒祚立諒祚景宗長子也小字寧令哥國語謂歡喜為寧令兩岔河名也母曰宣穆惠文皇后沒藏氏從元昊出獵至此而生諒祚遂名焉以慶曆七年丁亥二月六日生八年戊子正月方期歲即位四月遣尙書刑部員外郎任顛充冊禮使供備庫副使宋守約充副使冊諒祚為夏國主嘉祐元年母沒藏氏薨遣租儒鬼多卑則慶唐及徐舜卿來告哀詔以集賢校理馮浩假尙書刑部郎

中直史館為弔慰使文思副使張惟清假文思使副之乃獻遺留馬馳以謝諒祚幼養于母族訛龐訛龐因專國政初麟州西城枕睥睨曰紅樓下瞰屈野河其外距夏境尙七十里而田腴利厚多入訛龐歲東侵不已至耕種時輒屯兵河西經略使龐籍每戒邊將使毋得過屈野河然所距屈野河猶二十里管勾軍馬司賈逵檄循見所侵田稍過督邊吏麟州守王亮懼始以事聞詔以殿直張安世賈恩為同巡檢經制之訛龐晏然弗革迫之則格鬪緩之則歸耕經略司遣使還所侵田訛龐專為譟言無歸意嘉祐二年遂團兵宿境上逮三月增至數萬人守將斂兵弗與戰知麟州武戡築堡于河西以為保障役既興戡率將吏往按視遇夏人于沙鼠浪戡與管勾郭恩等欲止而走馬承受黃道元以言脅之遂夜進至臥牛峯見烽舉且鼓聲道元猶不信比明至忽里堆與夏人相去纔數十步遂合戰自旦至食時夏人四面合擊眾大潰戡走恩與道元及兵馬監押劉慶等被執安撫司遣李思道孫兆往議壇事而訛龐驚不聽久之太原府代州兵馬鈐轄蘇安靜得夏國呂寧拽浪掠黎來合議乃築埃九更新邊禁要以違約則罷和市自此始定諒祚忌訛龐專或告訛龐將叛諒詐討殺之夷其族已而請去蕃禮從漢儀嘉祐六年上書自言慕中國衣冠明年當以此迎使者詔許之明年又改西書監軍司為保泰軍石州監軍司為靜塞軍韋州監軍司為祥祐軍左廂監軍司為神勇軍遣人獻方物稱宣徽南院使詔諭非陪臣所宜稱戒其僭擬使遵誓詔表求太宗御製草詩隸書石本且進馬五十四求九經唐史冊府元龜及宋正至朝賀儀詔賜九經還所獻馬治平初求復榷場不許既而遣吳宗等來賀英宗即位詔令門見使者不從至順天門且欲佩魚及儀物自從引伴高宜禁之不可留止廡置一夕絕其供饋宗語不遜宜折之使如故事良久乃聽入及賜食殿門又訴於押伴張觀詔命遣赴延州與宜辨宗度理屈不復置對遂詔諒祚儼約之秋夏人出兵秦鳳涇原抄熟戶擾邊塞弓箭手殺掠人畜以萬計程戡王素孫長卿論安諸族首領防誘脇散叛遣文思副使王無忌齎詔問之諒祚遷延弗受已而因賀正使荔茂先獻表歸罪宋邊吏三年遂大舉攻大順城分兵圍柔遠砦燒屈乞村柵段木積州兵

熟戶蕃官趙明合擊退之。遣西京左藏庫副使何次公詰之。三月，乃獻方物謝罪。賜絹五百匹，銀五百兩。神宗卽位，乃遣內殿崇班魏瑋賜以治平三年冬服銀絹，供備庫副使高遵裕告哀，并以英宗遺留物賜之。秋，夏國遣使奉慰，及進助山陵。冬，种諤取綏州，因發兵夜掩寇名山帳，脇降之。諒祚乃詐爲會議，誘知保安軍楊定都巡檢侍其臻等殺之。邊吏以聞，命韓琦知永興軍，經略西方。諒祚餽送殺定者六宅使李崇貴、右侍禁韓道善及虜去定子仲通。十二月，諒祚殂。年二十一。在位二十年。改元延嗣寧國一年。天祐垂聖三年。福聖承道四年。禪都六年。拱化五年。諡曰昭英皇帝。廟號毅宗。墓號安陵。子秉常立。

宋史卷四百八十五

元中書右丞相總裁脫脫等修
列傳第二百四十五

外國二

夏國下

秉常毅宗之長子，母曰恭肅章憲皇后梁氏。治平四年冬，卽位。時年七歲，梁太后攝政。熙寧元年三月，遣新河北轉運使刑部郎中薛宗道等來告哀。神宗問殺楊定事，宗道言殺人者先已執送之矣。乃賜詔慰之，并諭令上大首領數人姓名，當辭祿之。俟崇貴至，卽行冊禮。及崇貴至，云定奉使諒祚，常拜稱臣。且許以歸沿邊熟戶諒祚遺之寶劍寶鑑及金銀物，初定之歸，上其劍鑑而匿其金銀。言諒祚可刺帝喜，遂擢知保安。既而夏人失綏州，以爲定賣已，故殺之。至是事露，帝薄崇貴等罪而削定官，沒其田宅萬計。二年二月，遣河南監牧使劉航等冊秉常爲夏國主。三月，夏人入秦州，陷劉溝堡，殺范愿，既而進蕃表，乞班誓詔，及請以安遠塞門二砦易綏州。初，朝儀欲官爵夏之首領，計分其勢，郭逵以爲彼必不受詔，且彼既恭順，宜布以大信，不當誘之以利。秉常果不奉詔，遣都羅重進來言曰：上方以孝治天下，奈何反教小國之臣叛其君哉？於是前議遂罷。乃賜誓詔，而綏州待得二砦酒環，夏主受冊而二砦不歸。且欲先得綏州，遣罔訛訛以誓詔來言，及趙高往交地，罔訛訛對以朝廷本欲得二砦，地界非所約。高曰：若然，塞門二牆墟耳。安用之？遂罷詔。城綏州八月，表請去漢儀，復用蕃禮。從之。十月，遣使來謝封冊。三年五月，夏人號十萬築鬧訛堡，知慶州李復圭合蕃漢兵纔三千，偏遣偏將李信劉甫种詠等出戰，信等訴以衆寡不敵，復圭威以節制親畫陣圖方略授之，兵進遂大敗。復圭懼，欲自解，卽執信等而取其圖略。命州官李昭用劾以故違節制，詠瘦死獄中，斬信甫，配流郭貴，復出兵邛州堡，夜入欄浪市，掠老幼數百，又襲金湯，而夏人已去。惟殺其老幼一二百人，以功告捷，而邊怨大起矣。八月，夏人遂大舉入環慶，攻大順城，柔遠砦，荔原堡，淮安鎮，東谷西谷二砦，業樂鎮兵多者號二十萬，少者不下一二萬，屯榆林，距慶

州四十里，游騎至城下九日，乃退。鈴轄郭慶高，敏魏慶宗，秦勃等死之。四年正月，种諤謀取橫山，領兵先城囉兀，進築永樂川，貫連嶺二砦，分遣都監趙璞，燕達，築撫寧，故城，及分荒堆三泉，吐渾川，開光嶺，葭蘆川四砦，與河東路脩築，各相去四十餘里。二月，夏人來攻順寧砦，復圍撫寧，折繼昌，高永能等擁兵駐細浮圖，去撫寧咫尺，囉兀兵勢尙完，种諤在綏德，節制諸軍，聞夏人至，茫然失措，欲作書召燕達戰，怖不能下筆，顧轉運判官李南公涕泗不已。於是新築諸堡悉陷，將士千餘人皆沒。初，朝議以諤新築囉兀城，去綏德百餘里，偏梁險狹，難於餽餉，且城中無井泉，遣李評張景憲往視之，未至而撫寧陷，遂詔葉囉兀城。五月，燕達以戍卒輜重歸自囉兀，爲夏人邀擊，達多失亡。九月，夏遣使入貢，且以二砦易綏州，乞如舊約，詔不允。五年正月，夏鈴轄結勝爲麟州步將王文郁戰降，授供奉官。久之，謀竄歸，事覺，詔聽其去。六月，夏人還荔原堡，挑背熟戶鬼通等七十八人，閏七月，遣部將景思立王存以涇原兵出南路，王韶由東谷徑趨武勝，未至十餘里，逢夏人戰，遂至其城，瞎藥塞城夜遁，大首領曲撒四王阿南珂出奔，乃城武勝。十二月，遣使進馬，贖大藏，經詔賜之，而還其馬。八年三月，夏人以索蕃漢部盜人畜投南界者，牒熙河經略司，請高太尉赴三岔堡會議，牒稱大安二年，乃詔鄜延經略司令牒宥州問妄稱年號，且牒非其地，分邊臣會議，皆違越生事，是必夏主不知，請問之。夏人進奉山陵後期，詔令先至，永厚陵設祭，後至闕奉慰，帝謂輔臣曰：元昊昔僭號，遣使上表稱臣，其辭猶遜，朝廷不先詰其所以，然而遽絕之，縱邊民蕃部討虜，故元昊嘗自謂爲諸羌所立，不得辭，朝廷不得命，不得已而變，西師亟戰，戰敗天下騷然，仁宗悔之，當元昊僭書來，獨諫官吳育謂難以中國叛臣處之，或可稍易以名號，議者皆以爲不然。卒困中原，而後歲賜封冊爲夏國主，良可惜哉。元豐二年六月，夏人自滿堂川入大會平，殺防田人馬，兵官李浦等逼逐出塞。九月，綏德把截楊永慶聲徹循邊，而掩取蕃部首級，詐言斬犯邊人，詔毀永慶出身文字，送西京編管。四年四月，有李將軍清者本秦人，說秉常以河南地歸宋，國母知之，遂誅清而奪秉常政，鄜延總管种諤乃疏秉常遇弑國內亂，宜與師問罪，此千載一時之會，帝然

之遂遣王中正往鄜延環慶稱詔募禁兵從者將之詔熙河李憲等以乘常見囚大舉征夏及詔論夏國鬼名諸部首領能拔身自歸及相率共誅國讎當崇其爵賞敢有違拒者誅九族八月中正及諤言涇原環慶會兵取靈州復討與州麟府鄜延先會夏州取懷州渡會與州憲總七軍及重兵三萬至新市城遇夏人戰敗之王中正出麟州禱辭自言皇帝親征提兵六萬才行數里即奏已入夏境屯白草平九日不准環慶經略使高遵裕將步騎八萬七千涇原總管劉昌祚將卒五萬出慶州諤將鄜延及畿內兵九萬三千出綏德城九月諤圍米脂夏人來救戰于無定川大破之斬首五千級十月遂克米脂降守將令分詔馮進攻石州中正以河東軍度無定河循水北行地皆沙濕土馬多陷沒遂繼討趨夏川而民皆潰軍無所得遵裕至清遠軍攻靈州夏人決黃河灌營復抄絕餉道士卒凍溺死餘兵纔萬三千人遂歸夏人追戰將官俞平死之中正至宥州奈王井糧盡士卒死亡者已二萬乃引軍還諤兵無食會大雪死遂瀆入塞者纔三萬人昌祚遇夏人于磨騰隘夏之拒者二二萬人昌祚乃分兵渡葫蘆河奪其隘與統軍國母弟梁大王戰遂大破之憲營于天都山下焚夏之南牟內殿并其館庫追襲其統軍仁多唆丁敗之擒百人遂班師涇原總兵侍禁魯福彭孫護鏡餉至鳴沙川與夏人三戰敗績初夏人聞宋大舉梁太后問策于廷諸將少者盡請戰一老將獨曰不須拒之但堅壁清野縱其深入聚勁兵于靈夏而遣輕騎抄絕其餉運大兵無食可不戰而困也梁后從之宋師卒無功五年正月遣使涿州遺書云夏國來稱宋兵起無名不測事端神宗報以夏國主受宋封爵昨邊臣言乘常見為母黨囚辱比令移問事端其同惡不報繼又引兵數萬侵犯我邊界義當有征今彼以屢遭敗衄故遣使請情陳露意在聞貳想彼必以悉察夏人聞此遂不至五月沈括請城古烏延城以包橫山使夏人不得絕沙漠遂遣侍中徐禧內侍押班李舜舉往議禧復請于銀夏宥之界築永樂城永樂依山無水泉獨種諤極言不可禧率諸將竟城之賜名銀川營禧等還米脂以兵萬人屬曲珍守之永樂接宥州附橫山夏人必爭之地禧等既城去九日夏人來攻珍使報禧乃挾李舜舉來援而夏兵至者號三

十萬禧登城西望不見其際宋軍始懼翌日夏兵漸逼禧乃以士萬障城下坐誰門執黃旗令眾曰視吾旗進止夏人縱鐵騎渡河或曰此號鐵鷄子當其半濟擊之乃可有得地則其鋒不可當也禧不聽鐵騎既濟震盪衝突大兵從之禧師敗績將校寇偉李思古高世才夏儼程博古及使臣十餘輩士卒八百餘人盡沒詔李憲張世矩往援及令括遣人與約退軍當還永樂地夏人進侵及麟門潰歸城者決水砮為道以登夏人因之奔歸于城者三萬人皆沒夏兵圍之者厚數里遊騎掠米脂將士晝夜血戰城中乏水已數日鑿井不得泉渴死者大半括等援兵及餽運皆為夏大兵所隔夏人呼球來講和呂整景思義相繼而行夏人斃思義囚之而城圍者已浹旬矣夜半夏兵環城急攻城遂陷高永能戰沒禧舜舉運使李稷皆死於亂兵惟曲珍王湛李浦呂整裸跣走免蕃部指揮馬貴獨奮死持刀殺數十人而沒是役也死者將校數百人士卒役夫二十餘萬夏人乃耀兵米脂城下而還宋自熙寧用兵以來凡得葭蘆吳保義合米脂浮圖寨門六堡而靈州永樂之役官軍熟羌義保死者六十萬人錢粟銀絹以萬數者不可勝計帝臨朝痛悼而夏人亦困弊夏西南都統昂星鬼名濟迺移書劉昌祚曰中國者禮樂之所存恩信之所出動止猷為必適于正若乃聽誣受間肆詐聘兵侵人之土疆殘人之黎庶是乖中國之體為外邦之羞昨者朝廷暴興甲兵大窮侵討蓋天子與邊臣之議為夏國方守先誓宜出不虞五路進兵一舉可定故去年有靈州之役今秋有永樂之戰然較其勝負與前日之議為何如哉朝廷於夏國非不經營之五路進討之策諸邊肆橈之謀皆嘗用之矣知微幸之無成故終於樂天事小之道況夏國提封一萬里帶甲數十萬南有干闥作我歡鄰北有大燕為我強援若乘間伺使角力競鬪雖自祖宗之世事中國之禮無或虧貢聘不敢怠而邊吏幸功上聽致惑祖宗之盟既阻君臣之分不交存亡之機發不旋踵朝廷豈不恤哉至於魯國之憂不在顛與隋室之變生於楊感此皆明公得於胸中不待言而後喻今天下倒垂之望正在英才何不進讜言闢邪議使朝廷與夏國歡好如初生民重見太平

豈獨夏國之幸。乃天下之幸也。昌祚上其書。帝喻答之。六年二月。夏人大舉圍

蘭州。已奪兩關門。鈐轄王文郁集死。士七百夜縋城而下。持短兵突營。遂拔去。

五月。復來圍。九日大戰。待禁章禁死之。乃解去。閏六月。遣使讓簡咩。迷乞過來。

貢表曰。夏國累得西蕃征王子書。稱南朝與夏國交戰歲久。生靈荼毒。欲擬通

枉。緣夏國先曾請所陵疆土不從。以來未便輕許。西蕃再遣使散入昌郡丹星

等。到國。稱南朝語言計會。但當遣使齎表。自令引赴南朝。切念臣自歷世以來。

貢奉朝廷。無所虧怠。至於近歲。尤甚歡和。不意儼人誣聞。朝廷特起大兵。侵奪

疆土。城壁因茲構怨。歲致交兵。今乞朝廷示以大義。特還所侵。倘垂開納。別效

忠勤。乃賜詔曰。頃以權強。敢行廢辱。朕用震驚。令邊臣往問。匿而不報。王師徂

征。蓋討有罪。今遣使造庭。辭禮恭順。仍聞國政。悉復故常。益用嘉納。已戒邊吏

毋輒出兵。爾亦其守先盟。遂詔陝西河東經略司。其新復城砦。徵循毋出。三二

里。夏之歲賜如舊。七年正月。圍蘭州。李憲戰却之。六月。攻德順軍。巡檢王友戰

死。九月。圍定西城。燒森谷。族帳。遂以十月攻至靜邊。鈐轄彭孫敗之。殺其首領

仁多。噶丁。十二月。攻清遠。隊將白玉李貴死之。八年三月。神宗崩。賜以遺留物。

夏人攻葭蘆。供奉王英戰死。七月。遣使丁擊鬼名。謀鐸副使呂則陳。聿精等來

奠慰。十月。遣芭夏鬼名。濟賴昇。聿張。聿正。進助山陵。禮物。夏國主母梁氏。壽計

至。以朝散郎刑部郎中杜紘充祭奠使。東頭供奉官閻門祗候王有言充弔慰

使。夏以主母遺留物來進。元祐元年二月。始遣使入貢。五月。遣鼎利罔豫章來

賀哲宗即位。六月。復遣訛囉聿來求所侵蘭州米脂等五砦。使未至。蘇轍兩疏

請因其請地而與之。司馬光言。此邊鄙安危之機。不可不察。夏之役。本由我

起。新開數砦。皆是彼田。今既許其內附。豈宜斬而不與。彼必曰。新天子即位。我

卑辭厚禮。以事中國。庶幾歸我。侵疆。今猶不許。則是恭順無益。不若以武力取

之。小則上書悻悻。大則攻陷新城。當此之時。不得已而與之。其為國家之恥。無

乃甚於今日乎。羣臣猶有見小志。大守近遺遠。惜此無用之地。使兵連不解。為

國家之憂。願決聖心。為兆民計。時異議者衆。唯文彥博與光合。遂從之。秋七月

乙丑。彙常租時年三十六。在位二十年。改元乾道二年。天賜禮感國慶五年。大

安十一年。天安禮定一年。諡曰康靖皇帝。廟號惠宗。墓號獻陵。子乾順立。

乾順。惠宗之長子也。母曰昭簡文穆皇后梁氏。生三歲即位。元祐元年十月。以

父殂。遣使呂則罔。聿謀等來告哀。詔自元豐四年。用兵所得城砦。待歸我。陷執

民。當畫以給還。乃遣金部員外郎穆衍充祭奠使。供備庫使張楸充弔慰使。夏

遣使進馬。馳來賀龍興節。二年正月。遣權樞密院都承旨公事劉泰世為冊禮

使。崇儀副使崔象先副之。冊乾順為夏國主。仍節度西平王。三月。夏遣大使映

吳。鬼名論密副使廣樂毛示聿等。詰大皇太后進馳馬。以謝奠慰。七月。夏人攻

鎮戎軍諸堡。劉昌祚等禦之而退。三年三月。攻德靖砦。諸將米贊。郝普戰死。詔

劉昌祚以涇原萬人駐德順軍。熙河五千人駐通遠軍。據秦鳳要害。以為犄角。

夏人遂攻森谷砦。砦兵及東關堡。巡檢等戰不利。死者幾百人。四年二月。始遣

使謝封冊。六月。稍歸永樂所獲人。遂以葭蘆米脂浮圖安。置四砦與之。而畫界

未定。遣崇儀使董正叟如京。使李玩押賜夏國生日禮物及冬服。七月。坤成節

十二月。與龍節。皆遣使來賀。五年六月。夏人來言。畫疆界者不依綏州內十里

築堡鋪。供耕牧。外十里立封埃。作空地。例以辨兩國界。詔曰。已諭邊臣。如約。夏

之封界。當亦體此。冬。攻蘭州之質孤勝如堡。既而遣使來賀。正旦。六年七月。遣

使來賀。坤成節。九月。圍麟府。三日。殺掠不計。鄜延都監李儀等盡沒。七年。屢攻

綏德城。以重兵壓涇原境。留五旬。大掠。築壘于沒煙峽口。以自固。游師雄請自

蘭州。李諾平東。抵通遠定西。通渭之間。建汝。遮納。迷結。珠龍三砦。及置護耕七

堡。以固藩籬。移行請於質孤勝。如二堡之間。城李諾平以控要害。議未決。秦鳳

都監康謂以為夏之所以未臣附而屢肆兵者。以我勢分於隄備。兵未練而賞

罰失當耳。若擇銳結伍。伺彼之動。聚則先擊。散則復襲。則彼分而我聚。以衆擊

寡。可得志也。詔謂詰闕。而下其事於諸道。八年四月。復遣使以蘭州一境。易塞

門二砦。詔數其違順。不常而却。其請。紹聖元年二月。夏進馬。助太皇太后山陵

復遣使再議。易地。詔不允。三年九月。大入鄜延。西自順寧。招安。砦。東自黑水。安

定。中自塞門。龍安。金明以南。二百里間。相繼不絕。至延州北。五里。十月。忽自長

城。一日馳至金明。列營環城。國主子母親督將。縱騎四掠。知麟州有備。復還

金明而後騎之精銳者留龍安邊將悉兵掩擊不退金明乃破守兵二千八百人惟五人得脫城中糧五萬石草千萬束皆盡將官皇城使張俞死之既還留一書置漢人頸上曰貸汝命為我投於經略使處其言曰夏國昨與朝廷議疆場惟有小不同方行理究不意朝廷改悔却於坐圍鋪處立界本國以恭順之故亦罪勉聽從遂於境內立數堡以護耕而鄭延出兵悉行平蕩又數數入界殺掠國人共憤欲取延州終以恭順止取金明一砦以示兵鋒亦不失臣子之節也延帥呂惠卿上手樞密院而不以聞初哲宗聞夏人來寇泰然笑曰五十萬眾深入吾境不過十日勝不過一二砦須去已而果破金明引退四年正月涇原都鈐轄王文振率諸將破沒煙峽斬砦斬獲三千餘級二月夏復以七萬眾攻綏德鄭延將兵戰退之元符元年十二月涇原折可適掩夏西壽統軍鬼名阿里監軍妹勒都通獲之彗星見乾順赦國中二年正月國母梁氏薨遣使蕭德崇來為夏人議和乃復書謂若果出至誠深悔謝罪當徐度所宜開以自新之路五月夏蘭會正鈐轄革瓦壤以部落來降授內殿崇班賜銀絹緡錢各三百七月環州种朴徵赤羊川獲賞囉訛乞家屬百五十餘口孳畜五千夏人千餘騎來追戰却之擒監軍訛勃囉及首領淚丁訛遇詔令赴闕存恤訛乞家屬又遣人持其家信號往招之九月夏人來告國母哀因上表謝過詔夏主省所上表能抗章引慝已論邊臣我疆彼界毋相侵犯已而夏以二千騎出浮圖谷來戰供奉官陳告差使李戡死之閏九月古邈川部族叛熙河將王愨率兵掩擊翌日夏人馬數萬圍愨等力戰敗之擒其鈐轄鬼名乞遇統制苗履又戰於青唐嵬夏人敗績十二月遂遣今能嵬名濟等進誓表曰臣國久不幸時多遇凶兩經母黨之擅權累為奸臣之竊命頻生邊患增怒上心費端既深理訴難達幸凶黨伏誅雅躬反正遐馳懇奏陳前谷之所歸乞紹先盟果淵衷之俯納故班詔而申諭獲貢誓以輸誠謹當飭疆吏而承絕爭端戒國人而常遵聖化違約則凶咎再降背盟則基緒非延約束事條恭依處分詔報曰爾以凶黨造謀數千邊吏而能悔過請命祈紹先盟念彼種人均吾赤子措之安靜乃副朕心嘉爾自新俯從厥志爾無爽約朕不食言自今已往歲賜仍舊三年正

月哲宗崩徽宗即位九月夏遣使來奠慰及賀即位十月復遣使來賀天寧節建中靖國元年乾順始建國學設弟子員三百立養賢務以廩食之崇寧三年蔡京秉政使熙河王厚招夏國卓羅右廂監軍仁多保忠厚云保忠雖有歸意而下無附者章數上不聽京愈責厚急乃遣弟詰保忠許還為夏之邏者所獲遂追保忠赴牙帳厚以保忠縱不為所殺亦不能復領軍政使得之一匹夫耳何益於事京怒必令金帛招致之夏乃點兵延渭慶三路各數千騎出沒聲言假兵于遼矣三年遼以成安公主嫁乾順四年詔西邊能招致者毋問首從賞同斬級令用京計也陶節夫在延州大加招誘乾順遣使罪請皆拒之又令殺其牧放者夏人遂入鎮戎略數萬口執知廓州高承年而去又攻涇州自是兵連者三年大觀元年始遣人脩貢政和四年冬環州定遠大首領夏人李訛嚙以書遺其國統軍梁嘒嚙曰我居漢二十年每見春廩既虛秋庚未積糧草轉輸倒給空券方春未秋土有饑色若捲甲而趨徑搆定遠唾手可取定遠既得則旁十餘城不攻而下矣我儲穀累歲闕地而藏之所在如是大兵之來斗糧無甯可坐而飽也嗚嗚遂以萬人來迎轉運使任諒先知其謀募民盡發窖穀咳嗽圍定遠失所藏越七日訛嚙遂以其部萬餘歸夏乾順築臧底河城遂詔河東節度使童貫為陝西經略以討之五年春遣熙河經略劉法將步騎十五萬出涇州秦鳳經略劉仲武將兵五萬出會州貫以中軍駐蘭州為兩路聲援仲武至清水河築城屯守而還法與夏人右廂軍戰於古骨龍大敗之斬首三千級貫奏凱皆遷秩秋仲武王厚復合涇原鄜延環慶秦鳳之師攻夏臧底河城敗績死者十四五秦鳳第三將全軍萬人皆沒厚懼厚賂貫而置之冬夏人以數萬騎略蕭關而去六年春劉法劉仲武合熙秦之師十萬攻夏仁多泉城三日不克援後期不至城中請降法受其降而屠之獲首三千級种師道以十萬眾復攻臧底河城克之十一月夏人大舉攻涇原靖夏城時久無雪夏先使數萬騎繞城蹙塵漲天兵對不覩乃潛穿壕為地道入城中城遂陷復屠之而去宣和元年童貫復逼劉法使取朔方法不得已引兵二萬出至統安城遇夏國主第察哥即君率步騎為三陣以當法前軍而別遣精騎登山出其後大戰

移七時。前軍楊惟忠。敗入中軍。後軍焦安節。敗入左軍。朱定國力戰。自朝及暮。兵不食而馬亦渴死多。法乘夜遁。比明走七十里。至盧朱峴。守兵見追之。墜崖折足。爲一別贖軍斬首而去。是役死者十萬。實隲其敗。而以捷聞。察哥見法首。惻然語其下曰。劉將軍前敗我於古骨龍。仁多泉。吾常避其鋒。謂天生神將。豈料今爲一小卒。梟首哉。其失在恃勝輕出。不可不戒。遂乘勝圍震武。劉仲武何璿等赴之。乃解去。震武在山峽中。熙泰兩路不能餉。自築三歲間。知軍李明孟清。皆爲夏人所殺。初。夏人陷法軍。圍震武。欲拔之。察哥曰。勿破此城。留作南朝病塊。乃自引去。而宣撫司受解圍之賞者數百人。實自去之也。諸路所築城砦。皆不毛。夏所不爭之地。而關輔爲之蕭條。果如察哥之言。十月。夏遣使來賀天寧節。投以誓詔。不取。實不能屈。但迫館伴強之使持還。及邊。遂棄之而去。賈炎得而上之。實始大沮。欽宗即位。遣使來賀正旦。先是金人滅遼。黏罕遣撒母使夏國。許割天德雲內金肅河清四軍及武州等八館之地。約攻麟州。以牽河東之勢。靖康元年三月。夏人遂由金肅河清渡河。取天德雲內武州河東八館之地。四月。陷震威城。兵馬監押朱昭死之。繼而金貴人兀室以數萬騎陽爲出獵。掩至天德。遣逐夏人。悉奪有其地。夏人請和。金人執其使。歲丁未。乾德改元。正德。時建炎元年也。是歲九月。金帥兀朮回雲中。遣保靜軍節度使楊天吉約侵宋。乾順許之。十月。通問使傅芻見金左監軍希尹于雲中。希尹以國書授芻。爲夏國請熙寧以來侵地。蓋彼既奪其地。乃責償于宋以報之。二年正月。以主客員外郎謝亮爲陝西撫諭使兼宣諭使。從事郎何洋爲太學博士。持詔書賜乾順。亮西入關。鄜延經略使王庶遺亮書曰。大夫出疆。有可以安社稷利國家者。專之可也。夏國爲患小而緩。金人爲患大而急。方其控銳熙河。奔北鄜延。秋稼未登。兵士困餓。閣下苟能仗節督諸路協同義舉。雖未足盡雪舊恥。亦可驅逐渡河。全秦奠枕。徐圖恢復。亮不能用。遂由環慶入西夏。慶歷後。夏國主書以賓禮見使者。亮至。乾順乃倨然見之。留居幾月。始與約和罷兵。亮歸而夏之兵已躡其後。襲取定邊軍。明年。亮還行在。二月。金帥叟宿連陷長安鳳翔。隴右大震。夏人謀知關陝無備。遂檄延安府。言大金割鄜延以隸本國。須當理索。敢違

拒者。發兵誅討之。師臣王庶檄報曰。金人初犯本朝。嘗以金肅河清界爾。今誰與守。國家以奸臣貪得。不恤鄰好。遂至于此。貪利之臣。何國無之。豈意夏國躬蹈覆轍。比聞金人欲自涇原徑擣興靈。方切寒心。不圖尙欲乘人之急。募府雖士卒單寡。然類皆節制之師。左支右吾。尙堪一戰。果能辦此。何用多言。因遣謀間其用事臣李遇。夏人竟不出。是歲開封尹宗澤奏疏請北伐。且言乞遣辯士西說夏國。東說高麗。俾出助兵。二年。知樞密院事張浚使川陝。謀北伐。欲通夏國爲援。奏請國書。詔從之。七月。浚西行。復以主客員外郎謝亮假太常卿權宣府。處置司參議官。再使夏國。四年正月。浚遣亮往。迄不得其要領而還。十月。環慶路統制慕洵叛降于夏國。紹興元年二月。同州觀察副使劉惟輔棄德順軍。輸款于夏。夏人拒不受。八月。詔以夏本敵國。毋復班曆。十一月。川陝宣撫副使吳玠始遣人通夏國書。二年九月。呂頤浩言。聞金夏交惡。夏國屢遣人來吳玠。欲誅之餘。親父子通入夏國。夏人以其兵少不納。四年十二月。吳玠奏夏國數通書。有不忘本朝意。五年。乾順改元大德。七年正月。吳璘奏西蕃二十八族首領趙繼忠來歸。用可扼西夏右臂。十月。僞齊知同州李世輔謀執金帥撒里曷歸宋。不克。遂奔夏。世輔父母親族在延安者。金人殺之無遺類。九年。夏人陷府州。靈芝生於後堂。高守忠家。乾順作靈芝歌。俾中書相王仁宗和之。乾順以世輔爲靜難軍承宣使。鄜延岐雍等路經略安撫使。世輔請兵將報延安之役。夏主俾先討別種酋豪。號青面夜叉者。世輔擒之以報乾順。乃爲出兵。遣文臣王樞武臣曩訛等隨之。世輔軍至延安。撒里曷走耀州。世輔購得害其父母者殺之。東城聞金人降。赦歸宋。河南地乃說王樞等降宋。曩訛不從。世輔抽刀斫之。不中。遂縛樞命王晞韓護送行在。五月丙午。世輔以其衆三千人歸宋。授世輔護國承宣使。樞密行府前軍都統制。賜名顯忠。六月四日。乾順殂。年五十七。在位五十四年。改元天儀。治平四年。天祐民安八年。永安三年。貞觀十三年。雍寧五年。元德八年。正德八年。大德五年。諡曰聖文皇帝。廟號崇宗。墓號顯陵。子仁孝嗣。仁孝。崇宗長子也。紹興九年六月。崇宗殂。即位。時年十六。十月。

詔還王樞及夏國之俘百九十人十一月仁孝尊其母曹氏為國母十二月納后閔氏十年夏改元大慶三月詔胡世將與夏人議入貢夏人不報十一年六月夏樞密使慕容洵弟慕濬謀反伏誅仁孝上尊號曰制義去邪十一年九月夏國饑十三年三月地震逾月不止地裂泉湧出黑沙歲大饑乃立井里以分振之十三年夏改元人慶始建學校於國中立小學于禁中親為訓導十四年彗星見坤宮五十餘日而滅占其分在夏國十五年八月夏重大漢太學親釋奠弟子員賜予有差十六年尊孔子為文宣帝十七年改元天感策舉人始立唱名法十八年復建內學選名儒主之增脩律成賜各鼎新二十八年始立通濟監鑄錢二十九年歸宋官李宗閣上書言夏國副使屈移嘗兩使南朝以為衣冠禮樂非他國比怨金人叛盟奪其所與地此其情可見壬子歲黏罕嘗聚兵雲中以窺蜀夏人謂將圖己舉國屯境上以待其至今誠遣辯士往說之夏國必不難出兵庶足為吾聲援以圖恢復書奏不報三十年夏封其相任得敬為楚王三十一年立翰林學士院以焦景顏王侖等為學士俾脩實錄金主亮犯四川宣撫使吳璘檄西夏俾合兵討之三十二年夏國移置中書樞密於內門外大禁奢侈始封制蕃字師野利仁榮為廣惠王夏人聞金人南侵以騎兵二千至蔡園川及馬家嶼充頭嶺將分道入攻宣撫使吳璘戎軍守將秦弼說諭之金兵敗夏人乃還乾道三年五月夏國相任得敬遣間使至四川宣撫司約共攻西蕃虞允文報以蠟書七月得敬間使再至宣撫司夏人獲其帛書傳至金人四年夏改元乾祐得敬以謀篡伏誅淳熙十三年二月諜報故遼國大石牙林假道于夏以伐金密詔利西都統制吳挺與制置使留正議之十三年四月復詔挺結夏國當時論議可否及夏人從違史皆失書紹熙四年九月二十日仁孝殂年七十在位五十五年改元大慶四年人慶五年天感二十一年乾祐二十四年諡曰聖德皇帝廟號仁宗陵號壽陵子純佑嗣

純佑仁宗長子也母曰章獻欽慈皇后羅氏仁宗殂即位時年十七明年改元天慶開禧二年正月二十日廢遂殂年三十在位十四年諡曰昭簡皇帝廟號桓宗陵號莊陵鎮夷郡王安全立安全崇宗之孫越王仁友之子開禧二年正

月廢其主純佑自立明年改元應天嘉定四年八月五日安全殂年四十二在位六年改元應天四年皇建二年諡曰敬穆皇帝廟號襄宗陵號康陵有子曰承禎齊國忠武王彥宗之子大都督府主遵頊立 遵頊始以宗室策試進士及第為大都督府主嘉定四年七月三日立時年四十九改元光定金衛紹王崇慶元年三月遣使冊為夏國王七年夏左樞密使萬慶義勇遣二僧齋蠟書來西邊欲與共圖金人復侵地制置使黃誼不報其後金人南遷議徙都長安遣元帥赤盞以重兵宿鞏州夏主畏其侵迫乃遣樞密使都招討寧子寧忠翼赴蜀聞議夾攻秦鞏蠹子述俾利西安撫丁煇答書飭將吏嚴兵以待時嘉定十二年三月也子述尋罷去煇持議不可輕動師不可出十二月寧子寧遣使復申前說且責我以失期時安丙再開宣閩許之命利州副都統程信任其責十三年八月寧子寧以師期來告丙遂決意出師以秦蜀聞諸朝不待報可命將大舉卒無功夏人寧子寧窺各公輔亦率其眾歸國十四年正月丙回利州十六年遵頊自號上皇傳位於其子德旺寶慶二年春遵頊殂年六十四改元光定十三年諡曰英文皇帝廟號神宗丙戌七月德旺殂年四十六改元乾定四年廟號獻宗清平郡王之子南平王覲立二年丁亥秋為大元所取國遂亡

夏之境土方二萬餘里其設官之制多與宋同朝賀之儀雜用唐宋而樂之器與曲則唐也河之內外州郡凡二十有二河南之州九曰靈曰洪曰宥曰銀曰夏曰石曰鹽曰南威曰會河西之州九曰興曰定曰懷曰永曰涼曰甘曰肅曰瓜曰沙熙秦河外之州四曰西寧曰樂曰廓曰積石其地饒五穀尤宜稻麥甘涼之間則以諸河為溉與靈則有古渠曰唐涼曰漢源皆支引黃河故灌溉之利歲無旱澇之虞其民一家號一帳男年登十五為丁率二丁取正軍一人每負擔一人為一抄負擔者隨軍雜役也四丁為兩抄餘號空丁願隸正軍者得射他丁為負擔無則許射正軍之疲弱者為之故壯者皆習戰鬪而得正軍為多凡正軍給長生馬駝各一團練使以上帳一弓一箭五百馬一橐駝五旗鼓槍劍棍柶抄袋披氈渾脫背索鐵鑊斤斧箭牌鐵瓜篋各一刺史以下無帳無

旗鼓人各囊駝一箭三百幕梁一兵三人同一幕梁幕梁織毛爲幕而以木架有砲手二百人號潑喜陔立旋風砲於囊駝鞍縱石如拳得漢人勇者爲前軍號撞令郎若脆怯無他伎者遷河外耕作或以守肅州有左右廂十二監軍司曰左廂神勇曰石州祥祐曰宥州嘉寧曰韋州靜塞曰西壽保泰曰卓囉和南曰右廂朝順曰甘州甘肅曰瓜州西平曰黑水鎮燕曰白馬強鎮曰黑山威福諸軍兵總計五十餘萬別有擒生十萬與靈之兵精練者又二萬五千別副以兵七萬爲資贍號御圍內六班分三番以宿衛每有事於西則自東點集而西於東則自西點集而東中路則東西皆集用兵多立虛設伏兵包敵以鐵騎爲前軍乘善馬重甲刺不入用鈎索絞聯雖死馬上不墜遇戰則先出鐵騎突陣陣亂則衝擊之步兵挾騎以進戰則大將居後或據高險其人能寒暑饑渴出戰率用隻日避晦日齋糧不過一旬弓皮弦矢沙柳絳惡雨雪晝舉煙揚塵夜篝火以爲候不恥奔遁敗三日輒復至其處提人馬射之號曰殺鬼招魂或縛草人埋於地衆射而還篤信機鬼尙詛祝每出兵則先卜卜有四一以艾灼羊脾骨以求兆各灸勃焦二辨竹子地若撲著以求數謂之辨算三夜以羊焚香祝之又焚藪火布靜處晨屠羊視其腸胃通則兵無阻心有血則不利四以矢擊弓弦審其聲知敵至之期與兵交之勝負及六畜之災祥五穀之凶稔俗皆土屋惟有命者得以瓦覆之

論曰拓跋氏考諸前史可見也自赤辭納款於貞觀立功於天寶思恭以宥州著節於咸通夏雖未稱國而王其土久矣子孫歷王五代宋興太祖卽西平王加彝與太尉德明在祥符間已追帝其父於國中逮元昊始顯稱帝厥後因之與金同亡概其歷世二百五十八年雖嘗受封冊于宋宋亦稱有歲幣之賜普詔之答要皆出於一時之言其心未嘗有臣順之實也元昊結髮用兵凡二十年無能折其強者乾順建國學設弟子員三百立養賢務仁孝增至三千尊孔子爲帝設科取士又置官學自爲訓導觀其陳經立紀傳曰不有君子其能國乎今史所載追尊謚號廟號陵名兼採夏國樞要等書其與舊史有所抵牾則闕疑以俟知者焉

宋史卷四百八十六

元 中 書 右 丞 相 總 裁 脫 脫 等 修

列傳第二百四十六

外國三

高麗

高麗本曰高句驪，禹別九州，屬冀州之地，周爲箕子之國，漢之玄菟郡也。在遼東，蓋扶餘之別種，以平壤城爲國邑。漢魏以來，常通職貢，亦屢爲邊寇。隋煬帝再舉兵，唐太宗親駕伐之，皆不克。高宗命李勣征之，遂拔其城，分其地爲郡縣。唐末中原多事，遂自立君長。後唐同光天成中，其主高氏累奉職貢。長興中，權知國事王建承高氏之位，遣使朝貢，以建爲玄菟州都督，充大義軍使，封高麗國王。晉天福中，復來朝貢，開運二年，建死，子武襲位。漢乾祐末，武死，子昭權知國事。周廣順元年，遣使朝貢，以昭爲特進檢校太保，使持節玄菟州都督，大義軍使，高麗國王，顯德二年，又遣使來貢，加開府儀同三司，檢校太尉，又加太師。建隆三年十月，昭遣其廣評侍郎李與祐副使李勵希判官李彬等來朝貢。四年春，降制曰：古先哲后，奄宅中區，曷嘗不同文軌於萬方，覃聲教於四海。顧予涼德，猥被鴻名，爰致賓王，宜優錫命，開府儀同三司，檢校太師，玄菟州都督，充大義軍使，高麗國王，昭，日邊鍾粹，遠左推雄，習箕子之餘風，撫朱蒙之舊俗，而能占雲候海，奉贊充庭，言念傾輸，實深嘉尚，是用賜之懿號，疇以公田，載推柔遠之恩，式獎拱辰之志。於戲！來朝萬里，美愛戴之有孚，柔撫四封，庶混并之無外。永保東裔，聿承天休，可加食邑七千戶，仍賜推誠順化保義功臣，其年九月，遣使時贊等來貢，涉海值大風，船破溺死者七十餘人，贊僅免，詔加勞恤，開寶五年，遣使以方物來獻，制加食邑，賜推誠順化守節保義功臣，進奉使內議侍郎徐熙加檢校兵部尚書，副使內奉卿崔都加檢校司農卿，並兼御史大夫，判官廣評侍郎康禮試少府少監，錄事廣評員外郎劉隱加檢校尚書金部郎中，皆厚禮遣之。昭卒，其子伯權領國事。九年，伯遣使趙遵禮奉土貢，以父沒當承襲，來聽朝旨，授伯檢校太保，玄菟州都督，大義軍使，封高麗國王，太宗卽位，加

檢校太傅，改大義軍爲大順軍，遣左司禦副率于延超司農寺丞徐昭文使其

國，伯遣國人金行成入就學於國子監，太平興國二年，遣其子元輔以夏馬方

物兵器來貢，其年，行成擢進士第，三年，又遣使貢方物兵器，加伯檢校太師，以

太子中允直舍人院張洎著作郎直史館，中正爲使，四年，復遣供奉官閣門

祇候王僊使其國，五年六月，再遣使貢方物，六年，又遣使來貢，七年，伯卒，其弟

治知國事，遣使金全奉金銀線，屬錦袍，金銀飾刀劍弓矢，名馬香藥來貢，且

求襲位，授治檢校太保，玄菟州都督，充大順軍使，封高麗國王，以監察御史李

巨源禮記博士孔維奉使，雍熙元年，遣使韓遂齡以方物來貢，二年，加治檢校

太傅，遣翰林侍書王著侍讀呂文仲充使，三年，出師北伐，以其國接壤契丹境，常

爲所侵，遣監察御史韓國華質詔諭之曰：朕誕膺丕構，奄宅萬方，華夏蠻貊，罔

不率俾，蓋茲北裔，侵敗王略，幽薊之地，中朝土疆，晉漢多虞，黃絲盜據，今國家

照臨所及，書軌大同，豈使齊民陷諸曠俗，今已董齊師旅，殄滅妖氛，惟王久慕

華風，素懷明略，效忠純之節，撫禮義之邦，而接彼邊疆，懼於叢毒，舒泄積憤，其

在茲乎，可申戒師，徒送相角，協比鄰國，同力盪平，奮其一鼓之雄，戡此垂亡

之寇，良時不再，王其圖之，應俘獲生口牛羊財物器械，並給賜本國將士，用申

賞勸，先是契丹伐女真國，路由高麗之界，女真意高麗誘導構禍，因貢馬來，懇

于朝，且言高麗與契丹結好，倚爲勢援，剽略其民，不復放還，洎高麗使韓遂齡

入貢，太宗因出女真所上告急木契，以示遂齡，仍令歸白本國，還其所俘之民，

治聞之憂懼，及國華至，令人言於國華曰：前歲冬末，女真馳木契來告，稱契丹

興兵入其封境，恐當道未知，宜豫爲之備，當道與女真雖爲鄰國，而路途遐遠，

彼之情僞，素知之矣，貪而多詐，未之信也，其後又遣人告曰：契丹兵騎已濟梅

河，當道猶疑不實，未暇營救，俄而契丹雲集，大擊女真，殺獲甚衆，餘族散逃，

遁而契丹壓背追捕，及于當道西北，德昌德威化光化之境，倖擒而去，時有

契丹一騎至德米河北，大呼闕城戍卒而告曰：我契丹之騎也，女真寇我邊鄙，

率以爲常，今則復仇已畢，整兵回矣，當道雖聞師退，猶憂不測，乃以女真避兵

來奔二千餘衆，資給而歸之，女真又勸當道控梅河津，築治城壘，以爲防遏。

之備亦以為然方令行視與功不意女真潛師奄至殺略吏民驅掠丁壯沒為奴隸轉徙他方以其歲貢中朝不敢發兵報怨豈期反相誣構以惑聖聽當遣世稟正朔踐修職貢敢有二心交通外國况契丹介居遼海之外復有大梅小梅二河之阻女真渤海本無定居從何徑路以通往復橫罹譏諷憤氣填膺日月至明諒垂昭鑒聞者女真逃難之衆罔不存恤亦有授以官秩尚在當國其職位高者有勿屈尼于那元尹能達那老正衛迦耶夫等十數人欲望召赴京闕與當道入貢之使庭辯其事則丹石之誠庶幾昭雪國華諾之乃命發兵西會治遷延未即奉詔國華屢督之得報發兵而還具錄女真之事以奏焉十月遣使朝貢又遣本國學生崔罕王彬詣國子監肄業端拱元年加治檢校太尉以考功員外郎兼侍御史知雜呂端起居舍人呂祐之為使二年遣使來貢詔其使選官侍郎韓蘭卿副使兵官郎中魏德柔並授金紫光祿大夫判官少府丞李光授檢校水部員外郎先是治遣僧如可質表來覲請大藏經至是賜之仍賜如可紫衣令同歸本國淳化元年三月詔加治食邑千戶遣戶部郎中柴成務兵部員外郎直史館趙化成往使其國俗信陰陽鬼神之事頗多拘忌每朝廷使至必擇良月吉辰方具禮受詔成務在館踰月乃遣書於治曰王奕葉藩輔尊獎王室凡行大慶首被徵章今國家特馳信使以申殊寵非止歷川塗之綿綿亦復蹈浪海之艱危皇朝賤遇斯亦隆矣而乃牽於禁忌泥於卜數眩惑日者之浮說稽緩天子之命書惟典冊之垂文非卜祝之能曉是以書稱上日不推六甲之元辰禮載仲冬但取一陽之嘉會然古訓足以明稽所宜改圖速拜君賜黨鳳紆無滯克彰拱極之誠則龍節有輝免貽辱命之責謹以誠告王其聽之治覽書慚懼遣人致謝焉霖雨不止仍以俟霽為請成務復遣書以責之治翌日乃出拜命二年遣使韓彥恭來貢彥恭表述治意求印佛經詔以藏經并御製秘藏銓遺遙詠蓮華心輪賜之四年正月治遣使白思柔貢方物并謝賜經及御製二月遣秘書丞直史館陳靖秘書丞劉式為使加治檢校太師仍降詔存問軍吏耆老靖等自東牟趣八角海口得思柔所乘海船及高麗水工即登舟自芝岡島順風泛大海再宿抵瓊津口登陸行百六十里抵

高麗之境曰海州又百里至閩州又四十里至白州又四十里至其國治迎使于郊盡藩臣禮延留靖等七十餘日而還遣以襲衣金帶金銀器數百兩布三萬餘端附表稱謝先是三年上親試諸道貢舉人詔賜高麗賓貢進士王彬崔罕等及第既授以官遣還本國至是靖等使回治上表謝曰學生王彬崔罕等入朝習業蒙恩並賜及第授將仕郎守秘書省校書郎仍放歸本國竊以當道荐修貢奉多歷歲年蓋以上國天高遐荒海隔不獲躬赴金闕叩玉階唯深拱極之誠莫展來庭之禮彬罕等幼從匏繫嗟混迹於嶠夷不憚蓬飄早賓王於天邑緼袍極褐玉粒桂薪堪憂食貧若為卒歲皇帝陛下天慈照毓海量優容豐其館穀之資助以藝文之業去歲高懸軒鑑大選魯儒彬罕接武澤宮敢萌心於中鵠濫中英域空有志於羨魚陛下以其萬里辭家十年觀國俾登名於桂籍仍命秩於芸臺憫其懷土之心慰以倚門之望別垂宸旨令歸故鄉玄造曲成鴻恩莫報臣不勝感天戴聖之至又有張仁銓者進奉使白思柔之孔目吏也上書獻便宜思柔意其持國陰事以告仁銓懼不敢歸上命靖等領以還國仍詔治釋仁銓罪治又上表謝曰官告國信使陳靖劉式奉傳聖旨以當道進奉使從行孔目官張仁銓至闕輒進便宜翻懷憂懼今附使臣帶歸本國者仁銓峴宅細民海門賤吏獲趁上國敢貢愚誠罔思狂瞽之尤輒奏權宜之事妄塵旒冕上贖朝廷今者仰奉綸言釋其罪罟小人趨利豈虞僭越之求聖主寬恩遠降哀矜之命其張仁銓者已依詔旨放罪令掌事如故又上言願賜板本九經書用教儒教許之先是式等復命治遣使元證衍送之證衍至安香浦口值風損船溺所寶物詔登州給證衍文據遣還仍賜治衣段二百疋銀器二百兩羊五十口五年六月遣使元郁來乞師燧以契丹寇境朝廷以北鄙甫寧不可輕動干戈為國生事但賜詔慰撫厚禮使其遣還自是受制于契丹朝貢中絕治卒第誦立嘗遣兵校徐遠來候朝廷德音遠久不至咸平三年其臣吏部侍郎趙之邁命牙將朱仁紹至登州偵之州將以聞上特召見仁紹因自陳國人思慕皇化為契丹羈制之狀乃賜誦鈿函詔一道令仁紹賈還六年誦遣使戶部郎中李宜古來朝謝恩且言晉割燕薊以屬契丹遠有路趣玄菟

屢來攻伐，求取不已。乞王師屯境上，爲之牽制。詔書優答之。誦卒，第詢權知國事。先是契丹既襲高麗，遂築六城，曰興州，曰鐵州，曰通州，曰龍州，曰龜州，曰郭州。于境上，契丹以爲貳己，遣使來求六城，詢不許。遂舉兵奄至城下，焚蕩宮室，剽劫居人，詢徙居昇羅州以避之。兵退，乃遣使請和。契丹堅以六城爲辭，自是調兵守六城。大中祥符三年，大舉來伐，詢與女真設奇邀擊，殺契丹殆盡。詢又于鴨綠江東築城，與來遠城相望，跨江爲橋，潛兵以固新城。七年，方遣告奏使御事工部侍郎尹證古以金線織成龍鳳鞍并繡龍鳳鞍幪各二幅，細馬二疋，散馬二十疋，來貢。證古還，賜詢詔書七通，并衣帶銀線鞍勒馬等。八年，詔登州置館於海次，以待使者。其年，又遣御事民官侍郎郭元來貢。元自言本國城無垣牆，府曰開城，管六縣，民不下三五千。有州軍百餘，置十路轉運司統之。每州管縣五六，小者亦三四。每縣戶三四百。國境南北千五百里，東西二千里。軍民雜處，隸軍者不黥面，方午爲市，不用錢，第以布米貿易。地宜秔稻，風俗頗類中國。無羊羖羝，水牛驢氣候少寒，暑差多。有僧無道士。民家器皿悉銅爲之。樂有二品，曰庫樂，曰鄉樂。三歲一試舉人，有進士諸科，算學每試百餘人。登第者不過一二十。每正月一日，五月五日，祭祖禩廟。又正月七日，家爲王母像戴之。二月望，僧俗燃燈，如中國上元節。上巳日，以青艾染餅爲盤蓋之冠，端午有鞦韆之戲。士女服尙素，地產龍鬚席，藤席，白唾紙，鼠狼尾筆。元辭貌恭恪，每受宴賜，必自爲謝表，粗有文采，朝廷待之亦厚。九年，辭還，賜詢詔書七函，襲衣金帶，器幣鞍馬，及經史曆日聖惠方等。元又請錄國朝登科記及所賜御詩以歸。從之。天禧元年，遣御事刑官侍郎徐訥奉表獻方物于崇政殿，又賀封建壽春郡王。三年九月，登州言高麗進奉使禮賓卿崔元信至秦王水口，遭風覆舟，漂失貢物。詔遣內臣撫之。十一月，元信等入見，貢蜀錦衣褥烏漆甲金飾長刀七首。蜀錦鞍馬紵布藥物等。又進中布二千端，求佛經一藏。詔賜經還布，以元信覆溺匱乏，別賜衣服繒綵焉。明州登州屢言高麗海船有風漂至境上者，詔令存附，給度海糧道，仍爲著例。五年，詢遣告奏使御事禮部侍郎韓祚等一百七十九人來謝恩，且言與契丹修好，又表乞陰陽地理書聖惠方，並賜之。金行成。

者累官至殿中丞，治表乞放還，行成自以筮仕朝廷，不願歸本國。又以父母垂老在海外，旦暮思念，恨祿不及，令工圖其像置正寢，與妻史氏居旁室，晨夕定省上食，未嘗少懈。淳化初，通判安州，被病，知州李範與僚佐數人省之，行成病已篤，泣且言曰：行成外國人，爲朝官佐郡政，病且死，未有以報主恩，雖瞑目固已遺恨。二子宗敏宗訥皆幼，家素貧，無他親可依。旦暮委溝壑矣。未幾，行成死，其妻養二子，誓不嫁，織屨以給，範表其事，詔以宗敏補太廟齋郎，令安州月給其家錢叁緡，米五斛，長吏歲時存問。又高麗信州永寧人康戡，字休祐，父允三，世爲兵部侍郎，戡少好學，時紇升與契丹交兵，戡從允戰木葉山下，連中二矢，神色不變，後陷契丹，適居墨斗嶺，又至黃龍府，間道得歸高麗，時允猶在開寶中，允遣戡隨貢肄業國學。太平興國五年，登進士第，解褐大理評事，知湘鄉縣，再遷著作佐郎，知江陰軍江州，歷官以清白幹力聞，改太常博士，蘇易簡在翰林，稱其吏才，命爲廣南西路轉運副使，賜緋魚，就遷正使，再轉度支員外郎，戶部判官，出知峽越二州，連被詔襲其能政，又爲京西轉運使，加工部郎中，賜金紫，戡所至好行事，上章多建白，以竭誠自任。景德三年卒，真宗特以其子希齡爲太常寺奉禮郎，給奉終喪。乾興元年二月，祚等辭歸國，賜詢如故事。會真宗是駕，又贖遺物以賜詢。天聖八年，詢復遣御事民官侍郎元頴等二百九十三人奉表，入見於長春殿，貢金器銀劍刀劍鞍勒馬香油人參細布銅器櫛黃青鼠皮等物。明年二月，辭歸，賜子有差，遣使護送至登州，其後絕不通中國者四十三年。詢孫徽嗣立，是爲文王。熙寧二年，其國禮賓省移牒福建轉運使羅拯云：本朝商人黃真洪萬來稱，運使奉密旨，令招接通好，奉國王旨意，形于鄙述。當國僻居場谷，邈戀天朝，頃從租徧以來，素願梯航，相繼叢爾平壤，邇于大遼，附之則爲睦鄰，疎之則爲勍敵，慮邊疆之弗息，蓄陸襲以靡遑，久困羈縻，難圖擣貳，故違述職，致有積年，屢卜雲祥，雖美聖辰於中國，空知日遠，如迷舊路，於長安，運屬垂鴻，禮稽展慶，大朝化覃無外，度韜包荒，山不謝乎織埃，海不辭於支派，謹當遵尋通道，端赴稿街，但茲千里之傳聞，恐匪重霄之紆卷，今以公狀附真葛西遷，俟得報音，即備禮朝賀，微又自言嘗夢至中華，作詩紀其事。三

年。拯以開朝廷議者亦謂可結之以謀契丹。神宗許焉。命拯諭以供擬膜厚之意。徽遂遣民官侍郎金悌等百十人來。詔待之如夏國使。往時高麗人往反皆自登州。七年。遣其臣金良鑑來言。欲遠契丹。乞改塗由明州詣闕。從之。郡縣供頓無舊準。頗煩民。詔立式頒下。費悉官給。又以其不還華言。恐規利者私與交關。令所至禁止。徽問遺二府甚厚。詔以付市易務。俾錄帛答之。又表求醫藥。畫塑之工。以教國人。詔羅拯募願行者。九年。復遣崔思訓來。命中貴人做都亭西驛。例治館待之。優厚。其使來者亦益多。嘗獻伶官十餘輩。曰。夷樂無足觀。止欲潤色國史。爾帝以其國尚文。每賜書詔。必選詞臣著撰。而擇其善者。元豐元年。始遣安燾。兼左諫議大夫。陳睦。假起居舍人。往聘。造兩艦於明州。一曰。凌虛。安濟。致遠。次曰。靈飛。順濟。皆名為神舟。自定海絕洋而東。既至。國人歡呼出迎。徽具袍笏。玉帶拜受。詔與燾睦。尤禮。館之別宮。標曰。順天館。言尊順中國如天云。徽已病。僅能拜命。且乞醫藥。二年。遣王舜封。挾醫往診治。徽又使柳洪來謝。海中遇風。失所貢物。洪上章自劾。救書安慰。尋獻日本所造車。曰。諸侯不貢車服。故不敢與土貢同。前此貢物至。輒下有司估直。償以萬緡。至是。命勿復估。以萬緡為定數。六年。徽卒。在位三十八年。治尚仁恕。為東夷良主。然猶循其俗。王女不下嫁。臣庶必歸之。兄弟宗族貴臣亦然。次子運。諫以為既通上國。宜以禮革故習。徽怒。斥之于外。計聞。天子閔焉。詔明州修浮屠供一月。遣楊景略。王舜封。祭奠。錢總。宋球。弔慰。景略。辟李之儀。書狀。帝以之儀。文稱不著。宜得問學。博洽器宇。整秀者。召赴中書。試以文。乃遣。又以遠服不責其備。論使者以相見之所。殿名。鷓鴣。皆聽勿避。徽子順王勳。嗣。百日卒。第宣王運。仁賢好文。內行飭備。每買客市書。至則潔服焚香對之。八年。遣其弟僧統來朝。求問佛法。并獻經像。哲宗立。遣使金上琦。奉慰。林暨致賀。請市刑法之書。太平御覽。開寶通禮。文苑英華。詔惟賜文苑英華一書。以名馬錦綺金帛報其禮。運立四年。卒。子懷王堯嗣。未開歲。以病不能為國。國人請其叔父鷓鴣林公熙。衛攝政。未幾。堯。熙乃立。凡數歲。使不至。元祐四年。其王子義天。使僧壽介至杭州。祭亡僧。言國母使持二金塔。為兩宮壽。知州蘇軾。奏却之。語在軾傳。熙後避遼主諱。改名顯。顯性貪吝。好

奪商賈利。富室犯法。輒久廢責贖。雖微罪亦輸銀數斤。五年。復通使。賜銀器五千兩。七年。遣黃宗慤來。獻黃帝鍼經。請市書甚眾。禮部尚書蘇軾言。高麗入貢。無絲髮利。而有五害。今請諸書。與收買金箔。皆宜勿許。詔許買金箔。然卒市冊。府元龜。以歸。元符中。遣士賓貢。徽宗立。遣任懿。王徽來弔賀。崇寧二年。詔戶部侍郎劉遠。給事中吳拭。往使。顯卒。子侯嗣。貢使接踵。且令士子金瑞等五人入太學。朝廷為置博士。政和中。升其使為國信禮。在夏國上與遼人皆隸樞密院。改引伴押伴官。為接送館伴。賜以大晟燕樂。邊豆。簠。尊。尊。尊。等器。至真使者。于睿。謀殿中。宣和四年。侯卒。初。高麗俗。兄終弟及。至是。諸弟爭立。其相李資深。立侯子楷來告哀。詔給事中路。尤迪。中書舍人傅墨。卿奠慰。侯之在位也。求醫於朝。詔使二醫往。留二年而歸。楷語之曰。聞朝廷將用兵。伐遼。遼兄弟之國。存之足為邊扞。女真狼虎耳。不可交也。業已然。願二醫歸報天子。宜早為備。歸奏其言。已無及矣。欽宗立。賀使至明州。御史胡舜陟言。高麗靡敵國家五十年。政和以來。人使歲至。淮浙之間。苦之。彼昔臣事契丹。今必事金國。安知不窺我虛實。以報。宜止勿使來。乃詔留館於明。而納其贄幣。明年。始歸國。自王徽以降。雖通使不絕。然受契丹封冊。奉其正朔。上朝廷及他文書。蓋有稱甲子者。歲貢契丹。至於六。而誅求不已。常云。高麗乃我奴耳。南朝何以厚待之。使至其國。尤倨暴。向修貢事。高麗表謝。其略曰。中國三甲子。方得一朝。大邦一周天。每修六貢。契丹悟。乃得免。高宗即位。慮金人通於高麗。命迪。功。即胡蠡。假宗正少卿。為高麗國使。以問之。蠡之回。史失書。二年。浙東路馬步軍都總管楊應誠。上言。由高麗至女真。路甚徑。請身使三韓。結鷓鴣林。以圖迎二聖。乃以應誠。假刑部尚書。充高麗國信使。浙東帥臣翟汝文。奏言。應誠。欺罔。為身謀耳。若高麗辭以金人。亦請問津。以窺吳越。其將何辭。以對。萬一辱命。取笑遠夷。願毋遣。應誠聞之。遂與副使韓衍。書狀。官孟健。由杭州浮海。以行。六月。抵高麗。論其王楷。以所欲為。楷曰。大朝自有山東路。蓋不由登州。往。應誠曰。以貴國路徑耳。楷有難色。已而命其門下侍郎。傅儔。至館中。果對如翟汝文言。應誠曰。女真不善水戰。儔曰。彼常於

海道往來。況女真舊臣本國。今反臣事之。其強弱可見矣。居數月。復遣其中書侍郎崔洪宰知樞密院金富弼持前議不贊。謂二聖今在燕雲。大朝即盡納土。未必可得。何不練兵與戰。終不奉詔。應誠留兩月餘。不得已。見楷於壽昌門。受其拜表而還。十月。至闕。入對言狀。上以楷負國恩。怒甚。尚書右丞朱勝非曰。彼鄰金人。與中國隔海。利害甚明。曩時待之過厚。今安能責其報也。右僕射黃潛善曰。以巨艦載精兵數萬。徑擣其國。彼寧不懼勝非曰。越海與師。燕山之事。可爲近鑒。上怒解。十一月。楷遣其臣尹彥頤奉表謝罪。詔以二聖未歸。燕設不宜用樂。乃設幕殿門外。命客省官吳得與伴賜酒。命書舍人張激押伴。如禮遣還。三年八月。上謂輔臣曰。聞上皇遣內臣宮女各二人。隨高麗貢使來。朕聞之。悲喜交集。呂頤浩曰。此必金人之意。不然。高麗必不敢安知非窺我虛實。以報。於是詔止之。略曰。王緬守基圖。夙同文軌。乃附乘桴之信。嗣修貢篚之恭。惟忠順之無他。質神明而靡愧。屬關聞聽。良用數嘉。言念晚年。實爲多故。舉中原之生聚。遭強敵之震驚。既涉境以深。深猶稱兵而未已。茲移仗衛。暫駐江湖。如行使之果來。恐有司之不戒。俟休邊境。當閉聘期。壞晉館以納車。庶無後悔。閉漢關而謝質。非用前規。想彼素懷。知吾誠意。紹興元年十月。高麗將入貢。禮部侍郎柳約言。四明殘破之餘。荒蕪單弱。恐起戎心。宜屯重兵以俟。其至十一月。詔柳約奉使高麗。不果行。二年閏四月。楷遣其禮部員外郎崔惟清。閣門祇候沈起入貢。金百兩。銀千兩。綾羅一百疋。人參五百斤。惟清所獻亦三之一。上御後殿引見。賜惟清起金帶二。答以溫詔遣還。是月。定海縣言。民亡入高麗者約八十人。願奉表還國。詔候到日。高麗綱首卓榮等量與推恩。十二月。聞高麗遣知樞密院事洪彝敘等六十五人來貢。議以臨安府學館其使。言者謂雖在兵間。不可無學。恐爲所窺。詔以洪惠寺爲同文館以待之。既而卒不至。六年。高麗持牒官金稚圭至。明州。賜銀帛遣之。懼其爲金間也。三十二年三月。高麗綱首徐德榮詣明州。言本國欲遣賀使。守臣韓仲通以聞。殿中侍御史吳芾奏曰。高麗與金人接壤。昔稚圭之來。朝廷懼其爲間。亟遣還。今兩國交兵。德榮之請。得無可疑。使其果來。猶恐不測。萬一不至。貽笑遠方。詔止之。隆興二年四月。明州

言。高麗入貢。史不書。引見日。恐同彝敘之詐。其後使命遂絕。慶元間。詔禁商人持銅錢入高麗。蓋絕之也。初。高麗入使。明越困於供給。朝廷館遇燕資。賜予之費。以鉅萬計。饋其主者不在焉。我使之行。每乘二神舟。費亦不貲。三節官吏糜爵。捐廩。皆仰縣官。昔蘇軾言于先朝。謂高麗入貢有五害。以此也。惟是國於吳會。事異東都。昔高麗入使。率由登萊。山河之限甚遠。今直趨四明。四明距行都限一浙水耳。由海道奉使高麗。瀾漫汪洋。洲嶼險阻。遇黑風。舟觸礁。輒敗。出急水門。至羣山島。始謂平達。非數十日不至也。舟南北行。遇順風。則歷險如夷。至不數日。其國東西二千里。南北五百里。西北接契丹。特鴨綠江以爲固。江廣三百步。其東所臨海水清澈。下視十丈。東南望明州。水皆碧玉。居開州。蜀莫郡曰開成府。依大山置宮室。立城壁。各其山曰神嵩。民居皆茅茨。大止兩椽。覆以瓦者才十二。以新羅爲東州。樂浪府。號東京。百濟爲金州。金馬郡。號南京。平壤爲鎮州。號西京。西京最盛。總之。凡三京。四府。八牧。郡百有十八。縣鎮三百九十。洲島三千七百。郡邑之小者。或只百家。男女二百十萬口。兵民僧各居其一。地寒多山。土宜松柏。有杭黍。麻麥。而無秫。以杭爲酒。少絲蠶。匹練直銀十兩。多衣麻紵。王出乘車。駕牛。歷山險。乃騎紫衣行前。捧護國仁王經以導。出令曰。教曰。宣臣民呼之曰聖。上私謂曰。嚴公。后妃曰宮主。百官名稱階勳功臣。檢校。頗與中朝相類。過御史臺。則下馬。違者有劾。士人以族望相高。柳崔金李四姓爲貴種。無宦者。以世族子爲內侍。六衛。歲十二月朔。王坐紫門小殿。注官。外官則付國相。有國子監四門學。學者六千人。貢士三等。王城曰土貢。郡邑曰鄉貢。他國人曰賓貢。間歲試于所屬。再試于學。所取不過三四十人。然後王親試。以詩賦論三題。謂之簾前重試。亦有制科宏詞之目。然特文具而已。士尙聲律。少通經。王城有華人數百。多閩人。因買船至者。密試其所能。誘以祿仕。或強留之。終身朝廷使至。有陳牒來訴者。則取以歸。百官以米爲奉。皆給田納祿。半給。死乃拘之。國無私田。民計口授業。十六以上。則充軍。六軍三衛。常留官府。三歲以選。戍西北。半歲而更。有警則執兵。任事則服勞。事已復歸農畝。王亦有分地。以供私用。王母妃主世子。皆受湯沐。田上下。以買販利入爲事。日中爲虛。用米布貿易。地

產銅不知鑄錢中國所子錢藏之府庫時出傳翫而已崇寧後始學鼓鑄有海東通寶重寶三韓通寶三種錢然其俗不便也兵器疎簡無強弩大刀崇尚釋教雖王子弟亦常一人爲僧信鬼拘陰陽病不相視飲不撫棺貧者死則露置中野歲以建子月祭天國東有穴號歲神常以十月望日迎祭謂之八關齋禮儀甚盛王與妃嬪登樓大張樂宴飲買人曳羅爲幕至百疋相聯以示富三歲大祭祠遍其封內因是斂民財而王與諸臣分取之祖廟在國門之外大祭則具車服冕圭親祠王城有佛寺七十區而無道觀大觀中朝廷遣道士往乃立福源院置羽流十餘輩俗不知醫自王俱來請醫後始有道其術者人首無枕骨背扁側男子巾幘如唐裝婦人鬢髻垂右肩餘髮被下約以絳羅貫之簪旋裙重疊以多爲勝男女自爲夫婦者不禁夏月同川而浴婦人僧尼皆男子拜樂聲甚下無金石之音既賜樂乃分爲左右二部左曰唐樂中國之音也右曰鄉樂其故習也堂上設席升必脫屣見尊者則膝行必跪應必唯其拜無不答子拜父猶半答其禮性仁柔惡殺不屠宰欲食羊豕則包以蒿而燔之刑無慘酷之科唯惡逆及罵父母者斬餘皆杖肋外郡刑殺悉送王城歲以八月減囚死罪貸流諸島累赦抵輕重原之自明州定海遇便風三日入洋又五日抵墨山入其境自墨山過島嶼詰曲巉石間舟行甚駛七日至禮成江居兩山間東以石峽湍激而下所謂急水門最爲險惡又三日抵岸有館曰碧瀾亭使人由此登陸崎嶇山谷四十餘里乃其國都云